

XIV. a. 21 2 vols

484. 2 vol


2 vols

458

38

Modd

~~458~~



JOANNIS FRIDERICI SCHANNAT VINDEMIÆ LITERARIÆ,

HOC EST VETERUM MONUMENTORUM AD GERMANIAM SACRAM PRÆCIPUE SPECTANTIUM COLLECTIO SECUNDA QUA CONTINENTUR

- | | |
|--|---|
| I. Traditiones Veteres Cœnobii S. Petri Erfordiæ | VIII. Necrologium Eccles. Collegiatæ Winpinensis. |
| II. Excerpta ex Necrologio ejusdem Cœnobii. | IX. Anonymi Vita B. Lamberti Can. Regg. Novi-Operis juxta Halas Saxonicas, primi Præpositi. |
| III. Anonymi Chronicon Wirtembergense | X. Translatio Reliquiarum S. Alexandri Martyris, ad idem Novi Operis Monasterium. |
| IV. Anonymus de Origine & Abbatibus Cœnobii Combergensis | XI. Joannis Tylich Monasterii S. Mauritii extra muros Nuemburgenses Præpositi, Chronicon Missnense. |
| V. Necrologium Monasterii S. Michaelis Bambergæ | XII. Anonymi series Chronologica Episcoporum Virdunensium. |
| VI. Burchardi de Hallis Chronicon Ecclesiæ Collegiatæ S. Petri Winpinensis | XIII. Diplomata & Epistolæ Variæ. |
| VII. Dietheri de Helmeſtat Continuatio ejusdem Chronici. | |

CUM FIGURIS ÆNEIS.



Ad Conventum Monacens. FULDÆ & LIPSIAE, *ad. Ed. J. P. Augusti.*
Apud MAUR. GEORG. WEIDMANNUM,
SACR. REG. POL. MAJEST. ET ELECT. SAXONIÆ
BIBLIOPOLAM, ANNO MDCC XXIV.

VINDÆMIAE LITERARIÆ.

HOC EST



VETERUM MONUMENTORUM AD GERMANIAM SACRAM PRÆCIPUE SPECTANTIVM COLLECTIO SECUNDA

CUM CONVENIATUR

- I. Traditiones Veteres Caraboli & Pami Will. Necrologium Eckel Collegium Win-
tensium
- II. Epistola ex Necrologio quodam Co-
nobilis
- III. Anonymi Chronicon Wintensium
- IV. Anonymi de Origine & Abbatibus
Caraboli Cambracensis
- V. Necrologium Monachali & Michaeli
Bambergen
- VI. Buchardus de Halls Chronicon Ecclesie
Collegium & Pami Wintensium
- VII. Diction de la langue Compendio quod
dam Chronicon
- X. Transcriptiones Manuscriptae Alexandri
Patriarchae Constantinopolitani
- XI. Manuscriptum de Monumentis Martinianis
in unum collectum & descriptum
- XII. Anonymi fides Chronologica Episto-
larum Vindensium
- XIII. Diplomata & Epistole Vind.

CUM FIGURIS ENCAUSTICIS

APUD MAUR. GEORG. WEIDMANNUM
SACR. REG. POMMERAN. REFLECT. SAXON. LIBRARIUM
LIPSIÆ MDCCLXXV.



A. C. Lunen/schloz delineavit

Wormann. sculpsit Casely. 1723

PRÆFATIO.



D Nundinas Autumnales transmittimus, pro more, VINDEMIAS nostras, quas, sicut non Veremur respui ut plane Inspidas, sic etiam non jactamus ut Exquisitas, illis proinde semper Opus erit Hedera, quam & hic præfigimus.

I. Traditiones Veteres Cœnobii S. Petri Erfordiæ.

II. Excerpta ex Necrologio ejusdem Cœnobii.

Duo hæc Antiquitatis Monumenta, quæ se Invicem Illustrant, debeo cum aliis multis, Eximiæ in me Benevolentiæ Reverendissimi & Amplissimi D. PLACIDI Abbatis, qui tam in Spiritualibus, quam in Temporalibus hujus sui Celeb. Monasterii, hodie verus & providus est Pater. Quam proficuæ autem sint hæc Donationum Tabulæ, iis præsertim qui Genealogias Illustres indagant & contextunt, docebunt nos propediem ea quæ de Comitibus de Gleichen & de Kirchberg, Vir Eruditus quidam jam dudum meditatur. Nobis inter cœtera Notanda occurrunt, Dies Ordinationis Henrici I. Archi-Episcopi Moguntini, ab ipso met expressus in Charta sub Num. III. & qui inter Sacras Reliquias recensentur sub Num. VII. *Capilli S. Adelhaidis Reginae*, Ottonis M. Conjugis, cujus jam olim vitam & Miracula Odilo Abbas Cluniaci conscripsit. Memorabiles sunt insuper in Necrologio, Obitus Marcholfi Archi-Ep. Moguntini, hætenus incertus, nunc ad Diem *V. Idus Junii* determinatus (qua in re apprimè convenit cum alio Necrologio nostro S. Michaëlis Bamberg.) tum vero maxime Deposito Dagoberti Regis, ad Diem *XIII. Kal. Febr.* recte

**

ap-

Praefatio.

apposita, quæ hic satis Innuere videtur, Eum Loci fuisse Fundatorem: Certe Constantem hanc obtinuisse apud omnes Famam, etiam longe ante Tempora Trithemii, qui primus illam argumentis parum Validis destruere conatus est, Testantur Gerardi II. Archi-Ep. Moguntini Litteræ sequentes, quas ex Autographo exscripsimus.

„G. Dei Gratia Sanctæ Moguntinæ Sedis Archi-Episcopus,
„Dilectis in Christo Abbati & Conventui Montis S. Petri in Erphordia Ord. S. Benedicti Salutem in Domino. Si Populus „Israëliticus, qui sub umbra Legis vivebat, frequenter adoraturus „ad Locum, quem elegit sibi Dominus ut ibi poneret Nomen „suum, Vota & Donaria plurima offerebat, tanto forcius debet „Populus Christianus, cui apparuit Benignitas & Humanitas „Salvatoris, Ecclesias, in quibus Christus invisibiliter & impassibiliter immolatur debitis Honoribus frequentare, quanto Certiora sunt Experimenta Rerum, quam Enigmata Futurorum: „Cupientes igitur ut Ecclesia vestra prædicta congruis Honoribus „frequentetur, de omnipotentis Dei misericordia & Beatorum „Petri & Pauli auctoritate confisi, omnibus vere pœnitentibus & „confessis, qui in anniversario Dedicationis jam Dictæ Ecclesiæ „Vestrae, in Festis Apostolorum Petri & Pauli, causa Devotionis „eandem accefferint, vel, qui ibi Domini TAGEBERTI Regis Francorum, FUNDATORIS ejusdem Loci, piam Commemorationem fecerint; „XL. Dies de injuncta sibi Pœnitentia misericorditer Relaxamus &c. Datum. Erphordiæ Anno Domini MCCLXXXX. „III. Non. Januarii.

III. Anonymi Chronicon Wirtembergense.

Rerum Wirtembergensium Scriptores, pauci admodum exstant; nam præter Insignem illum Christophorum Besoldum, quem eo quod circa Sacra potissimum versatur; Nescio quis secretus Invidiæ Furor, hætenus suppressere moliebatur, vix alius quisquam, potentissimi hujus Ducatus Notitias aliquas saltem ex professo, evulgavit: Unde Anonymus noster (cujus certe Chronicon, parvo illo, quod Narcissus Schwelin Anno MDCLX. Stutgardia vernaculè edidit, Longe est præstantius) novam, eamque, ut confidimus, non mediocrem apud Eruditos gratiam & auctoritatem promerebitur: vixit is circa Medium Sæculi XVI. videturque fuisse Professione Monachus, dum Udalricum Ducem Wirtembergensem Anno MDIV. adversus Philippum & Rupertum Comites Palatinos Bella moventem, hoc Singulare Elo-

Prefatio.

Elogio dignum censet, *Laudamus eum* (inquit) *Quoniam in ea parte Christianum servavit Pugnandi modum, quo & Monasteriis & Ecclesiis Deo consecratis pepercit, quippe qui neque Incendio consecrata Domino Templum subvertit, neque servorum Dei Cœnobias spoliavit, sed animo strenuus, potentia Virtuosus, ac pius in Deum, quoad fieri potuit, Ecclesiæ Monasteriis pepercit.* Ut ut sit, Opusculum ille suum Wilhelmo Wernhero Comiti de Zimbra, Ferdinandi I. Austriæ Archiducis supremo Aulæ Præfecto, suæque stirpis ultimo inscripsit, sub brevi illa Epigraphe quam Præfert M. S. Codex, quem Reverendissimus, Perillustris & Gratiostissimus Dominus D. Christophorus Franciscus L. B. ab HUTTEN, Ecclesiæ Cathedralis Herbipolensis Decanus &c. Mécum perbenignè communicavit, quemadmodum & sequentem illam Anonymi Elucubrationem Frater ejus, Plurimum Reverendus, Perillustris & Gratiostus Dominus, D. Petrus Philippus, ejusdem Cathedralis Herbipolensis, & Equestris Combergensis Ecclesiarum respectivè Canonicus Capitularis; Ambo ad HUTTENI Nominis, Gloriam immortalem Nati.

IV. Anonymus de Origine & Abbatibus Cœnobii Combergensis.

Sæpius Evenire solet, ut Duo cum faciunt Idem non sit idem; sic R. & Cl. Vir Raimundus Duellius dum Libro II Suorum Miscellaneorum, ejusdem hujus Monasterii *Historiam* récenter inseruit, non solum Materiam non exhaustit, sed ad tam Speciosum Titulum probè explendum, & ea quæ dedit, quæ damus, & quæ etiam proximè ex Archivo illius, nunc Equestris, Ecclesiæ daturi sumus, vix ac ne vix sufficere arbitramur: Cœterum animadvertimus in Fragmento illo Diplomatis Ruthardi Archi Ep. Moguntini huic olim Monasterio concessi, apud Cl. Pet. à Ludvvig tom. II. Reliq. Manuscriptorum pag. 178. pro *Cohenberg* male legi *Rabenberg*, id quod in prolixam ibidem Erratorum seriem, una cum reliquis, referre oportebat.

V. Necrologium Monasterii S. Michaëlis Bambergæ.

Antiquitatibus Celeberrimi hujus Cœnobii, quas in priori nostra Collectione exhibuimus, accensendum est præstans hoc Necrologium, quod diversa manu continuatum, Sæculum XII. non excedit, cernitur in eo ad Diem II. Kal. Junii quo S. Otto obiit, appicta hujus Præsulis Infulata Effigies, Facie venusta & Rubicunda, Capillitio Nigro, Barba itidem, modicè crispata & bifurca.

Prefatio.

Munus hoc acceptum ferimus piis nunc Mânibus Reverendissimi Perillustri, & Amplissimi Domini Christophori Ernesti à GUTENBERG, hujus Sacri Loci Abbatis Meritissimi, ac quondam Inclytæ Fuldenfis Ecclesiæ Capitularis & Præpositi in Zell, qui Die XI. Aprilis elapsi, prope Septuagenarius obiit.

VI. Burchardi de Hallis Chronicon Ecclesiæ Collegiatæ S. Petri Winpinensis.

VII. Dietheride Helmeſtat Continuatio ejusdem Chronici.

VIII. Necrologium ejusdem Ecclesiæ Collegiatæ.

Ad Equestris hujus Ecclesiæ Notitiam plurimum conferunt hæc simul omnia, quæ liberaliter assentiente Insignis Loci Decano, plurimum Reverendo, Perillustri & Gratioſo Domino D. Christophoro Jodoco de KETTELER, Cathedralis Ecclesiæ Wormatiensis itidem Canonico Capitulari, Nuper, quasi in Transcursu, ex veteri Cod. M. S. membraneo eruiſimus, ubi & sequentes Versus Leguntur, qui Totius Narrationis sunt compendium.

CRUDOLF Fundator Templi, RICHART Renovator
Hujus & Audator, Rerum BURKART que Gregator.
Unus Trine Sator, Tribus his sis Patrocinator.

Illud Singulare prorsus est, nec à quoquam, quod sciam, scriptore hætenus proditum, quod Dietherus noster de Helmeſtat, qui sui Temporis Eventus præcipuos, Chronico suo fideliter interſeruit, Narrat de Alberto Austriaco, Nimirum: quod Principem hunc Gerardus II. Archi-Epiſcopus Moguntinus & sui Fautores, in Alzeia Oppido, non super Scutum, ut, Teste Philip. Cluverio, mos erat antiquis Germanis, sed *super Dolium Levantes, in Regem sublimarunt*; rejecto Adolfo Nassavio, qui etiam mox infelici Prælio victus, occubuit, Anno MCCXCVIII.

IX. Anonymi Vita B. Lamberti Monasterii Novi-Operis juxta Halas Saxonicas primi Præpositi.

Vitam hanc conscripsit Canonicus Reg. ejusdem Monasterii Novi-Operis, Divo suo Lamberto fere coævus, ut satis apparet ex contextu, ubi de Fundatione & Incremento Loci fusè differtur, cujus & Epitaphion hic addere visum est, quod apud Leibniz.

Præfatio.

Tom. II, Brunnſuicenf. Legitur in hæc Verba : *Anno Domini MDXXXIII. Fratribus Novi-Operis partim per Peſtem mortuis, & multis factis Lutheranis, ſeptem forſan reliſtis cum Simone (is erat tunc temporis præpoſitus) Albertus Archiepiſcopus) Magdeburgenſis ac ſimul Moguntinus) providit Simoni in Gevekenſtorp & Etersham, ad vitam: Totum Monafterium cum Regali Eccleſia deſtruxit, ducens Lapides ad Novum Caſtrum S. Mauriti. Obſervatione inſuper ut plurimum digna ſunt, ea quæ Anonymus noſter adfert non uno in Loco, de veteri Walhuſanorum Comitum Proſapia, ex qua Lampertus ſuam duxit Originem, quandoquidem Frater fuerat celebris illius Bernardi Hildeſheimenſis Epifcopi, Anno MCLIII, deſuncti, quem Nonnulli perperam ex Comitibus de Rotenburg ad Tubarim fuiſſe contendunt; horum enim Stemma jam tum penitus deſierat. Nec etiam leviter prætereunda eſt ſors Henrici Comitis de Bodenburch, quandoquidem is ſuper atroci Facto, de quo nedum hodie ſatis conſtat, accuſatus, dum Innocentiam ſuam tueri conatur, infelici duello victus, certe juxta cruentas illorum Temporum Leges, pro convicto haberi debuiffet, ac conſequenter etiam pœnas dare : Vnde ſuſpicio eum, non ſua Sponte in hoc Novi-Operis Cœnobium ſeceſſiſſe, ſed potius a Cæſare, vita donatum, in illud reſuſum fuiſſe.*

X. Translatio Reliquiarum S. Alexandri Martyris ad idem Novi-Operis Monafterium.

Exſtabat ad Calcem M. S. Codicis Bibl. Moguntinæ ex quo etiam præcedens Opusculum deſumpſimus, hæc SS. Reliquiarum Translatio, quam, ob non ſpernendas quasdam Notitias, Prælo ſubmittere non ſupernacaneum duximus.

VI. Joannis Tylich, Monafterii S. Mauriti Ord. Can. Reg. extra muros Nuenburgenſes Præpoſiti. Chronicon Miſnenſe.

In tam numeroſo Clarorum Virorum Agmine, qui ſcriptis ſuis Miſniam illuſtrarunt, merito Locum nunc occupat Joannes Tylich, hætenus ignotus, cujus Chronicon ex ipſo Autographo, Lituris frequentibus undique reſperſo, deſcripſimus: Vixit Author ſub Finem Sæculi XIV. ac initium ſequentis, ut ipſemet teſtatur pag. 87. occasione quarundam Litterarum Caroli IV. Imp. quarum Tenores, inquit, in Conſilio Friderici Marchonis moderni, Ego Johannes Tylich Decretorum Doct̃or minimus, præpoſitus Canonicoꝝ Regularium S. Mauriti extra Muros Nuernbergenſes, & in ſtudio Lipſienſi Lect̃or Ordinarius, audiſi Anno MCCCCXIII.

Præfatio.

hinc Reinero Reineccio, ac Petro Albino, antiquior quibus etiam in multis prævalet.

XII. Anonymi series Chronologica Episcoporum Vir- dunensium.

Hæc anonymi non indiligentis Lucubratio, Eruditorum Usibus sat apte inservire poterit, donec perfectius aliquid in hoc genere præstitit, qui *Galliam Christianam* tanto cum Applausu ac successu moliri hucusque non desinunt: Rectius licet, illa *vir-
dunensium Episcoporum Series*, (si vetera Jura inspiciamus) in *Germania sacra* collocanda foret; sed quis ad Opus hoc, quod certe priori, nec Dignitate, nec Rerum Copia cederet, Christi-
anissimi Regis, aut Cleri Gallicani Exemplo, sumptus non pro-
fusus, ut illi, sed tantummodo necessarios subministrabit un-
quam?

XIII. Diplomata & Epistolæ Variæ.

Non pauca in his, continentur Notatione digna, ut infra ostendemus, postquam hic Titulorum Indicem Chronologicum exhibuerimus.

- I. *Otonis III. Imp. Præceptum, quo Ecclesiæ Herbigolensis curtem saltz
cum appenditiis donat* Ann. 1000.
- II. *Præceptum Henrici II. Imp. quo commutationem quorundam Bonorum
inter Henricum Herbigolensem, & Eberhardum Bambergensem
Episcopos initam confirmat* Anno 1017.
- III. *Conradi II. Imp. Præceptum, quo simul cum Henrico Filio Rege,
Universas possessiones & bona Ecclesiæ Bambergensi confirmat.*
Anno 1034.
- IV. *Præceptum Henrici IV Regis; quo ejusdem Bambergensis Ecclesiæ
Bona, Jura & Immunitates pariter corroborat.* Anno 1058.
- V. *Charta Ruthardi Archiepiscopi Moguntini, qua Universas posses-
siones & bona Monasterii S. Petri Erfordie in singularem suam
Protectionem recipit.* Anno 1104.
- VI. *Charta Embriconis Episcopi Herbigolensis, qua Clerum & populum
suum invitât ad Restaurationem Ecclesiæ Cathedralis; quod Opus
Euzelino Celebris Architecto committitur,* Anno 1133.
- VII. *Friderici I. Regis præceptum solemne confirmatorium Arnolfo II.
Archiepiscopo Colonien-
si concessum, pro recuperandis Prædiis*
ad

Præfatio.

ad Mensam Archiepiscopalem spectantibus, perperam in Feudum concessis Anno 1153.

- VIII. *Ejusdem Regis Diploma alterum, quo Walthero Praposito Coloniensi suisque successoribus Advocatiam ville Worunch confirmat. Anno 1153.*
- IX. *Ejusdem Imperatoris Diploma Tertium, quo anteriorum Regum ac Imperatorum Privilegia Ecclesie Herbipolensi concessa confirmat, aliaque superaddit. Anno 1168.*
- X. *Ejusdem Imperatoris Diploma Quartum, quo Capitulum Majoris Ecclesie Herbipolensis hortatur ut Reinhardo Eleto suo, media pro suscipienda Expeditione Italica Amministret. Anno 1173.*
- XI. *Lucii III. Pont. max. Epistola Encyclica ad Universos Germanie Praefules, qua Christianum I. Archiep. Mogunt. pie defunctum, precibus eorum commendat. Anno 1183.*
- XII. *Charta Conradi I. Archiep. Moguntini, qua Diethmaro Abbati Monasterii S. Petri Erfordiae, suisque successoribus, ex auctoritate S. Sedis, usum Insula concedit. Anno 1193.*
- XIII. *Notitia pro Transactione super decimatione quadam inter monasterium S. Petri Erford. & Ecclesiam collegiatam S. Petri in Durlon, inita. Anno 1227.*
- XIV. *Notitia Conradi Prapositi S. Mariae Erphord. pro amabili compositione inita inter Abbatem S. Petri ibidem, & Incolas slavos ville Ermslette Anno 1227.*
- XV. *Notitia pro Donatione Ottonis Comitis de Bottenloben facta in favorem ecclesie Herbipolensis. circa Ann. 1230.*
- XVI. *Litterae mutuae Societatis suffragiorum, inter monasterium S. Petri Erford. & collegium Ursulanum Coloniae, cum transmissione SS. Reliquiarum circa Ann. 1240.*
- XVII. *Charta Henrici episcopi Bambergensis, qua vacantia sibi Pradia ex morte Othonis Ducis Meranie ultimi, in perpetuum mensae episcopali attribuit. Anno. 1248.*
- XVIII. *Margaretae Abbatisse in Bergka litterae Obligatoriae erga Monasterium S. Petri Erfordiae. Anno 1248.*
- XIX. *Henrici episcopi Bambergensis dispositio circa Advocatiam monasterii Theresiensis Anno 1250.*

Præfatio.

- XX. *Charta Alberti Thuringiæ Landgravii, qua declarat sibi in Univer- Prædiis & Homini- bus ad Monasterium S. Petri Erford. spo- tantibus nihil juris competere Anno 1277.*
- XXI. *Charta Henrici Episcopi Merseburgensis qua donationem Bonorum quorundam factam in favorem Recluserir juxta Merseburg, ra- tam habet. Anno 1317.*
- XXII. *Charta Denationis Ulrici Cathedralis Ecclesiæ Nuenbergensis De- cani, confirmata a Gerardo Merseburgensi Episcopo Ann. 1332.*
- XXIII. *Ludovici IV. Imp. epistola, qua Balduino Archiepiscopo Trevi- virensi rationem reddit, cur precibus ejus non annuerit, eum- que hortatur, ut Alberto Constantiensi Eleâto adversus summi Pontificis decretum faueat. Anno 1334.*
- XXIV. *Margareta Ludovici IV. Imp. Conjugis Litteræ Intercessoriæ*
- XXV. *Henrici II. Hassiæ Landgravii Epistola ad Benedictum XII. Pont. max. qua suam suorumque Omnium constantem semper erga S. sedem Apostolicam, Fidem ac devotionem celebrat, eique Co- mitem de Zigenhain consanguineum suum impense commendat circa Ann. 1338.*
- XXVI. *Charta Donationis Burchardi Sturnfeder ad Altare B. Virginis in Nidenawve Ann. 1345.*
- XXII. *Caroli Bohemiæ Regis Præceptum, seu confirmatio generalis Omnium Bonorum & Privilegiorum Ecclesiæ Pragensis alia- rumque circumjacentium. Anno 1347.*
- XXVIII. *Ejusdem Regis Præceptum alterum in Gratiam Prælatorum & Nobilium tam Regni sui Bohemiæ, quam Marchionatus Mo- raviæ Ann. 1347.*
- XXIX. *Caroli IV. Imp. Epistola ad Ernestum Archiepiscopum Pragen- sem qua illi nuntiat se S. Viti Martyris caput & corpus a Pa- piensibus accepisse in Donum Ann. 1355.*
- XXX. *Ejusdem Imp. Epistola altera ad Joannem VI. Paleologum Imp. constantinopolitanum, qua eum de solemni Coronatione sua Ro- mæ peracta certiore facit, eique adversus Inimicos suos opem pollicetur. Ann. 1355.*
- XXXI. *Ejusdem Imp. Præceptum, quo Rudolfo Saxoniæ Duci dignita- tem Electoralem, ducatus Saxonico adnexam, una cum omnibus Juribus ac Privilegiis hereditarie confirmat. circa Ann. 1356.*

XXXII.

Præfatio.

- XXXII. *Ejusdem Imp. Præceptum alterum quo Theodorico Mindenſi Epifcopo, ob ſingularia ſua in Coronam Bohemiæ merita, univerſos Regni Bohemici Redditus ac proventus obligat. circa Ann. 1356.*
- XXXIII. *Ejusdem Imp. Epiftoła Encyclica, qua ob natum ſibi Filium Wenceslaum Regem, ſubditos ſuos Univerſos ad Hilaritatem & Latitiam provocat Ann. 1361.*
- XXXIV. *Ejusdem Imp. Præceptum, quo civitatem Tetzin cum attinentiis, a Prædeceſſoribus ſuis Bohemiæ Regibus Nobili War-tenbergiæ Genti olim donatam, rurfus confirmat.*
- XXXV. *Ejusdem Imp. Præceptum alterum, quo Monetas in Delphinatus & ſabaudie Ditionibus, non aliter quam ſub modo & forma præſcriptis cudi vetat. Ann. 1363.*
- XXXVI. *Ejusdem Imp. Tractatus Pacis ac ſimul Fœderis cum Ludovico Hungariæ Rege, & Aſtriæ ducibus initus. Ann. 1364.*
- XXXVII. *Ejusdem Imp. Charta abſolutionis, ſuper quibusdam Exceſſibus a Ludovico Marchione Montis-Ferrati commiſſis. circa Ann. 1369.*
- XXXVIII. *Ejusdem Imp. Ediſtum, quo Barnaborum Mediolanenſis civitatis Vicarium, officio & dignitate exuit circa Ann. 1369.*
- XXXIX. *Ejusdem Imp. Litteræ ad Barnaborum directæ.*
- XL. *Ejusdem Imp. ad Urbanum V. Pont. max. Epiftoła, qua huic poteſtatem concedit intromittendi ſe in Bona Uniuerſa Rebellium Barnabovis & Galeacii Fratrum, eaque inter alios, Titulo Viciariatus diſtribuendi ad Tempus. Ann. 1369.*
- XLI. *Formula Juramenti eidem Imp. Carolo IV. præſtandi præſcripta Florentiniſ. Ann. 1369.*
- XLII. *Juramentum ſolemne Luccanorum eidem Imperatori præſtitum. Ann. 1369.*
- XLIII. *Ejusdem Imp. Præceptum, quo Luccaniſ tanquam peculiari & fideliffimo S. R. Imperii Populo, jus cudendæ monetæ concedit Ann. 1369.*
- XLIV. *Ejusdem Imp. Præceptum alterum, quo Albertum Baviariæ Ducem, in verum ac Legittimum Hannoniæ Hollandiæ, Zelandiæ & Comitatum Dominum hereditariæ inſtituit. Ann. 1371.*

Præfatio.

- XLV. *Ejusdem Imp. Præceptum Tertium, quo Amadeum Sabaudie Comitem ab Officio Vicariatus Imperii revocat. Ann. 1373.*
 - XLVI. *Ejusdem Imp. Præceptum Quartum, quo Ecclesiæ Trevirensi, dudum oppignoratam Boppardiae oppidum, nova pecuniarum summa gravatum Cononi Archiepiscopo, obligat.*
 - XLVII. *Charta ejusdem Imp. qua præcipit, ut in Ecclesiâ Aquisgranensi Festum S. Caroli M. solemniter quotannis celebretur.*
 - XLVIII. *Ejusdem Imp. Charta altera, qua requirit ut de Reliquiis S. Caroli M. particulae quaedam transmittantur Carolo V. Franciæ Regi in Donum.*
 - XLIX. *Ejusdem Imp. confirmatio Testamenti seu Ordinationis a Joanne Marchione Moraviæ Fratre suo, in Gratiâ Filiorum factæ,*
 - L. *Sigismundi Hungariæ Regis Diploma, quo Johanni Duci Gorlizen- si Fratri suo Marchiam Brandeburgensem Confirmat. Ann. 1392.*
 - LI. *Joannis Moguntini & Friderici Coloniensis Archiepiscoporum Epi- stola Encyclica ad Universum Clerum & Ordines Regni Hun- gariae super Electione Jodoci Marchionis Moraviæ, in Re- gem Romanorum. Ann. 1410.*
 - LII. *Anonymi Refutatio contentorum in præcedenti Epistola. Ann. 1410.*
- I. Ex his sub Num. II. Notandus est *Cunſtatius* Henrici II. Imp. Cancellarius hætenus ignotus, quem forsitan is, qui Diplo- ma hoc ex Autographo descripsit, male ibidem legerit pro Gunthero, qui & Guntharius dictus est; nam præter hunc, alius passim in hujusmodi Recognitionibus non occurrit ab Anno MIX. usque ad obitum sancti illius Imperatoris; nisi cum Malinkrotio Tract, de Cancell. Imperii, velis, eum, pro- ficiscente in Italiam Cæsare, in Germania remansisse, atque alios suo tunc functos fuisse Officio, qualis etiam ad hunc ipsum annum MXIV. reperitur apud Gevvoldum de septem- riatu pag. 99. Henricus Cancellarius.
 2. sub Num. VI. Embriconem Episcopum Herbipolensem disci- mus, Cleri ac Populi Eleemosinis adjutum, Ecclesiæ suæ Ca- thedralis Tectum, quod *propter Annosam Vetustatem* jam peni- tus dilapsum erat, & casum Ruinamque minabatur, non so- lum restaurasse, sed & in eadem aliunde *Reparanda & Ornanda*, Euzelinum celebrem sui Temporis Architectum, qui recen- ter Mœnum Ponte strauerat, adhibuisse: Hinc non satis con- stare videtur, utrum ex novissimis prædecessoribus suis Bruno. Episco-

Præfatio.

Episcopus Anno MXLIII. hanc ipsam Ecclesiam exstruxerit funditus, perfecitque, ut passim affimant scriptores Herbipolenses, ejusque Epitaphium ab iisdem relatum, loquitur: sed, quod magna sui parte oblitteratum, minus fideliter restituit, posteritas; in eo enim hæc præsertim verba D. BEATUS BRUNO longe recentius ævum sapiunt: Quod si ex universa Templi Fabrica judicare Licet, Chorum ejus, unicuique Ego, Brunonis Opus esse crediderim, ut Judicio etiamnum esse potest, Lapis quadrangularis, exteriori muro ejusdem insertus, Monogrammate hujus Episcopi conspicuus.

3. Memorabilis est sub Num. VII. Conventus ille Regalis a Friderico I. Anno MCLIII. in *Burgo Tremonio* celebratus, de quo altum apud scriptores silentium: nec magis innotuerant hactenus, reliqua in hoc Diplomate contenta, quibus certe mediantibus, *Weneri Thumermut* Famosæ objectiones adversus Ecclesiæ Colonienfis Feuda, non uno in Loco refelli potuissent.
4. Solemne aliud ejusdem Friderici I. Imp. Præceptum continetur sub Num. IX. per quod, Episcopo Herbipolensi Ducatus Franciæ Orientalis, ipsi ab antiquis Regibus concessus, non solum confirmatur, sed districte etiam inhihetur, ne quis alius per totum hunc *Episcopatum & ducatum, & Cometias, infra Terminos Episcopatus & Ducatus, sitas*, Judiciariam Potestatem exerceat, nisi solus *Wirzeburgensis Episcopus, ut DUX*. Hoc Diploma, in quod non semel Invidiæ Oculos frustra strinxerunt Leues quidam adversarii, ediderunt non ita pridem Joan. Georg. Leuckfeld in Append. III. ad antiq. Pœldenf. & Joan. Christ. Lunig. Spicileg. Eccl. II. sed uterque, pro More suo, ita inconcinniter ac Mendose, ut illud curatius Typis reddere, Operæ prætium fuerit.
5. Subjungimus mox. Num. X. immediate sequenti, alterum itidem hujus Imperatoris Diploma, quod Sigillo ejus quantumvis munitum, notis carebat Chronicis; sed hæc facile suppleri possunt; dummodo attendamus, ea quæ Schatenius Annal. Paterb. Lib. IX. refert ad Annum MCLXXII. his verbis "imperator (Fridericus) medio Quadragesimæ Celebrem
" Wormatiæ Principum Conventum habuit, in quo vehementer conquestus est cum Principibus adversus Alexandrum Pontificem, atque Italos, quod Consilia inter eos agitentur de Corona Imperii Romani ad Manuelem Græcorum Imperatorem transferenda; ea cum a malevolis persuasa essent Imperatori, aut ab ipso Imperatore conficta in
" Odium Pontificis, impetravit novam in Italiam Expeditionem,

Præfatio.

tionem, quæ post biennium susciperetur. Obierat autem sub Finem ejusdem anni Heroldus Herbipolensis Episcopus, in cujus Locum successus est Reinhardus hujus Ecclesiæ præpositus, Rem maxime urgente Cæsare, qui etiam novum hunc Electum, sibi dudum omni studio devinctum, in partes Italiæ secum abduxit Anno *MCLXXIV*.

6. Quæ sub Num. *XI*. habetur Insignis Epistola Lucii III. Papæ, vel ex hoc maxime notanda est, quod Diem obitus Christiani I. Archiep. Moguntini hætenus incertum (Licet in Anno *MCLXXXIII*. passim convenient Authores) nobis conservaverit; sitque simul integræ suæ ac perfectæ, cum Sede Apostolica, Reconciliationis irrefragabile Testimonium; id quod certe omni Elogio censendum est præstantius.
7. In Charta, quam sub Num. *XIV*. retulimus, observasse non pigebit, in quibusdam Germaniæ partibus, Slavos & Teutones sæculo XIII. Re, Nominem, & Fortuna inter se fuisse maxime distinctos, nec in unam adhuc coaluisse Gentem.
8. Joannes summæ ædis Moguntinæ Decanus, de quo in Charta sub Num. *XXIII*. mentio fit, is est, cujus *Fraude & malignantate induci Canonici* (inquit Georg. Helvich in Elencho) post obitum Mathiæ de Bucheck Anno 1328. *Balduinum Treverensem Archiepiscopum contra Pontificis Voluntatem postularunt, eique loca munita & oppida Archiepiscopatus Moguntini obtulerunt*, hinc grave exortum dissidium, quo durante, Joannes prædictus sub patrocinio Balduini sui, ad vacantem Cathedram Constantiensem aspiravit, verum eandem obtinuit mox Anno *MCCCXXXIV*. Nicolaus de Kenzingen ex provisione Joannis *XXII*. Papæ, quem Ludovicus Imp. in hac sua Epistola alio nomine non dignatur, quam: *ille de Aviniona*.
9. Sancti Viti pueri ac Martyris Lucani Corpus, jam olim, Anno scilicet *DCCCXXXVI*. e Gallia in Saxoniam translatum, ac in percelebri Corbejæ-Novæ Abbatia Solemnissime depositum fuisse, mirum! quomodo ignorare potuerit Carolus IV. Imp. quandoquidem hæc sacras Exuvias quasi primitus à se, & quidem recenter detectas, gloriatur in Epistola sub Num. *XXIX*. ad Ernestum Pragensem Archiepiscopum.
10. Joannes ille Cantacuzenus, cujus meminit altera Caroli IV. Epistola sub Num. *XXX*. adversus Joannem Paleologum (cui ab Henrico VII. Rom. Imperatore Tutor datus fuerat) insurgens, Anno 1341. Imperium Orientale præripere conatus est; verum Auxilio Genuensium bis debellatus, secessit Anno 1357. in Montem Athos, ubi sub monachico Habitu reliquam vitæ suæ traduxit.

Præfatio.

II. Quæ sequuntur ejusdem Caroli IV. Imp. Constitutiones & Diplomata, fatis manifeste ostendunt, quam solerti cura, quantoque animi Vigore, is Jura sua Exercuerit, ac ubique etiam tuitus sit, Notanter in Regno Arelatenſi, & Italiae partibus, contra quod asserere ausi sunt Obtrectatores ejus tam Germani, quam Galli, quos vir Clariss. Hermannus Conringius, his Armis ac Notitiis Instructus, Erroris sæpius convincere, & Opus suum de Finibus Imperii Germanici, quantumvis Excellens; non uno in Loco emendare ac Illustrare potuisset: Coëterum Memorabiles sunt insuper ejusdem Imperatoris Epistolæ duæ sub Num. XLVII & XLVIII. ex iis enim videmus quod, postquam Fridericus I. Carolum M. e Tumulo levatum, per Paschalem III. Antipapam in sanctorum numerum referri curasset, idque, Pace Ecclesiæ reddita, ab Alexandro III. fuisset dissimulatum, nec a sequentibus Legitimis pontificibus rescissum, Rem utpam ac approbatam habuere, non modo Imperator & Rex Galliae; sed & passim omnes.

12. Denique ad perfectam Notitiam eorum quæ sub Num. LI. & LII. continentur, audire juvat Andreæ Ratisponensem, Scriptorem fere coævum, apud Nob. ac Cl. Jo. Georg. ab Eccard. Tom. I. Script. Germ. his verbis differentem: Anno MCCCCX. Ruperto Rege Romanorum vita functo, vivente adhuc Venceslao Rege Romanorum, qui & depositus Rex Romanorum; Electores duo scilicet Archiepiscopi Moguntinus & Coloniensis secrete quodammodo Sigismundum Regem Ungariæ Fratrem jam dicti Wenzeslai ad suscipiendum Regnum Romanorum per inter nuntia invitarunt, qui Sigismundus talia nuntia gratanter suscipiens, remunerationem tamen jam duorum dictorum Electorum, quam petebant, relinquens in suspenso, eo quod nollet Celsitudinem tantæ dignitatis Simoniacæ intrare, sit interea ipsi etiam difficultas propter Electores, & præsertim Archiepiscopum Trevirenses, & Comitem palatinum Rheni qui vota sua in alium possent dirigere: qua propter si ipse publice pro Regno videretur Laborare, eo non obtento pro hujusmodi aspiratione cunctis hoc audientibus ridiculum faceret se ipsum; fit etiam difficultas propter Jodocum marchionem Moraviae qui etiam tenebat Marchionatum Brandenburgensem Patrum dicti Sigimundi, ne forte ipse eligeretur vel vota sua in alium dirigeret; ad quod Rex Sigismundus quamvis (inquit) ipse Jodocus patruus meus teneat jam dictum Marchionatum Brandenburgensem, tamen dum eundem Marchionatum, hæreditario Jure possiderem, ipsum dicto Jodoco patruo meo subjeci, salvo mihi Jure Electorum Ro-

mani

Præfatio.

„ mani Imperii, sicque sumus confœderati, quod mihi pro-
„ misit, ut si simul aliquando Electi fuerimus in Romano-
„ rum Regem, ipse mihi velit cedere, & me non impedire,
„ mihiq̃ue assistere. Dum hæc agerentur memorati duo Ele-
„ ctiores, qui secrete Sigismundum ad Regnum invitarant,
„ hoc idem apud Memoratum Jodocum Marchionem facie-
„ bant; qui auditis eorum postulationibus, annuit eisdem:
„ Igitur dum Electores, præter ducem Saxoniae, qui non as-
„ senserat depositioni Regis Wentzeslai, in Francfordia con-
„ venissent, bis memorati Electores scilicet Moguntinensis
„ & Coloniensis in Ecclesia Francofordensi dictum Jodocum
„ in Romanorum Regem Elegerunt, clausisque Foribus Eccle-
„ siæ ab Archiepiscopo Moguntinensi, eo quod decanus sit
„ ipse Electorum, ipsaque Ecclesia suæ Diœcesis, cœteri Ele-
„ ctiores non potuerunt intrare, qua propter ipsi, scilicet Ar-
„ chiepiscopus Treverensis, & Ludovicus comes palatinus,
„ Filius quondam Ruperti Regis Romanorum in Cœmeterio
„ ejusdem Ecclesiæ, sæpeditum Sigismundum in Romano-
„ rum Regem Elegerunt, ex quo cœpit istud Commune vulgi
„ proverbium: *Zu Frangkfurt binderm Chor, haben gevvelt*
„ *ainen Kunig, ein Chind, und ein Thor.*

INDEX

Rerum ac Nominum Memorabilium.

A.

Academia Tubingæ erecta. 34.
 Adalbertus Archiep. Mogunt. donationem in favorem cœnobii S. Petri Erford. factam confirmat. 1.
 Adela Comitissa in Cœnobium S. Petri Erfordiz munifica. 20.
 Adelbero Episcopus Bambergensis, ejus dies obitus. 49.
 Adalbertus marchio & filius ejus Hermannus. 4.
 Adeldagus Hamburgensis Episcopus pro Otone I. Imp. Sacras Reliquias suscipit. 73.
 canoniam Regularem juxta Halas saxonicas fundat. 69. ejus cum Conrado Archiepiscopo Saltzburgerensi necessitudo. 70.
 Adalhardus Propositus S. Severi Erford. 3.
 S. Adelheidis Regina Reliquiæ asservatæ. 5.
 Adolphus Rex eligitur 63 ab Alberto austriaco impetrat 23. Conventum Principum convocat in Oppido Eslingen. 24 in prælio occumbit 62.
 Adolfus II. Archiep. Moguntinus adversus Dietherum plures Germaniæ principes excitat. 31.
 Henricum Comitem Wirtembergensem in coadjutorem assumit 35. ejus Dies obitus. 20.
 Aistulphus Longobardorum Rex Corpus S. Viti Martyris recondit in Monasterio S. Marini Papiæ. 130.
 Albericus Laudensis Episcopus. 117.
 Albertus Archidux Austriæ in Alzeja super domum elevatus in Regem Romanorum proclamatur. 62. Rebelles sibi principes edomat. 63.
 Wenceslao in Regno Bohemiæ sufficit Rudolphum Fium ibid. à Johanne Nepote suo occidit ibid.
 Albertus Austriæ ac Stiriz dux Pacis fœdera init cum Carolo IV. Imp. & Joanne Moraviæ ducce. 137.
 Albertus Baviaræ dux a Carolo IV. Imp. in Hollandiæ, comitem creatur. 143.
 Albertus marchio Brandeburgensis cum confederatis suis in Fridericum Palatinum Comitem infurgit. 31.
 Albertus Thuringiæ Landgravius. 14. declarat nil Juris sibi competere in Bonis cœnobii S. Petri Erford. 124.
 Albertus Comes de Hohenberg in Episcopum Constantiensis ope Ludovici IV. Imp. electus. 126.
 Amadæus Sabaudiz Comes S. Rom. Imperii Vicarius 144. ob officio suo revocatur 145.
 Arnoldus Archiep. Moguntinus quandam Bonorum Commutationem init cum Cœnobio S. Petri Erford. 4.
 Arnoldus I. Archiep. Colonienfis advocatiam

villæ Worung in favorem præpositorum Ecclesiæ suæ alienat. 115.
 Arnoldus II. Archiep. Colonienfis Conradi III. Imp. quondam Cancellarius alienata Ecclesiæ suæ Bona recuperat 113. advocatiam villæ Worung præpositis Colonienfis a Cæsare confirmari obtinet. 115.
 Arnoldus Wormatiensis Episcopus in Ecclesiam Vvininenf. Beneficus 65. ejus dies obitus. ibid.
 Arnspurg (Godefridus Comes de) 213, & 116.
 Aurach Ecclesia Collegiata transfertur ab Eberhardo comite Wirtembergenfi. 35.

B.

Babo Decanus Ecclesiæ Herbipolenf. 113.
 Baden (Carolus marchio de) Fridericum Comitem Palatinum armis laceffit 31. Captus gravi Lytro se redimit. 33.
 Balduvinus Archiep. Treverensis promotioni Joannis Decani Moguntinenfis Ecclesiæ intendit 126. ejus Dies obitus. 17.
 Barnabos Mediolanensis Civitatis Vicarius adversus Pontificem & Imperatorem rebellis 138. Officio & dignitate exiit. ibid. & seqq.
 Barsperg (Fridericus de) Episcopus Aichtstettenfis obit. 23.
 Berchtheim (Adelheidis Comitissa de) Benefactrix Cœnobii S. Michaelis Bambergæ. 56.
 Berewinus præpositus S. Severi Erphord. 128.
 Bernardus Hildesheimensis Episcopus Laudatur. 68.
 Bernardus Comes Venditionem in favorem cœnobii S. Petri Erfordiz factam, ratam habet 3.
 Bertholdus Comes de Zeringen. 115.
 Bertholdus Comes in Cœnobium. S. Michaelis Bambergæ munificus 46. ejus uxor, Beatrix 56.
 Bertholohus Abbas S. Blasii 214.
 Berthous Comes & monachus 59. ejus Pater Tiemo, mater vero Adelheidis. 54. Dies obitus utriusque. ibid.
 Beutelspach Ecclesia Collegiata, vetus sepultura comitum de Wirtemberg. 24. transfertur. Sturgardiam. 25.
 Bichilingen (Fridericus comes de) 4.
 Biligrinus Abbas S. Petri Erfordiz transigit cum Folacino præposito in Durlon super lite quadam. 120.
 Bilteresleibin (Henricus de) in Cœnobium S. Petri Erford. Beneficus. 8.
 S. Blasij Cœnobium a Luigarda Comitissa Wirtembergenfi variis donis exornatur. 21. in eo Adalbertus Comes Wirtemberg. Junior Monachus

chum indait. 22. - Conradi Regis privilegium huic Cœnobio concessum, ibid.

Bodenburg (Hermannus Comes de) infelici duello victus in Monasterium Secedit. 71.

Bolko dux Svidnicensis arbiter in Controversia inter Carolum IV. Imp. & Ludovicum Hungariæ Regem. 137.

Bolzlaus dux Polonorum in Cœnobium S. Michaelis Bambergæ beneficus. 56. ejus dies emortualis, ibid.

Boppardia Oppidum oppignoratum Ecclesiæ Treverensi. 146.

Bramberg castrum jussu Friderici I. Imp. dirutum. 117.

Brenen (Hadeuig Comitissa de) miraculose a Febre sanata. 72.

Bucco Wormatiensis Episcopus in Ecclesiam Winpinensem beneficus. 67. ejus dies emortualis 56. 67.

Burchardus Wormatiensis Episcopus 66. ejus dies emortualis, ibid.

Burchardus Argentinenf. Episcopus. 114.

Burchardus præpositus S. Petri Moguntini. 6. & 120.

Butzleibin (Fridericus & Ludovus de) in Cœnobium S. Petri Erford. munifici. 14.

C.

Caroli M. Imp. Festum Institutum in Ecclesia Aquisgranensi. 147. ejusdem Reliquiæ in Galias transmissæ. 148.

Carolus IV. Imp. Zurigum Oppidum obsidione tentat. 23. 26. Conventum Principum convocat in Eslingen ibid. in Ebihardum Comitem Wirtembergensem bella movet. 27. Friderico Juniori Landgraviæ Filiam suam despondit 86. & 87. cum Seniore Friderico Landg. confederatur adversus Erfordenses. 87. & seqq. Privilegia Pragensis Ecclesiæ confirmat. 137. Nobilitati Regni Bohemiæ & Marchionatus moraviæ favet. 129. Corpus S. Viti Martyris a papiensibus impetrat. 129. Joannem VI. Imp. Constantinop. solatur & erigit. 130. Rudolfo Saxonix Duci dignitatem Electoralem Hereditario confirmat. 131. Theodorico Mindensi Episcopo universos Regni Bohemiæ Redditus oppignorat. 133. ob natum sibi Filium Regem subditos suos ad Lætitiâ provocat. 133. possessionem Civitatis Tetzin Nobilibus de Wartemberg confirmat. 134. formam ac modum monetandi in delpinatus & Sabaudix ditionibus præscribit. 135. Pacis ac Fœderis tractatum init cum Ludovico Hungariæ Rege ac Ducibus austriæ 137. Ludovicum marchionem montis ferrati a quibusdam excessibus commissis absolvit. 137. Barnabouem mediolanensis Civitatis vicarium officio privat. 138. Urbano V. Pont. max. Vicariatus Imperii dispositionem in Italiæ partibus committit. 140. a Florentinis & Lucanis Fidei Sacramentum recipit. 141. Lucanis Jus eudenda monetæ concedit. 142. Albertum Bavarix Ducem, Hollandix Comitem creat 143. Amadeum Sabaudix Comitem ab Officio Vicariatus Imperii revocat. 144. Boppardiam Oppidum denuo Ecclesiæ Trevirensi obligat. 146. præcipit ut S. Caroli M. Festum in Ecclesia Aquisgranensi celebretur 147. confirmat Testamentum Joannis Moraviæ Principis Fratrî sui. 148.

Catharina Caroli IV. Imp. Filia uxor Rudolphi Ducis Austriæ 137.

Chorea Luctuoso eventu terminata 87.

Christianus I. Archiep. Mogunt. 117. a Lucio III. Pont. max. precibus Germaniæ præsulum commendatur 118. & 119.

Comberg cœnobium fundant Comites de Rotenburg 41. & seqq. ejus Abbates 43. & seqq. in Ecclesiam collegiatam convertitur. 47.

Conradus II. Imp. Bona & possessiones Ecclesiæ Bambergensis confirmat. 110.

Conradus III. Rex in expeditione Hierosolymitana positus. 4. Cœnobio Combergenf. Insigne privilegium concedit 44. pro Bono Ecclesiæ Coloniensis sollicitus 113. ejus dies emortualis. 49.

Conradus I. Archiep. Mogunt. Diethmaro Abbati. Erford. usum Insulæ concedit. 119.

Conradus Archiep. Saltzburgerf. in Cœnobium S. Michaelis Bambergæ munificus 51. fugit iram Henrici V. Imp. 69. Ordinem Canonicorum Regg. amplectitur eumque introducit in Ecclesiam suam Metropolitanam 70. Adelgoto Magdeburg. Archiepiscopo adjutor est in fundando Novi-operis Cœnobio ibid. ejus dies emortualis 51.

Conradus præpositus S. Mariæ Erphord 10. Abbatem S. Petri ibidem cum Incolis villæ Ernstette conciliat. 1211.

Conradus Marchio, Monachus S. Petri in Erphord. 7.

Crudolphus Vvormatiensis Episcopus, Ecclesiæ Collegiæ Winpinensis fundator. 58.

Cuno Archiepiscopus Trevirens oppignoratum sibi Boppardiæ oppidum retinet. 146.

D.

Dagoberti Regis dies emortualis. 17.

Dedo Comes ejus progenies. 75.

Diethmarus Abbas S. Petri Erfordix usum Insulæ obtinet a Conrado Archiep. Mogunt. 119. ejus dies emortualis. 19.

Dietmarus Marchio Luzacenf. 75. ejus uxor ac Liberi. ibid.

Ditendorp (Gunterus de) & Filii ejus Henricus & Guntherus quædam Bona alienant in favorem Cœnobii S. Petri Erford. 3.

Ditensheim (Richardus de) decanus, Ecclesiæ suæ Winpinensis Restaurator. 59. & seqq.

E.

Eberhardus Archiep. Saltzburgerf. Cœnobio S. Michaelis Bambergæ donat XL. marcas 53. ejus pater Henricus. 52.

Eberhardus Episcopus Bambergensis Bonorum quorundam commutationem init cum Herbipolensî Episcopo 109. ejus dies emortualis. 64. Eberhardus Præpositus S. Petri in Cœnobium S. Michaelis Bambergæ beneficus. 53.

Egilbertus Episcopus Bambergensis in Cœnobium S. Michaelis ibid. summe Beneficus. 53. ejus dies emortualis ibid.

Ehinger (Walterus) civis Ulmenf. Civitates quasdam suscitât adversus Comites Wirtembergenses. 31. captivatur. ibid.

Elisabetha Magistra Collegii Ursulani Coloniae 122.

Elisabeth inclusa in Ecclesiâ S. Marcelli. Coloniae. 122.

Embricho Herbipol. Episcopus Ecclesiæ suæ restaurationem urget & promovet. 111.

Emehar-

Emehardus Episcopus Herbipolensis 49. ejus dies obitus. ibid.

Ensberg (Joannes ab) Episcopus Spirensis, foedus init adversus Fridericum comitem palatinum Rheni. 31.

Ernestus Archiep. Pragensis de Inventione Reliquiarum S. Viti certior factus. 129.

Erfordiae Civitatis Vice-Domini Henricus 3. Bertoldus. 6. ejusdem Civitatis varia fata. 58. & seqq.

Eslingen Oppidum, obsidione vallatur 25. in eo diverſi principum Convencus celebrantur 24. 26. Cives Eslingenses cum Ulrico Comite Wirtembergensi inausito Bello dimicant. 31.

Enzelinus Architectus celebris. 111.

F.

Florentini Carolo IV. Imp. Fidelitatis Sacramentum praestant. 141.

Folcwinus Praepositus S. Petri in Durlon Litem componit cum Abbate S. Petri Erford. 120.

Franckenberg castrum jussu Friderici I. Imp. destruitur 117.

Fridericus I. dux suaviae in Imperatorem Rom. eligitur. 78. Filium suum Fridericum in Regem Rom. Eligi curat. 80. Filiam suam Alberto Turingiae Landgravo desponsat. 83. & seqq. ejus Diplomata. 113. 114. 115. 116. 118.

Fridericus Archiepiscopus Colon. Bona ad Mensam episcopalem Spectantia, militibus suis in Feudum distribuit. 113.

Fridericus Archiep. Moguntinus Jodocum Marchionem Moraviae in Regem Rom. eligit. 150. & seqq.

Fridericus Archiep. Magdeburgensis afficitur B. Lamberto praeposito 70. Reliquas S. Alexandri transfert in Monasterium Novi-Operis 74. ejus dies obitus. 43.

G.

Georgius episcopus Metensis adversus Fridericum Comitem palatinum dimicat 33. captus gravi Lyro Libertatem affequitur. ibid.

Gera (Conradus de) Margaretae Imperatricis Vassallus. 126.

Gerardus Archiep. Moguntin. adharet Alberto austriaco Adversus Adolftum Regem. 62.

Gerardus Comes Juliensis 115.

Gertrudis Reginae dies emortualis. 51.

Gerungus Misnensis episcopus. 117.

Gerhardus Merseburgensis episcopus confirmatum in ecclesia sua institutum. 125.

Gerwigus Praepositus S. Severi Erford. 6.

Gleichen (Comites de) Ernestus. 1. Erwinus 6. ejus Filius Lampertus & Ernestus ibid. Lampertus & ejus filii Ernestus ejus Filii Erwinus & Albertus. 12. Hermannus 15. ejus uxor Sophia 16. Ludowicus. 18. Carolus. 20.

Glichenstein (Comites de) Albertus & Ernestus in Cœnobium S. Petri Erford. Benefici 13. Albertus Testis in Donatione Alberti Landgr. 14.

Goteboldus praepositus Fritzlarieſis 2.

Gucelinus praepositus ecclesiae Cathedralis Merseburgensis. 125.

Guillelmus dux Bavariae ac Hollandiae Comes a Regimine suarum ditionum amovus. 143.

Guntherus spirensis episcopus 114.

Guntherus Bambergensis episcopus, Bonorum ecclesiae suae confirmationem obtinet ab Henrico Rege.

H.

Habsburg (Joannes. Comes de) auxiliante Carolo Rege Libertatem consequitur. 25.

Hartmannus Episcopus Brixinensis. 56. ejus dies emortualis. ibid.

Harturicus Episcopus Bambergensis. 53.

Hartuvicus Praepositus S. Petri Mogunt. 4.

Hâvvenstein (Henricus Miles de) in Ecclesiam Winpinensem beneficus. 65. Elisabetha conversa. 64. Geroldus ejusdem Ecclesiae VVinpinensis Decanus. 63.

HaZecho Episcopus VVormatiensis, in Ecclesiam Colleg. VVinpinensem beneficus. 64.

HaZecho visione caelestis clarus. 69.

Helfenstein (Udalricus Comes de) per insidias occisus. 28.

Henricus II. Imp. Fundator Monasterii S. Michaelis Bambergae. 54. commutationem quorundam Bonorum inter Bambergensem & Herbipolensem Episcopos initam confirmat. 109.

Henricus Rex Conradi II. Imp. filius una cum Parente suo Bona & possessiones Ecclesiae Bambergensis Confirmat. 110.

Henricus Friderici I. Imp. filius in Regem Rom. creatur. 80.

Henricus VII. Rex Spira. Convencum Principum celebrat. 24. adversus Eberhardum Comitem VVirtenbngenſem arma parat. ibid.

Henricus I. Archiep. Moguntinus in Cœnobium S. Petri Erfordiae Munificus 2. ejus dies emortualis. ibid.

Henricus I. Herbipolensis Episcopus ab Ottone III. Imp. insigni praedio donatur. 108. Bonorum quorundam commutationem init cum Episcopo Bambergensi. 109.

Henrici Episcopi. Ratisponensis dies emortualis in Monasterio S. Michaelis Bambergae solemniter Institutus. 52.

Henricus Merseburgensis Episcopus donationem quandam ratam habet. 124.

Henricus Bambergensis episcopus praedia quorundam mensae suae episcopali in perpetuum annectit 122. disponit circa advocatiam Cœnobii Tharisiensis. 123.

Henricus Abbas S. Petri Erfordiae transigit cum Incolis Slavis villam suam eremitec. 121. cum Abbatissa de Berka pacifecitur. 123.

Henricus Praepositus in Pinguia. 10.

Henricus Praepositus S. Mariae Erford. & Custos Moguntinae ecclesiae. 2 & 3.

Henricus Bavariae Dux, Friderici I. Imp. patruus. 114.

Henricus II. Hassiae Landgravius Romanæ fedi devotissimus. 126.

Henricus Comes de Ortenberg. 123.

Hermannus Magister domus Teutonicorum. 122.

Hermanni Marchionis dies emortualis. 56.

Heroldus Herbipolensis episcopus a Friderico I. insigni Diplomate honoratur. 116.

Heydenrichus Abbas Bursfeldensis. 12.

Hiltene Abbas in Aldesleyben 3.

Hilti-

Hiltpoldus episcopus Wormatiensis 66. ejus dies emortualis. ibid.

Hohenzolla Castrum funditus destruitur. 30.

Honstein (Comites de) Theodoricus & Henricus 13 Mechthildis Comitissa ibid.

Hugo Fardensis Episcopus. 117.

I.

Joannes VI. Imp. Constantinop. a Carolo Imp. Litteris convenitur. 131.

Joannes Archiep. Mogunt. 150. & seqq.

Joannes Marchio Moraviae Fœdus init cum Ludovico Ungariae Rege 137. Testamentum Condit. 148.

Joannes Dux Gorlicensis a Sigismundo Hungariae Rege Fratre suo confirmationem Marchiae Brandenburgicae obtinet 150.

Joannes Comes de Cygenhain ab Henrico Landgravio enixe commendatur Pontifici. 127.

K.

Kantheusanus Imperii Constantinopolitani Usurpator. 131.

Kasimirus Poloniae Rex arbitri Controversiae inter Carolum IV. Imp. & Ludovicum Ungariae Regem. 137.

Keverenberg (Comites de) Guntherus & Guntherus Fratres in Cœnob. S. Petri Erfordiae munifici. 13.

Kirchberg (Comites de) Ditmarus, Christianus II. ambo in Cœnobium S. Petri Erford. Benefici.

L.

Lampertus Novi Operis Praepositus Illustri genere ortus. 68. ejus Fratres ibid. ab itinere Hierosolymitano avertitur ibid. Institutum Can. Regg. amplectitur, miraculis post obitum claret. 71.

Liningen (Emicho) Comes de) Friderico Comiti Palatino bellum indicit. 31.

Lotharius II. Imp. celebrem Conventum Principum Instituit Moguntiae. 77.

Lucani Carolo IV. Imp. Juramentum Fidelitatis praestant. 141. iisdem Imperator jus cudentiae Monetæ indulget.

Ludovics IV. Imp. Alberto Constantiensis Electo favet. 126.

Ludovicus Hungariae Rex pacis Fœdera init cum Carolo IV. Imp. 137.

Ludovicus Dux Bavariae adversus Fridericum Comitem Palatinum bellamovet. 31.

Ludovicus II. Landgravius Comes Proviuciæ & Comes Patriæ nuncupatus. 2. & 3.

Lupoldus & Ludolfus Austriae Duces, Fœdus ineunt cum Carolo IV. Imp. 137.

Lupoldi Marchionis dies obitus 56.

M.

Mansfeld (Hoggerus Comes de) Lukardim Missinsem Marchionissam e Tumulo effodit. 77.

Marculphi Archiep. Moguntini dies emortualis. 19. 53.

Marescalchi ecclesiae Herbipolensis Officium Nobile. 122.

Margaretha Imperatrix pro captivo intercedit 126.

Margaretha Abbatisa in Berka cum Henrico Abbate S. Petri Erford. paciscitur. 12.

S. Marini Monasterium Papiae 131.

Maximilianus Rex in Conventu VVormatiensi Eberhardum VVirttembergens. Comitem in Ducem sublimat. 36 Rupertus Comiti Palatino Rheno bellum indicit 38. in conventu Principum Coloniae pacem reformat. 39.

Meginhardus Episcopus Pragensis Cœnobio S. Michaelis Bambergae varia donat 54. ejus dies emortualis. ibid.

S. Michaelis Cœnobii Bambergae. Benefactores & Abbates. 47 & seqq. ejus architectus sub Ottone Episcopo, Richolfus. 50.

Misico Dux Polonorum in Cœnobium S. Michaelis Bambergae Munificus. 52. ejus dies emortualis. ibid.

Milsenium Marchionum stemma & res Gestæ. 75. & seqq. Conradus Marchio 76. Otto Marchio. 78 Albertus Marchio 79. & seqq.

N.

Novi Operis Cœnobium juxta Halas saxonicas a quo fundatum 69. ejus primus Praepositus Lambertus. 70. & seqq.

O.

Orlamunde (Fridericus & Hermannus Comites) 16.

Ottacar Bohemiae Rex in Cœnob. S. Petri Erford. Munificus. 20 ejus dies emortualis. ibid. Otto I. Imp. varias Reliquias ex Italia obtinet. 73

Otto III. Imp. in Ecclesiam Herbipolensem munificus. 108.

Otto episcopus Bambergensis, alter Cœnobii S. Michaelis Bambergae fundator. 53. ejus dies emortualis. ibid.

Otto Dux Meraniae ultimus pradia plurima per obitum suum aperta relinquit ecclesiae Bambergensi. 122.

Otto Comes de Bottenloben & Adelheidis ejus conjux in ecclesiam Herbipolensem munifici. 121.

P.

S. Petri Cœnobium Erfordiae, variis donis ac pradiis ditatur, & seqq. ejus Abbates. VVernherus. 1. & seq. Gelfradus. 4. Pilgrinus. 4. VVitelo. 6. Henricus. 8. Andreas. 14. Guntherus 17. Christianus. . ibid. VVolkmarus, ibid. Burcharius. ibid. Rudigerus. ibid. Dietmarus. 19. 119. Henricus. 121. Raboto. 17. Hartungus. 18. Petrus, ibid. Joannes. 19. ejus Advocati. Comites de Glichen Ernestus I. & seq. Ervinus 6. Lampertus 8. Hermannus. 15. & 16.

Philippus comes Palatinus Rhenis Eberhardum VVirttembergensem comitem in Tutitionem recipit. 37.

Poppo episcopus VurtZburgensis in cœnobium S. Michaelis Bambergae Beneficus. 49. ejus dies emortualis. ibid.

Rabins VValt (Fridericus comes de) in cœnobium S. Petri Erfordiae munificus. 15.

Rapoto comes Monachus in Hartenberg. 52. Redenboch Monasterium Can. Regg. 68 ex eo deducitur Colonia in Monasterium Novi operis juxta Halas. 70.

Poppo comes. ibid. Pusten (GerVVicus) Benefactor Reclitoris juxta Merseburg. 124.

Rabins.

R.

Rabinswalt (Fridericus Comes de) in Cœnobium S. Petri Erfordiae manifestus. 15.

Rapoto comes monachus in Hartesberg. 52.

Redenboch Monasterium Can. Regg. 68. ex eo deducitur Colonia in Monasterium Novi - operis juxta Halas. 70.

Reginberti Pataviensis Episcopi dies emortualis. 56.

Reginboto Comes monasterii S. Michaelis Bamberg. Insignis benefactor 52. ejus dies obitus ibid. ejus uxor Adela, pariter Cœnobii ejusdem benefactrix. 56.

Reimundus Hipponensis Episcopus. 117.

Reinhardus Electus Wirceburgensis ad Expeditionem Italicam se accingit. 118.

Reinheri Abbatis Corbejenſis dies emortualis. 20.

Reutlingen oppidum prælio famosum 29.

Richenza Imperatrix cœnob. S. Michaelis Bambergæ Benefica 53. ejus dies emortualis. ibid.

Romanus Rex Ruthenorum donat Cœnobio S. Petri Erford. XXX. marcas 19. ejus dies obitus ibid.

Rotenburg (Comites de) e sanguine Ducum Franconiae oriundi 41. fundant Cœnobium Combergensē 42. & seqq.

Rudolfus Archiep. Saltzburgens. in Cœno S. Petri Erford. Beneficus. 19. ejus dies emortualis ibid.

Rudolfus Leodienſis Episcopus. 117.

Rudolfus I. Rex. Rom. Udalricum comitem Wirtembergensem bello petit. 28. cum eodem dissidia componit ibid.

Rudolfus dux Saxoniae 132.

Rudolfus Marcho Badensis Ebrhardum comitem de Wirtemberg protegit. 24.

Rudolfus comes palatinus Adolſi Regis. Rom. partes tuetur. 62. adversus Albertum Austriacum frustra insurget. 63.

Rudolfus præpositus S. Petri Goslariae. 120.

Rupertus Episcopus Bambergensis prædia quadam cœnobio S. Michaelis. Largitur. 53. ejus dies emortualis. 30.

Rupertus Comes Palatinus advocatiam Maulbrunensis cœnobii obtinet. 29. in subsidium Eberhardi Comitſ Wirtembergensis properat. 30. Maximilianum Regem Rom. sibi intensum habet 38.

Rupertus Comes de castel. 121.

Ruthardus Archiep. Mogunt. in Cœnobium S. Petri Erfordiae Beneficus. 19. ejusdem cœnobii bona & possessiones in singularem protectionem suscipit. 117. confirmat fundationem cœnobii combergensis. 42. ejus dies emortualis. 19.

Rutgerus Archiep. Magdeburgensis transfert solemniter Reliquias S. Alexandri Martyris. 73. & seqq.

S.

Saltzburgensis Metropolis Canonici a Conrado Archiepiscopo Regulam S. Augustini inter eos introductam ægre admittunt 70.

Sifridus Archiep. Mogunt. in Cœnob. S. Petri Erford. munificus. 9.

Sigismundus Hungariae Rex Johanni Fratri suo Mareham Brandeburgensem confirmat. 150. in

Regem Romanorum eligitur. 153. & seq. Sigismundus Archidux Austriae cum Eberhardo Wirtembergensi comite altercatur 34. & 35. Sizo comes 4. ejus Filius Henricus Comes ibid. Slavi & Teutones quam inter se dissimiles 121. Soltzberg (Ludovicus a) Eques fundat Cœnobium sanctimonialion. 23.

Sturnfeder (Burchardi) pia donatio. 127.

Sumeringen (Ludovicus de) in Cœnob. S. Petri Erford. munificus. 9.

Swartzburg (Guntherus comes de) in Cœnob. S. Petri Erford. munificus. 14. ejus Filii Guntherus & Henricus. ibid.

Suvidigerus polonienſis Episcopus. 50.

T.

Theodoricus Mindenſis Episcopus universos Bohemici Regni Reditus in pignus accipit 133.

Theodoricus comes Hollandiae. 116.

Thungen (Conradus de) Episcopus Herſipol. auream crucem sibi oblatam emere recusat. 44.

Torneamentorum Ludus periculis plenus 79. a Wicmanno Archiep. Magdeb. in synodo severe interdicatur. 80.

Tunahe (Erwinus Comes de) in Cœnob. S. Petri Erfordiae munificus. 6.

Turricus placentinus Episcopus. 117.

V.

Udalricus spirensis Episcopus. 57. ejus dies emortualis ibid.

Udelricus Cathedralis Ecclesiae Nuemburgensis Decanus in Ecclesiam Merseburgensem munificus 125.

Vdo Cizensis Episcopus. 117.

Virbanus V. Pont. max. Caroli IV. Imp. favorem & protectionem experitur 135. 140.

Urpeche (Henricus & Theodor. de) in Cœnobium S. Petri Erfordiae Benefici. 14.

Virdunum Civitas. 91. ejus incrementa & fata ibid & seqq. ejus Episcopi ibid. & seqq.

S. Viti Martyris Corpus a Papiensibus in donum datur Carolo IV. Imp. 129.

W.

Waltherus Ecclesiae Metropolitanæ Colonienſis præpositus. 114. advocatiam villæ Worung obtinet. 115.

Warthenberg (Joannes & Wanto de) ob egregia facta Civitate Tertzin donantur 134. quæ & posteris eorum a Carolo IV. confirmatur. ibid.

WVartperg (Adelheidis Comitissa de) in Cœnob. S. Michaelis Bambergæ munifica 49. ejus dies emortualis ibid.

WVenceslai Bohemiae Regis Nativitas festive celebratur. 133.

WVerno Hildesheimensis præpositus 71.

WVignandus Cœnobii Combergensis insignis benefactor. 43.

WVilhelmus præpositus S. Mauricii Moguntiae. 10.

WVinpina Oppidum ad Nicrum fluvium 57. 58.

WVinpinenſis Ecclesia Collegiata a quo fundata 58. ejus incrementa ibid. & seq. ejus præpositi Ditherus de Helmeſſad 62. 65. H. de Duna 63. Petrus de Muer 67. WVernerus 66. Rudigerus 66. Engelhardus de WVinsperg 64. Geilacus de Bettingen. ibid. WVolkmandus. 65. ejus Decani Reichard.

Richardus 59. 65. Conradus de Heilpruan. 61.
64. Burchardus. 62. Geroldus de Hawenstein 63.
Henricus de Grunbusch ibid. & 64. Remboto de
Nyperg ibid. petrus de Muer ibid. Rudolfus 65.
67. Eberhardus 52. Crafo 66. Gebeno. 67.

VVinsceburg (Hermannus comes de) occisus 71.
VVinsperg (Schela) uxor Conradi in Ecclesiam
VVinpinensem benefica. 66.

VVirtemberg (comites ac deinde Duces de)
Adalbertus Senior Comes. 12. 1. ejus uxor Luitgar-
da ac Liberi. ibid. Adalbertus Junior comes mo-
ribus insignis, in Expeditione Conradi Regis sa-
gita percussus, monachum induit & Pie obit.
22. Ludovicus Comes. ibid. Bruno comes fit Ab-
bas Hirsangienfis ibid. Henricus comes fit Episco-
pus Aichstetensis. 23. Vdalricus comes Vir stre-
nus & bellicosus ibid. & seqq. Eberhardus comes
Alberto Regi adheret adversus. Adolsum 24.
eidem succedit filius Udalricus ibid. Ludovici Re-
gis partes sectatur ibid. a Barone de Vinsingen cap-
tus gravi Litro se redimit. ibid. ejus Liberi. 27.
Eberhardus comes Frater vdalrici oppidum Es-
lingen de Mandato Caroli IV. Imp. subigit. 26.
prospera fortuna nimium elatus, ejusdem Impe-
ratoris Indignationem incurrit 27. cum eadem
denuo pacem init ibid. adversus comites de Eber-
stein bella gerit. 27. pecuniam suevie urbibus im-
positam nomine Cesaris colligit 29. Cives oppi-
di Reutlingen armis laceffit. ibid. & seqq. ejus
relicta vidua Comitem de Zolre sibi Insultantem
edomat. 30. Vdalricus comes VVirtemb. nupti-

as contrahit. 31. Cives Eslingenses debellat ibid.
in Fridericum palatinum bella movet 51. captus
gravi aere sere dimit. 33. obit 34. Ludovicus Vdalri-
ci frater obit 31. ejus uxor ac Liberi. ibid. Eber-
hardus Comes VVirtemb. Barbatus dictus Aca-
demiam Tubingæ erigit. 34. Sigismundum au-
stræ Archiducem aggreditur ibid. Romanus pre-
fectus a Pontifice Maximo Rosa donatur 35. oc-
casione Monasterii Zwifalten Indignationem
Friderici Imp. incurrit ibid. Fratres Ord. S. Petri
in Schonbach instituit 36. a Rege Maximiliano du-
cis Titulum & dignitatem obtinet. ibid. Obit. ibid.
Eberhardus Barbari nepos rempublicam male ad-
ministrat. 37. a suis ad Philippum Comitem Pa-
latinum Rensi transit. ibid. a maximiliano Rege
frustra revocatus udalricum Fratrualem sibi in Re-
gimine substitui patitur. 38. Vdalricus Comes
Ruperto palatino Rheni Bellum indicit. 38. ac
varia Fortuna cum eodem dimicat 39. Bavariæ
ducis Filiam in uxorem ducit. ibid. Abbatem Zwi-
faltensem custodiæ mancipat. 40. cum Ludovico
& Friderico palatinis principibus Fœdus perpetu-
um init. ibid. ex subditorum rebellionem anxius
ibid.


VVitikindi saxoniz ducis Genus. 74. & seqq.

VVolframus præpositus in Utrickshausen do-
nat Cœnobio S. Petri Erfordiz Insignes Sancto-
rum Reliquias. 5.

Z.

Zurich Oppidum obsidetur & subigitur. 25.
& 26.





I.

TRADITIONES VETERES
COENOBII S. PETRI ERFORDIÆ.

I.

*Notitia Adalberti Archi-Episcopi Moguntini pro
Donatione Dithmari de Kirchberg.*

N Nomine Sanctæ & Individuæ Trinitatis. Ego ADALBERTUS DEI An. 1134

Gratia Moguntinensis Ecclesiæ Archi-Episcopus & Apostolicæ Sedis Legatus, Notum facio omnibus futuris & præsentibus, quendam Virum DIETMARUM scilicet de KIRCHBERG Liberis progenitum Parentibus, tradidisse per propriam liberam manum super Altare Sanctorum Apostolorum Petri & Pauli in Erpesfurt ad Monasterium Cœnobitarum, propriam Famulam nomine Irmingart

cum Filio ipsius Rukkerō, duabusque Filiabus, quarum ista sunt nomina, Bilihilt, Irmintrut, ea conditione ut prædicto Cœnobio Jure deservirent Ministerialium: dederat eadem die prædictus Homo ad præfatum Altare X. mansos, quorum duo & dimidius jacent in Wachsteti & II. in Kirchberg, III. in Hirzwinkili III. in Culaha: eadem Pactione quatinus prædicti homines quos tradiderat ad Ministeriales, beneficiarentur tam ipsi quam illorum Successores de prædicto prædio Jure hæreditario. Hujus Traditionis plurimi exstiterunt Testes, WERNHERUS DEI Gratia tunc supranominati Cœnobii Venerabilis Abbas cum cunctis Fratribus sibi subiectis: Liberi verò Viri Folrat & Frater ejus Hertac, Ramvolt, Memvart, Ortwin, Walther; ne quis autem prædictam præsumat falsificare Traditionem, Nostri Sigilli impressione, Rogatu ipsorum, perpetuam deliberavimus eis prævidendo præparare Tuitionem.

Acta sunt hæc Anno Dominicæ Incarnationis MCXXXIII. Indiæ. VII. Regnante LOTHARIO Imperatore Romanorum Augusto, sub Advocato prædicti Cœnobii Comite ERNESTO feliciter, Amen.

II.

Notitia pro Donatione Sigifridi de Erpesfurt.

Notum sit omnibus CHRISTI Veritatem sectantibus presentibus & subsequenti- An. 1136, bus, SIGIFRIDUM quendam Erpesfurtensem, Sancti Spiritus aspiratione succensum propria pecunia III. Mansos in villa quæ Backsteti dicitur emisit, Sanctoque Petro Principi Apostolorum, Cœnobitisque prædicti Apostoli commorantibus in Erpesfurt absolute tradidisse pro salvatione videlicet suæ Animæ, Uxorisque, nec non omnium Parentum Cognatorumque salute: pro quo prædio suscipiendo ad incolendum dede-

dederunt pro oblatione unum mansum Hæreditarii Prædii, jacentis juxta prædictam Villam, Quatuor Slavi de sæpenominata Villula, Hospites LUDEVICI Comitis Provinciæ, quorum ista sunt nomina Luzicho, Herolt, Odalrih, Cuno: hi quatuor Viri susceperunt prædictos quatuor mansos, tam illum quem obtulerant quam illos tres propter quos acquirendos proprium mansum tradiderant hæreditarii Jure prædii; ita ut cum quis istorum obierit, Filius ejus aut proximus Propinquus offerat Abbati prædicti Cænobii VII. solidos & in Hæreditatem Defuncti succedat: solvunt autem prædicti Slavi ter in anno singulis vicibus XIII. solidos: hoc etiam propter prædictam oblationem ab Abbate impetrarunt, quod Advocato nullum Placitum persolvunt; cætera verò legitima Jura Slavorum, quæ constituta sunt pro cædibus vel Furto aliisque culpis quæ suboriri poterunt, tempore vel loco quo Abbati placuerit persolvere debebunt. Hujus constitutionis plurimi existunt Testes & maxime prænominatæ Congregationis Fratres Otto, Ingram, Rudiger, Herman, Wernher Dictator, & Conscriptor præsentis Paginæ: Laici verò Sigifrit Dispensator Ludevici Comitis Provinciæ, Hartman Dispensator tunc Fratrum S. Petri aliique quamplures.

Acta sunt hæc Anno ab Incarnatione Domini MCXXXVI. Indiæ. XIV. Regnante LOTHARIO Imperatore Anno Regni ejus XI. sub ADELBERTO Moguntino Archi-Episcopo & Apostolicæ Sedis Legato, & sub ERNESTO Comite Advocato S. Petri.

Ego WERNHERUS DEI Gratia licet Indignus, Dispensator tamen S. Petri hæc statuta proprio Sigillo constabili, postulans Successores meos, & rogitando in Christo commoneans, ne facile prædecessorum suorum consulta infringant, si propria desiderent apud Posterios inconcussa permanere.

III.

Ex Auto- *Donatio solemnis Henrici I. Archi-Episcopi Moguntini.*
graphio.

AN. 1144.

IN Nomine Sanctæ & Individuæ Trinitatis. HEINRICUS DEI Patientia Moguntinensis Archi-Episcopus hujus Nominis Primus. David Rex & Propheta, Sancti Spiritus organum, Fidelibus in spe Beata ad DEUM tendentibus dulce canit Epytalmium. Quam magna, inquit, multitudo dulcedinis tuæ Domine, quam abscondisti timentibus te, perfecisti autem eis qui sperant in te; his DEI adjutorio & Nos participes fieri exoptantes, ex his quæ sine alicujus controversia Juri nostro provenerunt; stipendia DEO Famulantium amplificare studuimus, ut tanto devotius suis Nobis instantissimis patrocinaurentur Orationibus: Omnibus igitur notum facimus præsentibus & futuris, qualiter à Prædecessoribus nostris Ecclesiæ Beatorum Apostolorum Petri & Pauli in Erfordia Mansi IV. subtracti in Biterisleybin, cuidam Bernolfo nomine ea delegati sunt conditione, ut singulis annis mensæ Episcopali XX. solidos tempore constituto persolveret, omnem vero utilitatem ex reliquo proveniente suis usibus deputaret: Nos igitur nostrorum prudenti usi consilio, considerantesque in tali facto grave detrimentum Ecclesiæ, condoluimus, & cum prelibato Homine facto concambio Libras III. pro hereditario Jure dari jussimus, & ab omni conditione qua sibi prædicta Bona vendicabat, penitus redemimus: ne ergo in tali Opere incassum & sine Fructu laborasse videremur, cum XX. solidis qui mensæ nostræ respiciebant, mansos denominatos & liberè redemptos, Fratribus DEO & Beatis Apostolis Petro & Paulo incessabiliter Famulantibus, pro Remedio animæ nostræ reassignavimus, ea videlicet Ratione ut vita adhuc superstitute dies Ordinationis nostræ *V. Calend. Octobris* digna Venerationis Memoria ageretur, & Refectio Caritatis Fratribus impenderetur: mutata verò vita præsentis, Anniversaria nostræ depositionis Vigiliis, Missarumque officiiis solenni data Refectione pro consequendo Beatæ Immortalitatis præmio celebrarent: his ita ob commodum Fratrum & Ecclesiæ, DEO ordinante, compositis ne aliquis ausu temerario huic reassignationi se opponat, cartam præsentem conscribi & Sigilli nostri impressione signari præcepimus. Testium quoque, qui præsentem fuerunt nomina annotari jussimus, ut comprobato Veritatis judicio, ex integro omnis ambiguitas à futuris Posterorum Filiis excludatur. Henricus Majoris Ecclesiæ Custos in Maguntia & Præpositus S. MARIE in Erphordia. Goreboldus Præpositus Fritslariensis & Camerarius

rarius Curia. Buschardus Præpositus de Jechburck. Adelhardus Præpositus S. Severi. Sinzo Præpositus Regularis de Hospitali in Erphordia. Capellani: Conradus, Henricus. Liberi: Comes Patriæ LUDOVICUS, & Frater ejus Henricus, Dammo de Buche, & Filius ejus Arnoldus. Ernst Advocatus ejusdem Ecclesiæ. Ratherus de Werde. Sigebodo de Schoweburck. Dudo Castellanus de Rostberck. Ministeriales: Ludovicus de Wangenheim, Wernherus Dapifer, Conradus Pincerna, Dragbodo & Conradus Marescalci. Henricus Vice-Dominus de Erphordia. Buzelo Scultetus. Sigeboldus, Giselbertus & alii plures.

Acta sunt hæc Anno Dominicæ Incarnationis MCXLIV. Indiæ. VII. Regnante CONRADO Rege hujus Nominis Tertio. Data in ERPHORDIA XVIII. Kal. Decembr.

IV.

Notitia ejusdem Henrici Archi-Episcopi Moguntini Ex Auto-
grapho.
pro Donatione Nobilium Virorum Folradi & Hertagi.

IN Nomine Sanctæ & Individuæ Trinitatis. Ego HEINRICUS DEI Gratia Metro-An. 1146.
politane Sedis Moguntinæ Archi-Episcopus, Notum esse cupimus cunctis in spe adoptionis Filiorum DEI in Ecclesia laborantibus duos Germanos FOLRADUM videlicet & HERTAGUM Liberi generis Viros, Sancti Spiritus Gratia illorum visitante præcordia experisse Cœnobium Erphesfurt, quod constructum est in Honore Principum Apostolorum Petri & Pauli, conversionis Gratia, qui à Fratribus ibidem DEO Famulantibus benignè in consortium suscepti, obtulerunt se, suæque omnia super præfatorum Apostolorum Altare, annuentibus & simul offerentibus ipsorum Germano HERMANNO, & Patruī Filio DIETMARO, ceterisque Cognatis & Amicis: est autem quod DEO & ejus Apostolis eo die obtulerunt, in Bichenried unum Mokendinum & VIII. mansi, cum totidem curtilibus, & duabus silvulis: in Ellenhartesrode III. Mansi, in Hizwinckele II. Mansi & in Kirchberck II. & unum Pratum & III. mancipia Jure Ministerialium. Item in Escherichesrode Curia cum omnibus appendiciis, tribus videlicet curtilibus & IV. mansi cum silva circumjacente, & in eadem Curia Capella, & ad eam pertinentia tria curtilia, & VIII. mansi, quorum unus est in Hortene, unus in Kenetenhusen, unus in Wachstete, unus in Gunzerode, tres in Escherichesrode: verum ut hæc Traditio firma Apostolorum Principibus Petro & Paulo permaneat, Sigilli nostri impressione signavimus & Banni nostri auctoritate firmavimus, ut si quis de præfatis Rebus aliquid usurpaverit, perpetuæ damnationis anathemate feriatur.

Hujus rei Testes sunt Henricus Præpositus S. MARIE in Erpesturt. Adelhart Præpositus S. Severi. Sinilo Præpositus Regularium; Folpertus Præpositus de Sancto Cyriaco. Archipresbiter Bertholdus; Abbas WERNHERUS præfati Cœnobii, & Wilhelmus Prior, & omnis Conventus. Liberi: ERNESTUS Comes Advocatus ejusdem Cœnobii. Lampertus Comes, Fridericus de Bichelingen. Ministeriales: Hartunc, Wernher, Sigibolt.

Acta sunt hæc Anno Dominicæ Incarnationis MCXLVI. Indiæ. VIII. Regnante CONRADO. Data II. Idus Augusti in ERPEFORDIA.

V.

Ejusdem Henrici Archi-Episcopi Charta Tertia, qua
Traditionem Guntheri de Ditendorp Ratam habet.

IN Nomine Sanctæ & Individuæ Trinitatis. Ego HEINRICUS DEI Gratia Mogun-An. 1147.
tinenſis Archi-Episcopus, Notum esse volumus universis Christi Fidelibus, quod quidam Ministerialis Domini BERNHARDI Comititis, GUNTHERUS Nomine de Ditendorp & Filii ejus ALEXANDER videlicet HENRICUS, & GUNTHERUS, duos mansos & dimidium in Hochstete Abbati WERNHERO hujus Nominis secundo, suisque Fratribus in Erpesturt pro VIII. marcis & V. Talentis vendidit & propria manu Filiorum, &

aliorum quorum ad hoc negotium assensu indiguit, præcipueque præfati Principis Bernhardi super Altare Apostolorum Petri & Pauli data sibi prædicta pecunia ab Abbate, tradidit: hanc Ego Heinricus DEI Gratia Moguntinensis Archi-Episcopus traditionem Ratam & firmam esse volens Sigilli mei inpressione Roboravi, & Banni mei vinculo colligavi, ut si quis hanc Traditionem infringere conetur, in die Judicii cum Angelo Sathanæ damnetur.

Hujus rei Testes sunt WERNHERUS Abbas Erpesfurdensis, Hiltene Abbas Aldesleybenensis, Bernhardus Comes, ERNESTUS Comes, & Advocatus ejusdem Cœnobii. Guncelinus, & Frater ejus Goltmarus de Dachebeche: Hugo, Guntherus, Alexander, Hermannus Subadvocatus & alii plures.

Acta sunt hæc Anno Dominicæ Incarnationis MCXLVII. Indiæ. X. Regnante CONRADO hujus Nominis III. eodem Rege in Expeditione Jerosolimitana posito.

VI.

*Commutatio quorundam Bonorum inter Arnoldum
Archi-Episcopum Moguntinum & Gelphradum Abbatem
S. Petri Erford. inita.*

An. 1157. **I**N Nomine Sanctæ & Individuæ Trinitatis. ARNOLDUS DEI Gratia Moguntinæ Sedis Archi-Episcopus. Ad hoc Prælatorum Sollicitudo omne studium suum & Laborem debet accommodare, ut Ecclesias, eorum speculationi commissas, Emptione, venditione, commutatione, seu quolibet alio modo possint lucrifacere: Notum igitur esse volumus universis tam futuri quam præsentis ævi Christi Fidelibus, qualiter Nos, ut possessiones Moguntinæ Ecclesiæ ampliarem, à quodam Viro Ingenuo videlicet HEINRICO Filio MEINHARDI Muliburg ejusdam castri medietatem Velmhufen nuncupati cum Ministerialibus, prædiis, ceterisque ad ipsam medietatem pertinentibus in Jus proprietatesque Moguntinæ Ecclesiæ conquiescerimus, partim pecunia comparandam, partim etiam rebus immobilibus commutandam, à Fidelissimo ergo GELFRADO Abbate Ecclesiæ B. Petri in Erpesfurt Prædium quoddam in villa Progniz nuncupata, unde annuatim tria Talenta & dimidium solvebantur, Colonis ejusdem prædii in proprietate Monasterii B. Petri retentis, communicato Ecclesiæ nostræ Consilio commutavimus & prememorato Heinricho pro quibusdam Prædiis, quæ cum medietate præfati castri nobis dederat, committenda restituvimus: in Recompensatione autem ejusdem Prædii VI. mansos Dominicali nostro in Biltirsleybin attinentes, & insuper unum mansum in eadem villa antedicto Abbati & Monasterio suo cum omni utilitate in proprietatem perpetuo Jure donavimus: hanc commutationem nostram atque donationem per omnem Temporum revolutionem ratam & inconvulsam permanere volentes, præsentis pagina, inpressione Sigilli nostri insignita, stabilivimus & Banno nostro confirmavimus.

Hujus rei Testes sunt: Arnoldus Præpositus de S. MARIA. Burchardus Præpositus de Bicheburg. Hartuvicus Præpositus de S. Petro Mogontia. Adelhardus Præpositus de S. Severo. Conradus, Rudingus Capellani. Gernodus Notarius. Adelbertus Marchio & Filius ejus Hermannus. Sizo Comes, & Filius ejus Heinricus. Adelgerus de Ilvelt. Fridericus Comes de Bichilingen. Erwinus, & Ernestus Fratres Comites. Folradus de Granichvelt. Heinricus de Berlisteti, Ministeriales. Helfericus Vice-Dominus, Heinricus Vice-Dominus, Giselbertus, Sigeboldus, Ditmarus & Hermannus Fratres, Wolframms Scultetus & alii plures.

Acta sunt hæc Anno Dominicæ Incarnationis MCLVII. Indiæ. V. Regnante FRIDERICO Imperatore.

VII.

*Notitia Pilgrimi Abbatis S. Petri pro Donatione
Wolframi Præpositi in Uchricheshusen.*

An. 1185. **I**N Nomine Sanctæ & Individuæ Trinitatis. PILGRIMUS Divina dispensante Clementia dictus Abbas Cœnobii in monte S. Petri Erpesfordiæ. Dum cunctis sit in propa-

propatulo appropinquante mundi Vesperè Caritatem multorum refrigerare, incumbit Pastori Ovile Dominicum, Caritatis sic vinculis constringere, ut Aquæ multæ Dilectionis ignem non queant extinguere: eapropter cunctis tam nostri quam subsequen-
tis ævi apud nos mancipatis Christi Tyrocinio seu mancipandis innotescimus, quod
DOMNUS WOLFRAMUS Venerabilis Præpositus Ecclesiæ Sanctæ DEI Genitricis Sancti-
que Georgii Martyris in Uchtrichshusen, sperans nostri Parvitatem alicujus apud
DEUM fore Meriti, Caritatis non fictæ ardore inflammatus, tam Nos quam Nobis
coessentes, devotus adiit, & Membris nostræ Ecclesiæ connumerari plenaria Frater-
nitate expetiit: Nos ut par fuit, tam Illustri Personæ jam dudum Nobis non incogni-
tæ juste Justa petenti Mente alacri Assensum prebuimus, & unanimi Consensu Vorum
iplius adimplevimus, statuentes, ut Anniversarius Depositionis ejus Dies cum Vigiliis
& Missa pro Defunctis in Conventu nostro pro Animæ ejus Requite futuris semper
temporibus agatur: Ille nimirum, cum Ovile Domini non aliorum quam per Ostium
introisset, omnimodis caput satagere ne grata DEO Societas aliqua obliteraretur Anti-
quitate; siquidem Thesaurum suum specialem, quem numerosum à Venerando Mag-
deburgensis Ecclesiæ Archi-Episcopo WICMANNO, & à Majoris ejusdem Decano
Domno SIRIDO, nec non à Domno WITHOLDO Præposito in Hunoldesburc Viro
Nobili & Industrio summa Precum Instantia ac obsequiorum Officio impetraverat,
quem etiam longo tempore à Reverendis valde Personis multo sudore passim conqui-
sierat, Reliquias videlicet Sanctorum desiderabiles, Aure ter cocto cariores Nobis non
dubitavit partiri, quarum quantitatem post subnotavimus; Cappam quoque duabus
Marcis & tribus Fertonibus, Codicem argenteum pensantem II. Libras, Heimonom super
Apocalypsim, & triplex Psalterium comparavit, & alia perplura Caritatis & De-
votionis Opera declaravit: preterea votivè rogavit quatinus hujus gestæ rei memo-
riam scripto mandaremus ne tempore subsequenti apud Posteror tam pius ejus Affectus
fieret Oblivioni, quam ejus petitionem supplevimus, & Paginam hanc inde conscrip-
tam Sigilli nostri Impressione signavimus: summa autem constitutionis & Petitionis
nostræ in verbo Domini hæc est, ut si fortè, quod absit, quispiam de oblatis Domino
Sanctorum Reliquiis à nostra Ecclesia abalienare præsumpserit, sit Anathema Mara-
natha, ac profanet eum DEUS à consortibus & Filiis Sanctæ DEI Ecclesiæ, & Har-
edibus vitæ æternæ, & auferat memoriam illius de Terra viventium, & deleat nomen
ejus de Libro vitæ, & ut cum Dathan & Abiron, quos Terra aperto ore deglutivit, &
vivos Infernus absorbuit, perhennem incurrat damnationem, & ut Herodis, Pilati, &
Judæ socius factus, in æternum discrutietur, & cum Sodomitis & Gomorrhitis Ignis
& Sulphuris imbres sic experiatur, & Petrum Regni Cœlorum Archiclavigerum cum
Sancta MARIA, & omni Militia cœlestis Exercitus, portæ Paradisi obstitorem habeat in
æternum, Amen, Amen.

Facta sunt hæc Anno Dominicæ Incarnationis MCLXXXV. Indictione III.
Regnante Glorioso Imperatore FRIDERICO hujus Nomine primo: Anno Regni ejus
XXXIII. Imperii verò XXX.

De Magdeburg. de Ligno Domini. De Sepulchro Domini. De ossibus S. Joannis
Baptistæ. Apolinaris Episcopi. Herculani Episcopi & Martiris. De Digno Sancti
Laurentii. De costa S. Georgii Martiris. De Brachio S. Exuperii Martiris. De
Capillis S. Adelheidis Reginae.

De Goslaria Matthiæ Apostoli. Godchardi Episcopi.

De Praga Adalberti Episcopi.

De Treveri Valerii Episcopi. Materni Episcopi.

De Porta Ermagori Episcopi.

De Salefeld Polidurpi Episcopi.

De Wirciburg Processi & Martiniani.

De Babenberc Henrici Imperatoris.

Testes hujus sunt, Domini & Fratres nostri Reinfridus Prior, Wolframus, Otto,
Lampertus, Hermannus, Ludigerus, Frowinus, Ernest, Sigiloch Presbyteri. Adal-
bertus, Conradus, Marcuardus Bertoch, Sifridus, Subdiaconi. Adelbertus, Thiet-
marus Acolyti.

VIII.

*Charta Conradi I. Archi-Episcopi Moguntini, qua
Donationem Erwini Comitis de Tunna ratam habet ac confirmat.*

An. 1192. **I**N Nomine Sanctæ & Individuæ Trinitatis. CONRADUS DEI Gratia Sabinensis Episcopus, Moguntinensis Sedis Archi-Episcopus in perpetuum. Cum ex Divinæ Voluntatis arbitrio inter Ecclesiarum Provisores Locum teneamus, ex commissi nobis Regiminis debito, quotiescunque Ecclesiarum Bona aliquo pietatis Intuitu ampliori respexerimus, quoad opus est promovere tenemur, & ne imposterum aliquo importunitatis Ingenio divellantur, omnem nostræ possessionis diligentiam adhibere debemus: Quapropter notum fieri volumus tam futuri quam præsentis ævi Christi Fidelibus, quod Comes ERWINUS de TUNNAHE, Uxore & Liberis ejus, Animo concordī, mera & libera voluntate assensum præstantibus, XVIII. Mansos cum eorum appenditiis, quorum sex sunt in territorio Villæ illius, quæ Tuteleibin dicitur, reliqui verò duodecim in Walesleybin specialiter & exemptos ab omnibus possessionibus suis, duobus liberæ conditionis Viris tradidit Barthoni & ejus Fratri Volrado de Elkesleybin multis eorum astantibus, eos ipsorumque Fidei committens in hunc modum, ut juxta ejus arbitrium & mandatum simul cum ipso alicui Ecclesiæ quam eis denominaret, ob Remedium animæ ipsius conferrent; Procedente tempore prædicti Comitis Erwini Uxor beatæ Recordationis Mulier, viam universæ Carnis ingressa est; unde merito ipsius Animæ consulere volens VI. Mansos in Tuteleybin de prædictis XVIII. cum Barthone & ejus Fratre Volrado Cenobio S. Petri in Erfordia in perpetuum tradidit Proprietatem, Corpusque ejus Uxoris ibidem tumulari petivit: Elapso itaque aliquanto tempore idem Comes Divino afflatus Spiritu reliquos Mansos XII. in Walesleybin cum omnibus suis appendiciis, iterum cum ipso donationem facientibus Barthone & Wolrado, nobis & multis honestis Viris præsentibus, & suis Hæredibus assensum præstantibus, super Reliquias Ecclesiæ S. Petri in magna contulit devotione: Ne ergo alicui super hujus rationabilis Facti tenore aliquod imposterum generetur Dubium, ipsam traditionem prædictæ Ecclesiæ S. Petri factam, sub Anathematis interpositione, & nostri Sigilli Impressionem confirmamus.

Acta sunt hæc Anno Dominicæ Incarnationis MCXCII. Indictione X. Domno CAÏSTO Apostolicæ Sedi Præsidente. HENRICO VI. Gloriosissimo Romanorum Imperatore Imperium gubernante, & Anno nostræ Electionis in Archi-Episcopatum Sanctæ Moguntinensis Ecclesiæ XXXII. Exilii nostri XXVIII. Reversionis vero ab Exilio VIII. His præsentibus: Burchardo Præposito S. Petri in Moguntia. Gervigo Præposito S. Severi. Canonicis S. MARLE Luthero Decano, Ludwico, Gisilberto, ipso etiam Comite ERWINO Advocato ejusdem Ecclesiæ cum duobus Filiis suis Comite Lamperto & Comite Ernesto, duobus etiam Generis ipsius Poppone de Walsungen & Comite Ditherico de Bereka. Barthone & Fratre ejus Volrado. Conrado de Tullestete Ministerialibus. Embricone Vice-Domino de Magontia, Bertholdo Vice-Domino in Erphordia, Ditherico de Buseleibin & aliis pluribus. Dat. ERPHORD. III. Idus Novembris in Die S. Martini.

IX.

Traditio Hartlibi.

Ex Auto-
grapho.

An. 1220. **I**N Nomine Sanctæ & Individuæ Trinitatis. Ego WITELO DEI Gratia Abbas Montis Sanctorum Apostolorum Petri & Pauli in Erpesfurt, Notum facio universis Christi Fidelibus presentem Paginam inspicientibus quod quidam DEO Devotus HARTLIBUS Nomine, Curiam pro Remedio Animæ suæ, Ecclesiæ Beatæ MARLE & Monasterio S. Petri contulit sub hac forma, ut media pars Censuum Curie ejusdem Viduæ ipsius quamdiu in præsentī vita superstes fuerit cedat, nihilominus residua media parte Censuum ab jam dicta Ecclesiā Beatæ MARLE & Monasterio S. Petri æque perce-

percepta: hanc igitur Curiam quidam Ernestus à præfatis Ecclesiis & nihilominus à Vidua præfati Hartlibi Jure hæreditario suscepit, sub tali quippe tenore ut septem Fertones singulis annis solvat & idem Ernestus infra biennium ipsam Curiam in æstimatione IV. Marcarum ædificiis auctam ostendere possit.

Testes hujus rei sunt Hartlip Prior, Hermannus Claustralis Prior, Cunradus Marchio, Monachus Ecclesiæ nostræ; cum aliis Fratribus nostris. Gerwicus Præpositus S. Severi. Guntherus Decanus Beatæ MARLE. Giselbertus Cantor, & alii quamplures Fratres ejusdem Ecclesiæ. Laici verò Ditericus Vice-Dominus, Henricus de Tunge. Frowinus de Wechmare, Ulricus Vierdelinc, & alii quamplures.

X.

*Notitia Witelonis Abbatis S. Petri pro Donatione**Guntheri dicti Stukilher.*

EGO WITELO DEI Gratia Abbas Montis SS. Apostolorum Petri & Pauli in Erpesfurt An. 1220. cum consiuni Fratrum meorum Collegio. Quam misericorditer Divina Clementia prospexerit huic Loco, id est, Monasterio Apostolorum Petri & Pauli per suum Fidelem GUNTHERUM Cognomine STUKILHERUM olim Civem Erfordensem, postea Monachum nostratem, nunc vero, ut speramus, & omnium Fidelium devotioni exorandum commitimus, consortem celestium Gaudiorum, Memoriarum & præsentium & futurorum contradimus. Fidelis iste Guntherus, ab annis Adolescentiæ se suaque patrimonio addixit JESU Christi, & toto Corde celata sua esse voluit Beneficia, quæ large & nostræ & aliis impertivit Ecclesiis, ut laudent eum in Portis Opera ejus, unde & multa ejus Beneficia nostræ Ecclesiæ impena sunt Incognita, & quæ subscripsimus contra sui voluntatem experti sumus: Kamerario nostro Bertholdo Curiam in Heilingin redimenti, subsidio fuit cum X. Marcis: postea ut peculium compararet X. Marcas dedit: ad redimenda Bona in Bezzingin X. Marcas, ad Emptionem Vinearum in Lifentalo V. Marcas. Hartlibo Cellerario VII. Marcas. Bona in Mitelhusin redemit XVIII. Marcis. Ad ornatum Ecclesiæ II. Casulas II. Albas Lintheamentumque dedit super Altare. Item Ornatum nostrum inignoratam quasi in extremo amissionis periculo VII. Marcis redemit, & quia Filius sapiens Gloria est Patris, & Filius stultus Ignominia est Matris suæ, ipse utpote sui Generis Gloria, mediante solo Germano suo ALBERONE Archipresbitero S. Mariæ, Testamentum suum & Patris & Matris & omnium Fratrum suorum ordinata distinxit Karitate, Ortum siquidem unum XXXII. solidos solventem Ecclesiæ nostræ contulit: ex his X. solidi in Anniversario Patris sui Domini HERMANNI dantur ad Karitatem Confratribus nostris. Item X. solidi dantur in Anniversario Matris suæ Dominæ JUTÆ, reliqui X. ad suum Anniversarium conservantur: simili modo ad Karitatem Fratribus sicut ceteri distribuuntur; Pueris verò in singulis Anniversariis VI. denarii & II. Ecclesiastico pro compulsionem Vigiliarum Missæ distribuunt: dedit etiam Confratribus nostris Kameram, quæ annuatim persolvit tertiam dimidiam Markam, ex his ad Censum Episcopalem attinet dimidia marca, reliquæ duæ Confratribus nostris distribuuntur; cum uno Fertone, Anniversarius duorum Dominorum nostrorum Alberti videlicet & Eberheri celebrabitur; in singulis vero Anniversariis Fratrum suorum CUNRADI & HERMANNI, WERNHERI & EBIRNARDI, WALRABINI & DITERICI cum dimidio fertone Consolationem Fratres recipient, cum uno fertone Hospitalarius noster ad susceptionem Peregrinorum consolabitur: præter hæc omnia, Testamentum Generale suorum Fratrum statuit cum duabus Marcis Auri, quæ pensa ab Archipresbitero Alberone jam dicto, qui una cum Domino Gunthero forma est totius præscripti diligentissime expedita, XII. marcis duas Curtes quas Officio Cenarii delegavit: Insuper ad utilissimum nostræ Professionis statum nostris Infirmis tribus marcis & dimidia duos emit Agros persolventes annuatim X. solidos: ut autem hujus Paginæ nostræ rata & inconvulsa conscriptio permaneat, & ut præscripta donaria nulla Occasione vel mutatione abalienentur à præordinata Fratrum commoditate, sub Interminatione æternæ Dampnationis inviolata conservare constituimus & Apostolorum Petri & Pauli & nostri Sigilli Impressionem confirmamus: Testibus præsentis facti subnotatis quorum Nomina hæc

sunt: Hermannus Prior, Hartliph Sacrista, Cunradus Cantor, Cunradus Cellerarius, Heinricus Camerarius totusque Conventus Ecclesiæ nostræ, Cunradus Præpositus S. Mariæ, Guntherus Decanus, Giselbertus Cantor & totus ejusdem Ecclesiæ Conventus. Laici Hartliph Gensevuz. Giselherus Vice-Dominus. Guntherus Filius suus, Hildebrandus Gener suus & alii quamplures.

Acta sunt hæc Anno Dominicæ Incarnationis Millesimo Ducentesimo Viceſimo. Indictione octava, Præsidente Sedi Moguntinæ SIFRIDO Archi-Episcopo.

XI.

Traditio Albeidis Matronæ.

An. 1223. **I**N Nomine Sanctæ & Individuæ Trinitatis. Ego HENRICUS DEI Gratia Abbas. Notum facio omnibus præsentem Paginam Legentibus, quandam devotam Viduam ADELHEIT Nomine, pro spe Remerationis æternæ & pro Redemptione animæ sui dilecti Mariti GOTSCALCI quædam Bona prope Ecclesiam S. Nicolai jacentia sex & viginti solidos annuatim perſolventia Ecclesiæ Beatorum Apostolorum Petri & Pauli, cui Authore DEO præsumus, contulisse, eo videlicet Ordine ut prædicta Femina, quamdiu esset in corpore eisdem Bonis uteretur; post mortem vero ipsius, eadem Bona præfata Ecclesiæ deservirent; quorum tam Dispensator & Exactor erit BURCHARDUS Filius ipsius Feminæ & Alumpnus nostræ Ecclesiæ, prædictorum etiam Bonorum Tutor & Provisor: ut autem hæc firma & inconvulsa permanerent præfens scriptum Sigillo nostræ Ecclesiæ firmamus. Testes hujus rei sunt Arnoldus, Burchardus, & totus Conventus ejusdem Ecclesiæ, Gotscalcus Scolasticus. Laici Hildebrandus Gener Giselheri. Herboto & Reinoldus & alii plures Religiosi & Nobiles Viri.

Acta sunt hæc Anno Dominicæ Incarnationis MCCXXIII. Indiæ. XI.

XII.

Ex Auto-
grapho.

Notitia Henrici Abbatis S. Petri pro Donatione Henrici Militis de Bilterisleyben.

An. 1224. **I**N Nomine Sanctæ & Individuæ Trinitatis. Ego HENRICUS DEI Gratia Abbas Montis Sanctorum Apostolorum Petri & Pauli in Erpesfurt, Omnibus præfens scriptum inspecturis salutem æternam in eo qui est salus Omnium. Mundum in maligno positum universalis præsentit Ecclesia, & ipsa Fraudis suæ commentis periclitatur, & variis Temporum inficitur incrementis, inde magis cogimur nostris commissis prospicere, & sinistros Eventus quoquo possumus ingenio, quos toto corde amplectimur, precavere. Notum siquidem esse volumus omni Ego, quod HENRICUS Miles unus de BILTERISLEIBIN à nostra Ecclesia infeodatus dimidio manso in ipsa villa, in qua & integrum mansum & sex Areas proprietatis possedit jure, quibus Bonis dum se vellet exuere veriti fuimus graviolem aliquam Personam nos interrompere, unde quamvis sub dispendio decem & septem marcis coemimus integrum mansum & dimidium infeodatum & quinque areas ex quibus unam sibi & suis Successoribus porreximus Jure Feodali, Henricus vero cum Uxore & Filiis & Filiabus manu tradidit Advocati nostri Comitibus videlicet LAMPERTI ipsa Bona, qui & eadem nostræ obtulit Ecclesiæ, insuper pro Favore nostræ Devotionis jure Advocatiæ pro se suisque heredibus perpetualiter abrenuntiavit, prædicta itaque Bona annuatim perſolvunt XXIII. solidos: in ipso etiam tempore coemimus Mansum unum in villa quæ dicitur Minlishusen, quæ non longè distat à Civitate, ad quendam Berchtoldum Filium Berwelfi pro VI. dimidia marca, qui perſolvit singulis annis VIII. solidos & maldratam, quæ omnia simul computata faciunt XXX. solidos & maldratam, quibus autem usibus ista debeant subservire Bona, districtè sub Anathematis vinculo sic statuimus, Frater qui præest Fidelibus & Fratrum Caritatibus in nostro Anniversario ad Hospitale dare

dare debet maldratam ex integro ad pauperum refectiōem, Reliqua omnia ad solemnem Caritatem Fratribus ac toti familiæ dedicavimus.

Testes hujus contractus sunt Comes Lampertus de Glichin cujus Sigillum præfenti pagellæ est appensum, Marcuardus Prior Ecclesiæ nostræ, Conradus Cantor, Borcardus Cellarius, Bruno Camerarius, Fridericus Custos, Merbodo Hospitalarius, & totus Conventus, Didericus Vice-Dominus, Fridericus Schalterus, Siboldus Filius Dominæ Gutæ, Fridericus Filius ejus, Hartmannus de Guttingen, Didericus Frater ejus, Heinricus de Gisbotisleibin, Gerardus Gener ejus, Bergtoldus de Valva, Gerhard, Wernerus, Didericus, Devihardi, & alii quamplures.

Acta sunt hæc Anno Dominicæ Incarnationis MCCXXIV. Indiæ. XII.

XIII.

Ejusdem Henrici Abbatis Notitia altera pro Donatione Ludovici de Sumeringen.

IN Nomine Sanctæ & Individuæ Trinitatis. HEINRICUS DEI Gratia Abbas Mon-
tis Apostolorum Petri & Pauli in Erphordia. Universis DEO devotis hanc paginam inspecturis perpetuam in Domino salutem. Quoniam omnia Auctoritate & Testimonio sui Eventus, suo Jure nonnunquam privantur: ne ea quæ nobis coram positis Gesta sunt, ambigua fiant scripto duximus annotari: Notum igitur volumus, quod quidam Miles LUDEWICUS Nomine de SUMERINGEN Jus Advocatiæ, quod à Comitibus LAMBERTO de Glichin & Fratre suo ERNESTO super quinque mansos in Engelde in Feodo tenuit, data sibi à Predecessore nostro beatæ memoriæ Abbate WITELONE, & Colonis ipsorum Bonorum quadam summa pecuniæ, eo quod id Coloni magnum Gravamen, & Ecclesiæ nostræ dispendium per eandem Advocatiā pateretur, ipsis Comitibus nobis mediantibus manumisit; quam Advocatiā dicti Comites ad petitionem nostram & præfati Ludewici Nobis & Ecclesiæ nostræ perpetuo libere possidendam resignaverunt, quod Factum ne quis ausu temerario infringere præsumat Anathemate confirmatum, Sigilli nostri & præfati Comitis Lamberti est impressione roboratum. An. 1226.

Testes hujus rei sunt Marcuardus Prior & totus Ecclesiæ nostræ Conventus. Lutigerus de Bezzingen, Ludwicus de Summeringen, Nortmannus de Taleim & alii plures.

Acta sunt hæc Anno ab Incarnatione Domini MCCXXVI. Indiæ. XIV.

XIV.

Ejusdem Henrici Abbatis Notitia Tertia, pro Donatione Lamperti Comitis de Glichen.

IN Nomine Sanctæ & Individuæ Trinitatis. HEINRICUS DEI Gratia Montis Apo-
stolorum Petri & Pauli Abbas in Erphordia, Præsentibus & Futuris in perpetuum. Notum esse volumus omnibus Fidelibus continentiam hujus Paginæ inspecturis & audituris, quod Bonæ memoriæ Comes LAMPERTUS de Glichin pro Benedictionis Memoria sibi comparanda, & ob spem Divinæ Remuneratiōis duos Mansos villæ contiguos Erfordienſi, XIII. Marcis argenti à quodam REMBOTONE redimendos, cui eodem tali summa obligaverat, Ecclesiæ nostræ postmodum libere possidendos, Uxore sua SOPHIA & Filiis suis in idem consentientibus, contradidit; qui Remboto dictos Mansos indebite ac violenter Nomine Feodi, quo se ipsos à memorato Comite recepisse affirmavit, detinens; ad tempus de collata eorundem possessione Nos impedit, Questionem autem super his, Judicibus Domni SYFRIDI Archi-Episcopi delata, hoc ordine, honestis & ydoneis Viris mediantibus est congrua compositione decisa: præfatus Remboto, Mansos nobis, recepta quam promissimus argenti summa, in præsentia Judicum & Ministerialium Domini Archi-Episcopi nec non Burgensium manumisit, & secundo eos ad terminum IX. Annorum in usus suos excolendos, medio tempore annua- An. 1228.

annuatim septem maldratas frumenti soluturus recepit: decimo anno in culturam Ecclesie fructuariè ac liberè cessuros in perpetuum. Ad hujus verò scripti confirmandum tenorem apposito Sigillo nostro cum Sigillis Comitum ERNESTI & HEINRICI Filiorum superscripti Comitum Lamperti, nec non Burgenium, anathemate confirmavimus.

Testes hujus rei sunt: ERNESTUS Comes, Frater Comitum Lamperti, Lutigerus de Bessingen Villicus, Henricus de Meldingen, Fridericus de Memwarspurck Advocatus, Hartmannus de Gutingen, Syboto de Kywa, Gotscalcus Dives, Gotscalcus Longus, Ulricus Quadrans, Uto Dives, & Universitas Burgenium Erfordenium.

Acta sunt hæc Anno Dominicæ Incarnationis MCCXXVIII. Indiæ. I.

XV.

Charta Sigifridi II. Archi-Episcopi Moguntini, qua alteram Lamperti Comitum de Glichen donationem ratam habet.

An. 1228. **I**N Nomine Sanctæ & Individuæ Trinitatis. SYFRIDUS DEI Gratia Sanctæ Moguntinæ Sedis Archi-Episcopus præsentibus & futuris Fidelibus præsentem Paginam inspecturis salutem in Domino æternam. Quoniam Memoria nihil perdit nisi ad quod non sæpe respicit, præsertim cum nihil in eodem statu permaneat, & præterita recentibus obruantur, ea quæ à nobis rationabiliter gesta sunt, ne in dubium aut oblivionem veniant, Scripturæ curavimus Testimonio perhennare: Notum igitur volumus Universis, quod Bonæ Memoriz Comes LAMPERTUS de GLICHEN quoddam Nemus quod Buchenberg dicitur, quod à Nobis in Feodo tenuit, pro Benedictionis Memoria sibi comparanda & Animæ suæ Remedio, Ecclesie Apostolorum Petri & Pauli in Erpfordia, salvo tamen nostro Jure contulit, eo tenore, ut si nostra promissio mediantribus Filiis suis Comitibus ERNESTO & HEINRICO, quibus ipsam causam commiserat promovendam, suæ oblationi accederet, Restaurum æquipollens pro Estimatione dicti Nemoris in tribus Mansis suæ proprietatis in Magolsleybin sitis Ecclesie Maguntinæ proveniret: Nos itaque sui Voti Devotionem irritare nolentes, præfatum Nemus à Filiis suis manumissum, & tribus mansis à Nobis in Feodo receptis tam pro petitione ipsorum, quam etiam pro Dilectione Abbatis tunc temporis HEINRICI & totius Conventus ab omni exactione Liberum, Ecclesie memoratæ coram Clero & nostris Ministerialibus tradidimus: ne igitur quis in posterum hanc seriem nostræ Donationis irritare præsumat, hanc Paginam præsentis Negotii testimoniale anathemate Apostolorum Petri & Pauli & nostro confirmatam Sigilli nostri appensione Roboravimus.

Testes hujus rei sunt Conradus Præpositus S. Mariæ in Ephordia, Willelmus Præpositus S. Mauritii in Moguntia, Henricus Præpositus in Pingua, Conradus Præpositus Montis S. Cyriaci, Conradus Præpositus S. Augustini, Ditmarus Præpositus Novi-Operis, Guntherus Decanus S. Mariæ, Ditmarus Decanus S. Severi, Arnoldus Scholasticus S. Petri in Maguntia, Ludewicus Scholasticus S. Mariæ. Laici autem hi sunt: Fridericus de Kelberowa, Henricus de Meldingen, Lutigerus de Bezzingen Villicus Civitatis & alii quamplures tam Ecclesiasticæ quam Sæculares Personæ.

Acta sunt hæc Anno ab Incarnatione Domini MCCXXVIII. Indiæ. I. Pontificatus nostri Anno XXVII.

XVI.

Ernesti & Heinrichi Comitum de Glichen in Coenobium S. Petri Beneficentia.

An. 1235. **E**RNESTUS & HEINRICUS DEI Gratia Comites in GLICHEN omnibus in perpetuum; Notum facimus Universis quod cum Bonæ Memoriz FRIDERICUS olim Miles de BUSLEYBIN, Patre nostro Comite LAMPERTO de GLICHEN, adhuc superstite, ex hac vita decedens Bonorum suorum, quæ in prætaxata villa possedit Ecclesiam Beatorum Aposto-

Cœnobii S. Petri Erfordiae.

II

Apostolorum Petri & Pauli in Erford fecisset Hæredem, Mansum unum de quo pro Jure Advocatiæ dicto Patri nostro duo solidi annuatim persolvebantur, Ecclesiæ memoratæ assignavit, cujus congaudentes Devotioni, Factum tale approbamus, simulque Ecclesiam in collocacione Exercitus à nobis aggravatam considerantes, toridem solidos qui de manso Bertheradæ Viduæ nobis solvebantur, sepeditæ assignavimus Ecclesiæ.

Testes hujus rei sunt Heinricus & Ludovicus Fratres de Meldingen, Fridericus de Memvardisberc, Helwicus de Suwelt, Otto de Walesleibin, Conradus ejusdem Ecclesiæ Villicus & alii plures.

Acta sunt hæc Anno Domini MCCXXXV.

XVII.

Traditio sollemnis Cristani Comitis de Kirchberg.

CRISTANUS DEI Gratia Comes in Kirchberg omnibus in perpetuum. Noverint An. 1236.

Univerſi ad quos præſens pervenerit Scriptum; Beneficium & Bona cujusdam GERHARDI in Ypeche, quæ nos ex Proprietatis Jure poſſedimus, ipſo Gerardo defuncto, Nobis in propriam Ditionem ceſſiſſe, quæ Bona IV. ſcilicet manſos & VIII. Areas in prænominata Villa ſitas, cum omni proventu, Uxore noſtra MECHTILDE & Filiis noſtris VOLRADO, CRISTANO, HEINRICO, GOZMARO, & THEODORICO, Filiabusque noſtris LUCKARDE, MECHTILDE & BERCHTA omnino exhæredatis, in manus HEINRICI Abbatis Montis Apoſtolorum Petri & Pauli in Erfordia liberè & integraliter tradidimus poſſidenda: ſciendum præterea quod Nos dicta Bona memoratæ Eccleſiæ conſervanda, in manus Domini Provincialis HEINRICI, dum Juri Provinciali in Mitelhufen præſideret multis coram aſtantiſus reſignavimus, nullam nobis omnino vel noſtris Hæredibus in poſterum in ſepeditis Bonis reſervantes exactionem.

Testes hujus rei sunt Theodoricus Comes de Honſtein, Heinricus Comes de Kirchberg, Adelbertus de Ebileibin, Godefridus de Suzere & alii quamplures.

Acta sunt hæc Anno Dominicæ Incarnationis MCCXXXVI. Indiſt. VIII.

XVIII.

Sigifridi III. Archi-Episcopi Moguntini Donatio omnium Proventuum Parrochie in Alch.

SIGIFRIDUS DEI Gratia Sanctæ Moguntinæ Sedis Archi-Epiſcopus, Sacri Imperii per An. 1244. Germaniam Archi-Cancellarius, Dilectis in Chriſto Abbati & Conventui Montis S. Petri Erfordienſis ſalutem in Domino. Dignum omnino cenſemus & conſentaneum rationi, ut eos quos in Fide & Devotione noſtra ſemper hætenus comperimus indefſos, favorabiliter proſequamur Munificentia etiam ſpeciali: hinc eſt quod veſtræ Devotionis reſpectu, obtentu quoque Precum HEINRICI de MELDINGIN Fidelis noſtri vobis veſtrisque Succeſſoribus in perpetuum Auctoritate præſentium indulgemus, ut Eccleſiam de Alch, in qua Jus Patronatus habetis, pleno Jure de coeterno ex noſtræ Donationis & Auctoritatis Gratia poſſidentes Redditus & Proventus ipſius in Prebendarum veſtrarum ſubſidium convertere licitè valeatis, Jure Archidiaconi per omnia ſibi ſalvo: nulli ergo omnino hominum liceat hanc noſtræ Donationis & Indulgentiæ paginam infringere, vel ei auſu temerario contraire: ſi quis autem hoc attemptare præſumpſerit, Indignationem Omnipotentis DEI & Beatorum Apoſtolorum ejus ſe noverit incurſurum:

Datum FRITISLARIÆ Anno Incarnationis Dominicæ MCCXLIV. V. Idus Julii Pontificatus noſtri Anno XV.

XIX.

Traditio Ernesti Comitis Glichen.

An. 1249. **I**N Nomine Sanctæ & Individuæ Trinitatis. Ego ERNESTUS Comes de GLICHIN Notum facio per præsentem Paginam tam præsentis quam futuri temporis Homi- nibus, quod cum pleno consensu filiorum meorum ERWINI & ALBERTI, XIV. man- sos in Alch sitos, cum omnibus proventibus suis & usibus michi servantibus, Ecclesiæ B. Petri in Erphordia perpetuo Jure cum omnibus suis appenditiis sub hac Forma pos- sidendos contradidi, triginta igitur marcas argenti ab Henrico Filio Henrici Suevi ac- commodavi, quam summam argenti eidem Henrico in Dacia me redditurum aut va- lentia aut argento devovi, sub hac conditione, ut si dictum argentum aut valentiam ejusdem inter Daciam & Erphordiam, incommodo succedente perdiderit Conventus S. Petri in Erphord XL. marcas argenti in Festo S. Martini proximo futuro, loco mei pondere pleno redonabunt.

Testes hujus rei sunt ex parte mea, Otto de Wechmar, Hermannus Advocatus, Conradus Tustulberg, Albertus Advocatus de Elchskesleben, Fridericus de Biltirsle- ben, & alii plures.

Acta sunt hæc Anno Dominicæ Incarnationis MCCXLIX. Indiæ. VII.

XX.

*Commutatio quorundam Bonorum inter Andream
Abbatem S. Petri & Ekkehardum de Ballenhufen.*

An. 1255. **E**KKEHARDUS de BALLENHUSEN dictus de SUMMERINGEN Miles, ne Posteris veniat in dubium quod probis & honestis Viris mediantibus, deliberatione provida, fue- rit diffinitum, hinc est quod notum esse cupio, quod Ego ex permissione dilectæ Uxoris meæ LUCARDIS ac Puerorum meorum consensu cum venerabilibus Dominis, Domino ANDREA Abbate, & Conventu Monasterii S. Petri in Erphordia super quibusdam Bo- nis meis feci concambium, volens illud à meis Heredibus irrefragabiliter observari. Bona quæ Ego dictis Dominis in concambio præsentavi sunt hæc: in Walesleybin Bona solventia annuatim III. fertones. In Rasdorff IV. mansos, in Herbersleyben di- midium mansum.

Testes hujus Facti sunt: Venerabilis Dominus GERARDUS Archi- Episcopus Mo- guntinus, Fridericus Præpositus Northusensis, Dominus Heydenricus Abbas Bursfel- densis, Magister Bertoldus ejusdem Archi- Episcopi Scriptor, Fridericus de Drivordia Senior, Bertoldus Vice- Dominus, Henricus Pincerna dicti de Appolt, Ecckehardus de Wartperg Milites, & alii Fide digni.

Acta sunt hæc ERFORDIÆ Anno Domini MCCLV. Kal. Novemb. Regnante Glo- riosissimo Domino WILLEHELMO Rege Romanorum.

XXI.

*Charta Henrici Comitis de Honstein, qua Donationem
Maroldi & Witregonis Militum de Linderbeche Ratam habet.*

An. 1263. **I**N Nomine Sanctæ & Individuæ Trinitatis. Cum memoria Hominum labilis sit, nec multitudinem Rerum gestarum, ac Longitudini Temporum sufficiens esse pos- sit, dignum est pariter & consultum, ut ea quæ geruntur in tempore, Scripturæ Testi- monio perpetuentur; hinc est quod Nos HEINRICUS DEI Gratia Comes de HON- STEIN Recognoscimus, & omnibus ad quos præsens scriptum pervenerit cupimus esse notum, quod MAROLDUS Miles, & WITEGO Fratres de Linderbeche Ligna seu Virgul- tum quoddam, quod in Feodo tenebant à nobis, situm juxta Fontem Comitum, & imme.

immediate attingit fundum Monasterii S. Petri in Erfordia qui dicitur Hirnzlite, jam dicto Monasterio S. Petri venderunt: Nos itaque una cum nostra Coniuge ac Hæredibus nostris, prædicti Fundi proprietatem donamus & tradimus sæpedito Monasterio S. Petri præfato in Remedium animarum nostrarum, super eo præsentem paginam dantes Sigilli nostri munimine roboratam. Nos MECHTILDIS Comitissa, THEODERICUS & HEINRICUS Comites Juniores de HONSTEIN, huic donationi consentimus, & donamus præhabitu Feodum Monasterio prælibato, & quia Sigilla propria non habemus Sigillo Patris nostri sumus contenti.

Testes hujus sunt. Abbas de Ilfeld. Albertus decanus S. Mariæ. Hermanus de Bezzeningen Walterus de phurre. Burchardus de Badungin. Hugo de Alinhufen, Maroldus de Vrbech Heinricus de Wie, milites. & alii plures.

Acta sunt hæc. Anno Domini. MCCLXVIII.

XXII.

Traditio Comitum Keverenberg.

NOS GUNTHERUS & GUNTHERUS Fratres Dei Gratia Comites de KEVERENBERG An. 1270. nore præsentium profiteamur, & Constat volumus, Litteras has visuris, quod Bona quondam Lupoldi de Arnestete sita alich, illa quæ Hugo Longus Erfordienfis à nobis in Feodo habuit, Religiosis viris Abbati & Conventui Montis S. Petri Erfordienf. donavimus perpetuo Libere possidenda, in præsentia Ministerialium ac Militum Nostrorum quorum Nomina sunt subscripta, & ad Abundantem certitudinem simul & Donationis hujus perpetuam Stabilitatem, has Nostras Litteras de hac confectas ipsis dedimus ad munimen Sigillo nostro, sicut moris est, firmiter roboratas:

Testes hujus rei sunt Theodoricus de Willirchsleibin Theodoricus de Botzleibin, & Guntherus Fratres. Hermannus de Langensfeld. Hugo & Heinricus Fratres de Chaneim; Eilgerus de Rorhufen. Fridericus Raift de Heilbach. Eilgerus & Rudigerus Fratres Filii quondam Rudigeri Advocati de Arnestete & alii plures.

Acta sunt hæc Anno Gratia MCCLXX.

XXIII.

Traditio Alberti & Ernesti Comitum de Glichenstein.

NOS ALBERTUS & ERNESTUS Fratres atque Comites Dei Gratia de GLICHENSTEIN, An. 1271. ad Futurorum Noticiam simul & Modernorum cupimus pervenire, quod advocatiam atque omne Jus quod dinoscimur habuisse de una Curia nec non de manso uno & dimidio quos possidebat & habebat Ludovicus Filius Diteleibi de Hogstete Jure Feudali à nobis per plurimos annos, illud præfatum Jus Integraliter cum omni Jure tribuimus & Donamus Claustro atque communitati S. Petri in Erford pure & principaliter propter Deum nec non in memoriam sempiternam: Ne autem super hoc facto aliquod dubium seu aliqua questio nocitura oriatur, ut firmitus habeatur donamus Sigilli nostri munimine roboratam, super eo Testes hujus rei sunt Dominus Theodericus de Witerde, & Conradus de Cranichvelt milites. Ernestus de Lengenfeld, advocatus. Reinfridus de Herversleiben. Rudigerus & Conradus Fratres de Hogstete; & alii plures fide digni.

Actum Anno Gratia MCCLXXIII.

XXIV.

Traditio Guntheri Comitis de Swartzburg.

An. 1279. **N**OS GUNTHERUS Dei Gratia Comes de Swartzburg tenore præsentium Recognoscimus, & constare cupimus omnibus has Litteras visuris, quod mansum unum firum Vdestete, solventem annuatim duo Maldra Frumenti & duo Ordei, quæ Conradus miles de Bulwiz à Nobis in Feodo habuit; una cum Coniuge nostra, GUNTHERO, HENRICO, Comitibus Filiis nostris, ac aliis Hæredibus nostris, donavimus & tradidimus Religiosis Fratribus Abbati & Conventui Monasterii S. Petri Erford. pro Remedio Animarum Nostrarum, super eo præsentem paginam ipsis dantes, Testium subscriptione & Sigilli nostri munimine roboratam.

Testes hujus rei sunt Dominus Otto de Marnsowe. Hugo de Alrihusen. Lutolphus de Brandenstein. Theodoricus de Billirichsleybin. Hermannus de Wicleybin. & Otto de Swartzburg, milites. Albertus Vice-Dominus Erford. & alii quam plures.

Acta sunt hæc Anno Domini MCCLXIX.

XXV.

*Alberti Landgravii Turingiæ Confirmatio Donationis
Henrici & Theodorici militum de Vrpeche.*

An. 1279. **N**OS ALBERTUS DEI Gratia Thuringiæ Landgravius & Saxonix Comes Palatinus, tenore præsentium Recognoscimus & constare volumus universis quod Venerabilium Virorum Domini ANDRÆ Abbatis ac Conventus Monasterii Montis S. Petri Erford. precibus devotis aures Clementiæ Inclinantes mansum unum situm in Novo Foro solventem annualiter quatuor Talenta quem Fideles nostri HEINRICUS & THEODORICUS Fratres milites de Vrpeche S. Viti, dicti Calvi, pro redemptione Peccatorum suorum eisdem cum consensu Conjugum suarum Legaverunt, donavimus Liberaliter ipsis, & eorum Monasterio, Titulo proprietatis quiete & pacifice perpetuo possidendum. Testes hujus facti sunt Nobilis Vir, Comes Albertus de Glichenstein Henricus Præpositus S. Nicolai in Ikenach, Hermannus de Hirsingerode, Magister coquinas nostræ; Henricus Topelstein, Mathias & Marquardus Curix nostræ scriptores.

Facta est hujus collationis & Donationis confirmatio. Anno Domini MCCLXXIX. in Craffino ascensionis Domini.

XXVI.

*Traditio Friderici & Ludevici militum de
Buzingesleyben.*

An. 1297. **A**cta Solemniter delet oblivio, nisi Litterarum fulciantur Privilegio, hinc est quod Nos FRIDERICUS & LUDVICUS Fratres dicti CANCRI de BULZINGESLEYBIN una cum matre nostra BIA Recognoscimus publice, quod de communi consensu puerorum Fratris nostri HERMANNI bonæ memoriæ & ob Specialem dilectionem avunculi nostri Domini HERMANNI Monachi Ecclesiæ S. Petri Erphordix dedimus ipsi Ecclesiæ Mansum proprietatis nostræ ad nos Jure Hæreditario devolutum, situm in summeringen S. Gangulphi, propter Deum, tali prævia Ratione quod cum totali pensione hujus mansi, post mortem prædictæ matris nostræ Biæ, annis singulis, Caisei Comparentur ac ad consolationem prædictæ Ecclesiæ Conventus die Dominico fideliter ministrentur, pro quo in Anniversariis nostris memoriam nostri peragent cum devotione debita. Ut igitur tam nostra Donatio quam eorum devotio firma & inviolabilis in perpetuum perseveret, nos præfens scriptum de hoc confectum dedimus prædictæ Ecclesiæ ad munimen & id Sigillo nostro fecimus communiri.

Testes

Testes hujus sunt Ekkehardus Decanus S. Mariæ Erfordienf. Hermannus Monachus Montis S. Petri Ludovicus Scholaris de Bezzenheim, Guntherus de Frunendorp & alii plures, Clerici & Laici. dat ERFHORDIÆ Anno Domini MCCXC VII. Kalend. Junii.

XXVII.

Traditio Friderici Comitis de Rabinswalt.

NOS FRIDERICUS DEI Gratiâ Comes de RABINSWALT dictus de WIE Recognoscimus An. 1304. mus tenore præsentium Litterarum, dilucide profitentes quod ad honorem DEI Omnipotentis ac in Laudem apostolorum Petri & Pauli, nec non ob nostræ animæ salutem, XLII. agros Lignorum de silva quæ Grebenize vulgariter nuncupatur infra terminos Castrorum Tundorff & Berka, quos inquam agros Bertoldus dictus Cloz Castrensis in Tundorff à nobis tenuit titulo Feodali, & ad nostras manus voluntarie resignavit, omnibus suis Hæredibus consentientibus Honorabili Viro Domino Abbati totique Conventui Monasterii Beatorum apostolorum Petri & Pauli in Erfordia appropriavimus, & in proprium damus, Litteras per præsentem, ad cujus donationis & appropriationis Tutelam per nos pie & Liberaliter factam, ne per nos seu nostros hæredes aliquid violenter, præsentem Litteram desuper conscribi fecimus & nostro Sigillo ac Sigillo Domini Hermannii dicti Kaputz Provisoris Alodii Erfordensis Venerabilis Domini G. Archiep. Moguntini præfato Abbati suoque Conventui dedimus confirmatam.

Testes hujus rei sunt Henricus de Mure Miles Frowinus de Cimmern, Bertoldus dictus Cloz patruelis supradicti Bertoldi.

Actum & datum Non. Julii Anno Domini MCCCIV.

XXVIII.

Traditio Henrici Comitis de Svartzburg.

NOS HEINRICUS DEI Gratia Comes, Filius Domini GUNTHERI piæ memoriæ de SWARTZBURG Comitis, Recognoscimus, quod ob Honorem Omnipotentis DEI & ob Reverentiam Beatorum Petri & Pauli Apostolorum, duos mansos terræ arabilis in Campis villæ Vchstete sitos, quos strenui & famosi viri Berengerus & Rudolfus Fratres dicti de Vchstete à nobis hætenus in Feodo tenuerunt, Religiosis Viris Domino Abbati ejusque Conventui Monasterii S. Petri in Erford donamus appropriamus Litteras per præsentem consensu Fratrum nostrorum accedente, pro nostrarum omnium Remedio animarum. An. 1310.

Testes hujus rei sunt Conradus Weyer. Albertus de Stuterenheim. & Eylgerus de Thanheim, milites. Albertus de Hoppfgarten, nec non Theodericus de Vrenstete Notarius, & alii plures.

Datum & Actum in ARNSTET Anno Domini MCCCXX. VI. Idus Feb.

XXIX.

Renuntiatio solemnis Hermannii Comitis de Glichen in Favorem Cœnobii S. Petri super jure Advocatiæ in diversis Locis.

IN Nomine Domini Amen. Ne ea quæ geruntur in tempore simul Labantur cum Lapso temporis necessarium & cautum est ea scripturæ firmitate & testimonio perhennari, quoniam igitur secundum Apostolum Omnes stabimus ante Tribunal DEI recepturi prout in Corpore gessimus sive Bonum quod fuerit sive malum; unde ne-

cessarium nobis est diem extremę messionis operibus misericordię pręvenire, quia qui parçē seminat, parçē & metet; hinc est quod nos HERMANNUS DEI Gratia Comes de GLICHEN volentes in vita nostra salutē animę nostrę ac Remedio providere, cum nihil sit certius morte & incertius hora mortis, DEO omnipotenti & Beatis Apostolis Petro & Paulo, ac honorabilibus & Religiosis viris Domino Abbati, & Conventui Monasterii S. Petri Erford, ob salutem animę nostrę offerimus, damus & Resignamus purē & Liberaliter propter DEUM Advocatias & Jus advocaticium tam Corporale, quam Incorporale, cum omnibus pertinentiis & Juribus ac Vassallis nostris & omne Domini-um directum & utile ac usufructu cum omnibus redditibus in villis & campis Gothinste-re, Alich, Bintisleybin & Tifental quas hactenus nos & progenitores nostri ex certa scientia a præfato Monasterio, & nullo alio habuimus & tenuimus titulo Feodali, volentes ut dictum Feodum cum omnibus suis pertinentiis supradictis ad præfatum Monasterium S. Petri, tanquam ad Dominum proprietatis penitus revertatur. Obligantes nos & omnes Hæredes, Cohæredes & successores nostros utriusque sexus ad observantiam prædictę donationis, oblationis Resignationis & Elemosinę præfactę.

Acta sunt hæc Anno Domini MCCCXXI. V. idus Martii.

XXX.

*Traditio Guntheri Militis facta de Consensu Friderici
& Hermanni Comitum de Orlamunde.*

An. 1327. **N**OS FRIDERICUS & HERMANNUS DEI Gratia Comites de ORLEMUNDE, Domini in Wymar, Recognoscimus quod GUNTHERUS dictus Cloz Castrensis in Tundorff veniens ad nostri præsentiam, quosdam agros Lignorum seu Lignetum, qui vel quod By eyme Tuffinborn nuncupatur, sitos in terminis & campis villę Gutendorp quos præfatus Guntherus a nobis hactenus in Feodum tenuit, Libere & motu proprię voluntatis, prout moris, est nobis Legitime & pure resignavit, nos vero agros Ligneti prædictos dicto Domino abbati donavimus & appropriavimus, & in his scriptis appropiamus, quam quidem appropriationem Domino Abbati & Conventui ob Remedium animarum nostrarum & omnium parentum nostrorum salutem Libere factam pro nobis & nostris successoribus promissimus & promittimus gratam & firmam tenere ac eam inviolabiliter observare.

Dat. Anno Domini MCCCXXVII. præsentibus Hermanno de Leyvelt, Gernodo de Obirwymar militibus nostris & aliis quam pluribus fide dignis.

XXXI.

Traditio Hermanni Comititis de Glichen.

An. 1333. **I**N Nomine Domini Amen. Nos HERMANNUS DEI Gratia Comes, Dominus in GLICHEN Recognoscimus & in his scriptis publice profitemur, quod ob Honorem omnipotentis DEI ac Beatorum Petri & Pauli Apostolorum nec non animę nostrę, & animę SOPHLÆ conthoralis nostrę Legitimę, ac omnium progenitorum nostrorum animarum ob Remedium & salutem, VIII. Mansos & unum quartale Terrę arabilis, sitos in Terminis & Campis villę Ollendorff, & certos redditus de Cury ibidem cum omnibus dictorum Bonorum Juribus, redditibus, ac proventibus, cum medietate Judicii tam civilis quam Criminalis ac medietate Juris Patronatus Ecclesię B. Petri in villa prædicta, prout ipsa Bona strenuus Vir Rudolphus de Meldingen miles a nobis in Feodum hactenus tenuit, Religiosis in Christo Viris Domino Abbati & Monasterio S. Petri Erfordiensis donamus & appropriamus in his scriptis, in quorum evidens Testimonium præsentem hanc nostram litteram Domino Abbati & Conventui prædictis damus sub appensione nostri Sigilli fideliter Communitam. Testes hujus donationis sunt Hermannus de Sybyleibin Cappellanus noster, Albertus de Wyterde miles Berngerus de Meldingen, Heinricus de Arnstete Advocatus noster. Albertus de Noteleybin Heinricus de Kongisse, Castrenses nostri. & alii plures.

Datum Anno Domini MCCCXXXIII.

II. Ex.

EXCERPTA EX NECROLOGIO
EJUSDEM COENOBII.

XIII. Kal. Mart.

Deposito Domni SIFFRIDI Archi-Episcop. Mogunt.

HARTUNGUS Abbas nostræ Congregation.

Dithmud Inclusa.*Elisabeth* Abbatissa.

XII. Kal.

Engilbertus Præpositus, qui dedit IV. Marcas & II. Maldra Frumenti.

X. Kal.

Henricus Laicus. hic dedit Curiam valentem VIII. Marcas.*Jutta* Laica. hæc dedit Agrum.

IX. Kal.

PETRUS Abbas nostræ Congregation.

VIII. Kal.

Conradus Laicus, qui dedit Equum.

VI. Kal.

Hubertus Episcopus.

V. Kal.

Martinus Abbas Swartzacensis.*Boppo* Laicus dedit Curiam & II. Mansos.

II. Kal.

HARTUNGUS Abbas nostræ Congregat.

Theodoricus Abbas Reinhufensis.

MARTIUS.

Kalend.

Henricus Abbas Hombergenfis.

VI. Non.

Conradus Abbas in Hafungen.

VII. Idus.

Benedictus Abbas in Monchenrodt.*Sigismundus* Comes.*Elisabeth* Comitissa. hæc dedit XX. Talenta annuatim.*Gebehartus* Monach. Scriptor.

XVI. Kal. April.

Ernestus Comes. hic dedit XX. Marcas.

VIII. Kalend.

Jutta Inclusa.*Ditmarus* Conversus hic construxit Capellam S. Annæ.

V. Kalend.

Albertus Comes.*Clara* Laica. hæc dedit mille & Centum Florenos.

APRILIS.

V. Non.

VOLMARUS Abbas nostræ Congregation.

VII. Idus.

RUDIGERUS Abbas nostræ Congregation.

VI. Idus.

Pilgrinus Laicus. hic dedit Equum & V. Marcas.*Bertramnus* Laicus. hic dedit plusquam LX. Marcas.*Agnes* Comitissa.

III. Idus.

Albertus Episcopus.

IIII. Idus.

Jacobus Abbas Trajectensis.*Petrus* Abbas in Posavia.*Conradus* de Fulda. Doctor in Medicinis nostræ Congregationis Physicus, qui dedit Calicem, & alia legavit in valore XXX. Florenor.

XVII. Kal. May.

Gerhardus Abbas S. Petri propè Merseburg.

XIIII. Kal.

Bertholdus Laicus, qui dedit XL. Solidos annuatim.*Jacobus* Abbas Trajectensis.*Christina* Monacha. hæc dedit nobis Agros.

VII. Kal.

Berengerus Laicus. hæc dedit XX. Talenta annuatim.

V. Kal.

Ludevvicus Comes de *Glichen*, qui dedit Casulam auream. 1467.

IIII. Kal.

Luckardis Comitissa, quæ dedit aliqua Bona.*Lubertus* Abbas. S. Jacobi.

M A I U S.

- VI. Non. Deposito Domni RUTHARDI Archi-Episc. Mogunt. qui dedit
nobis Cellam propè Werram.
III. Non. DITMARUS Abbas nostræ Congregat.
Wernherus Abbas.
III. Non. Remboto Comes, qui dedit XVIII. Marcas.
II. Idus. Piligrinus Abbas.

J U N I U S.

- V. Idus. Deposito Domini MARCULPHI Archi-Episc. Mogunt.
XIII. Kal. Julii. ROMANUS Rex Ruthenorum. hic dedit nobis XXX. Marcas.
X. Kal. Henricus Gasman Sacerdos, qui dedit Corpus Biblie valens L.
Florenos.
VIII. Kal. Timo Abbas.
VI. Kal. Conradus Abbas S. Stephani Herbipol.
Albertus Abbas Homburgens.
Isentrudis Laica. hæc dedit Clamydem.
Andreas Abbas Bergensis.
III. Kal. JOHANNES Abbas nostræ Congregationis.
II. Kal.

J U L I U S.

- VI. Non. Berchtocus Miles. quidedit Mansum, X. Solidos & Mancipium.
V. Non. Agnes Comitissa.
III. Non. Rupertus Abbas.
V. Idus. Bertramnus Laicus. qui dedit Palifre-
dum.
III. Idus. Johannes Abbas Hufenbergens.
Johannes Abbas in Nuwenstat.
Idibus. Theodoricus Abbas Hugsbergensis.
XIII. Kal. Aug. Johannes Abbas Mindensis.
XI. Kal. Johannes Abbas Hildesheim.
Nicolaus Abbas S. Michaelis Gerodens.
IX. Kal. Adam Abbas Bruwilrens.
V. Kal. HELMBURG Comitissa, pro qua datum est Dorale.

AUGUSTUS.

- III. Non. Nicolaus Abbas in Hildesleuen.
III. Non. Deposito Domni RUDOLFI Archi-Episc. Saltzburgens. qui dedit
XXX. Marcas.
II. Non. Sophia Comitissa, quæ dedit LX. Marcas.
VII. Idus. Nicolaus Monachus nostræ Congregat, qui multa scripsit.
V. Idus. Fridericus Abbas Puzoviensis.
III. Idus. JOHANNES Abbas Butsfeldensis, primus Reformatör hujus Mona-
sterii. Obiit Anno MCCCCLXVIII.
II. Idus. WERNHERUS Abbas nostræ Congregat.
XIX. Kal. Sept. Petrus Abbas in Oratorio Dacie.
XVIII. Kal. Johannes Abbas S. Panthaleonis Colonia.
Sifridus Laicus. qui dedit Calicem pretiosum.

Excerpta ex Necrologio

XVII. Kal.	<i>Jutta</i> Comitissa.
XIII. Kal.	<i>Reinherus</i> Abbas Corbejenfis.
XIII. Kal.	<i>Ernestus</i> Comes. hic dedit Purpuram.
IX. Kal.	<i>Johannes</i> Abbas. S. Mathiæ Treviris.
VIII. Kal.	<i>Hermannus</i> Clericus. hic dedit Sericum Pannum.
III. Kal.	Deposito Domni OTTACHARI Regis Bohemiæ, qui dedit LXXX. Marcas.
II. Kal.	<i>Theodoricus</i> Abbas in Werdena, quondam hujus Coenobii prior, Sepultus circa Altare S. Bonifacii, qui procuravit Ecclesiæ nostræ preciosas Reliquas. Anno MCCCC. LXXXX.
	<i>Odegeba</i> Laica. hæc dedit Casulam coccineam, & XI. Marcas.

SEPTEMBER.

III. Non.	Deposito Domni HENRICI Archi-Episc. Mogunt, qui dedit Talentum annuatim.
III. Non.	<i>Ervinus</i> Abbas Rastedtenfis.
VIII. Idus.	<i>Sophia</i> Comitissa. hæc dedit Manfum.
VII. Idus.	ADOLFI Archi-Episcop. Mogunt.
	<i>Godefridus</i> Comes. hic dedit nobis Purpuras.
	<i>Nicolaus</i> Abbas in Ringelheim.
	<i>Ervinus</i> Comes.
XVIII. Kal. Octob.	<i>Lampertus</i> Comes. qui dedit II. Mansos, & Lignum in Buchinberch.
XIII. Kal.	<i>Wolframus</i> Abbas Hirsaugiens.

OCTOBER.

Nonis.	<i>Henricus</i> Abbas Hildesheimens.
III. Non.	<i>Hermannus</i> Decanus.
II. Idus.	<i>Henricus</i> Laicus. hic dedit III. Mansos. II. Molendina, & XXIII. Mancipia.
	<i>Gerhardus</i> Abbas in Osbruck.
XVI. Kal. Nov.	<i>Albertus</i> Comes. hic dedit XV. Marcas & dimidiam.
XI. Kal.	<i>Karolus</i> Comes de Glichen. MCCCCXCVII.
X. Kal.	<i>Ervinus</i> Abbas Isburgensis.
V. Kal.	GEILPHRADUS Abbas nostræ Congregat.
	<i>Theodericus</i> Abbas.

NOVEMBER.

III. Idus.	<i>Hildegard</i> Laica. hæc cum viro suo multa Ecclesiæ nostræ comparavit.
XVIII. Kal.	<i>Thomas</i> Abbas Pegavienfis.
XIII. Kal.	<i>Henricus</i> Comes.
X. Kal.	<i>Bonifacius</i> Abbas Limburgensis.
V. Kal.	<i>Irmingardis</i> Comitissa. hæc dedit Tapetum & sericum Pannum.
II. Kal.	<i>Henricus</i> Abbas in Abinchoven.
	<i>Romanus</i> Abbas Gerodienfis.

DECEMBER.

Kalend. Idibus.	<i>Adela</i> Comitissa, pro qua dati sunt VI. Mansi.
	<i>Joannes</i> Abbas Trevirens.

- XV. Kal. Jan. *Wedekindus* Abbas in Baldenstet.
 XIII. Kal. *Bertoldus* Abbas in Hornburch.
Erasinus Abbas in Velsdorf.
Hildegunt Laica. hæc dedit præciosam Pallam & XV. Talent.
 XII. Kal. *Wernherus* Abbas Hersfeldens.
 X. Kal. *Bernhardus* Abbas Northeimens.
 IX. Kal. *Gisela* Laica. hæc dedit annuatim II. Talenta & VII. Marcas.
 II. Kal. *Henricus* Marchio.
Melchior Abbas in Schonaviâ.

III.

ANONYMI CHRONICON
 WIRTEMBERGENSE.

COmites de Wirtemberg inter totius Alemanniæ de Majoribus sunt potentissimi: Sunt autem Originaliter de istis Nobilibus Romanis advenis quos Carolus M. dum Liberasset Leonem Papam de Manibus Romanorum, secum duxit in partes Alemanniæ, & in alias mundi Regiones disperfit, ne sedem Apostolicam ulterius molestantur Romæ, & quia Omnes Generosi Nobiles erant utpotè de Vetustissimorum Trojanorum Sanguine exorti, & Nobilitate & Ratione Excellentes, nequaquam eos servituti subjecit, sed his assignavit Principatus, illis Comitatus, istis Baronias, aliis Dominia, Castra, possessiones, juxta suorum meritorum Qualitates, Kyburg, Helfenstein, Habsburg, Ruck & similia multa & de istis creditur fuisse etiam Castrum Wirtemberg, & ut Magnanimi ultra Rhenum in Alsatiâ Dominificaverunt usque in Burgundiam superiorem Alas extenderunt in Montem Pelligardi.

Circa ANNUM DOMINI MC. Vixit & Claruit Adelbertus Comes Wirtembergensis, Vir omni genere Virtutum & Honorum Insignibus præstantissimus atque in Rebus Bellicis strenuissimus, Patriæ & suorum simul defensor acerrimus ac contra Hostes Triumphator Magnus, qui uxorem habuit Luitgardam Nobilissimam Comitissam, sororem Engelberti de Hallone ex Norico; ex præfata Luitgarda Coniuge Adelbertus quatuor Liberos sustulit, Berchtoldum, Conradum, Adelbertum & N. Filiam.

ANNO DOMINI MCXX. è vivis jam sublato Adelberto, Luitgarda ejus Vidua devotissima Ordinem & Regulam Sacrarum Monialium in Monasterio Berone non longè à Sancto Blasio in Hercinio saltu distante, assumpsit, ubi & vitam feliciter in summa Religionis perfectione finivit & ad Dominum migravit, sexto tum Abbate nomine Berchtoloo apud S. Blasium existente, quod Monasterium S. Blasii prædicta Luitgarda præciosissimis & venerantissimis Sanctorum Reliquiis, ac vario Ornatu Sacrarum Vestium, aliarumque Rerum immensa donatione dotavit exornavitque.

Eandem quoque Matris Luitgardæ Munificentiam Conradus Filius Sectatus, qui Opulentissimis prædiis dictum Monasterium S. Blasii plurimum ditavit, & acerrimus ejusdem Vindex & protector fuit, cujus etiam Liberalitatem imitatus sororis suæ Filius: nam ille idem Conradi & suorum Fratrum Nepos ex sorore, de Castello suo, cujus nomen ignoratur, multa prædia & Bona Monasterio S. Blasii pio in Deum affectu contulit & assignavit, ubi etiam tumulatus.

Adelbertus vero Junior, Adelberti ex Luitgarda Filius, Frater Conradi & Berchtoldi, Adolescens Nobilissimus, præclarissimum Stemma suum egregiis neque Vulgaribus Virtutibus Illustravit, & amplificavit: inerat quippe illi ab ipsa pueritia mirabilis & honesta morum Elegancia, adeo ut splendidissimo Corporis sui Decore, quo Altissimis singulari dono & gratia ipsum exornaverat, tam dictis quam factis cunctorum Animis complaceret, & ut vita & Moribus erat Innocentissimus, ita ab Omnibus Mirum in Modum diligebatur: erat insuper, sicuti ex quorundam Relatione cognovimus, corpore

Castus, qui nunquam Mulierem cognoverat, verecundissima Facie, Innocens actu, Eloquio purus, verbis verax, Moribus Modestus, sinceritatem mentis vultus sui serenitate monstrabat, & pietatem Clementissimi Cordis ostendebat in Lenitate Sermonis, Rapinam tanta execratione detestabatur, ut quamvis à pueris castra & Militiam Regis Romani secutus fuisset, nunquam tamen permetteret suos Ministros & Familiares aliquid rapere vel raptum concedere, semper summo cum studio se continuit ab his vitis, quibus illud Hominum Genus implicari solet: nam præter modum à primis fere annis divinorum potius servitutem egregia illustris pueri spiravit Infantia, coepitque concupiscere Monasticam perfectionem, quam etiam sine dilatione aliqua arripuisset, nisi parentum vis obstitisset: sed hæc Mora seu Dilatio parum suos Latificavit, namque.

ANNO DOMINI MCXXVII. cum Iterum in Expeditione Regis Conradi cum duce Bavarie esset, sagitta percussus ac graviter vulneratus fuit, quo vulnere illi inflicto, Rex & alii Principes, Comites ac Nobiles moerore Correpti vehementissime condoluere; ipse vero inperterrito Animo Spræta Mundi pompa, & sæculi huius fastu Ornatuque, tota mentis Intentione & Fervore, Religionis Habitum, Monasticamque perfectionem expetebat, quam & antea sapius à primis fere incunabilis concupierat: adstantibus igitur Bercholdo Fratre & Engelberto avunculo suo ac duce Lupoldo Bavarie, dissuadentibusque unanimiter ne hoc tentaret aut in animum induceret, Conversus ad illos talem Orationem habuit: modo ad vos mihi sermo est, Amici, explicate mihi, Rogo vos, hæc præsens vita quæ, qualisque est? ut amicos Vestros ad vitam perpetuam ire volentes ad hanc infidelem & Instabilem, injusto Consilio revocetis, quid, inquam, in hac vita Operantes, tam delectabile possideris, quod vos Instiget, ut Amicos vestros vel Filios ad Comitatum Coeli proficiscentes ad honorem incorruptibilem & amicitias Imperatoris æterni dehortemini, illosque ire non sinatis? tandem itaque Oratione & precibus multis convicti consenserunt Votis ejus, mittentes Nuntios suos ad Venerabilem Gozbertum priorem Monasterii, & alios Fratres qui non procul aberant ut quamprimum ad se venirent, qui quidem propere venientes, jam diu desideratum habitum ei imposuerunt, Monachumque S. Blasii fecerunt ac unctione sacri Olei exitum ejus præmunicerunt, aliaque Ministeria, quæ Ritus Ecclesiasticus poposcit summa cum devotione peregerunt; qui Adelbertus, jam Monachus factus, post paucos dies de hac convalle Lacrymarum liberatus feliciter migravit ad Dominum in prædicto Monasterio tumulatus.

ANNO DOMINI MCXLI. Ludovicus Comes Wirtembergensis inter alios plures Testis Invenitur inscriptus Privilegio, quod Conradus Rex Romanorum Monasterio S. Blasii concessit, ut Dominum Protectorem seu Advocatum suo arbitrio, quem ipsi vellent, eligere & habere possent.

Exstat præterea in Chronicis commentariis Naucleri, eodem Tempore, quo supra Adelbertum seniores Comitem à Wirtemberg claruisse retulimus, puta circa Annum Domini MC. inveniri apud Monasterium Hirsaugiense scripta de duobus aliis Comitibus de Wirtemberg qui fuerunt Fratres, horum Major natu vocatus est Conradus Vir potens inter suevos, alter vocabatur Bruno eratque Spirensis Ecclesie Canonicus, & postmodum factus in Hirsaugia Monachus: Anno vero MCV. Henricus Quintus Imp. Gebhartum Hirsaugiensem Abbatem Virum sapientem & Nobilem, & sanctitate famosum præfecit Spirensis Episcopum, in cujus Locum Hirsaugie in Abbatem Electus est ille Bruno, III. Kalend. Decembris, & à Richardo Hostiensis Episcopo. VII. Kal. Januarii Ordinatus, hic quamvis Natura Generosus esset, nihil tamen in habitu arrogantie ostendebat; præfuit annis XIII. & X. Kalend. Aptilis corpore solutus est.

Idem Bruno scribitur in eodem suo Monasterio dedisse per manum & assensum Fratris sui Conradi Comitis de Beutelspach, alias de Wirtemberg, Prædium in Pfrundorff cum omni Jure ad Walheim XII. Jugera vinearum cum Beneficiis VI. hominum ad easdem vineas pertinentium, ad Saltingen V. Hubas, ad Barckhusen II. cum Vineo: Conradus vero Comes de Wirtemberg & Uxor ejus Werindrudt dederunt ad Durechen XVI. Hubas cum Molendino, & in proxima villa ejusdem Nominis Vincetum, ad

ad Sarwesheim unam Salicam Terram, ad Salzaha XVIII. Hubas, Item in Schaffhufen Molendinum unum: in prædicta autem donatione datæ sunt XX. Marcæ, quas Bernhardus de Schura Comes pro Cellula Bavaricensi dederat & duæ armillæ aureæ appendentes XV. Vncias auri, quas Luitgart Soror Domini Brunonis & Conradi Comitis de Wirtemberg, ad faciendum Calicem tradiderat, prout hæc de verbo ad verbum ex Nauclero huc adscripsimus, incerti an hi tres Liberi, Cunradus, Bruno, & Luitgarda Adelberti Senioris, de quo supra, Filii, an vero ejusdem Fratres ac soror; vel potius ex eadem Familia Coetanci agnati fuerint, cum idipsum ex Nauclero in XXXVII. Generatione circa finem, unde ista desumpsimus non potuerimus cognoscere.

ANNO DOMINI MCCXLIIII. die XXVIII. Junii, mortuo Friderico Episcopo Aichstetensi ex Nobili Profapia Barberg; successit per Electionem in Episcopatu Henricus Comes à Wirtemberg Vir singularis Eruditionis & Ingenio Excellentissimus, qui Episcopatu præfuit magna cum Laude & fruge: Dominum Ludovicum à Soltzberg Equitem auratum, fundantem ac Institutum in diocesi Aichstetensi Coenobium Sacrarum Virginum Ordinis Sancti Bernardi nuncupatum ad Portam Beatam vulgo *Selige Phorte*, præfatus Episcopus Ope & Consilio multum juvit; moritur Anno MCCLVIII. die XIII. May, magno suorum tam Ecclesiasticorum quam Sæcularium Luctu, & in Summo Templo Aichstadiensi Terræ Sepeliendus traditur.

ANNO DOMINI MCCLXII. his Temporibus fuit apud Suevos admirabilis ille Comes Wirtembergensis Vdalricus animo & viribus etiam Romano Imperio formidabilis, qui cum Civitatibus & Principibus multis plura fortiter prælia gessit, & semper feliciter triumphavit: Vxorem habuit Filiam Ducis Poloniæ, de qua Filios genuit duos & Filias quatuor, qui quidem Vdalricus Comes, duci Conradino & ejus Tutoribus, sicut & antea Patri quamvis essent Suevi Satis contrarius fuit, nec aliquanto se illis humiliare vel subdere voluit.

ANNO DOMINI MCCLXIII. Mortuus est Vdalricus ille Comes de Wirtemberg, dictus cum Pollice, qui oßtes Bello triumphavit, quem Conradus Rex & ejus similiter Filius Conradinus suevorum Duces, armis nunquam, Beneficiis & munere aliquando sibi consentaneum quidem fecerunt, subiectum vero nunquam.

ANNO DOMINI MCCLXXX. Tertio Kal. Octobris mortuus est in Vinculis Hartmannus Comes de Gruningen diutino Carceris Squallore in Asperg pressus. hic Frater fuit Comitis de Wirtemberg, amborumque progenies una, Titulus quoque unus, sed Comitatus divisus.

ANNO DOMINI MCCLXXXVI. prænotato Comite Wirtembergense Regis Mandatis jam diutius reluctante non solum, sed alios Imperii defensante Rebelles, Rudolphus Rex Magno suorum contra Exerçitu, Comitatum Wirtembergensem manu valida ingreditur, & omnia quæ potuit, hostili vastatione demolitur, Comes etenim Eberhardus cum se tantæ Multitudini cerneret non posse resistere, se & quidquid servare voluit illæsum, non in villis; sed in oppidis & Castris collocavit; unde Rex hoc ipso anno post devastationem Terræ bina vice, Sturgardiam Oppidum memorati Comitis Obsidione vallavit, fortiter Muros impulit, & constantissime impugnavit, Majore suo, ut fertur, damno, quam commodo: nam muris etiam in plerisque Locis, tormentis Machinarum quassatis atque dejectis nullus Hosti patebat introitus, his, qui intus erant, resistentibus. Postremo Archi-Episcopus Moguntinus vices suas amico interposuit & post coneussum Oppidi Murum, post Incendia Villarum multa, post desolationem Terrarum & Spolia, in Regis Gratiam induxit Comitem & reformavit inter illos Concordiam simul & Pacem, quibus peractis Comes Eberhardus Rudolphum Juramento Recognovit ut Regem, quem ille deinceps gratiose prosequeretur ut Comitem: deinde etiam XXII. Mensis Februarii idem Rudolphus Rex pacem inter eundem Comitem & Senatum Eslingensem restituit.

Postea Dux Austriæ Albertus fecit conspiracyonem contra Regem Adolfum, in ejus auxilio non ultimus fuit Eberhardus Comes de Wirtemberg Homo Bellicosus,

fortis, audax, & impatiens quietis, qui semper vixit in armis, & multa cum vicinis prælia gessit. Nulli Regum suo Tempore imperantium, voluntate Spontanea unquam fuit Subjectus, sed cum Singulis contentiones habuit & cunctis semper fuit infestus, Rudolfo imprimis, ut supra diximus, fuit rebellis & contrarius & in eum cum XV. Comitibus conspiravit, deinde duci Alberto, contra Adolphum Regem usque ad mortem pertinacissime adhaerit, quo tandem occiso, non minus Alberto Regi existit contrarius, quam reliquos ante illum fuerat persecutus.

ANNO DOMINI MCCXCIII. Rex Adolphus in Oppido Imperiali Eslingen Convantum Principum habuit, ad quem omnes Sueviæ Comites, Barones & Nobiles convocavit qui mandatis Regalibus obtemperantes ire curabant, Solus Comes Eberhardus de Wirtemberg venire contempsit. Regina quæ interea morabatur in Castro Achalm in monte prope Reutlingen invitata per Comitissam de Wirtemberg, Vxorem Comitis Eberhardi, ad Sturgardiam venit & Baptismo Filiz illius interfuit.

ANNO DOMINI MCCCIX. Rex Henricus habuit Convantum Principum in Spira circa Festum S. Michaelis, ubi cum aliquanto ibi moram faceret, Eberhardus Comes de Wirtemberg Imperiali citatus Edicto, cum ducentis Armatis Equitibus in magna superbia venit, qui cum Tirannide in Homines Imperii commissa, & multiplici Rebellionem, qua jam diu erga Regnum existierat inobediens, graviter fuisset accusatus nihil curavit, sed in sua Pertinacia perseverans, non solum veniam non petiit, sed etiam cum suis insalutato Hospite temerarius recessit, cunctis etenim vitæ suæ diebus tanquam natus ad Rebellionem, Imperio & Regibus Germaniæ semper fuit contrarius.

Rex igitur Henricus, præfati Comitis Eberhardi Superbiam humiliare statuens, maximam Pugnatorum congregavit multitudinem, ex qua tres magnos Exercitus uno tempore constituit, quorum primum cum Joanne Filio suo Rege, sub ducatu Petri Moguntini Archi-Episcopi destinavit in Bohemiain, secundum vero contra memoratum Comitem misit in Sueviam, cum tertio ipse pro Corona Imperii profectus est in Italiam: egressus itaque contra præfatum Comitem Eberhardum Imperialis Ductor Exercitus, Omnia quæ ad illius Spectabant Dominium potenter ubique vastavit, & brevi tempore ex Octoginta Castellis & Oppidis bene munitis, ad Comitatum Wirtembergensem pertinentibus, duo & Septuaginta violenter obtinuit, de quibus non pauca destruxit funditus, in numero quorum Nobile illud Castrum Wirtemberg primum existit, quod tunc penitus eversum nunquam postea ad primæ Foundationis Elegantiam, fortitudinem & pulchritudinem restitutum fuit: Comes autem Eberhardus videns se tantæ multitudini Armatorum nequaquam posse resistere, recusavit in patulo dimicare; nam subditorum aliqui prius ab eo defecerant, plures etiam ab Hostibus aut Capti fuerunt aut interfecti, reliqui vero Oppidani in Aurach, in Neuffen, in Seeburg & in Witlingen pro Comite, suo Domino, fortiter steterunt; continet se Comes in Castello suo Asperg juxta Neccarum quod natura fontibus & Flumine communivit, quod ubi Capiteo Imperialis Exercitus innotuit, Castellum cum Oppidulo in manu suorum gravissima obsedit: Eberhardus autem Comes loco non ducens confidendum propter Murorum Oppiduli infirmitatem noctu cum paucis aufugit & veniens Ocijus ad Rudolphum Marchionem Badensium, fororium suum; ab eo receptus est apud Besigheim Oppidum, ubi & latuit quamdiu Rex in Humanis fuit: verum Henrico mortuo, amissa omnia recuperavit partim armis, partim Benevolentia quadam subditorum.

Eodem tempore, Urbium & Oppidorum Imperialium Cives qui omnes, partes sequebantur Regales, cum Odio Comitum Wirtembergensium incredibili æstuant, propterea quod dudum plura ab eis suscepissent Incommoda suas cupientes vindicare Injurias; Factum nimis Incredibile, execrabile, ac penitus crudele in mortuos perpetrarunt, Sepulchra namque in quibus vita defuncti Comites de Wirtemberg cum armis & Inscriptionibus suis in Memoriam posteritatis requiescebant in Ecclesia Collegiata in Beutelspach, ubi sepulturam habere solebant, persregerunt ad Invidiam Nominis & Stirpis arua delentes cum Inscriptionibus suis.

ANNO DOMINI MCCCXXVIII. Collegium Clericorum, quod eatenus fuit in Beutelsbach, per Eberhardum Comitem de Wirtemberg ad Stutgardiam translatum; Joanne XXII. Papa annuente & consentiente; eum enim personaliter in avenione accessit Eberhardus in hunc finem, & prædictum Collegium de Beutelsbach, in Ecclesiam Novam in Stutgard, quam jam antea præparaverat transtulit, ac eodem anno in die S. Bonifacii & sociorum ejus vita defunctus est, & in Ecclesia quam construxerat Sepultus, Filium relinquens Nomine Vdalricum, qui Patri statim succedens in Principatu, annis X. Comitatum suum gubernavit, vel ut alii scribunt annis XVI.

ANNO DOMINI MCCCXXXVIII. Ludovicus Imperator Edictum statuit, & per totum Germaniæ Regnum publicari mandavit in cunctis Urbibus, Castellis, & villis ut omnes & singuli cujuscumque Status vel conditionis, qui pro Reverentia & Honore Romani Pontificis interdictum servarent, de Locis & Beneficiis suis expellerentur, confiscatisque eorum Bonis, in Galliam ire cogerentur: hoc autem Crudele, Christianæque Fidei penitus contrarium Edictum in multis Locis publicè fuit denuntiatum non sine Injuria DEI, & animarum periculo gravissimo; Vdalricus Comes de Wirtemberg etiam hoc ipsum Cæsaris Impium Decretum Anno prænotato in Oppido Reutlingen & quibusdam aliis suæ ditioni subjectis, voce Præconis, publice fecit denuntiari.

ANNO DOMINI MCCCXXXIX. Comites, Barones & Nobiles Terræ Lotharingæ Conventum ad Civitatem Metensem Solatii causa indixerunt, & vocaverunt multos, aderat ibi Comes Wirtembergensis Vdalricus non absque singulari Magnificencia honorificè ab omnibus susceptus & habitus, qui Hastiludium cum Triumpho sæpe petitus, cum jam ad sua redire disponderet, à quodam Barone de Vinsingen prope Oppidum Benfeld in Itinere positus, insidiosè captus, cum nihil talium suspicaretur, raptus in Custodiam abducitur, & pro magna pecuniarum summa taxatur: sunt enim qui scribunt, cum pro Liberatione sui, exposuisse de rentoribus centies mille Marcas argenti.

ANNO DOMINI MCCCXLIII. Facta est Dissensio Magna inter Austriæ Duces & Comitem de Wirtemberg propter quædam Oppida atque Dominia, quæ Comes quidam de Schelcklingen Australibus pro Peccunia vendiderat, in quibus memoratus Comes de Wirtemberg se non nihil Juris habere contendebat: contractis itaque Copiis idem Comes Oppidum Mengen Obsidione cinxit & devastavit, deinde vero suum præcedens Exercitum, etiam aliud Oppidum Eslingen gravissima & diuturna obsidione vallavit: Famis deinde Ingens Calamitas graviter intus afflixit obsessos quibus nisi tandem australes venissent in auxilium, prope fuisset, ut Oppidum tradere adversario cogerentur.

ANNO DOMINI MCCCXLIII. undecima die Mensis Julii mortuus est Vlrucus Comes de Wirtemberg, duos relinquens Filios, Vlricum, & Eberhardum.

ANNO DOMINI MCCCCLIII. in principio Mensis Octobris Carolus Rex Germanorum, Albertus Dux Austriæ, Comes de Wirtemberg, Comes de Hohenberg, Episcopus Argentinensis, Episcopus Basileensis & Cives Regni Germanici convenientes in unum, magna cum Potentia Zurich Oppidum jam tertia vice obsidione cinxerunt propter retentionem Joannis Comitis in Habsburg, & per dies ferme XIV. acriter oppugnaverunt, erant in Oppido ex confœderatis aliarum Urbium quamplures Viri fortes & Bellicosi Zuregionibus in auxilium missi, qui oppugnantibus viriliter restiterunt, postremò tamen cum videbant se tantæ multitudini nullatenus posse resistere, pacem sunt coacti postulare: Rex autem Carolus certis conditionibus pacem orantibus concessit, & Captivum Comitem de Habsburg Joannem invitis omnibus Confœderatis, potenter ex Carcere liberavit.

ANNO DOMINI MCCCCLV. Zuricenses, Bernicenses, Suitenses, Lucernenses, Zugenles, Vntervaltenses, Glarienses & Vrienses iterum se se Juramento colligantes in unum conspiraverunt priorem confœderationem innovando confirmantes contra Duces Austriæ; Carolus Imperator, qui tunc in Alsatia erat Zuregum profectus est, volens conjurationem memoratam Imperiali authoritate dissolvere & in nihilum revocare; Zuricenses autem nullis persuasionibus permoveri potuerunt, ut confœderationem & Amicitiam

tiam suratam infringere, aut violare vellent, & ita sua pertinacia contumaciter perseverantes, cum nihil proficere posset Imperator secessit ad tempus, contractoque Pugnatorem Exercitu post dies paucos rediit & Oppidum Zuricense fortissimum obsidione vallavit; fuit in Exercitu Eberhardus Comes de Wirtemberg Vir magnanimus potens atque Robustus cum multis Suevorum Nobilibus atque Ministerialibus ad bella expeditissimis, quorum fortitudo non parum auxit Militiam; aderat etiam cum suis Episcopus Constantiensis qui suggessit Imperatori quatenus juxta morem & antiquam Alamanniæ Consuetudinem, pugnantium in Ordine ponerentur primi, quod cum Dux Austriæ reclamaret Albertus, nimium indignati sunt Suevi, & in unum consultantes ad sua omnes redierunt; Cæsar autem videns abivisse Alemannos & valde imminutum Exercitum Necessitate compulsus, cum Zuricensibus pacem composuit.

ANNO DOMINI MCCCCLX. Carolus Imperator Principum Conventionem celebravit in Oppido Regni Eslingen, & multum cum eis de communi utilitate Omnium Germanorum tractavit, factum est autem in die quodam, Imperatore cum Principibus suis in Refectorio Fratrum Minorum habente colloquium, Cives in seditionem versi contra Familiam Cæsaris arma movere non timuerunt & furentibus perfimiles Cæsarem invadere & contumeliis afficere tentaverunt, qui Fuga lapsus eorum Insaniam ad tempus declinavit; post menses paucos cum Eslingenses non solum commissorum in Cæsarem nullam peterent veniam, sed magis in superbiam elati mandata Imperialia contemnerent, iratus ille magnum Principum & Civitatum Oppidorumque Regni contraxit Exercitum, veniens Oppidum Eslingen obsidione fortissima vallavit: Ducem vero Exercitus Eberhardum Comitem de Wirtemberg, Fratrem Vdalrici constituit & sub ejus directione militiam conformavit; Comes itaque Eberhardus jussu Imperatoris Eslingen fortissima Obsidione cingens, oppidanos quotidiano Impulsu haud mediocriter fatigavit, qui sero considerantes in malo se positos, & quod tantæ multitudini pugnatorum nequaquam resistere posse viderent de sua præsumptione in Cæsarem non merebantur, petunt & accipiunt, datis pro expiatione commissi sceleris Imperatori Carolo Sexaginta Florenorum millibus, & Comiti Eberhardo triginta millibus pro refusione Expenfarum, quas hujus Belli occasione fecerat; sicque Pacem plebs furiosa quam violaverat, præcio Centum millium Florenorum emere compulsæ est & soluta Obsidione quilibet eorum, qui convenerant in sua redierunt, Oppidanis de Eslingen multum confusis, & per omnia valde humiliatis.

Hac Victoria nimium elatus Comes Eberhardus quem Carolus Imperator Capitaneum supra quatuor & viginti civitates & Oppida Regni Germaniæ constituerat, in Subditos Regni Tyrannidem exercebat, illicitis & inconsuetis illos Exactionibus gravando, ut multi Cives & Oppidani ejus crudelitatem non ferentes, mutare Domicilia cogitarent: postremo tamen se Comiti omnes unanimiter opposcentes contra illum ad Cæsarem provocarunt: Imperator his intellectis Comitem Eberhardum pie monuit, quatenus a gravaminibus illicitis & inconsuetis desisteret & Civibus Regni subiectis ad Tempus, non vero perpetuo commissis nihil molestiæ inferret; sed ille piam Imperatoris admonitionem contemnens, & in sua cupiens Tyrannide permanere, confederationem seu potius conjurationem cum Ducibus in Odium ipsius Imperatoris iniit, & quoscumque potuit, contra ipsum provocavit: quibus Cæsar auditis, ut Rebellem & inobedientem amovit ab Officio Vicariatus Regni, & jussit in suo illum privatum degere Dominio, qui fretus amicorum potentia jussu Imperatoris sui sprevit atque contempsit, seque ad rebellandum totis viribus præparavit: his Motibus in Regno male subortis, Imperator Carolus in Boemia Regno suo Nativo atque paterno degebat, Sententias atque Censuras in Eberhardum Comitem de Wirtemberg fulminans & emittens auditu terribiles, sed eas omnes ille contempsit, unde inter ipsum Comitem & Regnum magni oriebantur Tumultus; quorum consideratione motus Imperator nec minus à Regni civibus Exoratus Rupertum Palatinum Comitem ac Baviaræ Ducem Electorem Regni Principem, Belli Imperialis Ducem pro Civitatibus Regni & Oppidis atque Capitaneum esse voluit, cui & Bellum contra Eberhardum prænominatum gerere mandavit: Comes autem Eberhardus nihili pendens Mandata Cæsaris, se viriliter paravit ad resistendum habens in adiutorium Duces Austriæ, Carolo satis infestos, Ducem quoque de Teck, Barones de Limpurg quos Schneck vel

vel Pincernas Imperii Nuncupamus, aliosque Sueviæ Comites, Barones, ac Nobiles multos, qui Cæsari & Regno pertinaciter contradixerunt: Imperator vero postea quam intellexit Comitem se parare ad rebellandum, Exercitum congregavit & ipse prævalidum ex Bohemia, Hungaria, Lituania & Vniverſo Germaniæ Regno, & veniens contra illum in Sueviam, Comes Eberhardus posteaquam consideravit se potentiam Imperialium militum ferre non posse retraxit pedem & in Oppidum Stutgardiam se recepit: Carolus autem Imperator, qui à Nurenberga per Rhetiam Inferiorem contra Eberhardum duxerat Exercitum, Oppidum quoddam Alen nomine quod olim Comites de Oetingen pro viginti Florenorum Millibus Comitibus de Wirtemberg oppignoraverant obsedit, quo potenter obtento præsidium posuit, & postea etiam Schorndorff obsedit.

Rupertus autem Comes Palatinus Bavariciæque Dux, quem Cæsar amoro Eberhardo Vicarium suum in Regno constituerat, sicut dictum est, ex Civitatibus & oppidis Regno subiectis fortem congregavit Exercitum, quem per Pagum, qui nuncupatur Zabergem ducens contra Comitem Eberhardum nonnulla ejus Oppida & Castra expugnando obtinuit, deinde Groningen occupavit: Augustenses vero, Constantienses & alii Cives Regni Oppidum Göppingen Obsidione cinxerunt, & discurreres per villas multa pauperibus intulerunt damna: Comes autem depopulationem suorum graviter ferens cum Exercitu exivit Stutgardiam, & veniens contra Imperatorem haud procul ab Oppido Schorndorff animose commisit Prælium, & in isto congressu pugnatum est acriter, diuque anceps Fortuna consumpsit ab utraque parte plurimos: tandem Victoria cessit Imperatori. Comes Eberhardus victus, & Exercitus ejus superatus atque diffusus multi ex parte Comitis in eo prælio ceciderunt, multi gladio interfecti, plures capti.

Comes Eberhardus Necessitate compulsus pacem à Cæsare per medium Episcoporum Augustensis, Constantiensis & Spirensis coepit postulare, quorum petitionibus Imperator consentiens pacem dedit Eberhardo Comiti postulanti sub his fere conditionibus: In primis fuit per Electos Partium arbitros conclusum, quod Comes Eberhardus Foedus quod cum Austriæ Ducibus contraxerat, revocando cassaret, & nullam deinceps Ligam seu confederationem contra Imperatorem aut Regnum cum illis omnino haberet: deinde Decreto fuit sancitum, quod Comes Eberhardus advocatiam Regni sive Vicariatum, quem à Carolo Imperatore super XXIII. urbes & Oppida Regni susceperat resignare deberet, & se nullatenus de illo intromitteret amplius: Tertio fuit per arbitros partium Decretum & Judicatum quod Comes Eberhardus Civibus Regni omnibus & singulis coram Imperatore aut ejus iudice delegato super injuriis per Tyrannidem irrogatis de justitia debeat & velit respondere: Quarto fuit sententialiter pronuntiatum & conclusum quod Comes Eberhardus Imperio, Regno, & Cæsari Carolo Fidelis, subiectus & obediens perpetuo debeat persistere, & neminem deinceps in ejus odium seu Rebellionem quomodolibet provocare: Quinto fuit per arbitros decretum quod Imperator tam ipsum Comitem Eberhardum quam Ducem de Teck & cunctos alios Confederatos sive auxiliares Milites Nobiles & Ignobiles, præmissis Bello Implicitos, Austriæ Ducibus tantummodo exceptis ad Reconciliationem & Gratiam debeat recipere, & commissa omnia plene Indulgere: Sexto statuerunt quod omnes captivi ab utraque parte, quomodolibet detenti sine aliquo sui detrimento vel damno libere dimittantur, & quatenus firma sit constitutio Pacis, quod Imperator Comites ipsos principaliter de hoc faciat securos. Septimo Judices decreverunt, quod Carolus Imperator omnia Oppida, Castella, & munitiones per se, vel per alios Bello durante captas, excepto Alen Oppido, soli Comiti Eberhardo debeat restituere & pacem Literis Imperialibus confirmare: Hæc summatis pro pace fuerunt per Commisarios decreta, & ab utraque parte laudata & confirmata: sic ergo pace inter Regnum & Comitem de Wirtemberg Eberhardum reformata, Alen Oppidum Fisco Regio pro multa fuit adjudicatum.

ANNO DOMINI MCCCCLXVII. Vdalricus Comes de Wirtemberg Frater Eberhardi, Vxorem duxit Elisabeth Filiam Ludovici Ducis Bavarici, relictam viduam scilicet Veronenſis Principis, de qua Filium genuit Nominis Eberhardum, cognomento Pium, Principem Memoria dignum.

ANNO DOMINI MCCCCLXVIII. graves inter Comites de Wirtemberg & Eberstain dissensiones exortæ multorum malorum causam mortalibus præstiterunt, unde In-

fidias sibi mutuò tendentes, omnia dolis & fraudibus impleverunt: contigit autem die quadam Anno memorato Eberhardum Comitem de Wirtemberg cum paucis esse in Thermis quas *Wildbade* nuncupant, lavandi Corporis gratia, quod ubi Comiti de Eberstain innotuisset, contractis Copiis Familiarium, per Insidias illum capere & ancilum abducere quærebat, ordinatis ad hoc insidiis oportunis: verum illis patefactis Comes Eberhardus consilio Bubulci alicujus per invia densissimi Nemoris abducitur, & incolumis ad sua remeavit, sic delusa fraus Comitis de Eberstain, majoris dissensionis fomitem ministravit; qui videns Intentionem suam in nihilum esse redactam, omnes Nobiles totius Sueviæ quoscumque potuit, in mortem Eberhardi Comitis concitavit: Comes autem postquam fuga Lapsus in sua rediit, nihil studiosius quam vindictam sumere de Insidiatore suo Comitè memorato cogitavit, unde contracto suorum Exercitu non parvo, contra Comitem de Eberstain Bellum assumere decrevit: Nobiles autem omnes in Comitatu Wirtembergensi existentes ipsum Comitem Dominum suum deserentes, Comiti de Eberstain à quo fuerant muneribus antea multis sollicitati ne dicam, seducti, tenacissima animositate adhæserunt; hinc metus & Timor omnes qui erant in parte Comitis de Wirtemberg vehementer oppressit, maxime propter Nobilium desertionem, qui multas in dominio Comitis Eberhardi munitiones & Castra possidebant, ex quibus Gentem suam haud modicum lædere potuissent; erant autem in Exercitu Comitis de Eberstain Duces Equitum potiores atque potentes illi de Hofingen, apparatus Belli fortissimum ducentes, cumque Oppido Haimshaim essent congregati in pago Wiringaw dicto, haud procul ab Oppido Regali Wyla, & in Comitem Eberhardum craftino Exercitum ducere statuissent, tum Comes ipse Consilio, noctu congregatis ex multitudine Rusticorum Copiis, cum auxilio Civium Oppidi Regalis Eslingen, qui ejus sequebantur partes, prima Lucè memoratum Oppidum Haimshaim obsidione cinxit, & ne pateret egressus diligenter observavit; Comes autem de Eberstain Nobiles & Viri pugnatores qui intus erant omnes, cum viderent se ab Eberhardo præventos, ejus mirabantur audaciam & consilio inter se habito rem adgrèdi fortiter omnes statuerunt, Lapides & tela per murum in Exercitum Wirtembergensium continuo jacentes: Comes verò præcepit rusticis suis quorum ingens multitudo aderat, ut Ligna de proximo Nemore multa comportarent, & muris Oppidi per Gyrum apponerent immixtisque Vappa & pice succederent, quod obsessi cernentes pacem à Comite petunt, quæ certis sub conditionibus concessa ab oppugnatione Oppidi cessaverunt, per unam portam inclusis & obsessis exeuntibus, cumque de Oppido per ordinem Nobiles exirent captivi, & imprimis illi tres Capitanei Exercitus, qui se nuncupaverant Reges, quidam Rusticus de parte Comitis Eberhardi, Vir facetus stans cum aliis juxta portam dixit: Hah quam benefactum est; Ecce tres veniunt Reges, si quartus adesset, Integrum Chartarum haberemus Ludum.

Inde movens Exercitum Comes Eberhardus munitionem illorum de Höfingen prope Leonberg Obsidione vallavit, impugnavit fortiter, cepit, funditusque destruxit: captis post hæc multis tam de Nobilibus quam de vulgaribus suæ ditioni subjectis qui ab eo ad Comitem de Eberstain defecerant, capitibusque eorum truncatis, Castella subvertit; postremo tamen Nobiles in concordiam redeunt cum Eberhardo Comite pacem inter se firmissimam statuerunt, Juramento & Litteris necessariis munitam: Et est Notandum quod præscriptum Bellum inter Comitem de Wirtemberg Eberhardum, & Comitem de Eberstain habitum, apud Suevos nominatur in Lingua teutonica *der Slegel Krieg* usque in diem præsentem, ideo quia Rustici, qui nec Lanceis nec Gladiis, utebantur sed clavis & fustibus sive Instrumentis Ligneis, quæ apud Suevos *Slegel* nuncupantur, victoriam contra Nobiles obtinuerunt.

ANNO DOMINI MCCCCLXXII. Vdalticus Comes de Helffenstain in Castello Nyberg per Insidias occisus est, unde Cives Regni quidam nimium Indignati, volentes mortem ejus Vindicare, in unum conveniunt, & expugnare prædictum Castellum Nyberg unanimiter contendunt, quod ubi Eberhardus Comes Intellexerat, misit contra Illos suorum Exercitum, & Bello inopinato commissio Cives Regni penè omnes corruerunt.

Eodem Anno Carolus IV. Imp. Magnam Pecuniarum summam à Civibus Regni postulando exegit, cujus quidem Exactionis Principem & Pecuniæ collectorem constituit per Sueviam Eberhardum Comitem Wirtembergensem, qui cum pecuniam singulis Urbibus nomine Cæsaris impositam; jussus potenter exigeret, omnes unanimiter contradixerunt: iratus igitur Comes magnum suorum congregavit Exercitum & discurrens per Regionem, de Oppido ad Oppidum, Cives Regni contumeliis multis & injuriis affecit: postremo tamen concordia facta; Ulmenfes LII. millia florenorum Eslingenses XV. millia; Rotweilenses X. millia; Reutlingenses XV. millia; Lindavienfes VI. millia; Constantia XL. millia florenorum Cæsari solverunt; hæc Pecuniarum summa pro majori parte Comitibus cessit de Wirtemberg in refusionem Expenfarum quas ratione Advocatiæ Regni per Sueviam, ut supra diximus, habuerunt, quarum summam quotannis XXX. millia taxarunt.

His quoque Temporibus memorati Comites de Wirtemberg Advocatiam Monasterii Mulbrunensis, Ord. S. Bernardi quam eatenus tenuerant; jussu Imperatoris resignare coacti sunt; eam Rupertus Comes Palatinus Rhœni Bavaricæque Dux obtinuit, & post eum hæredes ejus per annos ferme centum & triginta, quibus evolutis Anno videlicet MDIV. Udalricus Dux Wirtembergensis Tertius eandem gladio recuperavit.

ANNO DOMINI MCCCCLXXVII. Factum est Prælium magnum & atrox in Suevia juxta Reutlingen Oppidum inter Comites de Wirtemberg & Cives Oppidi jam memorati cum focis suis.

Inprimis igitur Comites magno suorum Exercitu congregato memoratum Oppidum Obsidione cinxerunt; Cives contracta manu Sociorum satis in Oppido videbantur muniti, nec Hostium Ferocitatem magni faciebant; quando igitur nocte quadam pedites quingenti Oppidum clanculo exeuntes Urach & Tetting versus iter direxerunt, pecora & omnia quæ poterant invenire sibi in prædam abducentes, cuncta igne ac ferro sine commiseratione crudeliter devastantes, onultique mox præda, per aliam viam secretius ad Oppidum revertebantur, quod ubi Comes de Wirtemberg Junior intellexit, assumptis secum de Exercitu Peditibus & Equitibus multis, obviam venire Hostibus tentavit, sperans se indubitanter etiam illos posse profigare & præda omnino liberare; sed aliter se res habuit, Cives namque per oppositam Urbis portam, quæ semper, etiam pacis tempore consuevit esse clausa, silenter exeuntes Comitem cum suis nihil tale suspicantem ab omni parte in modum coronæ circumdant, & subito velut pecora multa trucidant, nemini parcentes nisi fugientibus: ceciderunt in eo confictu ex parte Comitum de Wirtemberg, quorum nomina teneamus, ex Ordine Nobilium. Fridericus de Zoltra Comes. Udalricus de Tuwingen Comes. Joannes de Swarzburg Comes. Godefridus Schederer Eques auratus, Magister Militum, Belli Vir strenuus. Swigerus de Gundelfingen. Reinhardus de Nyperg. Bernardus de Sachsenheim, & Fridericus Filius ejus. Wolfgangus de Stanche, Magister Curiae. Burchardus de Sturmfeld. Benzo de Hohenstein. Joannes de Rotenburg. Georgius de Lustenaw. Sifridus de Welenberg. Swiggerus de Gemmingen. Zacheus de Bernhausen. Sifridus Waller. Henricus Waller. Conradus Truchses de Bichshausen. Albertus de Killer. Eberhardus de Stofflen. Eberhardus de Sternfels Advocatus in Zabergew. Henricus de Lichteneck. Joannes de Spetbereck. Andreas de Gyslingen. Conradus de Stamheim. Wolfgangus de Jungingen. Waltherus Spät. Henricus Mager. Sifridus Franco de Erpach. Sifridus de Sachsenheim. Hermannus de Fladungen. Joannes de Grunbach. Cuno de Hedicken. Rabanus de Lichtenstein. Wolfgangus de Wernhoven. Wolcklinus de Krutheim. Joannes alter de Grunbach. Joannes de Winsheim. Wilhelmus de Kreilsheim. Conradus de Limpach. Henricus de Bœnstlein. Nicolaus de Steinfeld. Andreas Zobel. Robertus de Gebfätil. Joannes Riedsfel. Thomas Wolfskeel & alii ex Nobilibus multi in eodem cruento Prælio ceciderunt, quorum nomina invenire non potuimus: verum ut monumentis edocemur Veterum. Barones atque Nobiles ex parte Comitum Wirtembergensium à civibus Regni occisi fuerunt numero LXXXV. aliorum vero incertus & ingens fuit numerus, quos omnes interemptos armis suis cives Regni spoliaverunt, & vix tandem precibus evicti permiserunt, ut eorum corpora aliorum deportata sepelirentur in uno

quodam loco: Comes autem de Wirtemberg memoratus Junior Ulricus, Dux Belli, graviter vulneratus cum quibusdam aliis cadentium manus vix effugit & se ad castrum Achalm nuncupatum, ad cuius pedem Montis Oppidum Reutlingen est situm se recepit, sicque obsidione necessario soluta reliqui non sine iactura ad sua redierunt, quos Regni cives infecuti omnia Igne ferroque demoliri pro viribus conati sunt: Comes autem ex adverso furorem civium reprimere cupiens, denuò instruxit aciem iuxta Toffingen, haud procul ab Oppido Wila existimans Hostes, ut erant jam labore simul ac furore defatigati, se facile superaturum; omnibus itaque ordinatis Comes cum suis in Hostes nihil tale metuentes, repente irruit, & plures ex eorum numero crudeliter occidens, viriliter triumphavit: verumtamen Ulricum Filium suum telo percussum in eo conflictu Comes Eberhardus Senior amisit, ut sequitur.

ANNO DOMINI MCCCCLXXX. Cives & Oppidani Regni facta inter se confederatione, Comitibus de Wirtemberg denuò Bellum indixerunt, cuius quidem Expeditionis hic Ordo erat, ut sequitur: ex Oppido Sueviæ Ulma Lanceati Milites missi sunt LXXXIII. ex Civitate Constantiensi LIV. & Oppido Wila CXX. ex Norlingen LIV. ex Hailbruna LIV. ex Gemendia XXII. ex Rotwila XXXVI. ex Eslingen XXXII. ex Weissenburg Sueviæ X. ex Oppido Sancti Galli VIII. ex Memmingen XXVII. ex Reutlingen LX. ex Rotenburg XXXVI. ex Buchen III. ex Dinckelspiel XII. ex Biberach XV. ex Phullendorff IX. ex Uberlingen XXX. ex Ravenspurg XVIII. ex Nurenberg LXXII. ex Winsheim VII. ex Argentinensi Civitate XX. ex Basilea LXX. ex Wißenburg prope Landaw II. ex Hagenaw IV. ex Spira XIII. ex Wormatia totidem. ex Magontia XXV. & ex diversis aliis locis mercede conducti ad Bellum complures pedites & Equites, per omnia ad Bellum expertissimi: conveniunt itaque ex parte memoratarum Civitatum Regni Viri Pugnatores cum longis Hastis mille, Sagittarii quoque mille, levis armaturæ Equites & Pedites mille, atque Nudorum sive Armatura carentium hominum similiter mille prædam sequentium: cum ea multitudine Terram Comitum de Wirtemberg ingressi, omnia ferro & incendio per circuitum devastare cœperunt, plura pauperibus damna inferentes, inter alia verò Cimiterium Villæ prædictæ Toffingen nuncupatæ haud procul ab Oppido Wila XXIII. die Augusti Obsidione cinxerunt; quod mox ut Comitibus innouit Bellum movere in eos statuerunt, erant in partem Comitum missi à Ruperto Comite Palatino de Heidelberg quingenti Viri, qui ab Hastis quas ferebant, Lancearii dicebantur, Marchio quoque Junior Badensis, Episcopus Constantiensis & alii quidam Principes in auxilium eorundem plures miserunt armatos, eratque summa Exercitus Comitum de Wirtemberg Lanciariorum Equitum sexcenti, aliorum duo millia ducenti: congressione igitur facta in die dominica ante Festum Bartholomæi Apostoli Anno Christi prænotato, non longe ab Oppido Wila, pugnatum est acriter, sed Comitibus de Wirtemberg postremò cessit Victoria, ceciderunt in eo Prælio ex parte Civitatum mille quingenti Viri, Equites quoque eorum omnes, simul Capitanei aut cæsi aut in captivitatem abducti, ex omni eorum numero pauci per fugam salvati sunt: ex parte verò Comitum Eberhardi Wirtembergenfis, in acie prima ceciderunt Filius ejus Ulricus Comes Junior, & alius Comes de Lowenstein cum XX. Equitibus atque Ministerialibus; ex parte verò Palatini Stephanus de Handschuesheim cum aliis Ministerialibus tribus occubuit, & sic ista Civium confederatio periit.

ANNO DOMINI MCCCCXXII. post mortem Comitum de Wirtemberg Uxor ejus Vidua relicta Comitatum aliquot per Annos strenuè gubernabat, quo tempore Comes de Zolre in superbiam elatus despexit mulierem quasi Regiminis Principatu indignam, ei subannando his inter alia verbis: num Vulva hujus Mulieris virulenta, me vult aut poterit denuò absorbere? Mulieri nuntiata sunt hæc verba Comitum, ad quem scripsit: non solum Te, sed etiam castrum tuum Hohenzolra, & omnia quæ ad Jus tuum pertinent, mea devorabit vulva, ut discas Te non Mulierem inertem, sed Principem tuam irritasse: contractis igitur Mulier copiis, auxilio Civium Regni Terram Comitum memorati, hostili apparata intravit, omnia per circuitum Igne feròque devastans: deinde castellum ejus Hohenzolra nuncupatum, situ & munitione fortissimum, per annum ferè totum continua Obsidione vallavit, quod tandem violenter capiens funditus destruxit & ad sua rediit Victrix.

ANNO DOMINI MCCCCXLVI. Udalricus de Wirtemberg duxit Uxorem Elisabeth, Filiam Henrici Ducis, & Nuptias Sturgardiae cum magna Pompa celebravit, de qua genuit Eberhardum Comitem de Wirtemberg postea Ducem Secundum, qui cum Ducatum aliquamdiu Rexisset post primum Eberhardum Ducem Barbatum, sine Liberis profugus obiit in Terra aliena sub ditione videlicet Palatini Comitis Philippi: Henricum quoque Comitem idem Ulricus genuit, cujus Filius Ulricus Dux Tertius, adhuc hodie Terram gubernat Wirtembergensem.

ANNO DOMINI MCCCCXLVIII. Cives Oppidi Regalis Eslingen auxilio quorundam aliorum Civium Regni, contracto Milite, Comitis Wirtembergensis Terras hostili ceperunt incursione vastare: quibus recognitis Comes Udalricus mox suorum viribus adjutus in Hostes irruit, & quasi Leo rugiens eorum Exercitum violenter dissipavit occidens alios, & capiens plures, ceteros convertit in Fugam.

ANNO DOMINI MCCCCCL. quarto die mensis Novembris Waltherus Ehinger Civis Ulmenfis, Vir prudens & potens inter suos, junctis sibi copiis Civitatum Regni Pugnatorum non parvum adunavit Exercitum, cum quo Terras Comitum de Wirtemberg hostiliter invadens omnia ferro & igne in circuitu devastavit, contra quos Comites memorati Ulricus & Ludovicus validum suorum & amicorum miserunt Exercitum, simulque prope Oppidum Eslingen concurrentes atrox committitur Bellum, in quo Civium Regni, a Comitibus superatur Exercitus, & Victoriæ Comitibus consequuntur; ex parte autem Civium in eo Bello plures ceciderunt, inter quos præcipue occubuit Waltherus Ehinger Ulmensium Capitaneus & Hieronymus Popsinger de Nordlingen campi Ductor cum aliis Militibus, omnes quoque Civitatum Regalium Capitanei aut capti fuerunt, aut occisi, paucissimis exceptis, quibus fugæ Beneficium nox atra contulit Tenebrarum.

ANNO DOMINI MCCCCCLI. Pace inter Principes & Civitates Regni necdum plenè reformata, correptus peste Ludovicus Comes de Wirtemberg Frater Udalrici supradicti in Aurach moritur, & apud Chartusienses in Gutenstein cum honore sepelitur; Uxorem habuit Mechtildem Ludovici Comitis Palatini Filiam de qua genuit duos Filios; Ludovicum, qui adolescens sine Liberis decessit, & Eberhardum cognomento Barbatum postea Primum Ducem in Wirtemberg, Virum justum, inclytum & prudentissimum; in Comitatu Patri succedens Uxorem duxit Ludovici Marchionis Mantuani Filiam Nomine Barbaram, de qua genuit unicam Filiam, quæ Juvenula mortua est, reliquit etiam Comes Ludovicus memoratus duas Filias, Mechtilidem, quæ nupsit Lantgravio Hassiæ peperitque duos Novissimos Wilhelmos, quorum adhuc Senior vivit; alteram Elisabetham, quæ primo nupsit Comiti de Nassaw & postea Comiti de Stolberg.

ANNO DOMINI MCCCCLVIII. Udalricus Comes de Wirtemberg auxilio Marchionis Brandenburgensis Alberti contra Fridericum Palatinum Comitem Rheni Bavaricæque Ducem Tutorem Philippi, hostiles gerens animos castellum Widern obsidione vallavit, cepit, ac funditus destruxit; quo facto Albertus Marchio cum suis ad propria reversus est: Comes autem Ulricus per agrum Hailprunensem iter faciens, ab altera parte Neccari Fluminis Fridericum supradictum Comitem Palatinum defensorem Oppidi memorati Hailbrunnensis, sex millia peditum, & mille octingentos Equites habentem, quo cognito Comes plana via cum suis, qui etiam fatigati erant ex fervore solis & numero pauciores, sicut ceperat, graditur & ad conspectum Hostium consulto non pervenit.

ANNO DOMINI MCCCCCLIX. Dietherus Archi - Episcopus Joannes ab Enzberg Episcopus Spirensis, Albertus Marchio Brandenburgensis, Ludovicus Dux Bavaricæ Niger, Carolus Marchio de Baden, Ulricus Comes de Wirtemberg, Emicho Comes de Lyningen & plerique alii Comites & militaris Ordinis Homines in unum conspirantes, se Friderici Comitis Palatini, Philippi Tutoris Hostes & Inimicos publicos denuntiaverunt, causas singuli singulas prætendentes; Archi - Episcopus etenim Dietherus propterea quod Fridericus defenderet Adolphi de Nassaw contra eum; Comes autem de Wirtemberg Udalricus Margarelliam Filiam Ducis Sabaudiae

diæ Relictam Ludovici Comitis Palatini Fratris memorati Friderici & Genitotis Philippi duxerat Uxorem, cujus dotem præcedentis Matrimonii juxta conditum Jure postulare videbatur: contra hanc Udalrici Comitis postulationem, Fridericus Comes Palatinus respondendo negativè dicebat quod Margareta memorata, Fratris quondam Uxor, Materque Philippi secum ex Camera Palatinatus in Clenodiis, Jocalibus, & aliis, præter corporis sui Ornatum detulerit in valore non minùs centum millium Florenorum, reddat ille priùs, & dotem recipiat promissam: aliis aliæ fuerunt causæ, maxima tamen omnium fuit quod Fridericus Imperator non solum permisit, sed etiam præcepit ut Bellum contra Fridericum Palatinum Comitem moverent supradicti Principes, propterea quod videretur nimium superbus, arrogaretque sibi titulum Imperialis Electionis, Philippo, cujus erat Tutor, debitum; Imperialibus Præceptis Rebellis & inobediens eo quod Friderico Duci Bavarie consentiret: Fridericus autem Comes Palatinus tot Inimicis circumseptus, nusquam est mente fractus aut animo perturbatus, sed contractis suorum copiis, Principatum suum per circuitum armatis munivit, & deinde cum reliqua parte Exercitus se ubique Inimicis opposuit.

ANNO DOMINI MCCCCLXI. cum Dominus Adolfus Comes de Nassaw contra potentiam Comitis Palatini qui Diethero ab Eysenburg assistebat, resistere non posset, auxilium Ducis Bavarie Ludovici, qui Niger dicebatur, & in Mayenheim morabatur, invocavit, assignans ei pro stipendio quicquid habuit Moguntina Ecclesia in districtu Spanheimensi, Bickelsheim videlicet castrum & villam, Sabernheim Oppidum, Montzoga Oppidum, Nofsbarum Villam, Ulmonem Oppidum & Villas plures alias in circuitu cum omnibus proventibus: Carolo autem Marchioni Badensi Archi-Episcopus Adolfus pro stipendio contulit in pignus quasdam Villas in circuitu cum omnibus utilitatibus & proventibus eorundem. Udalricum Comitem de Wirtemberg contra Dietherum Adolfus etiam invocavit & conduxit stipendio XX. millium florenorum in prompta pecunia: erat autem Comes Udalricus Homo Bellicosus & audax, simul & potens valde; conduxit & alios plures videlicet Wilhelmum Saxonem, Henricum Comitem de Swartzenburg, Comitem de Konigstein, buit & in auxilium Archi-Episcopum Trevirorum, Georgium Episcopum Metensem, Fratrem ejus Joannem Episcopum Spirensen, Albertum Marchionem Brandenburgensem, & alios plures. Comes autem Palatinus, qui cum Diethero sensit, posteaquam ipsemet in Hostes seviræ cepit, non potuit quiescere, sed tanquam unicuique Molossus quem plures circumstant catelli latrantes nunc in istum nunc vero in alium copiarum suarum impetum vibravit & morsus, & primo quidem Expeditionem movit contra Udalricum Comitem de Wirtemberg, & ejus Terram Incendio, deprædatione, ac ferro, multiplici Incurfione hostiliter devastavit: Comes autem contracto Exercitu X. millium pugnatorum, IV. Idus Julii contra Hailbronnæ Regni Oppidum, quod erat sub defensione memorati Comitis Palatini movit, quod ubi Cives intellexerunt, missa Legatione ad Comitem Palatinum, ea quæ fuerunt pacis rogabant & impetraverunt: interea Comes Palatinus cum una Exercitus parte contra Ludovicum Ducem cognomento Nigrum processit ut Hostis, quippe sæpe deceptus, & Oppidum Gaubicklheim in primis obsedit, cepit, murosque & Turres ejus dejecit, in quo CLX. pedites captivavit: duravit ista Principum & Episcoporum supradictorum contentio per integrum Annum, & non sine multorum damno periculorum.

ANNO DOMINI MCCCCLXII. posteaquam inter Fridericum Comitem Palatinum defensorem Dietheri de Eysenburg & Adolfum de Nassaw cum adherentibus ei, longa concertatio durasset, & jam fessis aliquantulum partibus, amicorum consilio per Oratores Principum de Pace fuit conventum; igitur convenientibus in unum, quibus consultandi pro Pace Legatio fuerat commissa, sub certis clausulis atque Legibus negotium concordie in medium fuit propositum: Adolfus autem impatiens morarum conventum pro concordia facienda expectare contempsit, sed in exterminium Palatini armavit, Rumor quippe falsus exierat, quia Palatinus qui dicebatur in Bavaria, manserat occultè in Patria.

Igitur Carolus Marchio Badensis, Georgius Episcopus Metensis Frater ejus, & Udalricus Comes de Wirtemberg, contracto milite adunaverunt Exercitum sexcentorum videlicet Equitum, & sex millium peditum, & Terram Palatini Comitis, quem longe extra patriam crediderant, devastarunt, & inprimis quidem Heydelsheim Oppidum obsidione cinxerunt; quod cum intellexisset Comes Palatinus, Viros secum armatos, quotquot videbantur necessarii, assumens, nocturno tempore intravit Oppidum, & paucissimis cognitis Custodias & defensores per Muros & Turres sufficienter collocavit: Videntes autem postmodum obsessores quod expugnare Oppidum non possent, soluta obsidione inde receperunt expeditionem Ulterius moventes.

Inde haud procul ab Heydelberg Oppido Residentiæ Comitis Palatini, Castra posuerunt, quibus Locatis auxiliarii missi ab Adolfo, quadringenti supervenerunt Equites, peditumque tria millia & paucis diebus quieverunt: ultima vero die mensis Julii Anno prenotato mane in aurora prænominati tres Principes Georgius Metensis Episcopus, Carolus Marchio Badensis, & Ulricus Comes de Wirtemberg cum multis aliis Comitibus atque Nobilibus, peditatu in Castris relicto, cum solo Equitatu mille circiter Virorum in agrum Heidelbergensem iter desceunt & pededentim equitantes, igne cuncta Villagia & Curtes Religiosorum devastare simul & Incendere cœperunt, Fridericus autem Comes Palatinus per Exploratores de Hostium intentione mane certificatus, cum septingentis equitibus & peditatu multo, cum ad huc tenebræ essent, Heydelberga exivit, & in proximo Nemore, ubi Hostes transitori erant, se abscondit; supervenit casu Dietherus de Eysenburg cum trecentis Equitibus, & se Palatini Copiis latenter conjunxit: postquam autem tres memorati Principes pertransiissent in Nemore haud procul à Seckenheim villa, & jam pervenissent inter Angustias Rheni & Neccari, ubi nullus erat Locus Fugæ nisi retrorsum, surgunt ex insidiis, qui latuerant Palatinenses, & à tergo impetum facientes, irruunt in Hostes: videntes ergo Principes se peditu quod nullus esset evadendi Locus, tumultuario impetu conversi contra venientes dimicare cœperunt, utpote contra quatuor millia, mille; & contra multos pauci, ceciderunt eo in prælio ex parte Principum duo Nobilissimi Comites unus ab Helfenstein, alter ab Salm, Captivi autem Georgius Episcopus Metensis, Carolus ejus Frater Marchio Badensis, Ulricus Comes de Wirtemberg & alii Comites, Nobiles & Ignobiles ferme quingenti, cum magno triumpho ducti fuerunt in Oppidum Heidelberg & vinculis mancipati; tandem Pecunia multa se redime-runt. Acta sunt hæc in Campo latissimo non procul à Ladenburg die ultima Junii; Georgius Metensis Episcopus Jacobi Marchionis de Baden quondam Filius & Caroli Frater Germanus pro Liberatione sua de Captivitate Palatino Comiti Friderico quadraginta quinque millia Florenorum dare compulsus fuit: denique cum omni militia sua & tribus in Lotharingia Castellis Bergrod, S. Theobaldi & S. Crucis Palatino scripsit perpetuo obnoxia. Carolus Marchio Badensis pro sua Liberatione Palatino promisit, scripsit & dedit Centum millia Florenorum: verum quia tanta summa Pecuniarum non erat in promptu ad manum, tali conditione suo Triumphatori satisfacit: quicquid in Comitatu Spanheimensi habuit, Oppidaque Bessheim, Bretzheim cum Teloneo & Castello sub reemptionis Jure assignavit, insuper omni reemptionis Juri, quod se habere super Oppido Heydelsheim & Oeppingen prætendebat, venationibus quoque & piscationibus inter Seltz & Gernersheim in Terra & Rheno, pro quibus antea Lis & contentio fuerat, in perpetuum renuntiavit, Oppidum denique Pfortzheim Palatino Feudale constituit, & se cum omni Populo & posteritate sua literis & Juramento Necessariis, in perpetuum eidem obnoxium fecit.

Udalricus autem Comes de Wirtemberg pro Centum Florenorum Millibus à Palatino similiter fuit multatus, quorum in promptu fuerant soluta quadraginta millia, viginti autem millia Florenorum Comiti memorato ab Adolfo de Nassaco moguntino Archi-Episcopo contra Dietherum super strata montana assignata, idem Comes Palatino resignavit: & sic fuerunt soluta sexaginta millia Florenorum: de reliquis vero quadraginta millibus Comes de Wirtemberg Palatino pensionem dedit annuam duorum millium Florenorum, quam Necessariis Monumentis confirmavit: Marpach insuper Oppidum Palatino Feudale constituit, & cum omni militia sua Palatinae obnoxium scripsit: his Factis Principes liberati sunt & ad propria quilibet eorum rediit.

ANNO DOMINI MCCCCLXV. Adolfus Archi-Episcopus Moguntiacus de consensu suo, & Romani Pontificis Pauli II. confirmatione, Heinricum ex Comitibus de Wirtemberg, Filium Udalrici Comitum memoratæ Ecclesiæ Canonicum, in coadjutorem assumpsit, qui officium illud aliquamdiu satis prudenter administrans, omnium in se converuit amorem, & dubium non fuit si in eo mansisset ordine, in quem fuit à Domino vocatus, ad apicem pontificatus fuisset assumptus verum non diu postea dimisso quo fungebatur officio coadjutoris, Canonicatum deseruit & ex Comitibus de Zweibrück & Bielech uxorem duxit, de qua genuit Udalricum Ducem de Wirtemberg tertium in Ordine, sed ista mortua aliam duxit uxorem ex Comitibus de Salm de qua genuit Georgium Comitem, & Filiam quæ desponsata fuit Heinricho Duci de Brunswick.

ANNO DOMINI MCCCCLXXIII. Eberhardus Barbatu Comes de Wirtemberg Filius Ludovici, qui postea in Ducem fuit sublimatus à Maximiliano Rege, uxorem duxit nomine Barbaram, Marchionis Mantuæ Filiam, & Nuptias in Oppido suo Aurach solemnè pompa celebravit, Liberos tamen de ea non habuit præter unicam Filiam, quæ in pueritia morte fuit sublata.

ANNO DOMINI MCCCCLXXVII. Gymnasium Universale apud Suevos in Oppido, quod Tubinga nuncupatur Constantiensis diocesis Erectum est, Opera & impensis Eberhardi Barbatu Comitum de Wirtemberg, & Matris ejus Mechthildis Archiducis Austriæ, quæ genere soror fuit Ludovici & Friderici Comitum Palatinorum Bavariæ quæ ducum, quæ primo nupsit Ludovico Wirtembergensi Comiti, ut supra dictum est, Fratri Udalrici, de quo concepit & peperit jam dictum Eberhardum: Ludovico autem jam vita defuncto nupsit Archiduci Austriæ Alberto, quo etiam sine Liberis mortuo, ad Filium est reversa, verum quia majoris est æstimationis Archidux quam Comes, Ducis titulum sibi ab ultimo & non à primo retinuit: Sixtus ergo Papa quartus, ad preces hujus Mechthildis & Filii ejus memorati, noviter institutum Gymnasium auctoritate Apostolica confirmavit, & Privilegiis ad Instar Bononiensis Gratiolæ munivit, in quo Gymnasio plures viri docti floruerunt.

ANNO DOMINI MCCCCLXXIX. circa principium mensis Novembris Eberhardus Barbatu contractis Copiis Equitum & peditum in Comitatum provincie Nellenburg, sive Pagum quem vulgo Hogaw nominant, Exercitum movit contra Sigismundum Archiducem Austriæ, & Castellum Hohenkreuv munitissimum quod eorum fuit Equitum qui de Kreidingen nuncupantur, obsedit: Causa obsidionis fuit quod Joannes & Eytelius de Fridingen quasdam Villas ipsius Comitum incenderant, & Rusticos in memoratum Castrum abduxerant propria temeritate captivos: igitur obsidione firmata cum sine intermissione Comes oppugnaret Castellum, hi qui Laborabant obsessi, videntes tantæ multitudinis se non posse resistere diutius, quæ pacis erant cœperunt à Comite postulare, dedit pacem Comes rogatus, & certis sub conditionibus obsidionem amovit ut videlicet arx illa Hohenkreuv & sibi & suis omnibus pateret ad Libitum, obsidione autem soluta Comes Eberhardus liberatis captivis ad sua rediit: Verum Sigismundus Archidux Austriæ cum audivisset hæc, animo contra Eberhardum commotus, Litteras ad eum misit indignatione plenas, jubens ut ab invasione & occupatione Nellenburg & montis Metberg quantocius desisteret, aut experiretur quid ita læsus & injuriatus posset: sed Comes animo Constans & inperterritus per Litteras Duci respondit se præscriptionem & possessionem dicti montis Metberg decem supra Centum Annos posse docere, quare petat, ut ipsum quietum permittat, tandem causa, utriusque consensu ad Cæsarem translata est, qui secum assumens certos Regni Principes montem Metberg ut erat proprium Comiti adjudicavit, arcem vero Hohenkreuv Juri possidentium permisit absque ulla contradictione.

ANNO DOMINI MCCCCLXXX. Mortua est Margaretha Ducis Sabaudie Amadæi quondam Filia, quæ primo Nupsit Ludovico pio Comiti Palatino Rheni ac Principi Electori, de quo concepit & peperit Filiam Philippum, qui Patri successit in Principatu: Ludovico mortuo Nupsit Udalrico Comiti de Wirtemberg.

Hoc ipso Anno mortuus est & Ulricus Comes de Wirtemberg memoratus, uxorem secutus, Princeps Magnus, humanitate, mansuetudine, Beneficentia, virtute simul & prudentia.

prudencia insignis & ab omni populo sibi subiecto dilectus ut Pater Sturgardie in collegiata Ecclesia S. Crucis cum tribus Legitimis uxoribus suis Nobilissimis, quas successively duxerat, cum debito Honore Sepultus: reliquit autem duos Filios Eberhardum & Henricum, quorum prior mortuo Eberhardo ex patruo Nepote, Duce postea facto sicut dicemus, in Ducatu successit, & sine Liberis obiit: Henricus autem uxore ducta Filia Comitis de Birsch genuit Udalricum Ducem, qui pulso Eberhardo Patruo strenue Ducatum Wirtembergensem gubernat, Patre ad huc vivente.

ANNO DOMINI MCCCCLXXXII. Moritur Mechtildis mater Eberhardi Senioris, circa Festum Bartholomæi Apostoli, quæ fuit soror Ludovici Pii, & Friderici Strenui Comitum Palatinorum Rheni: hæc ut supra diximus primo nupsit Ludovico Comiti de Wirtemberg, peperatque Seniore Eberhardum Barbatum postea Ducem, Ludovico autem mortuo nupsit Archiduci Austriæ Alberto, quo etiam mortuo ad Filium reversa, reliquum vitæ in viduitate peregit.

Anno supradicto Eberhardus Comes Senior Barbatu Romam causa devotionis cum Notabili suorum Comitatu profectus est, & Sabbatho ante Dominicam mediæ quadragesimæ urbem ingressus, sequenti die quæ fuit Dominica Latere, à Sixto Pontifice aurea Rosa donatus fuit, & tam ab ipso Papa quam à Cætu Cardinalium magno cum honore susceptus obtinuit auctoritatem & Licentiam transferendi sæculares Canonicos ex Collegiata Ecclesia Aurach ad Herrenberg, & in eorum Locum reponendi Fratres qui de communi vita nuncupantur Cœnobitæ, propterea quod Apostolorum Exemplo sine proprio socialiter vivunt in communi sub uno Præposito, Indulgentias etiam plurimas impetravit pro eadem Ecclesia, quam in sua reversus magnifice construxit & sufficienter dotavit, in qua & Rosam auream, sibi à Pontifice donatam, cum multis venerabilibus Reliquiis Sanctorum collocavit.

ANNO DOMINI MCCCCLXXXV. Eberhardus Barbatu Homo prudens & astutus Consilio, sciens quod juxta Dominicam Sententiam omne Regnum in se ipso divisum, desolationem patiatur, & domus supra domum cadat, cum Principatus Wirtembergensium esset in duo partitus quomodo in unam revocaretur Monarchiam prudenter excogitavit; habebat enim duos ex Patruo nepotes ut supra dictum est, Eberhardum videlicet & Henricum Comites, qui unam continebant partem Comitatus, Sturgardiam scilicet cum pertinentiis, ipse autem possidebat Aurach cum Oppidis Castellis & vicis suis, consilio itaque Senioris Eberhardi, consentientes Junior Eberhardus & Henricus, Comitatum divisum reducerunt in unum, statuentes & Litteris confirmantes quod Regimen Principatus Wirtembergensis perpetuo deinceps maneat indivisum penes unum, de cujus manu Hæredes reliqui annuam pro sustentatione sui pecuniariam recipiant portionem, hac unitate prudenter conclusa per populum quoque Terræ unanimiter collaudata, & sequenti Anno de consensu Principum in conventu Frankfurtenfis confirmata; Senior Eberhardus Juniori permisit facultatem acceptandi utrum veller præesse comitatu, aut vitam ducere quietam; consilio suorum intellecto, qui non ignorabant Seniore Eberhardum pro communis Patriæ utilitate ad Regimen fore meliorem, cessit Principatu, provisione annua sex Florenorum millium contentus: porro Henricus Frater Eberhardi hujus Junioris, propter continuas infirmitates suas simili contentus provisione fuit, postea solus progeniem Comitum nunc Ducum continuavit.

ANNO DOMINI MCCCCLXXXVI. Monasterii Zwifalten Ordinis S. Benedicti Abbas, novitate sua quærens disturbia sese una cum dicto Monasterio suo à Tuitione Comitum de Wirtemberg tentavit subducere & defensionem Austriæ Ducum in totum commendare, aptatum igitur Vexillum Archiducis Sigismundi qui morabatur in Inspruck Suspendit in Monasterio, ut Signum alienatæ Tuitionis esset manifestum, quod cum audisset Comes Eberhardus Barbatu, Monasterium potenter intravit, Vexillum Archiducis deposuit, laceravit, projectumque in Terram pedibus calcavit, reposuitque suum quod propterea secum attulerat, ea de re Magnam Friderici, III. Imperatoris Indignationem contraxit, interveniente tamen Rege Maximiliano, in Gratiam rursus venit, & Tuitionem retinuit.

ANNO DOMINI MCCCCLXXXVII. die XVI. Februarii Natus est Ultricus Comes de Wirtemberg, Patre Henrico & Matre Comitissæ de Birsch Filia, in Richenwyler, quem Infantem Eberhardus Senior Comes Barbatus, per duos à Secretis, inde cum nutrice ad Stutgard occulte transferri fecit, ibique summa cum diligentia educari.

His temporibus idem Comes Eberhardus, ad Honorem Omnipotentis Dei novum in vasta solitudine Monasterium construxit cum Ecclesia, ambitu, aliisque mansionibus necessariis, in eo Loeo qui ab antiquo Schonbusch nominatur, quod magnis tandem consumptis impensis provida largitione sufficientissime dotavit: consummato Monasterio, non Monachos cujusvis approbatæ Regulæ non Canonicos Regulares, non denique sæculares, sed novum quoddam Genus hominum, qui nullam alicujus Ordinis Regulam observant, sed in communi viventes, Fratres de communi vita vocantur; Hos ad novam introducens domum, quam crexerat autoritate Apostolica, Grisæum habitum in Blavum commutavit, statuens ut Ordinis S. Petri Fratres nuncuparentur & essent, in cujus Patroni memoriam Clavem de albo panno lineo ante pectus Tunicæ portarent assutum, & hæc ejus prima institutio fuit, ut in illum S. Petri Ordinem, de Comitatu Wirtembergensi dumtaxat Oriundi Pauperes sive depauperati Honestæ tamen conversationis Presbyteri sex, de illorum Genere quos Nobiles vocant, & de Opidanis seu villanis similiter sex, & quod Nobiles debeant præesse cæteris etiam Sacerdotibus, sed hæc ultima constitutio sic postea immutata fuit & hodie servatur, ut non ex Nobilibus Laicis, sed ex Sacerdotibus unus sit prior, cui cæteri omnes obediant.

ANNO DOMINI MCCCCXCV. Conventus Principum in Wormatia Magnus fuit, & diu duravit. Illic die XXI. mensis Julii Maximilianus Rex, proprio ut ferebant motu, ad nullius Infantiam Eberhardum Senioremm Barbatum Comitem de Wirtemberg, Virum prudenter strenuum, & non minus armis atque divitiis potentem, in Publico Principum consensu è Comite in Ducem sublimavit adhibitis in eo Negotio solennitatibus debitis & consuetis, & ex eo tempore Duces in Wirtemberg & Teck facti perseverant hodie.

*Rosarum Rosa Wirtemberg Stirps generosa
Longe Laudati Comitesque nominati
Mumpelgart ditati, post hoc Duces creati.
De quibus est primus, nomen cui Eberhardus
Ad Bonam non tardus, Fragrans ubique ut Nardus
Nam laus ejus late diffunditur ex probitate
Post vite Cursum ductus ad æthera Sursum.*

ANNO DOMINI MCCCCXCVI. Die Mensis Februarii XXIII. Eberhardus ille Barbatus Dux primus in Wirtemberg & Teck excoaratione Vesicæ, aliisque Corporis doloribus cruciatus diem clausit extremum, cujus Corpus ut petierat, habitu Ordinis S. Petri, quem ipse, ut supra diximus, instituerat, involutum ad novum Monasterium ab eo constructum evectum, solenni Funere sepelitur: fuit autem Eberhardus Princeps statura quidem Corporis aliquantulum brevior sed magnanimus, & ad quævis ardua promptus & imperterritus, Consilio providus & cautus, omni disciplinarum Genere exercitatus, vita & conversatione singulari, & ad DEUM Rectitudine mentis devotissimus, in cujus quotidiano cultu, nihil eorum quæ ad quemlibet pertinent Christianum Principem vel optimum neglexit.

Post mortem hujus Clarissimi Principis Eberhardi Ducis Wirtembergensis primi, vocatur ad Ducatum è Primoribus Terræ Eberhardus Senioris defuncti ex Patruo Nepos Filius videlicet Udalrici Comitissæ, qui Frater fuerat Ludovici Genitoris Eberhardi primi Ducis jam memorati; is Eberhardus eo tempore profugus, vitam extra Patriam agebat, Senioris metu in quem deliquerat, qui proximus Hæres juxta dudum concordata, vocatus advenit: ab Episcopo Augustensi & aliquibus Nobilibus à suis deputatis cum debito honore suscipitur, Dux & Patriæ Princeps salutatur: Rexit autem Ducatum

Wirtembergensem Annis fere duobus, postea, ut dicemus, fumositatē cerebri agitarus, Principatum deseruit: erat ei consuetudo dum cibum caperet nunquam sedere ad Mensam sed stare semper: ubi autem interdum aliquantisper sedere placuit, cessabat penitus ab edendo, lubebat tamen bibere, & hunc morem in Maximiliani Mensa & quorumlibet Principum præsentia servabat.

ANNO DOMINI MCCCCXCVIII. Eberhardus Dux magnæ sibi fuit causa calamitatis: cum enim multa præter Rationem & æquitatis Ordinem præsumeret, Patruī sui bene Acta retractaret, statutis Patriæ Sanctis ac publicis temere contraireret, in Consilio suo Homines foveret fugitivos, à Monastica Professione Apostatas, Nebulones & Tenebriones, qui aliquamdiu Exulanti & profugo adhæserant focii, & viarum Comites, quorum jam Nutu Regebat & Regebatur, Bonos autem Viros Nobiles, Doctos, prudentes, & probos contemneret, atque à Consilio suo removeret, Populi Odium in se provocavit; Innoverat præterea, quod Nomina quorundam Integerrimorum Virorum quibus pro Patria semper Cura fuerat, ad delationem illorum Tenebrionum, in Scheda consignata, morti destinasset; unde moti non sine ratione multa dicerent in Ducem, quæ honestatis consideratione transimus, & publicum Genti per Litteras indixere Conventum, in quo de communi Patriæ Utilitate tractandum erat, & hæc Indictio Conventus facta est de scientia ipsius, licet non placeret in Corde, quia contradicere multitudini Virorum Notabilium sine suspitione mali non potuit, causa vero Principalis huius Conventus alia non erat, nisi pro Informando Principe quatenus Homines illos Spatricos, improbos, & Pacis Inimicos de sua Curia exterminaret, Viros bonæ Famæ, prudentes, Nobiles & doctos in Consilium suum reciperet, & quæ viderentur Reipublicæ Nocitura communi tractatu corrigerentur; verum prius quam dies Instabat conveniendi, Dux Eberhardus metuens Procerum, Prælatorum, Nobilium & Communitatum in se pro male commissis Censuram, deportatis secum Thesauris & quidquid in auro vel argento habere potuit, cum paucis de Familia Nebulonum Clandestine recedens abiit, & Patriam cum Ducatu voluntarie dimisit, & primo quidem Patria Terra cedens venit Ulmam Regale Oppidum Sueviæ, postea ad Argentinam, deinde Stauronesum Oppidum, vulgo Creutz dictum, quod uno milliari distat à Monasterio Spanheim, post hæc Ordinante Philippo Comite Palatino, ad quem confugerat, in Castello quodam Lindenfels nuncupato mansit usque ad diem mortis suæ per Annos ferme sex, memorati Expensis Principis non tamen Captivus, ut quidam contendunt, causam enim Opinati huius Rumoris breviter dicam.

Philippus Comes Palatinus Rheni, plus æquo Venationi deditus, patienter ferre non potuit, ut in ejus ditione quispiam Feram caperet; Eberhardus autem Dux profugus cum pervenisset ad dictum Castellum Lindenfels quod situm est in Optimo Venandi Loco, quotidie venatum ire cepit, utpote Homo deditus otio & cui omnis Hora sine tali occupatione longa videbatur: videbant hoc Ministeriales Palatini Comitibus, in eodem Castello servientes, qui voluntatem Domini sui non ignorabant, & quomodo Ducem à præsumpta Venatione deterrerent absque mora Consilium acceperunt: quodam igitur mane diluculo cum exiturus jam esset ad venandum ex more, casu prospexit per Fenestram & vidit à proximo Nemore duos Equites quasi ad Latrocinium paratos, nunc prodire paululum, nunc se denuo in Nemo recondere, quibus visis Castellum vocat & dicit, Domine præfeste qui sunt Equites isti quos video in Nemore latitantes, numquid ex Palatinensibus sunt: cui Præfectus per Deum, inquit, Domine nescio qui sunt, vel quid ibi faciant; ad quem Dux, mitte precor Exploratores ut sciam qui sunt, vel quid ibi faciant, ne forte sint Suevi mei, & quærant animam meam perdere: misit Exploratorem præfectus plenissime Informatum de subordinato Negotio Timoris, qui rediens ad Ducem plures in Nemore latitare dixit, & pedites & Equites armatos, nec se aliter conicere nisi quod Suevi sunt Wirtembergenses, quibus auditis Dux Territus est, & Castellum egredi non audebat, post horas aliquot venerunt quidam Villani ad confirmationem figmenti, qui ad Ducem Intramissi dicebant se captos eo mane fuisse à Suevis in Nemore Latitantibus & interrogatos qua hora Dux Confuevisset exire venatum, his etiam auditis pro indubitato habuit, fuisse Suevos in Nemore ad captivandum eum; ab illo die nemo potuit ei persuadere ut amplius exiret venatum, sed quamdiu vixit, non captivus sed voluntarie inclusus permansit in Castello.

Maximilianus Rex audiens tam inopinatum Ducis recessum & volens ejus confu-
lere Honori, monuit eum bis atque tertio, ut ad dimissum rediret Principatum, eo
quod ipse suas vellet interponere vices, ut omnia fierent pro ejus nutu; rogabant
id non minus, & ipsi Nobiles & Prælati Patriæ per Litteras & Oratores suos humili Sup-
plicatione quatinus redire dignaretur ad Regimen sui principatus, promittentes se factu-
ros omnia quæ decet erga Principem fieri per subditos; sed omnia frustra sunt tentata,
per illos enim, quos secum habuit Nebulones, propriae timentes pelli, seductus fuit
primum ut fugeret, deinde confortatus in proposito ne rediret, asserentes & persuaden-
tes nimium credulo, quoniam si ad Ducatum redire voluerit perpetuo carceri esset man-
cipandus: Videns ergo Maximilianus Rex quod Hominem ad sanæ mentis Integritatem
non posset reducere, Udalricum Henrici Comitis Filium fratruelem memorati Ducis
profugi, ætatis Annorum decem, Wirtembergensibus Ducem constituit, & profu-
gum Eberhardum omnino deposuit, & ut inutilem Patriæ simul & Regalibus inobedien-
tem Mandatis, Rebellem declaravit, qui & posthæc apud Lindensfels moræ suæ tempus
in Moria consumavit.

ANNO DOMINI MCCCCXCIX. Sabina Alberti Ducis Filia desponsatur Udalrico
Duci Wirtembergensi Annum ætatis agenti undecimum, quorum Nuptiæ post Annos
duodecim apud Stutgardiam fuerunt celebratæ.

ANNO DOMINI MDIII. Udalricus Dux Wirtembergensis sub Tutoribus Constitu-
tus, quos Regentes nuncupabat ut eorum nutu regeretur, simul atque Ducatui vices
suas interposuit Rex Maximilianus, amotis iisdem, omnem administrationem Princi-
patus Udalrico prædicto ut Legitimo Hæredi moderandam commendavit, cum An-
num ætatis ageret XVI. pensitabat enim jam tunc Maximilianus Rex in adolescente ani-
mum Generosum Nobilem atque maturum, qui satis ad Res Gerendas & Patriæ defen-
sionem videretur Idoneus: erat sane tum adolescens supra ætatem Intelligens, Ingenio
subtilis, Eloquio facundus, mitis & affabilis, & quod maxime commendatur in Prin-
cipe, Mansuetus, non crudelis, non superbus, sed humanissimus.

ANNO DOMINI MDIV. Maximilianus Rex Totius Regni Principes & Duces una
cum Ministerialibus in Bellum contra Ducem Rupertum ejusque Genitorem Philippum
Comitem Palatinum Rheni & omnes eis consentientes convocat, Bellumque indicit
tanquam in eos, qui mandatis Regalibus inobedientes fuissent atque Rebelles, & Ecce
conveniunt ad mandatum Regis mox Principes cuncti & civitates in vicinia, & quasi ex
condicto in Palatinum Comitem Philippum & Filium ejus Rupertum unanimi consensu
arma tulerunt: inter quos Udalricus Dux Wirtembergensis tum jussu Regio, tum pro-
prium adversus memoratos Principes habens actionem, Anno prænotato mense Majo,
se Litteris Heidelbergam publicè missis, Hostem & Inimicum, ut fieri solet, manife-
stat; deinde contractis Copiis ad Numerum, utserunt, XX. millium Pugnatorum pe-
ditum & DCCC. Equitum, Terras Palatinorum Ingreditur, & in primis Monasterii
Mulbrunensis, quod Cisterciensis est Ordinis, Possessiones & villas Igne & Ferro deva-
stavit, Wernsheim villam dicti cœnobii cum aliis Incendio cremavit, pecora Rustico-
rum abegit, postea ipsum Monasterium, quod in modum Castellatis erat munitum,
obsidione vallavit, in quo Palatinus Comes trecentorum Virorum præsidium Locave-
rat, & in monte ex opposito, pro defensione Loci quoddam arcem in modum construxe-
rat Fortalitium non sine multis expensis, quod Dux Udalricus in primis adoritur, quas-
satumque Machinis cepit, deinde muros cœnobii; Turres, & domos intus positas Ma-
chinis Bellicis impetivit; videntes autem qui erant in Monasterio quod tantæ potentæ
Ducis non possent resistere, quodque nullum de suo Principe haberent auxilium,
quamvis id sæpius implorassent, sub certis conditionibus Duci Monasterium tradide-
runt: Dux itaque Monasterium Ingressus, eos qui erant de parte Comitis Palatini, jux-
ta conditum Libere dimisit, susceptaque Loci Advocatia, Monachos qui cum Abba-
te Spiram secesserant, revocavit: inde progrediens Knitlingensium Campum potenter
subjecit, & Palatini Oppidum Bretheim obsidione cinxit, castra ponens ab ejus parte
aquilonari, obsidione firmata, confestim Muros, Turres, ædificiaque Oppidi,
Bombardarum Ictibus cœpit impellere ad Ruinam, sed qui erant in Oppido & Numero
& audacia viri potentes, in Papilionibus Ducis Machinas direxere tonantes & se & Oppi-
dum

dum constanter & fortiter defenserunt; una namque dierum cum Wirtembergenses Bombotomantes & Machinarum Custodes, Ocio, vino, & somno dediti nihil minus quam Oppidanorum suspicarentur Excursum, Palatinenses de Oppidulo erumpunt, Ocio homines memoratos vacantes, quasi securos inveniunt, adgrediuntur, cedunt, occiduntque & Bombardas nonnullas Hostium violententer secum abducunt.

Fit subito ingens Clamor, & grandis sub confusione Tumultus, dum præ gaudio Palatinenses attollunt in aera Voces, Wirtembergenses autem ex subita Incurfione attoniti, Palatinos minus caute secuti, cum portam invenissent apertam introgressi sunt Oppidum, protinusque Clausis valvis crudeliter occisi, sed & plures in captivitatem abducti sunt: ceciderunt in eo Tumultu ex utraque parte viri ducenti & supra, plures tamen de Wirtembergensium Exercitu quam Palatinorum: postremo sedatis Tumultibus Suevi Mortuos in Cœmeterio quodam non longe posito sepelierunt: duravit ista Oppidi Bretheim obsidio diebus XXI. quibus effluxis venit in Papiliones Ludovicus Filius Philippi Comitis Palatini primogenitus, quem Dux Udalricus de Wirtemberg cum Honore suscepit & in Tentorium suum lætanter introduxit: quid inter se tractaverint, aut quas conditiones pacis admiserint, me latet usque in præsentem Diem, solum hoc habeo compertum quod Udalricus Dux Wirtembergensis mox post Ludovici Recessum obsidionem amovit ab Oppido memorato Bretheim & inde recessit.

Verum Brethemiana obsidione soluta, Dux Ulricus munitissimam Palatini Comitum arcem Bessikheim firmissima obsidione coarctavit, Lapidibus sine intermissione Bombardarum violentia intromittens, quibus haud parum tribulavit obsessos, qui impetum Machinarum diutius ferre non valentes, communi Decreto Munitionem Ulrico Duci sub conditione salutis tradiderunt: Dux autem Oppidulo cum arce obtento, traditores absque læsione abire permittit, dein ultra progressus contra Ludovicum Comitem de Lewenstein, quierat in parte Comitum Palatini, quia ex Patruo Nepos, omnem Comitatum ejus Incendio & vastatione Hostili destruxit, penitusque desolavit, Castrum quoque memorati Comitis Lewenstein obsedit, & in quatuor diebus obtinuit, ipso Comite Ludovico, in Bavaria cum Duce Ruperto existente: verum post Annos quatuor Dux Ulricus quorundam Nobilium precibus ad misericordiam flexus, Castellum Lewenstein dicto Comiti sub certis conditionibus restituit, una villa dumtaxat excepta, cujus Incolæ nulla ratione induci poterant, ut sub ditionem Comitis Ludovici redirent, causas habentes varias.

Ulricus Dux exinde in Comitem de Weinsperg movit Exercitum & incensis igne per circuitum Villis, magnam Terræ intulit desolationem, postquam ipsum Castellum Weinsperg obsidione vallavit, quod similiter expugnavit in paucis diebus & per ditionem obtinuit: rursusque progrediens novam Civitatem Palatini Comitum facili facilitate capiens in suam redegit potestatem: deinde Meckmul Oppidum cinxit obsidione, quod etiam brevi suæ subiecit potestati; tandem mandato Regali subsecutæ sunt Treugæ, & à Bello cessatum. Animus in Udalrico Principe adolescente fuit magnus, cujus Impetum nisi Regia cohibuisset autoritas, damna Palatinis Graviora intulisset: Laudamus eum quoniam in ea parte Christianum servavit pugnandi modum, quo & Monasteriis & Ecclesiis Deo consecratis pepercit; quippe qui neque Incendio consecrata Domino Tempia subvertit, neque servorum DEI cœnobîa spoliavit, sed animo strenuus, potentia Virtuosus ac Pius in Deum, quoad fieri potuit Ecclesiæ Monasteriis omnino pepercit.

ANNO DOMINI MDV. in Principio Mensis Julii convenerunt ad Regem Maximilianum in Colonia multi Principes Regni; in eo conventu ipse Pius Rex reformavit pacem inter discordantes Principes; Summa conditionum fuit, ut qui Tempore Belli plura perdidisset, careret amissis, & qui multa fuerat Lucratus non compelleretur, saltem in Foro contentioso ad Restitutionem.

ANNO DOMINI MDXI. in Dominica Quinquagesimæ quæ fuit II. dies Mensis Martii; Ulricus Dux Annum ætatis agens XXIII. Baviaræ Ducis Filiam sororem videlicet illum quam Palatinus Comes Ludovicus accepit, Nuptias Stutgardia magna cum solennitate celebravit, ad quas invitati convenerant Principes isti; Wilhelmus Dux Baviaræ Frater sponsæ Germanus, Fridericus Dux Saxoniarum Princeps Elector, Fridericus Fra-

ter ejus Germanus, Fridericus Marchio Brandenburgensis, Henricus Dux Mechelburgensis, Christophorus Marchio Badensis & Filius ejus Ernestus, Wilhelmus Comes de Henneberg Fridericus Comes de Hohenzollern & Filius ejus Franciscus; Nicolaus Comes de Salm, & Comes unicus de Bilsch, & plures alii Nobiles & Barones Equos habentes, ut ferunt, tam pro curribus quam pro suis uestionibus plusquam VII. millia.

ANNO DOMINI MDXII. Ulricus Dux Wirtembergensis Abbatem Monasterii Zwifalten siue duplcis aquæ nuncupati, cepit, & de cenobio abductum in Castello suo Neussen custodiæ mancipavit, quæ res cum in Notitiam Constantiensis Episcopi devenisset, Ducem pro violenta injectione manuum in Prælatum denunciavit excommunicatum; Dux autem Nuntios suos misit ad Julium Romanum Pontificem, & informavit de causa, ab eoque Beneficium absolutionis petivit & impetravit, quod etiam ei memoratis præsul Constantiensis ex Commissione Apostolica impendit; Abbatem vero Caprum Dux Episcopo tradidit quem ille in Castello suo Mersburg nuncupato custodia mancipavit.

ANNO DOMINI MDXIII. Ludovicus Princeps Elector & Fridericus Frater ejus Comites Palatini, cum Ulrico Duce Fœdus perpetuum contraxerunt, quod Maximilianus Cæsar autoritate Regali confirmavit: hæc autem novi ac perpetui Fœderis Sanctio est denunciata populo per Territorium, non solum in Oppidis sed etiam in villis commorantibus.

ANNO DOMINI MDXIV. Suborta fuit in Ducatu Wirtembergensi magna contra Ducem Udalicum, subditorum suorum conspiratio: surrexerunt enim ex Oppido Schornдорff quidam Homines Frontosi & Factionum Principes perniciosi, qui sub prætextu justitiæ omnem Principatum Ducis & Christianam Religionem nitebantur extinguere: nam occulta conspiratione inter se facta, in brevi tempore Magnam Rusticorum multitudinem sibi adjunxerunt: crevit paulatim multitudo Rebellionis & animis concitata furiosis, se se ad publicam Principis sui contumeliam armavit, conquerebantur se in consuetis nimium gravari exactionibus multaque præferebant in medium, quibus simplicium animos in odium Principis & consiliariorum ejus contra Jus & æquitatem provocabant: augebatur quotidie conjuratorum Numerus, adunatoque IV. millium Exercitu, in campum pugnaturo adversus proprium Dominum perijuri & stolidi processerunt; at vero Ulricus Dux prudentia usus, Rusticorum Insaniam mitigavit, revocatisque ad subjectionem plurimis, Factionum Principes alios capitis reos detruncavit, alios de Patria proseripuit, reliquæ multitudini ut seductæ per alios, veniam sub certis conditionibus dedit & sic insanæ mentis populi Furor, Ducis prudentia coercitus quievit.

Periculosa nimis fuit ista Tenebrionum Conspiratio quam in provinciæ totius, omniumque Germaniæ procerum utriusque status simul & Christianæ Religionis excidium, Gens Impia suggerente Diabolo, excogitavit, nam ut constat ex Reorum confessatis hæc Intentio fuit quam articulatim subijciam. Primus conspiratorum Articulus, quod non solum Rusticos & Oppidanos Ducatus memorati Wirtembergensis; sed Omnes quoque in circuitu Populos à Principum, Episcoporum, Abbatum, Dominorum atque Nobilium subjectione retrahere laborabant, census & subventiones debitas penitus negaturi, & ut sperabant sine lege deinceps victuri. Secundus vero articulus, quem in proposito habuerunt fuit: quod si Dux renuisset temeritati eorum præbere consensum in multis quæ præter rationem præsumebant, quod ipso vel capto vel Interfecto, Fratrem ejus Germanum, qui Comes est, pro eo in Ducem sublimarent. Tertius articulus fuit talis: conabantur Summo Studio Societatis suæ numerum augere, quem si ad XX. seu XXX. millia pugnatorum perducere potuissent mox aciem non solum in Principem, sed & in Cleram quoque omnem, in claustrales maxime divites & Nobiles Terræ dirigere, cunctisque Bonis spoliare cogitabant.

Crudelis eorum sævitia, quam nisi omnipotens Deus sua providentiâ citius redeget in nihilum, militibus præsumendi similia brevi audaciam præstitisset. Hanc Turbam Conspirantem, vulgari vocabulo Pauperem Conradum indigne nuncupabant, vel ab autore seditionis, ut quibusdam placet, vel propter Vexillum quod sibi Statuerant pugnaturo præferendum, in quo ante imaginem Crucifixi in genibus decubens Rusticus depictus erat, super cujus verticem Inscriptio talis videbatur *der arme Conrad.* id est *Pauper Conradus.*

III.

ANONYMUS DE ORIGINE ET ABBATIBUS COENOBII COMBERGENSIS.

Antiquis Temporibus Annis *Kochen* (qui Sueviam à Franconia separat) *Chohe* dictus fuit, & Castellum velarx, ubi nunc Collegium Comburgum est, olim de hoc Fluvio Chohe *Chohenburgum* fuit appellatum, ut Constat ex Litteris Foundationis & Libris qui reponuntur ad Rerum memoriam: extincta autem Nobili illa Gente quæ Chomburgum primitus tenebat, Arx cum adjacente Oppido, Episcopatu Auguftano, ut Feudi Domino, cessit, donec insequenti Tempore per concambium ad Comites Rotenburgenses à Sanguine Ducum Franconiæ derivatos transiit: Hi olim appellati fuerunt de Fluvio Tubari, Domini de *Taub* sive de *Columba* unde albam quoque Columbam expansis alis super Galea Gestarunt, in scuti vero Thalassico Campo Caput aureum Leonis cum Trabe aurata in Ore, quorum & hæc est Genealogia.

N. COMES de ROTENBURG.

RUGGERUS		RICHARDUS		EINHARDUS	
ALBERTUS	RUGGERUS	RICHARDUS			
EINHARDUS	BURCARDUS	HEINRICUS	RUGGERUS		
Episc. Würtzburgens	Monachus	Uxor. Geba	in peregrinatione absque Liberis.		

Vocabantur autem hi Proceres Domini de Taub aliàs de Columba, (ut dictum est) postea Comites Rotenburgenses à Civitate sua: portò, erat sacellum quoddam prope Arcem Comburgum ædificatum in Honorem Dei & S. Bartholomæi Apostoli, quod Nostro Sæculo juxta peristylum vel circuitum Monasterii, S. Mariæ Cappella erat, Ruinam minitans: juxta id sacellum magna stabat Quercus, sub cujus patulis Ramis, tres Fratres Generosi, Arcis hujus inhabitatores, tempore æstivo sedere, & auram Suavem capere solebant Burcardus Nimirum, Heinricus & Ruggerus, ad quos fere quotidie, ut ad Juvenes Hilares ac Jucundos, Equites & Nobiles Viri ex Vicinia veniebant.

Quadam Die Burcardus sub illa Quercu obdormiens, videre sibi visus est Pulchrum Monasterium, & quendam in Pontificio habitu Virgam manutinentem, illudque in duo Cenobia dividentem, quorum unum reposuit in monte vicino qui nunc paruum Comburgum & S. Ægidii appellatur, quod Burcardus evigilans, admiratus, Fratri suo Ruggero totum narravit, qui & illud diligenter consideravit: eandem visionem quædam Religiosa mulier infra habitans ad montem Combergium (nunc Steinbach appellatum, sibi in prædicto Sacello inter Orandum vigilanti oblatam fuisse retulit eodem die quo Burcardo dormienti: Fertur quoque Incolas Villæ Hefenthal nocte Natalitiorum Christi Magnarum Campanarum Sonitum audivisse, quo excitati surrexerint, euntesque Steinbachium ad Vigiliis Nativitatis Domini, cum ad Hefethalericum Clivum venissent visi sunt sibi multos Cereas ardentes in arce Comburgo videre & Chorem Cantum audire, portus igitur Arcis pulsasse ut intus intromitterentur, sed cunctos inhabitatores, præter Vigiles, somno sopitos fuisse; alio die Comes quidam Chohengovus Westphaliæ habitans una cum Comite Burcardo Comburgum versus equitans, cum ad montem Comberg venisset pileo detracto erga eundem se reverenter inclinavit; causam Facti rogatus, eam se rescire dixit: verum Burcardus sui Propositi memor, Faxit Deus, inquit, ne frustrate Inclinaveris.

Die de hinc Pentecostes, Monachis Benedictinis ex vicino S. Jacobi Monasterio, Lithurgiam in Sacello S. Bartholomæi decantantibus, cum ventum esset ad versiculum: *Infunde Undionem tuam*, Tres illi Fratres Comites qui tunc assistebant, ad Lacrymandum commoti sunt, ac Sacello egressi, quercum illam subierunt, atque illius visionis, quæ Burcardo oblata fuerat recordati, de coadendo Monasterio in eodem Loco inter se tractarunt: quo minus tamen mox exequeretur impedimento fuit Expeditio Saxonica Regis Hemrici, cui interesse cogebantur Comites Henricus & Ruggerus; inde Domum reversi, convenit inter ipsos ut Ruggerus Italiam peteret, interea vero Burcardus. Castellum Comburg demoliretur Cœnobiumque construeret, quod quomodo & quando factum sit Indicat sequens Inscriptio.

Anno Dominicæ Incarnationis MLXXVIII. Indictione II. VII. Kal. May, Feria III. Beatæ memoriæ Domnus BURCKHARDUS Cœpit Arcem suam Cohenburg destruere & Monasterium construere.

Anno autem MLXXXVIII. Indictione XI. XII. Kal. Januarii Dedicatum est idem Monasterium a Venerabili ADALBERONE Wirtzburgensi Episcopo Catholico in Nomine Sanctæ & Individuæ Trinitatis & in Honore Sanctæ & Victoriosissimæ Crucis, Sanctæ DEI Genitricis Mariæ Sancti Nicolai Episcopi & Confessoris & omnium Sanctorum.

Omnia enim jam tum erant perfecta & absoluta exceptis tribus Turribus, quæ ad decem Cubitorum altitudinem tantum eductæ erant: Postquam autem Comes Burchardus Monachos ex proximo S. Jacobi Cœnobio desumptos in illud introduxisset, ipse sequentes Litteras ab Archi-Episcopo Ruthardo impetravit.

„In Nomine Sanctæ & Individuæ Trinitatis Ego RUOTHARDUS DEI Gratia Monasteriensis Archi-Episcopus. Omnibus Sanctæ Ecclesiæ Fidelibus Notum esse Cupio, tam futuris quam presentibus quod Domnus BURCHARDUS, in Honore Sanctæ DEI Genitricis Mariæ & Sancti Nicolai, in monte Kohenberg nominato, Monasterium quoddam construxit, ad quod ipsum Locum cum omnibus justitiis & pertinentiis Prædiorum, & Mancipiorum seu quarumcumque Rerum ex toto super Altare S. Nicolai Libera manu sua & Fratrum suorum Comitum scilicet Ruggeri & Hentici tradidit, DEO & Sancto Nicolao in proprietatem &c.

In his Litteris continetur.

- I. Illos tres Fratres Comites omnia Bona sua huic Monasterio tradere, ut DEI Cultus in eodem perpetuis temporibus perseveret.
- II. Licere conventui Abbatem Idoneum sibi Eligere secundum Regulam S. Benedicti.
- III. Fas esse Abbati & Fratribus Advocatum probum & justum ad tuenda Monasterii Jura, & possessiones adsciscere, quam præfecturam ille semper ab Imperio Romano, nec tamen Hereditario accipiat.

Nomina Testium in illis Litteris sunt.

„Adelmannus S. Albani Præpositus, Embricus Camerarius, Arnoldus Custos, Anshelmus Præpositus, Volcknandus Decanus, Embricus Cantor, Eulogius Præpositus, Richardus Præpositus, Druthmarus, Guntherus, Gotscaleus.

„Laici Comes Gerhardus. Comes Wigerus. Comes Henricus. Comes Ludovicus, vicus, Rudiger de Hufen & Frater ejus Henricus, Henricus de Newenstar. Gisbertus, Ernestus, & alii plures.

Vive.

Vivebattunc temporis Nobilis Vir nomina Wignandus de Castell juxta Moguntiam, cui uxor erat Nomine Adelheidis. Ipse habens Moguntia veterem Domum, quæ ruinam minabatur, quam cum deiceret reperit intra muros ingentem Theſaurum, ignorans autem cujus fuiſſet, nec ſciens quomodo collocandus eſſet, cum de Nova Comburgi Fundatione inaudiunt tres ibidem Turres inchoatas ſed Comitris Burccardi morte imperfectas relictas eſſe, Fratremque ejus Comitrem Henricum Cogitare de Cœnobio Sacrarum Virginum è Regione Majoris Cœnobii ædificando, quæ res amborum animos ita commovit, ut integrum illum Theſaurum cum omnibus Bonis ſuis quandoquidem Liberos non habebant, ad utriusque Comburgi abſolutam exædificationem converterent; ſic tres illæ Lapidæ Turres, quæ adhuc cernuntur perfectæ ſunt, Fœmineumque S. Ægidii Cœnobium quod & olim parvum Comburgum dictum eſt, Anno MCVIII. Conſtrui cœpit. Ambo Conjuges Vitam Monasticam profeſſi piè obierunt, Wignandus in Sepulchro Fundatorum Loci depositus, Adelheidis vero in Parthenone Ægidiano, ubi etiam humatæ ſunt Geba uxor Henrici Comitris. Bertha ſoror Engelhardi Comitris Lobenhufani ſoror nec non Sophia, Gura, & Irmelgardis aliæque perſonæ Illuſtres.

De Comite Heinricho etiam hæc reperio, quod cum nullos Liberos ſuſcepſiſſet ex conjugē ſua Geba, Templum S. Ægidii in parvo Comburgo ædificaverit, Magno Comburgo autem dederit Oppidum Neunburgum, hodie non amplius exſtans, & villas Gebſattel, Viſchbach, Sulzbach, Ottersbach, Thalam & Marckartshofam, Civitatem vero Rotenburgum Imperio Romano tradiderit.

Nuper etiam in Loco S. Ægidii in effoſſione Cellæ vinariæ inventum eſt Sigillum æreum in quo viſebantur Dux Palz cum hac Inſcriptione. *S. Agnetis de Paris Prioriſſ. S. Ægidii.*

SERIES ABBATUM.

I. HEMMO. Is dicitur fuiſſe ex Monachis Lorcheniſibus qui & Lorchæ mortuus ac ſepultus ſit, cum poſt aliquot Annos ibidem ſuos olim Confratres in viſeret: Lorcheniſe autem Monafterium Anno Domini MCII. Conditum eſt; ſeriùs igitur Hemmo in Abbatem Comburgeniſem electus eſt.

II. ADELAMUS. Sub hoc S. Ægidii Gynæceum Cœptum & abſolutum eſt, ubi & ipſe humatus.

III. HERDUWIGUS. Qui Tertius poſt Burccardum & Wignandum Fundator exſtitit, plurimos Fratres & ſorores in utroque Comburgo congregavit, eiſque optimo Exemplo præiit. Coronam æream in auratam cujus circumferentia continet pedes XX. ſuper Fundatorum Sepulchro appendi fecit.

*Semper ut ad Cœlos niſus extendat Anhelos
Hæc ope Virtutum proſpexit iter ſibi tutum
Viribus hæc ſcandens totis HARTUVICUS ad Arces,
Iſtud præclaro, qui fecit opus, NICOLAO,
Quo Patre Magnorum ſibi Præmiâ dante Laborum,
Gaudeat in Cœlis, ſervi mercede fidelis.
Arte metallorum Viſus cum paſcitur horum:
Querere mens Curet, quid opus ſibi tale figuret?
Turribus & muris, Fundatæ, non ruituris,
Myſticat, Eccleſiæ ſtructuram Circulus iſte:
Argento, Ferro, conſectus & ære ſub auro,
Monſtrat Apoſtolicum, Turris biſ ſenâ, Senatium
Per totidem metas ſua pandit Imago Prophetas,
Qui pacis veræ Fundamina prima dedere;*

*Signat opus Fidei, nitor aureus illitus ari,
Annuit argentum verbi cumulare Talentum,
Duritias Ferri commendat vim patiendi
Ignis ad ardorem servare videtur amorem
Cardine Supreme scandi in alta Catena
Spes designatur qua Virtus quaeque levatur
Et Patris & Fratrum petit hoc quodcumque Theatrum
Se Fabricæ tali meriturus confabricari.*

Fecit idem Abbas duas Tabulas in quibus Imago Christi, Extremi Judicii & XII. Apostolorum, quarum unam in Ægidiano Cœnobio, alteram vero in Comburgensi sed multo maiorem multis etiam Gemmis exornatam, collocavit; auream item Crucem fecit altitudinis Cubiti unius; Latitudinis vero digitorum quatuor, multis radiantem Gemmis, quarum una præcipua Gammahu erat magnitudine Ovi Gallinacei, faciem & pectus æthiopis habens; hæc sola Gemma mille florenis æstimata fuerat à quodam Gemmario; verum cum aliquando Monasterio ob Decimas quasdam, ære alieno gravatas, redimendas, pecunia Opus esset, missus fuit cum Cruce Syndicus Cœnobii Georgius Widmannus in Urbem Augustam, ubi tunc prima Comititia Imp. Carolus V. agebat, ut illam Gemmam venderet, sed cum non pluris fieret quam Flor. Centum. exhibita est Crux Domino Conrado de Thungen Episcopo Herbipolensi, qui eam integram emere voluit, verum cum eandem diligentius examinaret, vidit à tergo hos in caustis Cæruleis infitos versus.

*Auri Gemmarum Speciale Decus Variarum
Sumat Majestas pia, quod collegit Egestas,
Sudor & Hertuvici placeat Divæ Genitrici,
Servet & hoc Ædis, Nicolaus, Tutor Plebis
In Commune Bonis Vigil insit Cura Patronis
Auferat ut si quis, studii illectus iniquis
Pœna marcescat, quæ nullo fine quiescat.*

His Epigrammate & Execratione lectis, non amplius emendam sibi Crucem Episcopus constituit, sed eam voluit in perpetuum manere Comburgensi Cœnobio ex voluntate Abbatis Hartuwici promittens alia se ratione, Inopiæ Cœnobii consulturum cogitabat ille de auro Tolosano non tangendo.

Obtinuit etiam idem Abbas à Conrado III. Imp. in Favorem sui Monasterii Insigne Privilegium ratione Jurisdictionis, & est sequentis Tenoris.

„In Nomine Sanctæ & Individuæ Trinitatis CONRADUS Divina favente Clementiâ
„Romanorum Rex. Quotiens Religiosis & iustis petitionibus Fidelium nostrorum
„maxime autem Sanctorum Ecclesiarum, aures Regalis nostræ Propitiationis inclina-
„mus, nos ipsos & pro nobis orantes à Rege Regum Clementer exaudiri non Dubita-
„mus: Omnibus igitur tam futuris quam præsentibus Christi Fidelibus Notum esse vo-
„lumus nos pro animæ nostræ ac Parentum nostrorum Remedio & per interventum di-
„lectæ contæctalis nostræ GERTRUDIS omnia Bona ad Ecclesiam KOMBERG nuncupatam
„& in Honore Sancti Nicolai constructam, jure pertinentia, sub nostra Tutela recepisse
„se & Regia nostra autoritate decrevisse, ut salvo per omnia jure & iustitia Wirzebur-
„gensis Episcopi, amodo Libere ac pacifice sub immunitatis Libertate maneant: Nihil-
„ominus consentientem etiam per omnia ac nobis in hac causa stipulante Dilecto nostro
„EMBRICONE Wirzeburgensē Episcopo, Banno Regali interdiciamus ne Comes aliquis,
„vel quisquam sub eo qui vulgo Waltpoto vocatur, placitandi, Angariandi, vel ali-
„quas Exactiones faciendi, per totam illam Abbatiam, ullam habeat potestatem, nisi
„tantum Advocatus Beneplacito Abbatis & Fratrum ejusdem Ecclesiæ Instructus, hoc
autem

„autem nominatim per totum Comitatum Kochingove, quem ante nostram in Regno sublimationem nos ipsi habuimus, fieri præcipimus; humili autem flexi petitione „HARTWICI qui eandem nunc regit Ecclesiam Instinctu quoque Waltheri de Loibenhufen & Fratrum ejus nos id fecisse sciatis: ut autem hujus nostri Præcepti Pagina firma „& Inconvulsa omni permaneat ævo hanc Chartam inde conscriptam & manu nostra „Roboratam Sigilli nostri impressione Insigniri iussimus, si quis autem, hoc nostrum „Præceptum Violare præsumperit, auri puri Centum Marcas componat, dimidiam „partem Camerae nostræ & partem alteram præfatæ Ecclesiæ persolvat.

„Signum Domini CONRADI Romanorum Regis II. Invißissimi.

„Ego ARNOLDUS vice ADELBERTI Moguntini Archi-Episcopi & Archicancellarii „Recognovi.

„Dat. Anno Dominicæ Incarnationis MCXXXVIII. Indi& II. Anno vero Domini „ni CONRADI Regis secundi invißissimi. II.

IV. ALBERTUS. qui Fanum S. Oswaldi & Xenodochium Comburgi Condidit.

V. GERNOTTUS aliis GERNANDUS. Is post Triennium Laudabilis Gubernationis suæ Fuldam postulatus est Abbas, vixit circa Annum Christi MCLX. & obiit priusquam Romæ à Pontifice confirmaretur, ideo non recensetur inter Fuldenfes Abbates. Sepultus in Fuldensi Basilica; sic & Waldranum Comitem Veldentia Spirensen Episcopum qui ad Annum MCCCXXXVI. Mortuus est, ob hanc causam deterioris conditionis fuisse invenio, nam Effigies ejus super sepulchro suo apud Prædicatores representat quidem Episcopum, sed insula non in capite sed juxta posita est.

Sub hoc Gernotto, Vetus & Labile Castellum in monte Suevicæ Halæ positum, quod nobilibus de Halbi extinctis, ad Comburgenfes ut Feudi hujus Dominos pervenerat, Hallenses permutatione quadam obtinuerunt ab Abbate & Conventu assignando illis aream, ubi nunc Nosocomium est juxta Rivum; Tunc & vetus illud Castellum Senatus Halensis demolitus est ibique Templum S. Michaeli sacrum construxit ut fieret Parochialis Ecclesia Civitatis.

VI. ENGELHARDUS LEO. Hic ex Conventuali Comburgensi Electus fuit. Obiit II. Calend. Januarii & Halæ sepultus est in S. Jacobi Monasterio.

VII. WERNHERUS. Sub hoc ossa Fundatorum, Burchardi scilicet & Henrici Comitis, Wigandi de Castel & Abbatis Herdwigi exhumata sunt, & simul in Lapideo sepulchro reposita sunt.

VIII. RUDIGERUS ex Halensi Familia Sulmaisterorum Ortus fuit.

IX. VOLCKARDUS, aliis VOLKERUS qui obiit in visitatione Præposituræ in Nusbaum, ubi & Terræ mandatus est; Nusbaumum autem Monasteriolum, non longe à Comburgo situm conditum fuit ex Arce quadam hujus nominis à duobus Equitibus Marcuardis nomine, Patre & Filio circa Annum Domini MCXXXVI. qui illud cum suis proventibus tradiderunt Comburgensi Cœnobio, ea conditione adjecta, ut perpetuis Temporibus duo ex Fratribus Comburgensibus ibidem Monasticam vitam agerent.

X. WALTHERUS. Obiit III. Kal. Januarii & Murharti sepultus.

XI. CONRADUS PRENSIUS; qui senectute pressus Abbatia Renuntiavit.

XII. CONRADUS de ENTZSEWIG. Rudera Castelli Entzsewe de quo hic Ortum traxit, conspiciuntur in sylva post Michelbachium, Fichenthalam versus: Sub hoc Abbate Cœnobium S. Jacobi Halæ cessit Patribus Franciscanis Anno MCCXXXVII. Statutum etiam fuit ut deinceps nullus ad Cœnobium Comburgense admitteretur nisi ex utroque Parente Nobilem se probaret.

XIII. EBERHARDUS ELSTERSHOVIUS obiit VIII. Kal. Februarii.

XIV. EMBRICO de BEBENBURG.

XV. HENRICUS de SCHEEFAW. obiit Anno MCCXLI.

XVI. BERCHTOLDUS de HOHENSTEIN. Obiit XVII. Kal. Januarii Anno MCCLXXXVII.

XVII. SIGFRIDUS de MORSTEN. Obiit Anno MCCCXV. die Nona Aprilis.

XVIII. HENRICUS de BRETZING, Hefenthalius nuncupatus obiit XVII. Kal. Dec.

XIX. BERINGERUS SULMAISTER. Murharti in Peristyllo Sepultus,

XX. CONRADUS HOHUSIUS sive de Anhausen & Ehufen.

XXI. WOLFRAMUS de BIELRIEDT. Cum hoc medietas Castellum Bielriet una cum Redditibus provenit Comburgensi cœnobio. Suis etiam Temporibus quatuor Parrochiæ Tungenthal, Gebtattel, Steinbach & Cunzelsaw cœnobio incorporatæ sunt, pro quibus cesserunt Ecclesiæ Herbipolensi quatuor alia Reinhwolsberg, Michelfeld, Steinkirchen, & Kreglingen.

XXII. CONRADUS de MUNCKHEIM. Hic Anno MCCCXXIV. decima quarta Idus Martii, dum Monasterii sui commodis intendit, graviter ab Hallensibus vulneratur, & captivus abducitur: sed interveniente mox Archi-Episcopo Moguntino Mathia è vinculis solvitur & ab Halensibus omni satisfactionis Genere placatur. Habuit deinde Limburgenses & Hohenloenses Dominos sibi graviter intentos propter arcem Nagelsberg, quæ prope Kunzelsaw sita est: cesserat ea Comburgensibus, ut Feudi Dominis, postobitum ultimi hujus nobilis stemmatis: in quo & partes ejus tuitus est Balduinus Trevirensis Archi-Episcopus & Moguntinæ sedis tunc administrator. Præfuit Conradus Abbas Annis XLI.

XXIII. RUDOLFUS de GUNDELSHAUSEN.

XXIV. HEINRICUS SIEDER. Monachus Comburgensis qui contra Antecessorem suum Rudolphum violenter intrusit, & Annis X. Regnavit. Facta sunt hæc tempore Urbani V. Papæ circa Annum MCCCCLXVI.

XXV. ERCKINGERUS VELDNER. Alias de Stetten dictus, obiit Anno MCCCXCIX. Sepultus Comburgi in sacello S. Joannis: Anno autem MDXLIX. dum ibidem Johannes Spießius nobilis, suæ gentis ultimus, sepeliretur, visus est hic Abbas Erckinger in Ligneo suo Loculo ferica veste indutus, nondum corruptus.

XXVI. ERNFRIDUS de VELLBERG. Qui decessit Anno MCCCCXXI. die S. Timothei. eo Præsidente Domini de Hohenstein ædificarunt in Gratiâ Fratris sui Monachi Comburgensis sacellum quoddam supra portam interiorem duobus Turribus Lapideis ornatum, quod consecratum fuit in Honorem S. Michaelis.

XXVII. GOTTFRIDUS, aliis SIFRIDUS de STETTEN in Kochenstetten; hujus tempore Bemburgius quidam Comburgensibus erat vehementer infestus; unde Abbas subditorum clamore excitatus valide Hostes aggressus est, ac ipsemet Hasta pro suis pugnavit. Obiit Anno MCCCCXXXI.

XXVIII. ERNFRIDUS de VELLBERG hujus Nominis secundus. hic Anno MCCCCXLVIII. pridie S. Bartholomæi de consensu & voluntate Rudolphi Episcopi Herbipolensis aperuit Lapidem Sarcophagum, Ossâ Fundatorum Comburgensis cœnobii continentem invenitque quatuor plumbeas Tabulas in totidem Saccis Coreaccis seorsim jacentibus, cum his inscriptionibus.

I.

II. Die Septemb. Obiit Comes Burckardus Fundator hujus Loci.

II.

XVIII. Februarii. Obiit Comes Heinrichus Frater D. Burckardi Fundatoris hujus Loci.

III.

III.

IV.

XXXI. SIGEFRIEDUS dictus VOM HOLTZ conventualis Neresheimius. hic fuit ultimus & I.
Combergensis Abbas & primus praepositus nam Anno MCCCCLXXXVIII. Innocen-Præpositus.
tio VIII pont. max. Imperante vero Friderico III. Rudolpho Scherenbergio Episcopo
Herbipolenti Monasterium hoc in Collegium seculare mutatum est, Prælatisque com-
missum quinque, Præposito nimirum, Decano, Scholastico, Cantori, & Custodi.
Obiit Sigefridus Anno MDIV. die Decollationis S. Joannis Baptiste. Comburgi in Ca-
pella S. Petri humatus, sed cum adhuc viveret Coadjutorem sibi adhibuit PETRUM de
AUFFSESS. Canonicum Wirzburgensem magnæ prudentiæ & authoritatis Virum. II.
Præpositus.

v.

NECROLOGIUM MONASTERII
S. MICHAELIS BAMBERGÆ.

JANUARIUS.

	Kal.	<i>Hiltebrandus</i> Conuersus. <i>Anselmus</i> Abbas in Salevelt. <i>Helica</i> Laica. <i>Albrat</i> Conuersa.
III.	Non.	<i>Eberhardus</i> Abbas Bruuenigenf. ADELBERTUS Abbas nostræ congregat. <i>Gertrudis</i> matrona Tekgingenf. <i>Mathilt & Appa</i> Conuersæ.
III.	Non.	<i>Williramus</i> Abbas Frat. nostræ congregat. <i>Wernhardus</i> Conuersus. <i>Diezela</i> Laica hæc dedit octo Talenta. <i>Udalricus</i> presb. & Monachus nostræ congregat. MCXLVII. hic multos Libros scripsit nobis. <i>Christina</i> Matrona & Inclusa.
I.	Non.	<i>Udalricus</i> presbit. Præpositus S. Petri MCLXIII. hic dedit Prædium pro se & pro Patre & Matre, Thuribulum cum Acerrâ, & scutellam argenteam.

Necrologium Monasterii

		<i>Franco</i> presb. & mon. nostræ congregat. hic dedit nobis prædium cum vinca. . . .
		<i>Fritala</i> Laica.
		<i>Burchardus</i> Laicus hic dedit VI. Talenta.
VIII. id. Jan.		<i>TIEMO</i> Diac. & Abbas nostræ congregationis. MXCIIII.
		<i>Erminoldus</i> Abbas S. Georii pruveningens.
		<i>Helmericus</i> Laicus. MCLXXV.
		<i>CUNIGUNT</i> Comitissa hæc dedit prædium suum Dornbach in anal- versarium suum.
VII. id.		<i>Rudolfus</i> Laicus hic dedit mansum.
		<i>Hemma</i> conversa.
VI. id.		<i>Bertholdus</i> Abbas Wirzburg.
		<i>HEINRICUS</i> Comes.
V. id.		<i>Udalricus</i> presb. S. Petri MCLVIII. hic dedit nobis Cappam cum aurifrigio & scutellam argenteam.
		<i>Erenbertus</i> Laicus. hic dedit pro se & Filio suo Sigiberto prædium.
III. id.		<i>Ebo</i> puer & Monachus.
		<i>Ella</i> conversa.
id. Janu.		<i>Hemma</i> Abbatissa Kizzingens.
		<i>Liupoldus</i> conversus nostræ congregat.
		<i>Irmingart</i> Laica. hæc est mater Beronis Canonici, quæ dedit no- bis prædium suum.
		<i>FRIDERICUS</i> Archi-Episcopus Magdeburgensis.
XVIII. Kal.		<i>Anshelmus</i> Abbas Seligunstad.
		<i>Irmingart</i> Laica.
XVII. Kal.		<i>RATO</i> Abbas. primus hujus Monasterii Abbas fuit Domnus Rato. III. candelæ.
XVI. Kal.		<i>Frotolfus</i> presb. & mon. nostræ congregat. MCIII.
XV. Kal.		<i>Waltherus</i> Abbas S. Felicit. Swartzach.
		<i>Bertha</i> de <i>Wifintorwa</i> conversa: hæc dedit mansum.
		<i>Volmarus</i> Abbas Tekking.
		<i>Herbort</i> puer & mon.
XIII. Kal.		<i>Burchardus</i> Abbas S. Felicit. Swartzach.
XII. Kal.		<i>Udalricus</i> Abbas Schyrin.
		<i>Irmingart</i> Laica.
XI. Kal.		<i>Ruzelin</i> diac. S. Petri. hic dedit nobis prædium suum III. Cand.
		<i>Ekkehardus</i> Laicus.
		<i>Helivie</i> Laica: hæc dedit cum viro suo Adelhardo VII. mansos.
		<i>Irmingart</i> Inclusa.
IX. Kal.		<i>Gunzo</i> Laicus. hic dedit prædium.
VIII. Kal.		<i>Arnoldus</i> de <i>Chunstat</i> Laicus hic dedit prædium unum & pratum tam pro se quam pro uxore sua.
		<i>Frideruna</i> & Filia <i>Bertherat</i> . Insuper Filius ejus <i>Arnoldus</i> dedit pro eis mansum unum. III. Cand.
VII. Kal.		<i>Eberhardus</i> mon. MCLXVI.
		<i>Adelheit</i> conversa.
V. Kal.		<i>Volmarus</i> Abbas Hirsaugiens.
III. Kal.		<i>Herdegen</i> de <i>Wisa</i> pro hujus anima datus est manhus.

FEBRUARIUS.

III. Non. Febr.	<i>Poppo</i> Abbas S. Burchardi.
III. Non.	<i>Imbrico</i> Abbas in Michelvelt.
	<i>Chuno</i> Laicus. hic dedit nobis XXX. Marcas.
II. Non.	<i>Dietpertus</i> Laicus. MCLXIII.
	<i>CHUNRADUS</i> Marchio.
	<i>Rutger</i> Laicus. hic dedit prædium unum & II. marcas.

Hedervic

- Hedevvic* Laica. hæc dedit prædium.
 Non. Febr. *Adelheit* de *Gremisborf* Laica.
 VIII. id. Febr. *Poppo* Laicus. hic est Frater *Udalrici*, pro cuius anima dedit prædium.
Lampertus presb. & mon. *Fuldæ*.
Druthlieb Laica pro huius animadatum est Talentum unum, quo comparatus est missalis Liber.
Dietricus Abbas *S. Mariæ Ahufen*.
ADELHEIT Comitissa de *Wartperc*. hæc dedit prædium cum Familia.
 V. id. *Nixo* Conversus hic dedit vineam.
Adelheit Conversa.
 III. idus. *Gundeloch* de *Lancheim* Conversus.
Otto Laicus hic constituit Carratam vini & Talentum.
 III. idus. *Reginoldus* Abbas de *Seligstad*.
Ezzo Abbas *S. Petri Wirziburg*.
 II. idus. *Adelbero* Laicus.
Sigehardus Abbas in *Swarzaha*.
Adelburg Laica. hæc dedit cum viro suo *Wilrat* Calicem unum deauratum cum duabus Albis, & mappam unam.
 Idus. *Iustina* Laica hæc dedit prædium.
Mathildis Inclusa & Monacha nostræ congregat.
Hiltra Sanctimonialis.
 XVI. Kal. Mart. *Liutfridus* Monachus Frater Domini *OTTONIS* Episcopi.
ADELBERO Episcopus *Babenbergenfis*.
Imiza Laica. hæc est mater *Udalrici*, pro cuius memoria dedit Prædium.
 XV. Kal. *POPPO* Episcopus *Wirziburg*.
Vuillihalmus Laicus. hic dedit pro Filia Mansum unum & pro se ipso XII. marcas.
Pabo presbiter Canonici *S. Kiliani*.
 XIII. Kal. *CUNRADUS* Rex. *MCLI*.
Nicolaus Abbas *Sigiburg*.
 XIII. Kal. *Adalbertus* Abbas *S. Emmerammi*.
Wezil Monach. *S. Blasii*, pictor.
 XII. Kal. *Hademot* Conversa *S. Bonifacii*.
Adelheidus Laicus hic dedit cum uxore sua *Helvvic* VII. manfos.
Rupertus Abbas *S. Felicit. Swarzaha*.
Hermannus Laicus. hic dedit nobis plenarium cum Pallio & VIII. manfos.
 XI. Kal. *Wolframus* de *Stetebach* Laicus.
Liutgart Laica Filia *Ratlohi*.
 X. Kal. *Eggebardus* Abbas *S. Lauræ Vraugæ*.
Friderun Conversa *S. Theod.*
Waltricus Conversus. huius causa Filia ejus *Cunigunt* dedit calicem argenteum, Albam I. Stolas. II. & pallium.
Svripoto Abbas *Breiting*.
 VIII. Kal. *Ortrun* Laica. hæc dedit nobis Albam & Talentum.
Bertha Laica. hæc dedit Aurifrigium.
 VII. Kal. *Isingart* Laica, mater *Reginbodonis*.
Henricus Presb. & Mon. nostr. congregat. Scriptor, *MCLXXVII*.
 V. Kal. *Otto* Presbiter Præpositus majoris Ecclesiæ.
Juditha mater *Udalrici* Præpositi.
 III. Kal. *EMEWARDUS* Episcop. *Wirzburg*.
 III. Kal. *Arnoldus* Laicus. hic dedit Prædium.
 II. Kal. *Mechtilbt* Laica.
Henricus de *Hafela* Laicus.
BERTHOLDUS Comes. hic dedit Prædium *Richpach*.

MARTIUS.

	Kalend.	<i>Gnneloh</i> presb. & mon. nostræ congregat. MCLXXVI. Indi & IX. <i>Bertha</i> Inclusa.
V.	Non Mart.	CHUNIGUNT Imperatrix MXXXVIII. hæc est Imperatrix quæ construxit Locum Babenberg.
III.	Non.	<i>Friderun</i> Conversa. hæc dedit nobis duas aureas Fibulas & fecit no- bis optima Aurifrigia. <i>Adelbertus</i> Laicus. hic dedit nobis prædium.
III.	Non.	<i>Burchardus</i> Laicus, cujus causa nobis data est Vi- nea una. <i>Richolfus</i> . hic est qui ædificavit Monasterium nostrum sub Domno OTTO ^{ne} Episcopo. <i>Geppa</i> Abbatissa in Tulba.
II.	Non.	<i>Hermannus</i> Abbas Vraha; nostræ congregat. Frater.
VI.	Idus.	<i>Chunradus</i> Abbas S. Petri Salevelt. SWIDIGERUS Episcopus Polonienfis. <i>Udescalcus</i> Abbas S. Udalrici Augstens. <i>Bertha</i> Inclusa Wirziburg. <i>Geboldus</i> Abbas Castell.
III.	Idus.	<i>Peppo</i> Laicus. hic dedit cum uxore sua <i>Bilezza</i> Calicem & Casulam cum reliquo Paratu & Prædium, insuper duo Pallia, Cappam & stolam.
II.	Idus.	<i>Richardus</i> Abbas in Nuestad. <i>Paulina</i> Conversa. <i>Guta</i> Inclusa. <i>Otto</i> Laicus de <i>Luttenbach</i> , hic dedit Prædium.
	Idus.	<i>Bero</i> Laicus de <i>Wisentorva</i> .
XVII.	Kal. April.	<i>Godefridus</i> Abbas Bruvninge MCLXIII. hic dedit nobis Talen- ta XVI. pro Anniversario matris suæ, illuminando Altare S. Matheis Insuper Casulam Aurifrigio ornatam, Calicem, Albam & humerale aurifrigio decoratum & stolam & crucem & Vineas, quas pro LXX. Talentis comparavit. <i>Osterhilt</i> Laicus.
XV.	Kal.	<i>Adelbertus</i> de <i>Buna</i> Laicus.
XIII.	Kal.	<i>Pilgrimus</i> Abbas S. Burchardi Wirziburg.
XI.	Kal.	<i>Matildis</i> Conversa: hæc dedit Prædium solvens III. uncias.
X.	Kal.	<i>Udalricus</i> presb. & mon. MCLVIII. hic præter alia Pietatis suæ Monumenta, Nobis contulit Calices II. casulam aurifrigio paratam. Thuribulum argenteum, Fistulam auream, Antiphonarium & marcas XII. <i>Brun</i> Abbas Hirsaugiens. <i>Reginbertus</i> Laicus. hic dedit nobis Prædium.
VIII.	Kal.	<i>Adam</i> Abbas in Lancheim. <i>Hazecha</i> Laica.
VII.	Kal.	<i>Alexander</i> Subdiaconus. hic dedit nobis libros suos super dialecti- cam & marcam unam & dimidiam.
VI.	Kal.	<i>Altmannus</i> Abbas S. Petri Castell.
III.	Kal.	<i>Ramvolt</i> puer. <i>Diemut</i> Inclusa.
II.	Kal.	<i>Irmingat</i> Conversa. hæc dedit nobis Prædium suum Altolyeshusen & duas Fibulas aureas.

APRI-

APRILIS.

- IIII. Non. *Henricus* Conversus.
Adelheit Laica. hæc dedit nobis pecuniam.
 III. Non. *Mazelinus* puer Filius *Gundelohi*.
Wentilmut Conversa.
 Nonas. *Wezil* mon. & pictor.
Tuto Diaconus Scolasticus majoris Ecclesiæ, in nostro loco S. Mariæ obtulit Calicem argenteum. Sancto Michaeli CC. Libras argenti. XXX. videlicet pro comparatione Curtis, quæ sita est in Mogontia. LXX. pro Novalibus. VIII. pro ædificatione diverforii. IIII. ad purgandam Cisternam & alias in variis usus pro oportunitate exigente distribuit: præterea totius veteris ac novi testamenti Libris quam nobilissimis Armarium nostrum ditavit.
 VII. id. *Bertha* Sanctimonialis S. Afræ Wirciburg.
 VI. id. *Reginbertus* Conversus. hic dedit Marcam Auri.
 V. idus. *Bertha* Laica hæc dedit Prædium.
 CHUNRADUS Archi-Episcopus Salzburg. hic dedit Prædium & Capam.
 IIII. id. *Heinricus* Laicus. hic dedit nobis cum uxore sua *Tuta* Prædium unum X. marcas & anulum aureum.
 III. id. *Otto* presbiter Præpositus S. Kiliani.
Adelheit Laica uxor *Meginhardi*. hæc dedit casulam cum aurifrigio, & alia capitis sui Ornamenta, sed maritus retinuit ea.
 II. id. *Gundeloh* Laicus. hic dedit nobis XI. Libros.
 id. *Vuolgnandus* Abbas Vraugiæ Frater nostræ congregationis.
Wernhardus presbiter Decanus in Hoga.
 CHUNIZZA Comitissa.
Juditha Laica. hujus causa datum est Prædium.
 XVIII. Kal. Maij. *Heribertus* Abbas S. Felicitatis in Swarzaha.
Othnant Laicus. hic dedit nobis prædium.
 XVII. Kal. GERTRUDIS Regina pro cuius animâ datæ sunt nobis III. Casulæ.
Volgmarus Abbas Merseburgens.
Richkart Laica. hæc dedit nobis cum viro suo
Hevilone mansum.
 XVI. Kal. *VVernherus* Abbas S. Georgii.
 XV. Kal. *Rapholdus* Abbas S. Stephani Wirciburg.
 XIII. Kal. *Sophia* de *Frembach* Conversa. hæc dedit Prædium.
 XI. Kal. *Tuto* Abbas Therasiens.
 X. Kal. *Billungus* presbiter S. Gangulsi. hic dedit nobis X. Talenta.
Liutold Laicus Pater *Udalrici* Præpositi; hujus causa *Udalricus* præpositus dedit nobis Prædium Willihalmistorf ad Anniversarium ejus.
 VIII. Kal. *Chunigunt* Laica hæc dedit Mansum.
Balduinus Abbas S. Dionisii Banzo.
Burchardus Laicus. *Ernest*. de *Rodeheym* dedit Prædium unum & pro se & pro Burchardo Cognato suo.
 VIII. Kal. *Henricus* de *Brunnen* Laicus.
 VII. Kal. *Arnoldus* de *Chunstat* Laicus.
Hermannus Abbas Fuldæ.
Gotefridus Laicus Frater *Herimanni* Abbatis. hic dedit nobis V. Marcas.
 IIII. Kal. *Hiltigunt* Conversa. hæc dedit Prædium.
Adelhardus presb. & Monachus & Custos MCXXX. hic scripsit nobis moralia & Libros Omiliarum duos, aliosque Codices multos.

Heinricus puer. hujus causa *Vuolgmarius* Pater ejus dedit V. Taleuta & duo Vexilla.

III. Kal.

Bucca Laica. hæc dedit cum viro suo *Eribone* Prædium, Calicem, & stolam de aurifrigio.

II. Kal.

Helmricus Abbas Enstorf.

M A J U S

	Kalend.	<i>Burchardus</i> Abbas de Swinfurte, <i>Bertha</i> Laica: hæc dedit prædium.
VI.	Non.	<i>Chunradus</i> de <i>Hule</i> Laicus hic dedit nobis Prædium. <i>Egisbertus</i> Laicus. hic dedit Prædium & Vincam.
IIII.	Non.	<i>Meginwardus</i> conversus. hic dedit nobis Casulam & duos calices. <i>VVeruherus</i> Abbas Erpesfurt. <i>VVentilmut</i> Conversa.
II.	Non.	<i>Albericus</i> Abbas S. Viti Tharis. <i>Cuno</i> Laicus. hic dedit Prædium.
	Nonas.	<i>Linpoldus</i> presb. Præpositus. S. Stephani MCLVI. <i>Hiltigunt</i> Conversa hæc dedit Prædium.
V.	idus.	HEINRICUS Episcopus Ratisponens & mon. S. Emerami. MCLV. hujus causa <i>Gotefridus</i> Abbas instituit nobis in oblationem car- ram vini. MISICO Dux Polonorum Frater noster. hic dedit nobis Pallium & VI. Cappas puerorum & plurimum pecuniæ unde factæ sunt XXIII. Statuæ, quæ circa Chorum sunt locatæ.
IIII.	idus.	<i>Heinricus</i> Laicus Pater EBRHARDI Saltzburgens. Archi-Episcopi. <i>Bertha</i> Conversa MCLXIIII. pro hujus animâ <i>Geba</i> mater ejus in Sepultura ipsius Anulum bonum & Clamyden VI. Talentis compa- ratam obtulit.
II.	idus.	ADALHALMUS Abbas MLXVI. hujus Monasterii tertius Abbas fuit Adelthalmus, qui restituit nobis Sperulas Furto ablatas. <i>Regilint</i> Laica hæc dedit mansum.
	idus.	<i>Chunnizza</i> Monacha MCLI. hæc dedit nobis Albam aurifrigio or- natam, stolas II. insuper aurifrigium magnum, aliæque plurima contulit Beneficia.
XVII.	Kal. Jun.	<i>Mathilt</i> Laica hæc dedit nobis Cappam I. & X. marcas. REGINOTO Comes hic dedit nobis duo Prædia scilicet Bereftat & Cibilze, Pallium cum Calice deaurato, Urceolum argenteum, plurimum pecuniæ, aliæque multa Beneficia contulit nobis. <i>Meginloh</i> Laicus. hic misit nobis ab Jerosolimis IIII. Marcas & unum Fertorem aureum.
XV.	Kal.	<i>VVignandus</i> Abbas Tharis: nostræ Congregat. MCLI. <i>Juditha</i> de <i>Stambach</i> Conversa, hæc dedit Vincam & V. Mar- cas, & Pallium.
XIII.	Kal.	<i>Frumoldus</i> Abbas S. Mariæ.
XII.	Kal.	<i>Chunnizza</i> Inclusa S. Albani.
XI.	Kal.	<i>Hartuovicus</i> Abbas S. Nicolai in Fabaro.
		RAOTO Comes Monachus in Hartesberc.
X.	Kal.	<i>Gisilbertus</i> Abbas S. Petri Witzenburc.
VIII.	Kal.	<i>Friderun</i> de <i>Chunstat</i> Laica.

- VII. Kal. *Wolframus* Laicus. hic dedit duos manfos.
 VI. Kal. *Geppa* Laica, cujus Causa *Gotefridus* Filius ejus dedit nobis Prædium & Paraturam bonam.
 III. Kal. *EGILBERTUS* Episcopus Babenbergens. MCXLVI. hic dedit Prædium suum Zuchaha, duo novalia, & duo pallia. in Annivers. suo V. Candel.
 II. Kal. *Henricus* Laicus, pro hujus anima datæ sunt Duæ Armillæ aureæ. *Heilwica* Conversa. MCLVII. hæc dedit cum marito suo *Razzone* Prædium.

JUNIUS.

- Kalend. *Alboldus* Abbas Swarzaha.
Ludovicus Abbas Sanctæ Mariæ.
Eppo Abbas S. Petri.
 II. Non. *Wernherus* Abbas S. Martini Wihil.
NORTPERTUS Archi-Episc. Magdeburg.
Ruggerus Abbas Fulde.
Mahthilt Sanctimonialis in Kizzingen. hæc dedit nobis Cappas II. Albas II. Stolas II. Vexillum & vas Onichinum.
 VII. idus. *Sophia* Monacha in Tulba. MCLXV.
 VI. idus. *Gisilbertus* Præpositus in Lancheim.
 V. idus. *MARCHOLFUS* Archi-Episc. Mogunt.
RICHIZA Imperatrix. hæc dedit nobis III. Cappas.
 III. idus. *Udalricus de Liebestein*. MCLXV.
 II. idus. *HILTIGRIMUS* presb. & Abbas nostræ Congregat.
RUOTPERTUS Episcopus Babenberg. hic dedit duo Prædia.
DIEMANUS Comes. iste dedit cum uxore sua *RICCHARDA* Prædium.
 II. id. *HERIMANNUS* Babenberg. Episcopus.
Gumbertus Abbas in Swarzaha.
 XIII. Kal. Jul. *EBERHARDUS* Episcopus Tridentinus.
 XIII. Kalend. *Vuirint* Laicus de *Chunstut*. hic dedit nobis Prædium.
 XI. Kalend. *EBERHARDUS* Archi-Episc. Saltzburg. hic dedit nobis XL. Marcas.
Gunderun Conversa hæc dedit nobis Prædium suum Alserbach.
Hiltigunt de Steinaha conversa.
 VII. Kal. *Gotefridus* Abbas ad montens.
Burchardus Abbas S. Johannis de Matelhartesdorf.
 VI. Kal. *Eberhardus* presb. Præpositus S. Petri MCXLIII. hic contulit nobis Prædium unum, & XX. Marcas. pro alio Prædio emendo ob memoriam Fratris. X. Marcas, Calicem aureum, Albam cum Aurifrigio & duas scutellas, ampullam argenteam & alia plurima Beneficia cum Fratre *Volgmaro*.
 III. Kal. *Gozuvinus* Abbas Swarzaha.
Christina Inclusa.
 II. Kal. *OTTO* pius Episcopus Babenbergensis Pater noster. hic est Dominus noster piissimus *Otto* Episcopus cognomento Pater Pauperum Christi, Apostolus Gentis Pomeranorum, Restaurator hujus cœnobii, Fundatorque aliorum XVIII. Monasteriorum cujus memoria in omni Ore quasi mel indulcabitur, quia ipse revera divinitus in hunc Locum est directus quem per XXX. & VI. Annos Deo propitiantie Gubernans, Cultu interiore ac exteriori tam nobiliter augmentavit, ut quo usque Mundus iste volvitur, ejus Laudabile Meritum semper accipiet incrementum.

JULIUS.

- VI. Non. *Vualtherus* Abbas Salveldensis.
Adelbero presb. & mon. nostræ Congregationis Abbas in Banzo.
 MEGINHARDUS Episcopus Pragensis. hic dedit nobis IIII. pallia &
 LV. Marcas.
Arbo Abbas Bruvenningens.
- III. Non. *Liutpoldus* Laicus. hic dedit Unciam Auri.
- III. Non. *Vuillehelmus* Abbas Hirsaugiens.
Dicto Abbas Swarzaha.
- II. Non. *Vuillo* Abbas VII. nostræ Congregat.
Arnold Laicus hic dedit VII. Marcas pro se & Fratre suo *Heimone*.
 VII. id. *Bruningus* Abbas Scutera: Frater nostræ Congregat.
 VI. id. BRUNO Episcopus Strazburg. MCLXII. hic dedit XX. Talenta.
 V. id. *Richardus* Abbas Munstur.
 III. id. *Derlanus* Abbas Nutinbeg. Scotus.
- id. HEINRICUS Imperator, hic est Dominus noster Heinrichus cognom-
 ento Pius, Secundus in Regno, primus in Imperio Babenberg-
 gensis Episcopatus ac nostri Fundator Cœnobii, cujus innumera er-
 ga Nos ac Locum nostrum Beneficia Luce Clariora sunt.
Chunradus presb. MCLX. Custos majoris Ecclesiæ Locum no-
 strum speciali Devotione excolens Duas vineas, unam Heitinges-
 velt XV. argenti libris coemit; aliam in Fundo Ecclesiæ XX. Ta-
 lentis excultam ad suum & Domini *Vuolframni* Abbatis Anniver-
 sarium celebrandum deputavit.
- XI. Kal. Aug. *Berthous* Abbas S. Bonifacii Fuldæ.
Gotefridus Abbas Geginbach.
- X. Kal. Aug. *Marcuwardus* Abbas Fuldæ nostræ Congregat. Frater Anno
 MCLXVIII.
- VIII. Kal. *Conradus* Abbas Scuturæ nostræ Congregat. Frater.
Adelheit Laica mater BERTHOLDI Comitis. hujus causa datum est
 Prædium.
- VI. Kal. *Gertrudis* Laica Filia *Margarethæ*; hujus causa datæ sunt XX.
 marcæ & Pallium.
- III. Kal. GUMBOLDUS bonus Abbas nostræ Congregat. MCXII.
Heinricus Abbas Wizenaha.
- II. Kal. *Arnoldus* presb. mon. & Medicus.

AUGUSTUS.

- III. Non Aug. *Adelbero* Abbas Wezinesburc.
- VII. id. TIEMO Laicus Pater BERTHOLDI Comitis. hujus causa Bertholtus
 Comes dedit nobis Prædium unum.
- III. id. *Arnold* Abbas Wizenaha.
- II. id. *Margaretha* Conversa. hæc dedit pro se & pro Filia sua *Gertruda*
 XX. Marcas & pallium.
- id. EBIRHARDUS primus Babenberg. Episcop.
Gerbirc Laica. hæc est mater *Suitgeri* Fratris nostri cujus causa de-
 dit X. manfos.
- XVII. Kal. Sept. *Wentila* Conversa hæc dedit nobis Monika & Inaures & Armillas
 aureas.

S. Michaelis. Bambergæ.

55

XVI.	Kal.	<i>Cunigunt</i> Laica de Vrankenvurt, hæc dedit Donum suam, de cujus censu illuminatur Capitulum.
XIII.	Kal.	<i>Bilunc</i> Laicus. hic dedit nobis VIII. Manfos.
X.	Kal.	<i>Runoldus</i> Laicus. hic est Pater <i>Udalrici</i> Fratris nostri, pro cujus memoria dedit nobis Prædium suum.
V.	Kal.	<i>Bertoldus</i> de <i>Swarzenburg</i> Laicus. hic dedit Prædium.
		<i>Biliza</i> Laica MCLVIII. hæc dedit cum Viro suo <i>Peppone</i> Cali- cem & Casulam cum reliquo ornatu & Prædium & Duo pallia, Cap- pam & Stolum, & Obtulit super principale Altare Inaures gemma- ras & aureas.
II.	Kal.	<i>Tradeboto</i> Abbas Swarzaha.

SEPTEMBER.

III.	Non.	<i>Liutoldus</i> Abbas Admunt.
VIII.	id. Sept.	<i>Heinricus</i> Abbas Augiensi.
VII.	id.	<i>Vuerimbuc</i> Conuersa.
V.	idus.	<i>Mathildis</i> Abbatissa S. Mariæ Coloniz.
III.	id.	<i>Vuolfherus</i> Abbas S. Felicitatis Swarzaha.
II.	id.	<i>Richizza</i> Laica. hæc est Mater <i>Ebirhardi</i> Præpositi, qui multa Beneficia nobis contulit.
		<i>UTO</i> Abbas & Levita nostræ Congregat. MLXXXV.
XVII.	Kal. Octob.	<i>Vuilleherus</i> Abbas de Panzo. nostr. Congregat. Frater.
XVI.	Kal.	<i>Christina</i> de Cella-Paulina Inclusa. hæc dedit nobis pallium & Cor- tinam Laneam.
X.	Kal.	<i>Bernoldus</i> Abbas S. Nicolai Kaberc.
VIII.	Kal.	<i>Vuolframus</i> Laicus. hic dedit nobis X. Talenta. III. Cappas Cali- cem & missalem Paratam cum omnibus appendiciis.
V.	Kal.	<i>Udalricus</i> Abbas de Cella-Paulina.
		<i>Altmannus</i> Abbas.

OCTOBER.

III.	Kalend.	<i>Vuolframus</i> Abbas.
	Non.	<i>Egghardus</i> Abbas S. Mariæ Steinaha.
VII.	Nonas.	<i>HERIMANNUS</i> Marchio.
	id.	<i>CLEMENS</i> Papa.
VI.	id.	<i>HEINRICUS</i> Abbas hujus Locī secundus. hic fecit Analogium & Duas Cruces argenteas, & alia plurima Beneficia contulit huic Loco.
		<i>Adeloch</i> Laicus Frater <i>Herimanni</i> Abbatis.
		<i>BERTHOUS</i> Comes & mon. dedit Prædium Sobistal in anniversari- um ejus.
XII.	Kal. Nov.	<i>Witigo</i> Abbas veteris Castelli.
XL.	Kal.	<i>WOLFRAMUS</i> Abbas nostræ Congregat. Anno MCXXXIII. Non va- let ulla ratione perstringi, quam Largam Benedictionis suæ Copi- am in Ingressu Venerandi Patris nostri Wolframi Dominus huic Loco infuderit, qui Monachorum gemma, Discipulorum suorum Honor & Gloria; Locum hunc Restaurando, Gregem Domini- cum vigilantissime custodiendo, Magistralem in se Rigorem Pa- terna Lenitate temperavit, qui in Ordine decimus hujus Monaste- rii Abbas exstitit, sed omnes Prædecessores suos meritorum præro- gativa Longe antecessit; Cujus memoria in Benedictione semper erit.

VIII.	Kal.	LIUTPOLT Marchio. <i>Gertrut</i> Inclusa.
VIII.	Kal.	<i>Fridericus</i> Laicus Frater OTTONIS Episcopi.
VII.	Kal.	ADELA Comitissa. hæc cum marito suo REGINBOTONE Comite multa Beneficia contulit nobis.
VI.	Kal.	<i>Heinricus</i> Abbas S. Jacobi Mog.
V.	Kal.	POLEZLAUS Dux Polonorum.
III.	Kal.	<i>Fridericus</i> Laicus de <i>Lutenbach</i> . hic dedit duos mansos cum molendino.
		<i>Etha</i> Conversa MCLVIII. hæc dedit mansos II.
II.	Kal.	<i>Liutpoldus</i> Abbas Ahusen.

NOVEMBER.

III.	Non.	<i>Wolvoldus</i> Abbas.
II.	Non.	BEATRIX Comitissa. pro cujus anima dedit maritus ejus BERTON Comes Prædium Richpach.
		<i>Otgoz</i> Laicus. Ministerialis.
	Nonas.	<i>Reginhardus</i> Abbas Sigeburg.
VIII.	id.	HARTUVICUS Episcop. Babenberg.
		<i>Hiltigunt</i> Conversa.
VII.	id.	<i>Sterkerus</i> Laicus. hic dedit nobis Prædium suum & L. marcas & Pallium.
III.	id.	IMBRICO Episcopus Wirziburg.
		GERHARDUS Comes.
III.	id.	REGENBERTUS Pataviensis. Episcop.
XVI.	K. Dec.	<i>Gozmarus</i> Abbas Wizenaha.
		<i>Volgmar</i> Monachus, de <i>Chezberg</i> hic dedit nobis Casulam prætoriam, tres Calices, & XXV. marcas & II. vexilla.
XV.	Kal.	<i>Bero</i> Abbas de Steinaha.
XIII.	Kal.	ADELHEIT Comitissa de Berchteim. MCLIII.
XIII.	Kal.	<i>Wernherus</i> Abbas de Gotevic.
VIII.	Kal.	<i>Fridericus</i> Abbas S. Petri Castell.
VI.	Kal.	<i>Ekebertus</i> Abbas Swarzaha.
		<i>Gumbertus</i> puer pro hujus anima Mater ejus dedit Casulam Strolam & Calicem.
III.	Kal.	HERMANUS Abbas, hic est Dominus noster Felicis memorie Hermannus XI. hujus Loci Abbas.

DECEMBER.

III.	Non.	BERENGERUS Comes.
II.	Non.	<i>Heinricus</i> Laicus Frater <i>Herimanni</i> Abbatis.
	Nonas.	<i>Anna</i> Conversa, hæc dedit dimidiam marcam auri.
VIII.	id.	BUCCO Episcopus Wormatiz.
VII.	id.	POPPO Comes. hic dedit mansum.
III.	id.	HELMERICUS Abbas nostræ congregat. An. MCLXVI.
XVII.	K. Jan.	AGNES Imperatrix. hæc dedit nobis.
		<i>Wernherus</i> Abbas in nigrâ sylvâ.
		<i>Gerungus</i> Abbas Cellæ Paulinz.
XII.	Kal.	<i>Gozpertus</i> Abbas in Michelvelt.
XI.	Kal.	<i>Adeloldus</i> Monach. hic dedit XX. marcas.
		<i>Fridericus</i> Abbas S. Marci in Gegenbach.

- X. Kal. HARTMANNUS Episcop. Brixien.
Ernuz Laicus hujus causa Episcop. Magdeburg. Adelgoz dedit nobis Aurifrigium unum.
- VIII. Kal. *Hartmannus* Abbas de Steinaha.
- VII. Kal. UDALRICUS Spitenfis Episcop.
Irimbertus Abbas Admontens. nostræ congregat.
- V. Kal. *Arnolt* presb. S. Stephani, hujus memoriam Herbipolensis Præpositus Frater ipsius agi instituit.
- V. Kal. *Adelheit* Laica Mater Domni *Herimanni* Abbatis.
- II. Kal. *Heimo* Laicus, hic est qui Ecclesiam nostram decenter ornavit Fenestris, & insuper dedit X. Marcas.

VI.

BURCHARDI DE HALLIS CHRONICON ECCLESIAE COLLEGIATÆ S. PETRI WINPINENSIS.

Cum Patrimonium Crucifixi ad usus DEO Famulantium, Monasteriis à Christi Fidelibus collatum, propter Obliviosos desides & negligentes Procuratores seu officiales frequenter, & quandoque etiam à Tyrannis & malefactoribus distrahatur, necesse est Prædia Monasteriis à Christi Fidelibus largita, scripto signari, ut si quando distracta fuerint, possint revocari: hinc est quod Ego Burchardus de Hallis Sacerdos prebendarius Ecclesiæ S. Petri in Winpina scripturus Prædia & Redditus Ecclesiæ ejusdem ad instantiam & preces honorandi Viti Dietheri de Helmeftad Præpositi, totiusque Capituli Ecclesiæ prædictæ, de antiquo statu & mutatione ipsius Loci Winpina & Monasterii Fundatoribus quædam præmittere cogitavi.

Vocabatur igitur hoc Opidum olim Cornelia, quod Nomen componi credo à Cornu & Elijos quod est sol, & sic quasi Cornu seu Radius solis, cujus Opidi Gens primum Legi & Ritui Gentilium subjecta, postea ad Fidem Conversa, Christo militavit. Accidit autem aliquando ut inter Liutolfum Ottonis magni Imperatoris Filium qui Alemannorum Genti præerat & ejus Patrum Heinricum Noricorum Ducem oriretur Lis Odiumque per instigationem Satanæ & malorum Hominum suasionem, quos cum Imperator ad Concordiam minimè revocare potuisset, Fratri adiutorium fuit contra Filium, cum autem contentio in tantum inter ipsos increvisset, ut non aliter nisi Ferro finire potuisset, jamque acie partis utriusque Ordinata ut Communis deberet committi Pugna, athleta DEI Ulricus Augustensis Ecclesiæ Episcopus Vir miræ Sanctitatis, sciens quia beati sunt Pedes portantes pacem, & quod ipse Dominus in Evangelio ait: Beati Pacifici quoniam Filii DEI vocabuntur. Assumpto Harperto Curienfis Ecclesiæ Episcopo, Viro Religioso, se medium injecit, & tanta eos arte suadendi aggressi sunt, Spiritu Sancto in amborum Ore loquente, ut facile eos ad Pacis Federa revocarent: non aliter tunc Otto Imperator poenitentem Liutolfum, quam ille Evangelicus Pater Olim suscepit revertentem Filium; mortuum enim fuerat & revixit, perierat & Inventus est: fit Gaudium Ingens & exultatio in utroque Exercitu quia per Famulum suum, Udalricum Liberavit Dominus Populum suum; sequenti vero Anno Gens Unnorum & Ungarorum, omni Bellua Crudelior, juxta quod viro DEI à Sancta Astra Martyre in somnis sibi apparente, revelatum fuerat, cum Innumerabili multitudine erupit, omnemque Noricorum Regionem, citra Danubium & ultra devastando occupavit, multis urbibus & Castellis succensis & destructis, ad hoc Opidum quod tunc Cornelia, ut prædictum est, vocabatur, pervenit, tunc Cives & advenæ quibus plena erat Civitas, quia ad eam tanquam ad munitissimam istius Regionis omnis populus confugerat Christianus, ex arce viriliter undique portas defensare nituntur: at Huni acriter instant, Machinis muros pulsant, turmis quoque hinc inde ad prælium

dispositis, portas & Loca in quibus aditus patebat aggrediuntur, Latitantes sub parmis & Testudinibus à Balistariis & Fundibulariis se defendentes, quia Christiani viriliter Ictibus & Sagittis resistebant: Tandem Huius concussa valva portæ, altisono Clamore, non tamen sine magna strage suorum urbem intrant, quibus Viri Christiani, potius eligentes mori quam servituti Hunorum subijci uno impetu occurrentes interfecisti sunt; tunc vox in Rama audita est, Ploratus & Ululatus multus, quia capta hac urbe orta est undique magna desperatio Christianorum: Huius vero, omni Bellua crudeliores, dividentes prædā aurum & argentum niultum, captis mulieribus Christianis, novum Genus supplicii excogitant, quia omnium earum Mammās amputant, ut inutiles ad nutriendum parvulos permanerent; sit autem inde Lamentatio & Luctus Vehemens ab omnibus qui hæc horrenda audiēte, ira ut Iteratò Jeremiam super Jerusalem Lamentari putares: ab hac hora Homines hunc Locum priori nomine non nominabant, sed ob penam mulieribus inflictam, Wibpin vocabant; quod latine mulierum pena interpretatur: post hæc Huius hanc urbem succendunt, arces cum muro dejiciunt, & funditus diruunt, ut illud Propheticum super Jerusalem in hac impleri putares, quia non relinquetur Lapis super Lapidem, quanta autem, quam nobilis & quam potens fuerit, testatur ejus vetus Ruina & ex nomine ejus antiquo perpenditur quod Solis Radius sua interpretatione Sonat, sed versa est ei Lux in Tenebras, & Habitatio in desertum. ****

Accidit tandem, ut quidam antistes Wormaciensis Ecclesiæ Nomine Crudolfus, cum hunc Locum & Gentem tanta desolatione conspiceret obrutum, ut jam nullius esset memoriæ, considerans Loci amoenitatem, Temperantiam aeris, confluentiamque aquarum, & cum totum hunc Locum girando perambularer, Ruinam ædificiorum, muri, & Turrium ammirans, errabundus pervenit ad Locum & Ruinam Monasterii, cujus Fundamento ab Incolis Loci sibi demonstrato, Ingenuit dicens: Oportet hoc Oratorium Restaurari, nam Locus est per omnia Devotioni habilis & DEO Famulantibus aptus; accersitis igitur Latomis, Monasterium ædificari jussit, sumptibus ad hoc traditis Copiosis in quo Conventum XII. personarum instituit, qui Horis nocturnis & diurnis ibidem DEO Obsequium præstarent, quem Conventum Venerandus Præsul & sui sequaces alique Fideles Largissime prædiis dotaverunt, è quibus etiam personis idem præsul unum Præpositum constituit, quem non solum huic Conventui præfecit, verum etiam omnibus plebanis, vice-plebanis, Cappellanis & Ecclesiarum Rectoribus à Civitate Heidelberg sursum usque ad Fines dyocesis constitutis, quos omnes in tantum suæ Jurisdictioni subegit, ut vacante aliqua Parrochia, Electus ad eandem, ab ipso Præposito Cura animarum & dono Altaris debeat investiri: Statuit etiam ut parrochiales illi Feria II. infra Festum Pentecostes cum Reliquiis Sanctorum, in Monasterium prætractum cum devotione Oblationes, more Populi Israëliti ad Templum Jerosolimitanum properantis, deferrent, ibique Missarum Sollemniis peractis omnes ad sua cum gaudio remearent: Sequenti vero Feria II. post Octavam Pentecostes, universi illi plebani & vice-plebani, Conspectui ipsius Præpositi in eodem Monasterio se præstarent, audituri sermonem de vita & honestate Clericorum & Statuta Synodalia, ita ut si quis eorum in aliquo exorbitaverit condignæ subjaceret Correctioni, & sic emendatis excessibus singuli ad sua Lati redirent.

Cœpit ex tunc Locus iste in Reverentia haberi, & de Anno in Annum ab Homini-bus magis frequentari, ut qui Paulò antè ferè fuerat desertus, jam esset habitatio plurimorum; Milites etiam & universi nobiles circum sedentes, cum amplius Militiæ inservire, aut senio perfracti aut propter Deum nollent, arma sua, videlicet Clypeos seu scuta Columnis Templi appendebant Sepulturam in eo eligentes, quorum Tumbæ Lapideæ desuper Lapideis Tabulis rectæ per ambitum Claustrī erant distinctæ, unde contigit, cum nobiles hanc Ecclesiam in tanta haberent Reverentia, eam defenderent, & prædiis dotarent, ut Ceteri Populi Ecclesiæ tam honestæ similem Reverentiam exhiberent: in tali Statu & Honore, hoc Monasterio multo tempore perdurante, demum crebrentibus malis in Terra, ad tam infimam Egestatem devenit, ut prebendula jam Ministris ad Cotidianæ usum Refectionis sufficere non posset, & ideo Canonicis discedentibus, hæc Ecclesia ita viduata erat presbyteris, ut non Semel, imò pluriès, Sacerdotes de villis circumstitis accersiri oporteret, qui missas in ea celebrarent, donec misericors Dominus miseris suorum; Richardum de Ditsheim huic Ecclesiæ præfecit Decanum,

ante

ante multa tempora ad hoc prædestinatum; ut errabundum Gregem Canonicorum revocaret, & Censui & Prædia distracta recolligeret; cum autem vitam & Gesta præfati viri venerandi Richardi vires parvitatæ mei Ingenioli transcendant, ipsa digno honore me fateor describere non posse, tamen quia inter cunctos Benefactores seu Fundatores hujus Ecclesiæ, digne in memoria versatur Hominum, scripto quo valeo ejus Gesta explicabo, ne oblivioni in posterum tradantur.

Hic enim Richardus, de Villa Dircensheim trans Renum quæ montana respicit, Spirensis dyocesis existit Oriundus, de Patre Dietho & Matre Agnete genitus, qui ambo secundum sæculum erant Nobiles atque Famosi, quem & transacto tempore Infantia, disciplinis Scholasticis mancipaverunt, Literalibus documentis erudiendum, qui in brevi suos collegas, non sine ammiratione Doctoris, discendo prævenit, & factus est Adolescens bonæ indolis, ita ut nullus dubitaret qui cum agnosceret, virum ipsum prudentem futurum: Orbatus itaque utroque parente, Patrimonium circa Literarum Studia expendit, Romamque profectus est, ubi petitionem ad Papam de prebenda in hac Ecclesiâ Wimpinensi faciens, tanquam dignus admissus, cum Apostolicis Litteris ad hanc Ecclesiâ destinatur, vacanteque prebenda sibi debita, eaque juxta Canonicæ constitutionis Regulam suscepta, ad Sacerdotalis Officii gradum diversis refulgens virtutibus accessit; ita ut Eleemosinis, Misericordiarumque operibus, opere & voluntate indeficienter deserviret, inter omnes Virtutes Hospitalitatem permaximè diligebat: quanta autem diligentia circa divinum officium fuerit in hac Ecclesiâ adhuc demonstratur, nam illicitas Consuetudines & Mores Erroneos Canonicorum, fortissimus Athleta DEI non sine magna invidia conculcando reformavit: nam concubinis jam quasi licitè, manifestè utentes, proventus præbendarum absentium Canonicorum inter se dividebant, nec defectus Ecclesiæ vel profectus curabant, unde præfatus Richardus Licet ad huc simplex foret Canonicus, tamen DEO plenus convocatis Confratribus ait: nequaquam Fratres ita est faciendum, sed abjectis Concubinis Sincero Corde summo Creatori est serviendum & proventus prebendarum absentium Personarum in usus Ecclesiæ sunt commutandi; illi vero ex adverso, Consuetudines ad ipsos perductas se velle observare dicebant, nec tamen ipse ab incepto desisteat, sed ad Episcopum cuncta refert, Visitatores qui omnia solerter scrutarentur evocat, quibus consideratis & perspectis diligenter omnibus, Decretum est ut Concubinas abjiciant; quod licet esset eis onerosum, ipse Richardus Lucerna Castitatis, sua Industria tamen egit ut quidam qui huic Decreto subiacere & obedire contempserunt, turpiter prebendis suis privarentur, deputatisque sibi proventibus prebendarum absentium personarum, Monasterium à Reverendo Patre Crudolfo præfato constructum, præ nimia vetustate ruinosum, ita ut jam in proximo Ruinam minari putaretur, diruit, accitòque peritissimo Architectoræ artis Latomo, qui tunc noviter de villa Parisiensi è partibus venerat Franciæ, opere Francigeno Basilicam ex sectis Lapidibus construi jubet: idem vero artifex, mirabilis Architecturæ Basilicam yconis sanctorum intus & exterius ornatissime distinctam, Fenestras & Columnas ad instar anaglici operis multo sudore & sumptuosis fecerat expensis, sicut usque hodie in præsens humano Visui apparet: Populis itaque undique advenientibus, mirantur tam opus egregium, Laudant artificem, venerantur DEI servum Richardum, gaudent se eum vidisse, nomenque ejus Longè Latèque portatur, & à quibus non agnoscitur sæpius nominatur.

O perfectissimum Sacerdotem, qui Judicio omnium Hominum Collega jam meruit esse Psalmistæ in cantando hunc versiculum: Domine dilexi Decorem Domus tuæ & Locum habitationis tuæ, cumque morum ejus probitas & Sanctæ vitæ mundicia Longè divulgaretur, multi Clerici & alienigeni secum commorari coeperunt, cupientes ejus Virtutibus informari & illustrari. O desiderabile Virtutum Speculum Richardus, in quo Laicus quid Sæculo displiceat, & Clericus quid Oculos divinæ Majestatis offendant, Speculatur.

Interea Dominus Reinhardus verus Pastor Parrochiæ in Stetin, Frater Advocati in Laufen, perdives Homo, jam in decrepita ætate positus, præfato Sociatus Richardo, omnia sua prædia, quæ non Pauca fuerant, ad manus ejusdem tradidit, ut de ipsis secundum quantitatem proventuum prebendas Sacerdotibus institueret in Ecclesiâ

Winpinensi praedicta, quo mortuo parentes sui Bona praedicta invadunt, ea sibi vendendo, nec fieri permittunt quod Testator optavit; sed hos Richardus coram Iudicio in causa trahit, illique se defendere nituntur: tandem Lis per arbitros deceditur, & pro omnibus Bonis Legatis centum & Viginti Libras Hallens. huic Ecclesiae assignantur, quam Pecuniam Creator Omnium Rerum, qui cuncta ex Nihilo condidit, & qui de paucis Granis totum mundum pascit, in manibus Famuli sui Richardi ita augmentavit, ut de ea duas prebendas duobus Sacerdotibus ad aram B. Mariae servientibus institueret: his itaque Ordinatis, Reverendus Dominus Wernherus de Hornecke Praepositus Majoris Ecclesiae Spirensis & etiam Praepositus hujus Ecclesiae fuit, vir eximiae Honestatis, considerans quae DEUS dignatus est per Famulum suum Richardum in hac Ecclesia Operari, vocato ad se ipso Richardo, habituque ejus consilio IV. prebendas, in hac Ecclesia ad aram B. Nicolai instituit Anno MCCLXXIII. quas in tantum praediis dotavit ut redditus earum, antiquis praebendis aequiparentur, unde accidit ut Canonici eadem Bona, suis unirent, efficerentque unum Corpus prebendarum: Facta est autem & celebrata haec sollempnis institutio praedictarum prebendarum temporibus piissimi ac serenissimi Rudolphi Regis & semper Augusti Romanorum.

Anno autem Domini MCCLXXVIII. in die Sancti Marci Evangelistae mortuus est ipse Richardus Decanus; concurrentibus itaque undique Clericis & Populis factus est planctus magnus super eum & populi Clamantes dixerunt:

*Tempore Heu! Miseris quid nobis accidit isto
Quo Patrem Patriae nostrae perdidimus, in quo
Temporibus multis, fuit haec Winpina superno
Thesauro dives, ac decorata nimis:
O Richarde Pater, toto venerabilis Orbe!
Cur Patriam nostram deseris, imo tuam?
Hic Pater & Dominus fueras, Custosque Benignus.
Haecenus hac Terra, Viris & exanimis,
Rebus in adversis fueras spes una salutis,
Munimen tribuens supplicibus populis,
Quorum tu precibus praesens venerande favebas
Votaque Suscipiens, quaeque rogata dabas
Pastor oves proprias cui nos committis alendas?
Vae nobis miseris, qui Te perdidimus,
Virtus, Solamen nostrum, Decus atque Levamen
Tu Spes una, salus, Causaque Letae
Vae nobis miseris haec omnia perdimus; at nos
Hinc subit & Luctus, perpetuusque dolor,
Mendicorum vulgus indiscreta quoque voce
Insultat morti, Culpaturque Deus
Brachia cum manibus tollunt ad sidera Solis,
Improba Mors Clamant, Tigribus asperior
Mors mala, Mors pejor, Mors pessima, quis tibi suasisit
Tale Nefas facere? Vae nobis miseris!
Heu Nobis! & Vae! Semper geminatur & auge!
Morte sua nobis, attulit omne malum.*

Interea Sacerdotes Corpus cum ymnis & Psalmodia ad Monasterium delatum miserarum Sollempniis, & Exequiis ex more celebratis, ante summum Altare sepelierunt, statimque

statimque Capitulo indicto Canonici Dominum Dyetherum de Helmestat Decanum Elegerunt, qui confirmationem consecutus, mortuo Domino Wernhero de Alevelt hujus Ecclesie Praposito, eodem Anno, prædictus Dietherus Decanus, similiter à Canonici in Prapositum Electus est.

Richardus igitur Filius Fratris, piæ memoriæ Richardi Decani, subdiaconus, & hujus Ecclesiæ Canonicus, una cum Mannifidelibus, quos ipse Decanus Richardus adhuc vivens Executores Testamenti constituit, de Bonis suis duas prebendas Duobus Sacerdotibus instituit, quibus Ordinatis Ego Burcardus Sacerdos, pia DEI Misericordia favente ad unam prædictarum præbendam vocatus & Electus, demum in hac Ecclesiâ me recepi, ubi & Novissimam Tubam me expectaturum Optavi: adeptus ergo præbendam, una cum Socio mihi assignato videlicet Domino Ludovico, Canonici tum propter amorē Reverendi Patris piæ Recordationis Richardi Decani, tum propter Honestatē Ecclesiæ & firmiorem stabilitatē ipsarum præbendarum, habito Consilio maturo in Nos, & Bona prædictis nostris præbendis assignata, suis prædiis uniunt & præbendis eorum annuenerat sumus cum reliquis, ita ut Numero essemus X. & VIII. quibus de uno Granario & uno Cellario æqualis præbenda ministraretur: præterea statuerunt ob perpetuam Memoriam præfati Richardi XIII. Scolariſus pauperibus, Mandatum per totam quadragesimam de communibus ministrari præbendis, videlicet Festis II. IV. & VI. quibus Pauperum quilibet, Lotis pedibus & Manibus à Sacerdote ebdomadario, interim dum XV. Gradus Leguntur recipiet I. panem & I. alec, dimidium Cyphum Vini & I. Hallensē: præſentes in suo anniversario quod V. Kal. Maij celebratur, I. Libram Hallens. inter præſentes dari & dividi statuerunt.

His ita peractis præfatus H. Decanus obiit, cui Dominus Conradus de Heilprunn Frater matris meæ in Decanatu successit, Vir Largus fatis, prudens, & Strenuus & in DEI Famulatu pervigil & assiduus, & hic effecit ut Cappis Nigris induti per Adventum & Septuagesimam tam Canonici quam præbendarii & Vicarii perpetuo ad Chorum procedere deberent; hujus etiam Temporibus Dominus Wecclo præbendarius ad aram S. Nicolay, Vir honestus & in extremis positus, duas præbendas, Duobus Sacerdotibus de Bonis suis constituit & ordinavit, quarum collationem Capitulo reservavit: Anno igitur Domini MCCLXXXIX. Nonas Junii obdormivit in Domino & Sepultus est in Claustro Monasterii in cujus anniversario I. Libra Hallens. datur præsentibus: his etiam Temporibus ob Emendam cujusdam Militis Burcardi de Brendelin interfecit à quodam Muthardo nomine, ad instituendum perpetuum Sacerdotem ipse Muthardus actor Sceleris dedit huic Ecclesiæ Quinquaginta Libras Hallens.

VII.

DIETHERI DE HELMESTAT, CONTINUATIO EJUSDEM CHRONICI.

HIC Tædio dictandi affectus ille Egregius Burchardus ultra describere cessavit, nam circa descriptionem Bonorum hujus Ecclesiæ, ac ædificationem Monasterii & Curia præbendalis & Torculariorum & aliarum utilitatum Ecclesiæ in tantum occupabatur, ut deinceps hujusmodi describere non curaret: hinc Ego Dytherus de Helmeſtat Canonicus istius Ecclesiæ prædictæ, Burkardo scientiâ & describendi stylo multum dissimilis, ipsius Vestigia tanquam Magistri discipulus sequendo; in quantum parvitas Ingenioli mei sufficit, inantea describere formidolose præsumpsi.

✠ ANNO DOMINI MCCXCI. poſt obitum RUDOLFI Regis, Principes in quibus juſ Eligendi conſiſtit ſecundum conſuetudinem, in die Philippi & Jacobi in Vrankfurt conveniunt & Dominum Adolſum Comitem de Naſlawe Virum utique ſtrenuum & illuſtre in Regem Romanorum unanimiter elegerunt, quo Coronato, & in Regno valide confirmato obinvidiam, quam Principes adverſus Dominum Albertum, Filium quondam Magnifici Regis Rudolſi, Ducem Auſtriæ habebant, ipſe Rex Adolſus prædictum Dominum Albertum de Ducatibus quos à Rege in Feodum habere debebat, non ſolum infeodare non curabat, ſed & ſibi eosdem Ducatus auferre conabatur; quod ut prædictus Dux percepit melius eſſe prævenire quam præveniri cogitans, amicitias Principum, Ducum, Comitum & aliorum ipſius Alemanniæ, prece & prætio comparavit, & ad defendendum ſe ſtrenuiſſime præparavit.

✠ Dum hæc aguntur obiit Reverendus Conradus Decanus hujus Eccleſiæ, in cujus Locum creatus eſt in Decanum Egregius ille Burchardus, qui ante me hæc deſcribere inceperat, ſub quo moriebatur quidam præbendarius nomine Sibodo, qui de Bonis ſuis in tantum contulit huic Eccleſiæ, ut Mandatum tempore quadrageſimali ſecundum institutionem Venerabilis quondam Richardi Decani reliquis tribus Diebus pauperibus erogaretur Scolaribus: hoc etiam Tempore occiſus Wolframus armiger de Helmeſtat meus Patruus à quibusdam malefactoribus, qui in Emendam ipſius, Redditiſ Annuiſ XVIII. Libras Hallenſ. Sacerdoti perpetuo ad aram S. Katharinæ Virginis miſſam celebranti, & Lumen perpetuo ibidem continuandum aſſignarunt.

✠ Interim Rumoribus crebriſcentibus & ad aures illuſtris Ducis ſæpius volantibus, quod Rex Adolſus cum de Ducatibus expellere niteretur, ipſe collecta univerſa Militia Auſtriæ, Stiriz, & Karinthiæ in multitudine magna Curruum & Equitum Terram ſuam egreſſus, tranſito Danubio, venit ad Litus Reni & Caſtra metatus eſt juxta Civitatem dictam Briſach: cui Rex Adolſus ibidem in alteram partem Litoris Reni cum Exercitu ſuo occurrit, ſed neuter ad alterum poterat pervenire; dum ſic certatim utrumque Litus occupant, Dux Albertus receptis Litteris Gerhardi Archi-Epiſcopi Moguntini, & aliorum Fautorum ſuorum, de ad ipſos in Alzeiam Civitatem veniendi, aſſumpſit ſecum Epiſcopum Argentinenſem ceterosque Barones Alſaciæ, ac Naves & curruſ oneratos Vino & Blado per Terram & alveum Reni, malis Gratibus Regis, Civitatum, & aliorum Fautorum ſuorum intrepidus uſque in Alzeiam deſcendit, ubi à prædicto Archi-Epiſcopo & aliis adiutoribus ſuis Benigne ſuſceptus, ipſum ſuper Dolum levantes in Regem ſublimarunt; dum hæc in Alzeia agerentur, Rex Adolſus Ducem inſequi quantocyus non ceſſabat & etiam in villa dicta Eppenheim ſita prope Wormatiæ in ameno prato cum Exercitu ſuo reſedit, ſperans ſe prædictum Ducem cum omnibus ſuis Fautoribus abſque ſui Exercitus periculo citiſſime ſuperaturum, ſed Reſ aliter evenit, nam cum Rex in tanta ſpe conſiſtit, dimiſſis à ſe Civibus multarum Civitatum cum reliquo Exercitu ſapedictum Ducem inſequitur & in Loco, qui dicitur Haſenberg juxta Cenobium Sanctimonialium dictum Roſental Anno Domini MCCXCVIII. in die Proceſſi & Martiniani cum ipſo pugnaturus incaute progreditur: itaque Viſtoria hinc indutante, Rex Adolſus inproviſe occubuit: quo conſpecto Rudolſus Comes Palatinus & Dux Bavariz Gener prædicti Regis, una cum Duce Ottone Patruo ſuo cum multitudine magna militum & armigerorum de conflictu uſque in Wormatiæ celeriſſime fugerunt, reliquis Comitibus & Baronibus cum ſuis adhuc viriliter pugnantibus, ſed quia Tor. & tanti de ipſo conflictu profugerant, Dux Albertus de viſtoria jam ſecurus cum Exercitu ſuo, repugnantibus ſibi acerrime reſiſtit ac omnes eos citius quam ſperari poterat, pugnando vincens captivabat, quibus tamen ſe in hoc Clementem, more paterno exhibuit, ut nullum eorum Vinculis includeret, ſed omnes ad propria remeare permiſerit, & ſic in propoſito ſuo nimium confortatus, aſſumptis ſecum Archi-Epiſcopo Moguntino & aliis adiutoribus & Fautoribus, Aqueſem adiit Civitatem, & ibidem contra ſpem multorum, in Regem confirmatus eſt & coronatus.

✠ Hiſita Geſtis Dominus meus Dytherus de Helmeſtat hujus Winpincenſis Archidiaconus, qui erat meus Patruus, cum Archidiaconatum ſuum XXIII. Annis & amplius Gubernaveſt Laudabiliter, correptus Febre Anno MCCXCIX. in Vigilia Marthiæ Apoſtoli in Caſtro Helmeſtat felicem exalavit animam, qui Capellam Sanctæ Katharinæ

in Ecclesia ista propriis sumptibus construxit, & Sacerdotem in ea perpetuo Ministraturum instituit, tradidit etiam Ecclesie isti LX. Libras Hallensium ad Ambonem & Altare S. Crucis sub ipso Ambone construendum, donavitque huic Ecclesie tria cum dimidio Jugera vinearum sita in Marcha villæ Duttonburg: præterea Legavit Ecclesie isti pratum situm in Marcha villæ Bagestat, cujus prati Longitudo & Latitudo continet XII. Jugera, ita ut Centus pro quo prædictum pratum annuatim Locari potest, in anniversario suo præsentibus in Choro distribuatur, post cujus Obitum Electus fuit in Præpositum Dominus H. de Duna, qui etiam erat Præpositus Majoris Ecclesie Wormacienfis, quo Archidiaconatum Winpinensem gubernante obiit Anno MCCC. Ille Gloriosus Burkardus Decanus, quem nullus ante vel post eum in utilitatibus Ecclesie istius procurandis præcelluit vel præcelleret: Testes sunt Casule, Libri, & sedes Chorales, Testes sunt Curia præbendalis, & Torcularia in ea sita, Testes sunt Recuperationes ac descriptiones omnium Bonorum istius Ecclesie, & alia Beneficia, quæ per eum Dignatus est Dominus operari, sicut usque in præsentem diem cerni possunt in hac Ecclesia Fide oculata: præterea construxit in hac Ecclesia Cappellam S. Kyliani suis sumptibus ac ipsam plenissime propriis sumptibus dotavit, ita ut Duobus Sacerdotibus in prædicta Capella alternis septimanis missam celebrantibus competenter sit provisum.

✠ Igitur cum Serenissimus ille Dominus & Rex Albertus in tam brevi tempore tam magnifice sublimatus & prosperatus fuisset in Regno, incurrit invidiam Principum, sicut fortunatis Hominibus accidere solet, quorum Principum quatuor, videlicet tres Archi-Episcopi & Dominus Rudolphus Dux Bawarie, Filius sororis prædicti Regis, obligationibus & conjurationibus multis confederati, contra Regem se erexerunt, quos omnes una æstate ita potenter sibi subegit, ut de cætero contra eum mugire non auderent; de hinc Regem Bohemie Wenceslaum aggressus, quialiquantulum supradictis Principibus favebat, Regnum devastabat, sed nihil tamen egregium ibidem peregit: Tandem Rege Bohemie Wenceslao prædicto sine Filiis & Hæredibus decedente, felicissimus Rex Albertus Dominum Rudolphum Filium suum eidem Regno præfecit; post talia miranda & stupenda quæ Excellentissimus Rex in multis provinciis perpetravit, a Duce Johanne Filio Fratris sui Domini Hartmanni Ducis Suevie in campo Lato & Spatiofo dum juxta Regem confabulando equitaret, inopinate confossus Gladio occubuit, in quo Loco ejus nobilissima conjux Regina Cœnobiaum Sanctimonialium in memoriam ipsius construxit, & eidem Cœnobia nomen Kunigesvalt imposuit.

✠✠ Itaque post decessum Honorabilis Domini Burkardi Decani, Dominus Geroldus de Hawestein, Vir justus, pius, Clemens, & multum Hospitalis in Decanum eligitur, sub quo obiit Gerhardus Canonicus hujus Ecclesie qui duas præbendas competentes Duobus Sacerdotibus in Altari S. Crucis perpetuo ministraturis, de Bonis propriis instituit.

Obiit itaque Sincerissimus & piissimus Dominus Geroldus Decanus, in cujus Locum Electus fuit Heinrichus dictus de Grunbuch Vir castus, justus, & rectus, post cujus Obitum Rembodo de Nyperg Vir Clarus Genere Ordinatus fuit in Decanum, sub quo Conradus dictus Zophritter prebendarius hujus Ecclesie obiit, qui quatuor cum dimidio Jugera vinearum sita in Marchia Villæ Eberstat Legavit Ecclesie, ut de vino quod de eisdem Vineis provenire poterit Mandatum in Cena Domini quolibet Anno cum ea sollempnitate qua nunc peragitur, in hac Ecclesia celebretur, videlicet ut Decanus cum omnibus Canonicis & præbendariis Ecclesie in Domum Capitularem in Cena Domini post prandium conveniant audituri Sermonem ipsi Festo convenientem & interim dum Sermo legitur Decanus vel Senior in ingressu Ecclesie omnibus Canonicis & præbendariis manus & pedes abluat, & confectiones specierum & vinum ad potandum cum omni Devotione & Gratiarum actione prout est institutum, administret.

Hic sisto Ratem; sed quia Torrens modicum intumuit, ideoque Puppi ad Navigandum Ulterius Remos imposui: postquam vero Dominus Rembodo de Nyperg Ecclesiam istam satis honeste aliquot Annis Rexisset, correptus Caligine Oculorum, Decanatum resignavit; post quem Dominus Petrus de Muer in Decanum non tam Electus quam est extractus, qui post Obitum illustris viri Domini Engelhardi de

Winsperg in Præpositum hujus Ecclesiæ est Electus, cui Dominus Gerlacus de Bettingen, Virlargus, Benignus & Hospitalitati inserviens in Decanatu successit.

Sub hujus Regimine Elisabeth virgo & Conversa dicta de Hawestein II. Jugera cum dimidio vinearum in Northeim & II. Jugera in Offenheim ab omni exactione Libera, huic Ecclesiæ legavit, ita ut si fieri posset, præbendula aliquis ex his institueretur, cujus Devotionem Dominus Dietzo de Steinfurt præbendarius hujus Ecclesiæ, Frater prædictæ Elisabeth animadvertens, VI. Jugera agri in terminis villæ & Marchiæ Steinfurt superaddidit.

VIII.

NECROLOGIUM ECCLESIAE COLLEGIATÆ S. PETRI WINPINENSIS.

JANUARIUS.

- III. Non. Jan. *Abba* cum Filio suo *Gerungo* dederunt S. Petro Wimpin. III. manus Hohinstat.
- VIII. id. *Cuno* qui ultra III. Jugera nobis in Clivo Novalis nostri dedit, & in plano montis superioris II. Jugera.
- VI. id. *Cuno* Canonicus S. Petri Wormatiensis. *Mechtildis* de *Steinach*, uxor *Rabenonis* Militis de *Helmeftat* in cujus memoria dantur X. Flor.
- IV. id. *Udalricus* presbiter, qui Kirchart Prædium suum dedit.
- II. id. *Adelheit* quæ Prædium suum Gartaha dedit. *Bena* Scultetissa de Heinsheim, quæ Legavit Ecclesiæ II. maldra filig. & II. avenæ, & Domum in valle. *Wernherus* qui Curtim suam in Inferiori Wimpina dedit.
- XVIII. K. Feb. *HERTUWICUS* Decanus.
- XVI. Kal. *HAZECHO* Episcopus, qui servitium de Hurwenvurt & de Kessaha constituit. *Juditha* quæ Vineam in Oberchein absolute dedit.
- XIII. Kal. *Adelrat* qui XII. Jugera in Beggingin dedit.
- XI. Kal. *Bruno* presbiter qui Vineam in Herttingsbach dedit. *Ruggerus* qui contulit Ecclesiæ XXIII. Talenta. *Ludewicus* Canonicus qui Pratum in Hsenheim.

FEBRUARIUS.

- II. Non. Feb. *HEINRICUS* de GRUNBICH Decanus hujus Ecclesiæ. Nonas. *Albertus* Canonicus hujus Ecclesiæ, qui Curtim suam absolute dedit, & omnes Libros suos.
- VI. id. *Hezel* qui Curtim & VI. Jugera in Gundolfisheim dedit. *Ezelinus* qui Prædium suum in Hagenbuch dedit.
- XVI. K. Martii. *CUNRADUS* de HEILPRUNN Decanus hujus Ecclesiæ.
- XIII. Kal. *Richgowe* presbiter, qui Vineam & Mansum in Erlebach dedit. *Irmingardis* Conversa de *Gartach*, Vineam in Banholtz sub Lüneburc.

Gertru-

S. Petri Winpinensis.

65

- XII. Kal. *Gertrudis de Twingenberg* mater Custodis hujus Ecclesiæ, pro
cujus anniversario dedit *Gerungus de Helmeſtat* ejus maritus X. fo-
lid. annui Censûs.
- XI. Kal. *BUBO* Præpositus, qui Prædium suum in superiori Isenheim dedit.
- VIII. Kal. *Beringerus* Frater & Sacerdos, qui Curiam suam in Cœmiterio
nobis dedit & insuper Vineam in Strabuhel, dedit etiam puellam
sui Juris nomine Mechtilt. ad Censum duorum Nummorum.
- V. Kal. *RUDOLFUS* hujus Ecclesiæ Decanus, qui in Offenheim XV. Jugera
dedit & Curiam suam in Winpin.
- II. Kal. *DIETHERUS* de Helmeſtat Præpositus hujus Ecclesiæ.
- Cuniza* quæ in Bachhein VIII. Jugera & Curtim in Griez dedit.
- Hiltegunt* quæ II. Jugera Jagisvelt dedit.
- Heilka* Anno MCCLXXXIII. quæ dedit II. mansos in Sigelpach.

MARTIUS.

- III. id. *Adelbertus* qui in superiori Gartha III. Curtes, in Beggingen XII.
& in superiori Isenheim VI. Jugera & I. Curtim dedit.
- II. id. *Hildegundis* cujus rogatu Mater ejus Curtim suam in superiori
Wimpin post mortem mariti sui Snelhardi Liberè contradidit.
- XV. Kal. April. *Mechtildis* mater Domini Burchardi Decani.
- Drutelinus* Decanus.
- Diethericus* Frater & Canonicus, qui missalem Librum & XI. Ju-
gera in superiori Isenheim dedit, ut post obitum Hedewigis Con-
versæ & ejus Filiæ cedant in usum Fratrum.
- VI. Kal. *Benno* qui unum Mansum in Hundelingin dedit.
- Peterſa* Religiosa Fœmina de Bonvelt, quæ dedit Domum suam si-
tam in Litore juxta Domum Nautæ.

APRILIS.

- III. id. April. *Ludewicus* miles in *Herbotshein*, pro quo data sunt II. Talenta.
- III. id. *Eberhardus* Othenheimensis Cœnobii primus Abbas.
- id. *WOLKNANDUS* Præpositus.
- EBERHARDUS* Decanus.
- X. Kal. Majj. *Judintha* quæ VII. Jugera in Kirchusen & Curiam in Neckirgar-
tha dedit.
- VIII. Kal. *Henricus Morsel* miles de *Harvenstein*. qui dedit super vinea
juxta Fontem qui dicitur Fokebrunn, Libram Hallens. annui census.
- VIII. Kal. *ISENGARDIS* Comitissa, in ejus anniversario XII. Floreni dantur de
Bonis in Bellingen & totidem in anniversario sui Mariti.
- V. Kal. *Heinricus* advocatus, qui II. mansus in Huffiluh dedit.
- RICHARDUS* de DITENSHEIM Decanus istius Ecclesiæ, qui post pri-
mum Fundatorem istius Ecclesiæ & secundum Restauratorem Cru-
dolfum Episcopum Wormatiensem, merito cunctis posteris in me-
moria habetur.
- III. Kal. *Bezecha* quæ cum Viro suo Prædium suum in Haginbuch dedit.

MAJUS.

- Kal. Majj. *ARNOLDUS* Wormaciensis Episcopus, qui Bleeginger & Slehtbach
ad servitium dedit.
- III. Non. *Craſto* qui dedit Prædium in Tiefenbach.

- VI. id. *SIFRIDUS* Præpositus, qui duo Dorſalia in Choro pendentia & tertium ante S. Crucem dedit, & Vineam in Stalbhil.
 V. idus. *Helvick* uxor *Hartmudi* Armigeri de *Lutenbach* Anno MCCCXXXV. & Filia eorum *Agnes*.
 XII. Kal. Jun. *Adalbing* Monialis, quæ Vineam & Duos Manſos in Gundolſſheim dedit.
 III. Kal. *Ludovicus* de *Niperg*, & uxor ſua *Damburg*, qui dederunt Fabricæ Vineam & Domum ibidem ſitam cum ſuppelleſtilibus.

JUNIUS.

- VIII. id. *Adelheidis* de *Oringurwe*. quæ XL. Libras Hallens. Legavit.
Heinricus de *Sunesheim*.
 III. idus. *EBERHARDUS* Comes de *Wirtemberg*.
 XVI. Kal. Julii. *Rudegerus* Miles de *Erlekovon*, pro quo *Adela* uxor ſua dedit Vineam Sulmen.
Hermannus de *Witzſtat* & uxor ejus *Gertrudis*.
 XV. Kal. *Giſela* uxor *Cunradi* in *Winsberg*. Nulli Dominorum obnoxia, ſe & pueros ſuos *Hedewick*. *Hartunc*. *Heinrich*. *Emehart*. *Albrecht*. *Cunrat*. *Nidunc*. *Walther*, & Proles eorum ſucceſſiva, obtulerunt ſe Eccleſiæ S. Petri in *Winpina* ad annuum Cenſum perſolvendum; quilibet ex conjugatis in Feſto Petri & Pauli ſolver IIII. Denar. Cæteræ & de morte, juſ quod dicitur *Houb recht*.
 II. Kal. *Adelheidis* de *Gundolſſheim*.

JULIUS.

- III. Non. *Luccardis* de *Niſſen* Legitima Domini C. de *Wilre*. Anno MCCXCIX.
 II. Non. *ADELBERTUS* Epicoſopus, qui Plenarium auro dolatum dedit, nec non magnam partem ſilvæ ab eo ſcilicet *Loco*, qui dicitur *Mordersclinge* uſque ad *Garteloch* aſcendentem contulit.
 II. idus. *Theodoricus* de *Gutenbero* pro quo Vineam in Stalbhil. data eſt.
Ulricus Miles de *Huchelheim*. qui legavit Eccleſiæ noſtræ V. folios Hallens.
 X. Kal. Aug. *Irmila* de *Laufen* Anno MCCLXXXX.
 VIII. Kal. *Heinricus* dictus *Dudeburg* & *Hedevvigiſ* uxor ejus.

AUGUSTUS.

- II. Non. *HILTEBOLDUS* Wormatienſis Epicoſopus.
BURCHARDUS Decanus hujus Eccleſiæ Anno MCCC.
 XIII. Kal. Sept. *BURCHARDUS* Wormacienſis Epicoſopus.
 X. Kal. *Cano* in Jeruſolimatano Itinere, qui Prædium ſuum *Hagenbuch* dedit.
CRAFFO hujus Eccleſiæ Decanus.
 XI. Kal. *Mechtildis* de *Horneck*. pro qua data eſt Vineam in Gundolſſheim.
 VIII. Kal. *Heinricus* de *Fulda* Cantor hujus Eccleſiæ.
Hartmudus Armiger de *Lutenbach* Anno MCCCXXXV.
 VI. Kal. *DÆTHERUS* Præpoſitus hujus Eccleſiæ, qui dedit Hortum in Inferiori *Winpina*, Vineam in *Ottenheim*, & Domum in *Hilreſpach*.

SEPTEMBER.

III.	Non.	<i>Beringerus de Kochindorf.</i>
		<i>Burchardus de Beckingen.</i>
	Non.	<i>Adelheidis de Kirchusen.</i>
VII.	idus.	<i>Conradus de Huchilheim</i> , qui dedit Vineam & Domum cum Horto in Gundolsheim.
VI.	id.	GEROLDUS de HAWESTEIN Decanus hujus Ecclesiæ.
XII.	Kal. Octob.	RUDEGERUS Præpositus, qui II. Mansus in Helmeſtat. I. in Dutenberg. II. Jugera Vinearum & Agrum Talaheim dedit.
X.	Kal.	<i>Dinemut de Boggingen</i> , quæ contulit Ecclesiæ Bona sua ibidem.
VIII.	Kal.	HEINRICUS Wormacienſis Episcopus.
V.	Kal.	WERNHERUS Præpositus hujus Ecclesiæ & Spirenſis.

OCTOBER.

V.	Non.	<i>Adelheidis de Kirchusen</i> Anno MCCLXXXVI. quæ dedit tertiam partem Molendini, & Curiam in Kirchusen cum omnibus attinentiis, omnesque suas res mobiles.
V.	K. Novemb.	RUDOLFUS hujus Ecclesiæ Decanus, qui Cafulam purpuream & Calicem auro Coopertum & III. Velamina dedit.

NOVEMBER.

VIII.	idus.	<i>Hedevoig</i> uxor C. militis de Helmeſtat.
		<i>Gunzo</i> qui Prædium suum Hagenbuch dedit.
VI.	idus.	RUPERTUS Præpositus.
		<i>Adelheidis de Winspere</i> , quæ dedit Pallium Ecclesiæ & Albam.
V.	Idus.	PETRUS de MURE Præpositus hujus Ecclesiæ, qui ad Decorem hujus templi construxit Capellam Paradisi & in eadem Sacerdotalem prebendam Instituit.
		<i>Gertrudis de Lauffen.</i>
XIII.	K. Decemb.	GEBENO Decanus, qui contulit Ecclesiæ II. marcas.
X.	Kal.	<i>Beringerus de Cochindorf</i> , qui dedit nobis Equum.

DECEMBER.

	Kal.	<i>Cunradus</i> dictus <i>Platz</i> armiger, pro cujus anima uxor sua <i>Mechtildis</i> de Wiler contulit X. Lib. Hallens. perpetui Redditus.
VIII.	idus.	BUGGO Wormacienſis Episcopus, qui magnam nostræ silvæ partem nobis dedit.
XII.	K. Janu.	<i>Cunradus</i> miles, Filius <i>Rabenonis</i> militis Senioris de Helmeſtat.



ANONYMI VITA B. LAMBERTI MONASTERII NOVI-OPERIS JUXTA HALLAS SAXONICAS PRIMI PRÆPOSITI.

In Flore primæ Juvēntutis fuit Canonicus in Eccleſia Sancti Petri apud Coloniam, quæ Archi-Epiſcopali ſede præfulgens, Mater eſt Multarum Eccleſiarum, in Littore Reni poſita, ad Decus & Gloriam Imperii glorioſe Caput erigit, in qua ſcilicet Eccleſia tam devotè Deo ſervivit, ut etiam apud eos qui foris erant, bonam haberet Famam, qui eſt illæ dignitatis Status, tandem animi fervorem circa Divina plenius oſtendens, inter Peregrinationis ad ſepulchrum Domini arripuit & uno ſervo Comitatus, Civitatem Bavaricæ Patavinam pedeſter intravit, ad exemplum Apoſtolorum relictis omnibus quæ habebat, ubi à quodam Laico Converſo de Eccleſia quæ vocatur Redenboch, cui Nomen Razo viſus & cognitus eſt, à quo etiam requiſitus, cur tantæ Nobilitatis Vir, cujus obſequio tam militaris Gratia quam Famulorum Turba magis quam comitatus unius ſervi competeret, ſic humiliter incederet, reſpondit ille Beatus: Sic eſſe in beneplacito DEI; verum Razo ut credimus divinitus inſpiratus, conſiderato ejus Hoſpicio, Epiſcopum Pataviſem, qui tunc nutu DEI in Civitate præſens erat, ſeſſinanter adiit, ejusque pedibus proſolutus eſt: Epiſcopus pavore percuſus cauſam quæſivit tam Subitanæ proſolutionis: Domine, inquit Razo, Dominum Lambertum Colonienſem Canonicum in hac Civitate cum uno ſervo vidi humiliter incedentem & ſe Iheroſolimam velle proſiciſci dicentem, quem ſi Eccleſiæ noſtræ poſſetis allociare, Gloria & honore Nos omnes coronaretis; Epiſcopus gavifus gaudio Magno valde fecit ſibi ſervum DEI quantumcuius præſentari; Razo plus deſiderio curens quam pedibus, ejus præſentiam Epiſcopum deſiderare beato Viro nuntiavit, at ille, qui vere humilis erat, occultari maluit quam publicari, conſideranſtamen Reverentiam Epiſcopo ſe debere, ad ejus præſentiam venit; Epiſcopus Secretum colloquium cum eo habuit, Domine, inquit, Lamberte audivi vos Iheroſolimam velle proſiciſci, ſed ſi meiſ conſiliis acquieſcitis, inutilis vagationes poſtponetis, & in aliqua Eccleſia Religioſorum Virorum ſtabiliter DEO ſervietis: ut autem breviter conſilium meum vobis aperiam, habemus in vicino Eccleſiam Redenboch Nomine, in qua Religioſi Viri ſub Regula Beati Auguſtini ſerviunt, in hac ſunt amici veſtri Everhelmuſ ſcilicet, quondam veſter Concanonicus in Eccleſia beati Petri, Wichmannuſ, vir ut ſcitis nobilis Defrekenſe, & quidam Canonicus in Eccleſia beati Gereonis Colonia, cum aliis Reverendis viris, qui proſectum

animæ vestræ desiderant, cupientes vos esse in visceribus Christi Jesu: Suadeo igitur vobis ut ad eos transseatis, & consiliis eorum acquiescatis; Si placet vobis eorum cohabitatio, dona mea Scilicet Equos Duos, quos vobis & servo vestro assignabo, Ecclesiæ resignate: Si non, cum DEI benedictione ac eisdem donis abite. Audiens hæc Homo humilis & simpliciter prudens, Gratias egit Episcopo, veniens que ad prænominatos Reverendos viros, vice angeli DEI ab eis susceptus est. Sentiens itaque Spiritum Sanctum in eis loqui, consiliis eorum in tantum obediit, ita ut eadem die qua venerant, habitum, rasuram & tonsuram secundum morem Regularium Canonicorum acciperet, in hac itaque sicut & in priori Ecclesia sic vixit, ut tam Deo quam Hominibus placeret, congruum quippe fuit ut quem Deus profuderat Gratia, ab Hominibus quoque amaretur.

Eodem fere tempore Sanctæ Magdeburgensis Ecclesiæ Venerabilis Archi-Episcopus Christi Adelgotus tam Deo quam Hominibus acceptabilis in proposito habuit ædificare Ecclesiam de Regula Beati Augustini infra diocesis suæ ambitum, cumque hæsitans sollicitaretur unde Viros ad hoc Opus idoneos congregare posset, autu DEI Venerabilis Conradus Salsburgensis Archi-Episcopus advenit: Fugerat, ut dicunt, iste Archi-Episcopus Bannum quo Imperator Heinricus Quintus propter multiplices Excessus ab Apostolica sede fuerat innodatus, comprovinciales enim Episcopi scilicet Bavari qui erant tunc temporis, favebant Imperatori, adeoque simili sententia subiacebant: Susceptus itaque, ut decuit, honorifice à Magdeburgensi Archi Episcopo, aliquanto tempore caritative ab eo detentus est, cumque dulcia inter se volverent Colloquia, Magdeburgensis Salzburgensi voluntatem suam de ædificando prædicto Monasterio aperuit, sed se nimium sollicitari dixit unde Viros ad ambulandum in via DEI aptos possit colligere; Dominus Salsburgensis Devotionem Religiosi viri approbans; Domine, inquit, Vestrum est bonum Opus incipere, DEI autem perficere, qui bonam vestram voluntatem magis pensat quam operis quantitatem, cum sit utrumque Necessarium, Cooperatores quoque vestri erimus in Labore, quatinus consortes fieri mereamur in Retributione, Viros enim tales vobis transmittemus, qui assiduitate tam Orationum quam Bonorum Operum & semet ipsos & alios sciant ædificare: Archi-Episcopus noster ad hæc verba exhilaratus est valde, eoque magis intendit Operi prædicto insistere, quod se tantum ac talem Cooperatorem se sciret habere, hinc digressionem faciemus, & quid miraculi Deus ante initium nostræ Ecclesiæ ostenderit breviter aperiemus.

Quodam Tempore cum Venerandus Præsul Adelgotus in Castro Gevekenstein esset, quidam Hallensis Civis, Hazecho nomine Vir dives & prudens ad eum venit & de instantibus causis usque in Vesperam cum eo tractavit, in crepusculo vero cum rediret ad Civitatem vidit mirabile prodigium intus Castrum & Civitatem, instrumentum scilicet Rusticorum quo Frumentum Seminatum Terra obruitur, quod secundum Virgilium, ut habetur in Georgicis, Dentale vocatur, in specie Ignis de Cælo paulatim descendere & in Locum, ubi nunc principale Altare B. Mariæ consecratum est, deponi; unde Hazecho pavescens accessit ad Locum & eo diligentius considerato Citrothecas pro Signo posuit, ut si forte Dentale, eo absente, evanesceret, Locum per hoc designatum haberet, inde quantocius ad Castrum pedem reflexit, & Foribus vehementissime pulsatis cum pavore Archi-Episcopi intromissus est, & Domine, inquit, si Signum insolitum videre vultis Equum meum quantocius ascendite, in Urbemque descendite: Archi-Episcopo causam inquirente, non est hic modo, Domine, Verborum circuitus Necessarius, ipse namque oculis vestris videbitis Miraculum quod ostendet vobis Dominus: Præsul Deo dignus considerans Virum prudentem nec falli leviter nec fallere, ascenso ejus Equo cum quibusdam secutus est eum, & cum penes Locum Venisset, prædictum Instrumentum Sublevatum à Terra, ea qua venerat Via, rediit in Cælum; Heu! Heu! inquit Archi-Episcopus, ô Hazecho quia Locum amisimus, non ait, ô dilecte Domine, quia Citrothecis meis ipsum Locum designatum habeo, hinc Venerabilis Dominus non modice Lætatus accessit ad Locum Deoque Gratias præcordialiter agens, hic, inquit, Fundamenta Novellæ plantationis jacentur, hic Deo & Beatæ Virgini diu noctuque grates persolvuntur, deinde ad Castrum redeunt sæpe oculis ad desideratum Locum cum gaudio reflexis; accesserunt tunc preces Hallensium quatenus in eodem Loco dilectum Opus inchoatum consumaretur, cum Archi-Episcopus prius ambigeret quonam in Loco Operis Fundamenta poneret, nam quandoque in Loco qui vocatur Glinde quandoque in monte S Georgii

gii prope Hallam quandoque in Loco ubi nunc situm est inchoare proponebat, sed hunc ultimum Locum Domino placuisse & prædictum Instrumentum & preces Hallensium ostenderunt, quorum Devotionem propterea interposuimus quia studio eorum & expensa Ecclesia nostra multum est augmentata.

Interpositis his, redeamus ad Ordinem: Dominus Salzburgenfis in patriam reversus sicut promiserat transmisit Archi-Præsuli Adelgoto Viros valde Religiosos Præpositum scilicet Berewigum de Redenboch, Everhelmum Decanum ejusdem Ecclesiæ, Wichmannum de Frenkenf cum alijs æque Catholicis viris tam Clericis quam Laicis cum quibus & memorabilem illum nostræ Congregationis futurum Patrem Dominum Lambertum, Virum cum omni Reverentia nominandum, fugerant hi Viri DEI sicut & eorum Archi-Episcopus, Communionem eorum quam comprovinciales ipsorum cum Imperatore habebant: non solum prædicta fecit venerandus Præsul Conradus, sed & ipse corde tenus compunctus Regularem habitum devotissime suscepit, id vicissim Salzburgenfis Canonici quibus præerat, facere suadens, quod tandem Deo dante sicut hodie cernitur ad Laudem & Gloriam Ordinis nostri perfecit, licet quibusdam eorum primo fortissime, quod non erat necessarium resistentibus; honorifice igitur prædicti Viri, ut decuit, ab Archi-Præsule Adelgoto suscepti, aliquanto tempore in Castro Gevekenstein manserunt, brevi autem intervallo Temporis Præpositus Berewicus, Vir plenus bonorum Operum migravit ad Dominum, cui communi Electione, licet renitens, Dominus Lambertus substitutus est, qui ideo primus nostræ Congregationis Præpositus fuit, quia beatus prædecessor ejus interventu mortis curam ab Archi-Episcopo non suscepit.

Anno igitur ab Incarnatione Domini nostri MCXVI. inchoata sunt Fundamenta nostræ Ecclesiæ ad Honorem Domini ac Salvatoris nostri & Beatæ Mariæ perpetuæ Virginis per manus Venerabilis Adelgoti Archi-Episcopi alijs Christi Fidelibus Subsequentibus & Consummantibus: Prosperabatur etiam Opus exterius, quia vigeat Religio Fratrum interius, Venerabilis enim Lambertus ita temperate Rexit Gregem Christi, ut in severitate Patris non oblivisceretur pietatem Matris, creber fuit in Vigiliis, creber in Orationibus, creber in Lacrymis quarum tantam gratiam consecutus fuit à Domino, ut inter missarum solempnia casulas uberrimè infunderet, cumque inde à Fratribus corripere, submovit se parumper ab Altari quando gratiam sensit adesse & tantum Lacrymarum excussit in pavementum, ut ex concretionem earum & pulveris pavimenti cumulus non modicus excreveret; præterea singulares consuetudines inter Fratres esse noluit volens omnes unum sentire, unum tenere, si quem extra Chorum alijs Psallentibus, in privatis Orationibus reperit, brevibus verbis eum emendavit, publicas Orationes privatis præferens, circa Infirmos erat piissimus providens eis talem qui & in Horis dicendis & in alimentis ministrandis erga eos esset sollicitus; nisi abstraheretur per Hospites semper voluit esse in conventu Fratrum, prius ipse benefaciens & postea benefacere docens secundum illud: cœpit Ihesus facere & docere; & quia iste Beatus Vir servivit Domino in Timore & exultavit cum tremore secundum illud: Lætetur Cor meum ut timeat Nomen tuum, hanc gratiam consecutus fuit à Domino, ut à Fratribus cum timore diligere, & cum dilectione timeretur; hæc est enim Reverentia secundum illud:

Mixtus amore timor poterit Reverentia dici.

Tali enim modo cum Fratres habebant, ut vix ejus possent tollerare præsentiam, vix etiam ejus possent ferre absentiam: Tandem per XXVI. annos circa salutem animarum vigilans, corporali molestia pulsatus Lecto decubuit, sentiensque Terminum, quem Nemo transgredi potest, adesse, quadam die in Capitolium Fratrum se deferri fecit, ibique facta publica confessione pauca Locutus est de Ordinis observantia, monuit quoque Fratres concordare esse in Electione sui successoris, sciens vir prudens quod secundum cujusdam sapientis hujus sæculi dictum: Concordia parvæ Res crescunt, Discordia vero maximæ dilabuntur, deinde cum Magno Luctu Fratrum reportatus de die in diem destituebatur viribus, tandemque à Venerabili Archi-Episcopo Friderico, Sacro perunctus Oleo, in Capite Jejunii quod erat V. idus Februarii post mediam diem migravit ad

Novi-Operis Juxta Hallas Saxonicas Primi Præpositi. 71

Dominum, complevitque Spirituale triduum, de Ægypto ad Terram promissionis profectus primò scilicet in hac vita malum dimittens, secundo gratiam Lucis qua aliis de bonis Operibus Luceret, possidens: Tertio ad Gloriam vitæ transiens, & quia in hac vita Exultationes DEI erant in Guttore ejus, ideo perpetuo ibi exaltabit, ubi exaltabunt Sancti in Gloria; ibi Lætabitur ubi Lætabuntur in Cubilibus, hoc est in suis mansionibus;

Quid igitur Miraculi Dominus in Fine ipsius ostenderit dicemus; fuit Tempus dum hæc scribimus, superstes adhuc Venerabilis Dominus Ekkehardus Regens Ecclesiam Beati Petri in Sereno Monte qui cum situm Terræ plurimum emineat, moribus tamen & honesta Conversatione inhabitantium plus eminet, hic Venerabilis Sacerdos à beato Viro in omni disciplina educatus, tunc temporis Forenssem Ecclesiam B. Mariæ in Hallo regebat; hic de Obitu Venerandi Patris nostri talem vidit visionem: Wichmannus de Frekenfe, cujus mentionem superius fecimus, qui ferme ante annos sex mortuus fuerat, Vir valde Religiosus venit quærens Præpositum, ingressusque Domum ubi jacebat, apprehendens manum: Domine ibitis, inquit, at ille surgens secutus est eum: in ipso autem Domus exitu graviter pedem læsit quodam offendiculo, & cum exclamasset præ dolore, consolamini, inquit Wichmannus, Domine quia post istam aliam non sentietis pœnam, sicque istis abeuntibus visio disparuit.

Idem Venerabilis Præpositus Ekkehardus, qui prædictam vidit visionem, nunc temporis cum hæc scribimus habet in Ecclesia sua Religiosum Sacerdotem Ebbekonem qui tunc temporis Rexit Ecclesiam Sancti Mauricii in Hallo sitam; hic habuit matrem Senio ac infirmitate gravissime confectam quæ Statim post Obitum Beati Viri Filium vocavit ex Nomine: Ebezzo, inquires, veni; quo querente quid vellet, Dominus inquit Præpositus noster mortuus est; Sacerdos obstupescit, unde, ait, hæc nosti? ibi inquit, eram, vidique Duos DEI Nuntios Venerabilem Virum à Lecto ægritudinis per medium Monasterium usque ad Sanctuarium DEI ducentes, cumque illuc venissent, aperto Sanctuario felicem animam desuper ad Cælum duxerunt: præterea vidi totum Sanctuarium foris niveis volucribus repletum, quæ omnes DEI Electum cum dulci Cantu sequebantur; postremo vidi, Mirabile dictu, quasi totum Monasterium velut se inclinando post eum moveri tanquam ei valediceret aut de bona provisione gratias ageret; has duas Visiones & omnia quæ deinceps dicturus sum, vivis Testibus probari possunt.

Comes Henricus de Bodenburch, Vir Nobilis, & unus de Majoribus Terræ, qui Filiam Domini Operti, Fratris Beati Lamberti Evezam Nomine in Matrimonium duxerat, coram Imperatore Friderico accusatus est tanquam Reus de morte Comitis Hermannii de Wynseburch, cumque inde coram Imperatore se duello expurgaret, victus est & graviter vulneratus, ideoque in Sæculo nolens manere, ad Ecclesiam nostram transiit, ibique habitu suscepto, Hospitali pauperum prælatus est: hic ictu Gladii parvulum Osciculum in pede contractum habuit, quod ex Negligentia forte Medici, pede Sanato, & cute superducta extractum non fuerat, unde præfatus Vir frequenter gravi affectus molestia ad memoriam Beati Viri veniens ejus auxilium suppliciter expetiit, inde dormitum vadens, circa finem somni pruritum passus est in pede, manuque fricans Locum Cicatricis cutem rupit, cumque osciculum Locum vulneris parumper exiisset, manu illud apprehendens leviter extraxit & ulterius Molestiam non sensit.

Quodam tempore cum Sancti Viri anniversarius esset, Scholares nostri per Licentiam Magistrorum refrigerandi gratia, proximam insulam Navigio intrare voluerunt, cumque non parum in Aqua processissent, quidam eorum alios terrere volentes, per Lasciviam Navim moverunt, eamque vertentes, omnes in profundum descenderunt: Strabant in Littore Dominus Werno Hildenseimensis Præpositus, Haholdus ejusdem Ecclesiæ Canonicus cum quibusdam aliis qui nimium obstupescit, Beatum Virum Inclamabant quatenus apud Deum eis adesset, cumque quidam eorum diu sub Aqua luctati fuissent, Deo dante, tandem omnes ad Terram salvi evaserunt; quod Meritis Beati Viri factum credimus, qui in anniversario suo Familiam suam contristari noluit.

72 Anonimi Vita B. Lamberti Monasterii Novi-Operis &c.

Quidam Miles de Halverstat Casarius nomine, urgebatur Febribus, qui cum oblationem ad memoriam Beati Viri vovisset, diemque designasset qua se ipsum præsenteret, statim sanatus est; Superveniente designato die Dominus suus Episcopus, cum ne votum impleret detinuit, erat enim illi Necessarius, continuo iterum Febre pulsatus est, qui præsciens unde ei hoc acciderat, duplicata oblatione Virum DEI se placare promisit, quam cum coram multis perfolvisset (erat enim ea die in Ecclesia nostra Colloquium Principum) sensit adesse Beneficium.

Werno Congregationis nostræ Canonicus & Sacerdos Febri pulsatus ad Memoriam Beati Viri venit, quærens intercessionis ejus auxilium per hæc verba: Domine, inquit, Tu vivus docuisti Nos communibus debere esse contentos, non propriis, ideoque nil proprii possidens, pro oblatione offero tibi Precum devotionem; Rogo igitur quatenus sicut aliis, ita & mei Miserearis, quo dicto, quinque in terram prostrernitur, toties Dominicam Orationem proferens, sicque Meritis Sancti Viri efficientibus ulterius Molestiam non sensit.

Ad eandem Memoriam Frater noster Elbertus dicta missa pro defunctis, per commemorationem Sancti Viri à simili passione Liberatus est.

Hadevich Comitissa de Brenen, Femina Excellentissimi Generis, quippe cujus maternus avus fuit Adelbertus Marchio, diutina Febre Laborabat, quæ cum oblationem Beati Viri vovisset mox sanata est: recuperata sanitate non immemor Beneficii ad tumbam Beati Viri venit, Deo & Sancto Confessori gratias agens.

Quædam Nobilis Matrona Sophia nomine Laborabat eadem Molestia, quæ eum ad Sepulturam Beati Viri venisset, Sanata illico abcessit Deo & Sancto Viro gratias agens.

Hæc de Miraculis Beati Lamberti dicta sufficiant, quod si ut debui dixi, Domine Deus approba, si non, ignosce, in Fine autem hujus operis obsecramus te Sancte Pater, ut sicut te habuimus Eruditorem in Terris, sic intercessorem habere memoriam in Cælis Amen.



X.

TRANSLATIO RELIQUIARUM S. ALEXANDRI MARTYRIS AD IDEM NOVI-OPERIS MONASTERIUM JUXTA HALLAS.

ANNO Incarnationis Dominicæ DCCCCLXII. accersitus à Joanne Sanctæ Romanæ sedis antistite Otto Augustus pro Divinis Restaurandis Negotiis Romam venit, ibique Coronam Imperialem de Altari S. Petri Apostolorum Principis accipere meruit, & exinde more suorum prædecessorum Rem publicam quam variis fœdatam erroribus repperit, misericorditer restauravit, habitoque colloquio in monte Sancti Leonis, viduis & orphanis omnibusque ad se venientibus injuste oppressis Legem dedit: quibus omnibus ritè peractis ad Saxoniam repedare statuit, peragratis igitur Locis quamplurimis tandem Pennam, ad quam multa Sanctorum translata exstiterant corpora, applicuit, ibique Episcopus & Comes de Marfi sibi occurrerunt, & obfides de illa Provincia Imperatori adduxerunt, quos advenientes Imperator cum Misericordia recepit, omnia enim ad Votum, potita de Hoste Reipublicæ Victoria, successerant: Sedentibus autem illis & de multis Rebus Sermones texentibus interrogavit Imperator Episcopum, si aliqua Sanctorum Corpora in sua requiescerent Ecclesia: Respondit Episcopus quare interrogatis Domine? Respondit Imperator quia desiderium habeo alicujus Sancti Corpus obtentum mecum transferre; Respondit Episcopus Multos Sanctos in Episcopio nostro scimus, sed de quo desiderium habeatis ignoramus, si placuerit Dignitati vestræ veniat aliquis mecum ex vestris Fidelibus, & si invenierit quod Majestas vestra desiderat, cum gratia DEI accipiat, statimque Imperator misit Dodonem presbyterum Capellanum Regium cum Episcopo.

Dodo Venerabilis presbiter illic diligenter perscrutatis Sanctorum Reliquiis invenit Sanctam Felicitatem Martyrem cum suis Septem Filiis jacentem, qua visa agnovit sibi deesse Brachium quod Imperatori antea Romæ fuerat datum, quod quidem Brachium qualiter obtinuerit breviter restat referendum; cum enim Otto Imperator recepta Imperiali Corona per diversos Romanæ urbis Ecclesias causa Devotionis pergeret, secundum temporis Revolutionem aderat Festivitas S. Martiris Clementis, unde & Imperator ad audiendum missarum solempnia ad ipsius Ecclesiam perrexit, ibique Papam obvium sibi habuit; Divinis autem peractis officiis Papa Imperatori Brachium Sanctæ Felicitatis dedit, quod de eadem Ecclesia Adeldagus Venerabilis Hamaborgenfis Episcopus receptum Imperatori usque ad S. Petrum perductum præsentavit: Redeundo autem ad Narrationis nostræ seriem dictus Dodo presbiter agnitis Sanctissimorum Martyrum S. Felicitatis Filiorumque ejus Reliquiis, magno repletus Gaudio eam de Sepulchro una cum Corporibus Sanctorum Alexandri & Felicis Filiorum ejus Levatam Pennam adduxit, has Reliquias cum quam pluribus aliis idem piissimus Otto, Magdeburgh solempniter adduxit atque cum eisdem Ecclesiam Metropolitanam ibidem. V. Kalendas Martii encephalavit.

Transcurfis autem non paucis annorum curriculis Adelgotus Sanctæ Magdeburgensis Ecclesiæ Præsul devotissimus, Divinum ampliare disponens Famularum, Hallense Monasterium ad Novum-Opus vocitatum Fundare cœpit, sed inmatura morte præoccupatus Successori suo Ruodgero consimilis devotionis fervore accenso idipsum perficiendum reliquit; eo igitur tempore anno videlicet Dominicæ Incarnationis MCXXXIII. Indiæ. II. Decimo Sexto Kalend. Januarii translata sunt Ossa S. Alexandri Martyris Filii S. Felicitatis, & Brachium S. Sergii Martyris cum multis aliis Reliquiis per dictum Ruodgerum antistitem ad dictum Hallense Monasterium, reconditæque sunt hujusmodi

Reliquæ B. Alexandri pariter cum Costa Matris ejus Sanctæ videlicet Felicitatis in Sarco-
phago arte incluseria mirifice fabricato, quod in Ecclesiæ Novi-Operis inpræsentiarum
cernitur.

Acta sunt hæc Anno Incarnationis Dominicæ MCXLVI. temporibus Celestini Pa-
pæ II. & Lucii II. qui Ecclesiæ Romanæ præsulatum Diebus & Mensibus paucis governa-
verant, quibus successit Eugenius III. discipulus S. Bernardi Abbatis Clarevallensis, qui
una cum Apostolicis Celestino & Lucio, Ecclesiæ Novi-Operis Larga Spiritualium do-
norum Munia Largitus est, Regnante Victoriosissimo Romanorum Rege Conrado, au-
rigante Currum Magdeburgensis Ecclesiæ Friderico Archi-Episcopo, cujus Tempore Of-
ficia Majora exceptis minoribus beatissimi Alexandri recondita sunt, Caput integrum Duo-
bus Dentibus adhærentibus excepto mento, pectus, Brachia, Scapulæ, Spina dorsi,
adhærentibus Costis, Femora, Crura, quæ in præsentiarum venerantur in Monasterio
Novi-Operis, Fidei Populi Christiani Frequentia ad Laudem gloriam & Honorem
Sanctæ & Individuæ Trinitatis, Amen.



XI.

JOANNIS TYLICH MONASTERII S.
MAURITII ORD. CAN. REG. EXTRA MUROS
NUEMBURGENSES, PRÆPOSITI.
CHRONICON MISSNENSE.

Temporibus Caroli M. in cuius persona Imperium translatum fuit ad Theutonicos Anno Domini DCCLXXXV. fuit in Saxonia Magnus Dux Witkint qui per XXX. annos pugnavit cum dicto Imperatore, antequam Fidem Christianam recipere vellet, tandem Divina Inspiratus Gratia Fidem suscepit, & apud Attindorp Baptizatus fuit ut habetur in Chronicis: hic itaque Witkint tres habuit Filios Theodoricum, Witkint & Livnunt, ex his Theodoricus scribitur fuisse egregie Nobilitatis & probitatis Vir, hic genuit Duos Filios Dedonem & Fridericum, & Filiam Mechtildam Nomine quæ nupsit postmodum Heinricho primo Regi qui genuit ex ea Ottonem M. Imperatorem, qui fuit Fundator Magdeburgensis, Merseburgensis, Misnensis & Lutzenis Ecclesiarum, quarum Fundationum confirmationem in antiqua littera in Monasterio S. Petri in Burgo Mersburgensi recolere vidisse & legisse, sed ex post in Concilio Generali Lateranensi ubi dictus Otto Imperator una cum Filio suo Ottone II. intererat, Privilegium Exemptionis Ecclesiæ Misnensis obtinuit, cujus transumptum sub Sigillis Lizenis & Mersburgensis Episcoporum vidi in Ecclesia Misnensi, hodie vero tempore Bonifacii IX. Papæ Dominus Wilhelmus Marchio Misnensis dictam Exemptionem per Bullam dicti Domini Bonifacii Innovavit, quod similiter vidi & perlegi, & sic Marchia Misnensis, temporibus Ottonis primi & secundi apud eodem residebat, sicque istud Nobilissimum Ortonicum stemma & Genealogia Principum Misnensium sumpsit Originem ex parte Matris Ottonis Mechtildis, Dedit siquidem Filium Theodoricum de Wittin (quod nomen est Castri à Patre suo Witkindo super Fluvium Salam constructi) Frater Mechtildis Imperatricis & avunculus Ottonis Imperatoris, mortuo Gerone Merseburgensi Comite, mediante Gislero Magdeburgensi Archi-Episcopo, Comitatum ejus qui inter Wipperam & Salam & Willebecke Fluvios situs est, acquisivit, duxitque postea uxorem Thebergam, Filium Theodoricum Marchionis de Brandinburg, genuitque ex ea Filium Theodoricum Nomine Theodoricus jam tertius, Theodoricus II. Filius Dedonis Filii Theodorici I. Filius accepit uxorem Filiam Ekkehardi Marchionis de Thuringia (qui fundavit Castrum Ek-kartsperg) Mechtildam Nomine, sororem Hermanni & Ekkehardi & Guntheri natam

ex Suvenhilda matre Geronis Marchionis de Lusatia, pro quo sciendum, quod temporibus primi Ottonis Imperatoris fuit Marchio in Lusatia Nomine Christanus, qui habuit uxorem Hiddam Nomine, genuitque ex ea Geronem Coloniensem Archi-Episcopum & Ditmarum Marchionem, hi Fratres cum Matre Hidda Abbatiam prope Salam, vocatam Monchenyemberg Fundaverunt. Ditmarus Marchio Luzacensis duxit uxorem Filiam Hermannii Ducis de Luneborg Suuanahildam, ex qua genuit Filium Ditmarum, qui ulterius genuit Odonem, qui sine Liberis mortuus fuit & in eo posteritatis propagatio cessavit: post mortem vero Dithmari primi Marchionis Lusatiae ejus Relictam, Suuanahildam accepit Eckehardus Marchio Turingiae, qui fundavit Nuemburgensem Episcopatum & Monasterium S. Georgii ibidem, ubi ejus Sepultura cum uxore Machtilda hodie in medio Ecclesiae cernitur, & eorum statuales imagines cum eorum armis.

Intercepta paulisper Linea directa descendantium, de Friderico Fratre Dedonis Filii Theodorigi primi collateralis Linea prosequamur: Fridericus Comes & Frater Dedonis Marchionis Yleborg Castrum & Civitatem obtinuit ut in Chronica Sereni-Montis habetur: Idem Fridericus Filios Masculos haeredes non habens, sed Filias tantum, ideo moriturus dicto Theodorico Marchioni patruo suo Castrum Hilleberg assignavit, ita quod praedictum omne quod remanserat Filiabus suis traderet, hic moritur in Sancta nocte Epiphaniae in dicto Castro suo Yleborg, cujus Castrum cum omnibus Bonis quae habuit in pago Susselitz praedictus Comes Theodoricus Beneficio Imperatoris obtinuit.

Nunc ad directam Lineam revertendo, Theodericus Marchio in Wittin & in Yleborg praedictus, ex Mechilde Filia Eckkehardi Marchionis de Ekkirsberg genuit sex Filios, & unam Filiam: primogenitum Fridericum, Dedonem, Thymonem, Geronem, Conradum, Riddagum, Filiam vero Hyddam; Fridericus primogenitus, fuit Major Praepositus Ecclesiae Magdeburgensis, postea Monasteriensis Episcopus. Secundus scilicet Dedo obtinuit Marchiam Odonis de Lusatia, qui sine haeredibus mortuus fuit, ut supra dictum est: hic Dedo duxit uxorem Matrem Ottonis Marchionis, tunc de Orlamunde & de Wymar, Nomine Odam, genuitque ex ea Filium Dedonem juniorem, qui in pueritia per posteriora confossus interiit; genuit & Duas Filias quarum una Adelheidis nupsit Eruesto Marchioni de Bavaria, genuitque ei Luppoldum Marchionem: altera Filia Agnes nupsit Friderico Comiti Palatino de Goslik & de Summirsinborg, peperitque ei tres Filios Adalbertum Archi-Episcopum Bremensem, Dedonem, & Fridericum, Comites Palatinos & Fundatores Gozozensis Monasterii prope Salam, quod fundatum & dedicatum fuit Anno MLIII. Dedone Marchione; Thymone & Gerone Fratribus ipsius, Comitibus de Brene & de Wytrin de quo plene constat in Fundatione Gozozensis Monasterii: Item praefatus Fridericus genuit Filiam Nomine Odam, quae nupsit Adelberto quondam Nobili de Summirscheborg, genuitque ex ea Fridericum Comitem Palatinum Juniores, defuncto vero Ottone Marchione de Orlamunde & Matre ipsius Oda, praefatus Dedo Marchio Lusatiae, viduam Ottonis privingi sui accepit secundam uxorem, & sic nota Casum quo quis successive potest habere de jure in Matrimonium illius uxorem, cujus prius habuit Matrem, vel forem; hic Dedo Marchio prius habuit Odam Matrem Ottonis, postrecepit Adelheidem ipsius Viduam; haec Adelheidis fuit nata de Brabantia ex Castello quod dicitur Lovenne, genuitque Dedo ex ea alios Filios, Dedonem, Henricum Marchionem de Hilleborg Seniores, & Conradum Comitem qui a Paganis occisus est: iste Henricus de Hilleborg Duxit uxorem Gertrudem quae erat de Brunswick genuitque ex ea Henricum Marchionem de Yleborg Juniores qui Conradum Comitem de Wytrin Captivavit ut infra dicitur; hic Henricus mortuus fuit sine haeredibus, cujus Marchiam Conradus Comes ex Dono Lotharii Imperatoris obtinuit.

Tertius Filius Tyimo, qui remansit in Castro Wittin Duxit uxorem Ydam Filiam Ducis de Northeim, genuitque ex ea Duos Filios Dedonem & Conradum: hic Tyimo Marchio cum uxore sua Ecclesiam Nemetensem in vulgari Nemick fundavit, & sita est prope Oppidum Bittirfelt, quam Nomine & dignitate Abbatiae suis privilegiis confirmavit, & primus Abbas inibi Reynhardus dicebatur: sed ex post, Filius suus Conradus eam S. Petro Sereni-Montis Monasterio auctoritate Conradi Magdeburgensis Archi-Episcopi Anno MCXXXVI. incorporari

76 Jo. Tylich Monast. S. Mauritii Ord. Can. Reg. extra Muros

procuravit, quam hodie quoadjus Patronatus tantum tenent & possident Fratres dicti Montis: Vidi ego in Fundatione Gozzenensis Cœnobii vulgo Gozlick prope Wislinsels, in privilegio Fundationis, quod prædictus Tymo Marchio cum Fratre suo Gerone affuit consecrationi Ecclesiæ seu Monasterii Anno MLIII. genuit præterea Tymo Filiam Nominis Mechtildem quam Gero Comes de Bawaria accepit uxorem, qui genuit ex ea Wickmannum Archi-Episcopum Magdeburgensem & Cunradum; Gerone defuncto accepit eam Luthwicus, alius Comes de Bawaria Pater Luthwici Abbatis Merseburgensis, ut in Chronica Sereni-Montis habetur.

Quartus Filius Gero Comes de Brene Duxit Bertam relictam cujusdam Popponis de Wipperæ, genuitque ex ea tres Filios Theodoricum Comitem, Wilhelmum Comitem de Kamberg qui fuit unus Fundatorum Numburgensis Ecclesiæ, & Guntherum Lipzenensem Episcopum, & Duas Filias Willam Gerbstadensem Abbatissam & Thebergam Præpositam de Geronrode: hujus prædicti Popponis Frater, fuit Cono Senior de Wipperæ.

Quintus Filius Conradus Comes Duxit uxorem sororem Theoderici Senioris de Kaitlenborch, quæ Othildis dicebatur, peperitque ei Filiam Nominis Bertradam, quam accepit Berengerus Comes Frater Ludovici Comitis de Turingia, genuitque ei Filium Conradum & Filias quatuor, quarum una Kunigundis accepit Cunonem de Wipperæ, quæ genuit Ludovicum.

Sextus Filius Riddagus mortuus est sine Liberis & Hidda soror ipsorum Nupsit Duci Bohemico & genuit Guntherum Patriarcham Aquilegensensem. Ex his omnibus Generationem Tymonis Latius prosequimur, quia ipse est stirpes Principum.

Dedo Filius Tymonis, accepit uxorem Filiam Wiperti de Marchionis Groitz Fundatoris Pigaviensis Monasterii Nominis Bertam, genuitque ex ea Filiam Mechtildem quæ Nupsit Comiti Rabbodoni Babinbergenfi Advocato; idem Dedo Ecclesiam Beati Petri in Sereno-Monte incepit sed non perfecit, nam Orta fuit dissensio inter eum & uxorem suam Bertam, ita quod eam aliquot annis repudiavit, tandem Monitis Episcoporum Magdeburgensis, Mersburgensis & aliorum sibi eandem reconciliavit, & ex post Crucem Dominicam assumens cum potentia sua ad Terram Sanctam se recepit, Fratri suo inceptum Opus Sereni-Montis Monasterii committens; demum de Terra Domini Sepulchri rediens, in brevi sine Heredibus masculis mortuus fuit, portavitque secum partem satis notabilem de Ligno Domini, quæ usque hodie ibidem in Sereno-Monte cernitur. Berta uxor sua Præposituram in honore B. Mariæ Virginis fundavit & satis habunde dotavit, quam Ecclesiæ Pegaviensi à Patre suo Wiperto fundatæ incorporari procuravit; fuerat Wipertus vir strenuus & Bellicosus, qui multa prælia habuit cum vicinis suis de Castro Wislin, prout in vita sua pulchro stilo conscripta in dicto Monasterio Pegaviensi reperies; habuit hic Filiam Ducis Bohemiæ in uxorem ex qua genuit Henricum Filium, qui dono Imperatoris ex post Lusatiæ obtinuit, quo mortuo sine liberis, cessavit cum eo generatio Wiperti Fundatoris Pigaviensis.

Cunradus alter Filius Tymonis de Wytin, mortuo Fratre suo Dedone sine Heredibus masculis ipse inchoatum Monasterium Sereni-Montis perfecit Anno MCXXXIII. Indict. II. præsidente summo Pontifice Calixto II. Pontificatus ejus Anno VI. Imperante Heinrico hujus Nominis V. Imperii ejus Anno XIII. Anno ab Ordinatione primi Archi-Episcopi Magdeburgensis Alberti CLVI. à Fundatione Hallensis Ecclesiæ Novi-Operis Anno IX. hic Cunradus Fraternali Devotionis Fidelis imitator, de prædiis dedit Ecclesiæ Sereni-Montis CXX. mansos, Item dedit Ecclesiam in Lobechune cum XXVI. mansis & alia multa prout in privilegiis & in Chronica dicti Monasterii clare habetur.

ANNO MCXXVI. Idem Conradus interventu Reginæ Richenzæ cujus erat cognatus, Marchiam Missnensem dono & Beneficio Regis Lortharii obtinuit, & sic totam proprietatem Henrici Marchionis defuncti qui eum captivaverat possedit.

Nuemburgenses, Præpositi. Chronicon Missnense. 77

ANNO MCXXXVI. Lotharius Imperator magnam convocationem Principum apud Moguntiam fecit ad quam Henricus Filius Wiperti de Groetz & Marchio de Lusatia venisset, ibidem mortuus fuit sine Hæredibus, & sic Marchia Lusatia ad Imperatorem exstitit devoluta; redeunte sub id tempus Cunrado Marchione Missnia de Terra Sancta, dono iterum ejusdem Imperatoris Marchiam Lusatia & Comitatum Groitzensem obtinuit; hinc per maximè ditatus & magnificatus, non solum Bonis exterioribus, sed & Filiis & Filiabus à DEO fecundatus est, nam uxor ipsius Nobilissima Luckardis Filia Alberti de Suevia peperit ei sex Filios. I. Henricum qui in pueritia mortuus est II. Ottonem Marchionem Missnensem. III. Theodoricum Marchionem Orientalis Lusatia. IV. Dedonem Comitem de Rochelitz. V. Henricum Comitem de Wittin. VI. Fridericum Comitem de Brene; & VI. Filias quarum tres in Gerbstede Monachas fecit, harum prima vocabatur Oda; altera Bertha, quæ fuerunt Abbatissæ in Gerspstede; tertia Agnes Abbatissa in Qudlingburg; quarta Gertrudis, nupsit Palatino Reni, quæ Viro defuncto, Christum fecit Hæredem nam in Honore Beati Theodori Martiris construxit in Babinberg Monasterium Sandimonialium quibus se socians, in Sancta Conversatione vitam finivit; Quinta Filia Adela nupsit Suenoni Regi Danorum, quo à Danis occiso, nupsit Alberto Marchioni Brandenburgensi; Sexta Filia Sophia, nupsit Gevehardo Comiti de Bavaria Filio Sororis Lotharii Imperatoris.

ANNO MCXLVI. cum Cunradus Marchio Missnensis & Lusatia in transmarinis partibus secundario militaret, contigit Nobilem Luckardim uxorem suam venire ad Montem Serenum S. Petri, ibique se flebetomari fecit, sequenti seu altera die petitionem aliquam Præposito Meynardo porrexit de qua illam noluit exaudire, pro qua re indignata, ad Monasterium Gerspstede ad Filias suas se recepit, ibique ex motu animi, ut fertur, defuncta est XIII. Kal. Julii. Filia vero ipsius Abbatissa ibidem existens, de consilio Hoggeri Comitis de Mansfelt qui tunc aderat, in Gerspstede Sepulta fuit. Cunradus Marchio de Marinis partibus rediens cum in partes Bawaria venisset, Nuntium de Morte uxoris accepit, statimque ubi sepulta esset sollicitè requisivit, quo cognito, simulque de eo qui Consilium dederat comperto, graviter ferens, cum Juramento asseruit, se cum Comitem Hoggerum Compulsurum ut Corpus uxoris defunctæ suis manibus effoderet, quod & ita factum est, nam Hoggerus intelligens se non aliter nisi reddito Corpore Marchionissæ gratiam apud Conradum Impetraturum, nocte quadam dimidio jam anno à Sepultura transacto, Gerspstede cum suis clam venit, persuasusque pecunia Custodibus, Marchionissam effodiens tulit, & Wittin Castro ubi ex condito Marchionis ejus expectabat adventum, adduxit, sicque sub ipsa nocte, prosequente Marchione in Sereno-Monte S. Petri advecta est ibique Sequenti die honorifice Sepulta.

ANNO MCL. Cunradus Marchio, Abbatiam Nymitensem quam parentes ipsius fundaverant, videns propter tenuitatem Reddituum non posse subsistere, eam auctoritate Apostolica Eugenii Papæ Monasterio Sereni-Montis studuit incorporare, cujus rei Privilegium sequitur & est tale.

„EUGENIUS Episcopus Servus Servorum DEI dilecto Filio Nobili Viro CUNRADO „Marchioni Salutem & Apostolicam Benedictionem. Litteras Nobilitatis tuæ benigne „recepimus & Devotionem tuam quam erga B. Petrum & Ecclesiam DEI te habere per- „pendimus, in Domino Collaudamus: Nos ergo tuum laudabile votum de Ecclesiis „pro quibus rogasti adimplere volentes, petitioni tuæ Duximus annuendum, unde Ve- „nerabili Fratri nostro Archi-Episcopo Magdeburgensi per scripta nostra mandavimus, „ut secundum quod à Nobis postulasti, studeat hoc effectui mancipari: præterea Dile- „ctum Filium nostrum Præpositum Missnensem & Canonicos suos habeas propensius „commendatos, ut eos à pravorum Hominum in cursibus defendas atque in suis opor- „tunitatibus juves & manu teneas. Datum TUSCULANI V. Non Martii.

Hæc interferere Lubuit, ut defensione Missnensis Ecclesiæ doceatur ad Marchiones pertinere ex auctoritate Apostolica.

78 Jo. Tylich Monast. S. Mauritii Ord. Can. Reg. Extra Muros

ANNO MCLII. Cunradus Imperator Obiit, cui suecessit Fridericus Dux Sueviæ, qui Fridericus Anno ex post tertio, ab uxore sua propter notam adulterii autoritate Papæ, à Thoro cum ea divortatus est.

ANNO MCLVI. Cunradus Marchio, Gratia Divina se præveniente, incertitudinem vitæ suæ considerans, timensque ne si Labenti Mundo diutius inhærere voluisset, ipse quoque simul ad Lapsum tenderet, ipsum Mundum relinquere & Monasterium petere stabili secum proposito definivit; volens autem Ecclesiæ Sereni-Montis, ad quam anhelabat, etiam in futurum prospicere; Wicmanno Archi-Episcopo Filio sororis suæ Machtildis, ac Alberto Marchione Brandeburgensi Genero suo, Filiis etiam suis omnibus, multisque aliis tam Ecclesiasticis quam Sæcularibus Viris accersitis ad Locum venit, ut in eorum præsentia quod intenderat consummaret, itaque possessiones suas quas-cumque vel ipse, vel uxor ejus Loco contulerant per manus Filiorum suorum offerri fecit, deinde Seniores ipsorum Advocatum Loci Ordinavit, & quod omnes secum sepulturam habere deberent; his ita ordinatis per manus Archi-Episcopi vestitus voluntariam paupertatem pro amore Christi amplexus est. Hæc acta sunt in die B. Andreae Apostoli, quo Nemus seu silvam in Orientali parte Monasterii sitam, de manu sua oblationem B. Petro obtulit: vixit autem post Conversionem suam solum Mensibus Duobus & Diebus quinque, mortuusque est Nonas Februarii Anno vitæ suæ LX. Sepultusque est à Wicmanno Archi-Episcopo Magdeburgensi in medio Ecclesiæ ubi in Crypta ejus uxor est.

Otto Marchio Mißnensis Filius Cunradi accepit uxorem Hedewigem Filiam Alberti Marchionis Saxonie; hic Otto tanquam Senior Advocatiam Monasterii in Sereno-Monte obtinuit atque fidelissime administravit, qui tandem divina inspiratione compunctus cum ei Cisterciensis Ordinis Institutio innotuisset, ratus est Congregationem in suo Dominio Mißnensi dicti Ordinis instituere, sic Monasterium Portense Nuenburgensis diocesis adiit, ibique Fratres illius Ordinis Impetravit atque in Monasterio Cellensi, quod propriis Redditibus solemniter fundavit, Instituit; hic siquidem Marchio inter Cæteras Villas & Loca, quæ dicto Cænobio contulerat, dedit & Locum ubi nunc Friberg Civitas & Fodina argenti sita est. Sicque permaxime ditatus Civitatem Friberg, Lipsitz & Ysenberg muris firmis circumdedit, Castrum etiam Wissinfels cum omni Jurisdictione acquisivit, multa prædia Ecclesiis & Monasteriis donavit; Volens insuper Monasterium fundare Canonorum Regularum, una cum Fratre suo Dedone Comite de Rochelitz, ad hoc Opus Ecclesiam B. Virginis circa Littus Fluvii Mildavi prope Lessenitz quæ Ecclesia Owa-Claustri hodie nuncupatur, obtinuit, & consentiente, Loci Diocesano Nuenburgensi Episcopo LX. Novalia cum pratis & silvis dictæ Ecclesiæ donavit, atque ab Imperatore Friderico confirmari obtinuit, prout hæc clare patent in Imperiali suo Privilegio cum Sigillo Majestatis, quod habetur in Monasterio nostro S. Mauritii prope Nuemburg, ad quam Ecclesiam hodie dicta Præpositura Owa-Claustri dinoscitur pertinere, quod quidem Privilegium sæpius vidi, & eorum Principibus modernis produxi, eisdem copiam translatam in vulgari tradendo.

Genuit autem Otto ex Coniuge sua Hedwige Duos Filios Albertum & Theodoricum & Duas Filias Adelam & Sophiam, Sophia nupsit Duci Bohemico Olrico, quo mortuo nupsit Burggravio de Reynsborg; Adelam Duxit Odocarus, qui postea fuit Dux Boëmiæ, qui genuit ex ea Filium Udilaum & Filias tres, quarum una nupsit Regi Daciæ, alia Heinrico Comiti de Ortnberg, tertia canonizata est in Gerinrode; Adela ex post cum Odocaro divortata est propter notam consanguinitatis & de ista causa loquitur Decretalis secundo de Testibus.

ANNO MCLXXXII. Magna discordia inter Lodewicum Comitem Turingiæ, & Ottonem Marchionem Mißnensem, ita quod præfatus Lodowicus Ottonem Marchionem Captivavit, sed quia hoc non mediante justo Bello, ideo præcepto Friderici Imperatoris relaxatus est: tandem seminator Discordiarum Diabolus Bellum Intestinum inter ipsum Ottonem Marchionem, & Albertum Filium suum seminavit, ita quod Filius præcepti decalogi immemor, manum suam violenter in patrem extendit ipsumque Captivavit Anno MCLXXXVIII. causam autem hujus Captivationis in Cronica

Neumburgenses, Præpositi. Chronicon Missnense. 79

nica Sereni Montis fusè habetur, & licet jussu Imperatoris mox relaxatus fuerit, pater Filii Nefas usque ad mortem gravissime tulit, obiit autem Anno sequenti XII. Kal. Martii, Sepultusque jacet in Cella veteri cujus exstiterat Fundator, contra Fidem Patri suo Cunrado Marchioni Datam, videlicet ut in Ecclesia Sereni-Montis omnes ei conspeliarentur, sed ne calumpniandi de Fide Patri præstita aliqui habeant Materiam, dico quo Voti fractor non est qui illud in melius commutat, sic præfatus Inclitus Princeps Marchio Locum magis Religiosum & solemnius paterno Monasterio eligendo, promissum non Violavit.

Mortuo itaque Ottone, Albertus Filius Marchiam Missnensem obtinuit & mox Fratrem suum Theodoricum Comitem de Wissnfeld prosequi cœpit, eumque omnibus suis Bonis privare, si potuisset; voluit: Theodoricus tali Fratris violentia dudum quasi triennio & amplius pressus, pro auxilio petendo ad Hermannum Turingiæ Landgravium se contulit, quem ille aliquandiu suspendit dicens, ut Marchioni Bellum inferret Occasionem idoneam non habere; habebat autem Filiam jam nubilem, Comite vero petitionem sæpius iterante, Lantgravius de Consilio suorum respondit, si Gener ejus fieri veller, se ei omnibus modis succursurum, quod ille quidem primo, quia puella oculis ejus propter sui deformitatem displicebat, renuit, sed tandem Necessitate coactus consentit Conjugio, quo facto, ex hinc Auxilio Lantgraviæ cœpit Fratri Superior apparere, eumque in Loco qui Reveninge dicitur improvisò aggressus, ad Fugam cœgit.

Marchio vix cum tribus vel quatuor focis fugiens ad Montem Serenum S. Petri pervenit, quorum Equi horrendis vulneribus debilitati cum essent, Waltherus tunc Præpositus ibidem alios Equos eis procurans, ipsum Marchionem Cappa Claustrali pro dissimilitudine personæ indutum, aliquanto viæ Spatio Lupzich tendentem Comitatus est: Verum licet Marchio Albertus his adversis nihil à sua Magnanimitate alteratus bellandi firmum haberet propositum, ab Imperatore monitus desistere coactus est: Anno itaque MCXCV. Albertus Marchio Veneno, ut fertur, à quodam familiarium suorum Hugoldo Nomine, sumpto, in Friberg ægrotari cœpit, unde Missnam festinans cum nec Equo nec Curru propter morbi Vehementiam Vehi posset, à Viris in gestamine ad hoc ipsum composito portabatur, verum emenso unius milliari Spatio ingravescente molestia, etiam gestari non susterens in villa quadam Heinrichstorf depositus, ibi defunctus est VIII. Kal. Julii, ut in Chronica Sereni-Montis hæc omnia clare habentur, Sepultusque est in Cella juxta patrem suum; uxor vero ejus Sophia Filia Ducis Bohemiæ, Fratrís Odocari, ex post infra XXX. dies eodem Veneno extincta fuit: hic Albertus nullum reliquit Filium, sed Filiam quam Hermannus de Lodeborg habuit in uxorem, sic Albertus digno DEI Judicio punitus & Hærede justè destitutus, juxta sententiam Veritatis; honora Patrem & Matrem ut sis longævus super Terram; & sic posteritas ejus cessavit; & hæc de Ottone & Alberto ejus Filio sufficiant: nunc de Fratribus Ottonis tanquam collateralibus est videndum.

Theodoricus Marchio¹ Lusatiæ Orientalis Filius Cunradi Marchionis, & Frater Ottonis de quibus supra, ædificavit Castrum Landisberg, Civitatem Schildow, Fundavit Monasterium Cistericensis Ordinis solemne & Dives in Dobirlug, & Parochiam in Yleborg cum Capella Castri Monasterio S. Petri donavit; hic Theodoricus uxorem habuit Dobergenam Nomine, quæ & Lukardis vocabatur, Poloniæ Ducis sororem, cum quæ genuit Filium Cunradum Nomine, & Filiam Nomine Gertrudem, quam in Gerspède Monacham fecit: verum Filius ejus Cunradus Anno MCLXXVI. ad Torneamentum in Austriam equitavit, ubi ictu Lanceæ perfoctus interiit XV. Kal. Decembris.

Tantum ergo idem Ludus pestifer in partibus nostris tunc inoleverat ut intra unum Annum XVI. milites referantur periisse, pro qua re Wicmannus Archi-Episcopus cum suffraganeis suis, omnes ejus frequentatores excommunicationis Vinculo innodavit, comperta autem præfati Comitis morte, missis nuntiis in Austriam, cum Sepultura Ecclesiastica fecit prohiberi; tempore quo procedente, cum idem Archi-Episcopus Wicmannus convocatis suffraganeis suis cum magna Cleri frequentia in Ecclesia Hal-

lenſi Conventum haberet, Pater Occiſi ſcilicet Theodoricus Marchio & Fratres ejus omnes videlicet Otto Miſnienſis Marchio, Dedo Comes de Rochlitz, Henricus Comes de Wittin, Fridericus Comes de Brene cum multis Nobilibus Viris & Miniſterialibus advenientes, pedibus Archi-Epiſcopi actotius Cleri cum Lacrymis provolvuntur poſtulant, ut occiſo concederent Fidelium Sepulturam aſſerentes conſtanter cum ante ſuum Finem, pœnitentem & abſolutum Communionem Dominici Corporis meruiſſe cum enim Comes idem moriturus, vulnere debilitatus jaceret, contigit Sacerdotem quendam Religioſum tranſire, qui petentibus amicis ad vulnerratum accedens magna ab ipſo Inſtantia rogatus eſt, ut à vinculo excommunicationis ipſum abſolveret, promittens fideliter ſi Divina miſericordia vitæ Spatium largiretur, nunquam ſe de cœtero tali cauſa excommunicationem incurſurum ſuper hoc autem ad militandum DEO, Cruce ſignari Devotè petivit, ut ejus contritio manifeſtius appareret; Sacerdos vero hæc omnia in ipſo complevit, & quia tunc in Conventu præſens erat, Juramento hæc confirmare rogatus eſt, ut nulla dubietas remaneret, ipſi præterea Principes prædicti, exigente hoc ab eis Archi-Epiſcopo, in reliquis juraverunt à Torneamentis perpetuò abſtinere, nec uſquam in omni ditione ſua, hujusmodi Exercitium permittere, Hominesque ſuos & Miniſteriales ab eo modis omnibus cohibere: ac ſic Demum Archi-Epiſcopus mortuo Comiti Sepulturam conceſſit, ſalva tamen Apoſtolica confirmatione; unde factum eſt ut tamdiu Sepultura careret, donec unus militum Familiaris ejus, Wernerus Nomine, conſenſum de hoc ſummi pontificis reportaret, quietiam transmarinam peregrinationem pro ipſo poſtremo peragens, Fidelem ſe tam manifeſtis Indiciis declarabat; Sepultus autem fuit Comes in Sereno-Monte XV. Kal. Februarii ante Introitum Eccleſiæ Majoris occidentalem, juxta quem etiam poſtea prædictus Wernerus miles ſuus requieſcit, obrulit præterea Theodoricus Marchio pro anima Filii ſui X. manſos in villa Margreffendorf, ac dein ſeparatus fuit cum uxore ſua Dobergena, qua adhuc vivente aliam quaſi Superinduxiſſe fertur uxorem, ſcilicet Cunigundin Nomine, Relictam Berhardi Comitis de Ploſicke ex qua genuit Theodoricum Merſeburgenſem Epiſcopum.

ANNO DOMINI MCLXXXIII. in Feſto Pentecoſtes Imperator Fridericus Filium ſuum Henricum Regem fecit; affuit inter multos Principes Theodoricus Marchio noſter, qui ibidem Moguntia in ægritudinem incidit, qualongo tempore detentus eſt, in vigilia vero Beati Thomæ Apoſtoli de caſtro ſuo Landſperg in Montem Serenum adductus, in Infirmatorio Clauſtri decumbens, ingraveſcente moleſtia V. idus Februarii deſunctus eſt, Ibidemque Sepultus fuit in dextra Friderici Fratris ſui. Comitſ de Brene, poſt patrem eorum ad Occidentem.

Succceſſit Frater ejus Dedo Comes de Rochlitz; is accepit uxorem Mechtildem Filiam Goſſowini Comitſ de Hinisberg, ſororem Philippi Colonienſis Archi-Epiſcopi, ex qua genuit Theodoricum Majoris Eccleſiæ Magdeburgenſis Præpoſitum, Item Philippum Item Gozwinum & Henricum qui ambo in juventute mortui ſunt, Item Cunradum Marchionem qui ſibi ſuccceſſit in Luſatia, genuit præterea Agnetam quæ nupſit Bertoldo Duci de Meran, qui genuit ex ea Filios Ottonem Ducem de Meran & Marchionem de Oſtirrich, & Ekkihardum Babinbergenſem Epiſcopum, & Bertoldum Patriarcham Aquilegienſem Item genuit tres Filias, quarum una nupſit Regi Franciæ Philippo, alia Regi Ungariæ quæ fuit Mater Sanctæ Eliſabeth, tertia Duci Sileſiæ Henrico quæ fuit & eſt Sancta Hedwigis.

Hicſiquidem Dedo patrem ſuum Cunradum imitatus Monasterium Solemne Canonicorum Regularium fundavit, quod hodie poſſident Fratres Ordinis militaris de Domo Teutonica, dedicatumque fuit hoc Monasterium Anno Domini MCLXXXIII. accepit autem primos Canonicos & Fratres de Sereno-Monte, & primus Præpoſitus Theodorus fuit, quando autem iſtud Monasterium devenit ad Cruciferos Tu-tonicos plena de hoc habetur Hiſtoria Longa apud S. Thomam in Lipitzig, quam ibidem perlegi & tamen ut aliquid ſciatur: Fratres Nobiles quidem genere & Sanguine, ſed ignobiles moribus Præpoſitum ſuum uno pede cum Gladio mutilarunt ac ita inordinate vixerunt, quod eiſdem per Advocatos Marchionum Miſnienſium expulſis & excluſis, ipſis Cruciferis magna Dona Donantibus,

Nuemburgenses, Præpositi. Chronicon Missnense. 81

tibus, Locum taliter qualiter obtinuerunt, & ut in Superioribus dictum fuit, quod Dedo Frater Patris sui Conradi Marchionis habuit uxorem Berchtam Filiam Wiperti Comitis & Marchionis de Groitz ex qua non habuit Filium; hinc Dedonem de Rochelitz adoptavit in Filium: Theodoricus autem Filius Dedonis qui Præpositus fuerat Magdeburgensis Ecclesiæ, uxorem Duxit Mechtildem Filiam Ludovici Comitis de Thuringia, genuitque ex ea Filiam agnetem, mortuusque fuit Anno Domini MCCVII. hic Theodoricus Marchio post fuit Comes Palatinus, & Hæreditario Jure fertur ab Imperatore ad hoc promotus, ut in Fundatione Gozozensis Monasterii recolo me legisse, & ex post Marchiones Missnenses Scripserunt sibi istum Titulum, puta, Marchionis Missnensis & Comitis Palatini, ut antea à Castro Groitz vel Summirseborg, sed utrumque hodie est destructum.

Cunradus Marchio Lusatiae Filius Dedonis de Rochlitz Frater Theodorici accepit uxorem Elisabeth, Filiam Ducis Ladislai Poloniæ, viduam Zibislai Ducis Bohemiæ, genuitque ex ea Filium, qui puer obiit, & Filias Duas, Mechtildam quam Duxit Albertus Marchio Brandeburgensis, & Agnetem quam Duxit Henricus Comes Palatinus Rhæni, Frater Ottonis Imperatoris quarti; Conradus hic à Socero suo Ladislao multa Gravamina passus est, obiitque sine Hæredibus Anno Domini MCCX. ejus Marchiam Lusatiae Theodoricus Marchio Missnensis Filius Ottonis Marchionis Fundatoris Cellensis cenobii redemit ab Henrico VI. Imperatore pro XV. millibus marcarum argenti, quarum X. persolvit, V. vero fertur eidem remisisse, & sic tertio, Marchia Lusatiae ad Principes Missnenses pervenit: primo ad Cunradum Sereni-Montis fundatorem, ex dono Lotharii Imp.; secundo ad Dedonem à Frederico Imp. pro IIII. millibus marcarum, & nunc ad Theodoricum Marchionem ut dictum est: Mortuus autem fuit Dedo Pater eorum Anno MCXC. & in Monasterio Scillen honorifice Sepultus, & non eum Patre suo ut promiserat: evenit autem Mors ipsius isto modo; Henricus Rex Romanorum ducendæ uxoris causa ad partes Apuliæ profecturus Dedonem hunc Marchionem secum proficisci voluit, qui Itineris illius asperitatem & ætatis qualitatem Corpori suo, quia pinguis valde & crassius erat, contrariam sentiens, Medico adhibito, ventris Incisionem passus, & mortuus est XVII. Kal. Septemb. Anno quo supra, Privilegia autem de Donis & Fundatione Cellensis Cenobii habentur Maldinburg in Monte apud Regulares. Continet Mortuarium Sereni-Montis quod pro Anniversario ejus oblatus sit unus mansus & unus pro uxore ejus Mechtilde cujus anniversarius reponitur ad diem XIII. Kal. Februarii id quod hoc ratione constat.

Theodoricus Marchio Orientalis Lusatiae, Frater Dedonis, quandam possessionem Groitz Nomine super Muldam prope Yleborg Cunigundæ Comitissæ, quam superinduxerat, ut supradictum est, & Theodorico Filio ejus Merseburgensi Episcopo dedit quamdiu viverent possidendam, eo vero mortuo cum inter Ottonem Missnensem, & Dedonem Orientalem Marchiones proprietatis ejus divisio fieret, Jus proprietatis præfatæ possessionis in partem Dedonis cessit, & post eum ad Filios ipsius Cunradum scilicet Orientalem Marchionem Lusatiae, & Theodoricum Comitem Palatinum de Summersehborg transiit: tempore vero procedente Walterus Præpositus Sereni-Montis possessionem memoratam à Theodorico Merseburgensi Episcopo emit, Jus autem proprietatis à Marchione & Comite Fratribus pro LX. marcis comparavit. XXX. marcis singulis ipsorum deputatis quarum tunc uterque X. marcas remisit ut duo mansi possessionis ejusdem pro Patre & Matre ipsorum ascriberentur.

Henricus Comes Senior de Wittin, Quartus Filius Cunradi Marchionis, Frater Ottonis Marchionis Missnensis, Duxit uxorem Sophiam, Filiam cujusdam Nobilis Viri de Austria genuitque ex ea Henricum & Cunradum Comites, qui ambo in juventute mortui sunt: habuit præterea tertium Filium Olricum & Filia Sophia quæ nupsit Burchardo Magdeburgensi Burgravio; mortuus est autem Henricus Comes Anno MCLXXXI. III. Kal. Septemb. Sepultusque in Sereno-Monte apud Patrem suum ad Sinistram; ejus Viduam Sophiam duxit Hermannus tunc Comes Palatinus Saxoniae, postea etiam Comes Provincialis Turingiæ, genuitque ex ea Juttam uxorem Theodorici Marchionis Missnensis & Orientalis Lusatiae, Filii Ottonis Marchionis Missnensis de quo supra dictum fuit in descriptione Ottonis & plenius infra dicetur in descriptione Filii sui Theodori-

rici. Olricus vero Henrici Comitis de Wittin Filius duxit Filiam Bernhardi Ducis Saxoniz Hedwigim nomine ex qua genuit Filium Henricum quem reliquit Hæredem: Obiit Olricus in Castro Wittin Anno MCCVI. ex diffenteria IIII. Kal. Octob. relinquens Henricum Filium suum Hæredem, Sepultusque fuit in Sereno-Monte in sinistra Friderici Comitis de Brene Patruus sui & oblatus sunt pro eo VI. mansi in villa Lerhenitz.

Fridericus, quintus Filius Conradi Marchionis Comes de Brene, Duxit uxorem Hedwigem Filiam Dipoldi cujusdam Nobilis de Bohemia, qui fuit Patruus Odocari Ducis Bohemiz, genuitque ex ea Ottonem & Fridericum Fratrem ejus, & Filiam Sophiam Quedlinburgensem Abbatissam, mortuo siquidem Friderico Seniori de Brene Comite Anno MCLXXXI. pridie Nonas Januarii, Sepultus est in Sereno-Monte apud Patrem suum Cunradum Marchionem versus occidentem: post mortem vero ejus, vidua ejus Hedwigis Claustrum Monialium in Brene una cum Filiis suis Fundavit, ubi in Sancta conversatione vitam finit: Dedicatum fuit Templum Anno MCC. Otto Filius Friderici mortuus est in Juventute Anno MCCIII. & in Brene nova Fundatione Sepultus. Fridericus vero Frater ejus Duxit uxorem Juttam Filiam Friderici Comitis de Ziegenhagen, Fratris Hermannii Comitis Turingiz, ex qua genuit Filiam Hedwigem & Filios Ottonem & Theodoricum, hæc Jutta obiit Anno MCCXXX. Fridericus vero de Brene Junior Anno MCCXXI. in partibus transmarinis in Civitate Akaron; & hæc de Genealogia Cunradi Marchionis pro præfenti sufficiant. Ad Rectam Lineam descendendum Ottonis Marchionis Mißnenfis Principum modernorum Friderici & Wilhelmi nunc descendimus.

Theodoricus Filius Ottonis Marchionis Mißnenfis Comes in Wißnfeld Anno MCXCVI. in transmarinis partibus constitutus, morte Fratris sui Alberti cognita, cum redire disponderet, adeo Imperatoris insidiis arctatus est, ut publicè navem ingredi non auderet, sed à Fidelibus suis Lagena inclusus & Navigio illatus, donec multum maris procederet, occultatus est: Imperator enim Marchiam Mißnensem suis usibus, referre volens, præsertim propter argenti Fodinam in Fridberg tunc valde bonam Fidelibus suis eam commisit procurandam, Verum mortuo Imperatore Friderico apud Panormium Anno MCXCVII. Theodoricus reversus in Patriam adjutorio soceri sui Hermannii Turingiz Lantgravii Marchiam Mißnensem cum omni patrimonio acquisivit, eamque pacifice & quiete per XVIII. Annos tenuit usque dum Anno MCCXV. sibi diversa evenire Gravamina: nam Archi-Episcopus Albertus Magdeburgensis Archi-Episcopus ipsum pro invasione Terrarum Ecclesiz, ut creditur, excommunicavit, quæ res postmodum Sopita & composita fuit.

Habuit Marchio Theodoricus uxorem Juttam Hermannii Turingiz Lantgravii Filiam, ut supra dictum est, genuitque ex ea primo Duos Filios Ottonem & Cunradum, & Filiam Hedwigem, qui in Juventute mortui sunt, ex post autem, Biennio ante Finem vitæ suæ genuit Henricum Illustrissimum Principem de quo plene in sequentibus dicitur.

Cæterum acciderunt huic Theodorico Marchioni multa gravamina & pericula, nam militares quidam cum Lipzensibus conspirantes Anno MCCXV. ipsum interficere disponebant; armatos itaque ad hoc deputarunt, qui Ysenberg venientes in vigilia S. Nicolai intempestæ noctis silentio ad Januam Hospitii pulsantes dicebant quod deberent necessario Marchioni loqui: quædam autem Domicella hæc audiens, ivit ad lectum ipsius requirens si deberent intromitti, ad hæc Marchio inquit, licet nihil mali suspicaretur, tamen mandavit ut in crastinum redirent & sic illa vice eorum Propositum fuit impeditum: verum aliorum complices omnino certi, quod illi non desisterent, qui Facinus conceptum ut promiserant, perpetrarent, Lipitzik mane venientes Marchionem mortuum divulgaverunt, Civitatem Marchionis & Henrico ejus Filio parvulo dixerunt reservandam, & facta est commotio valida, multique additi sunt adeos: Omnes autem Fideles Marchionis turbati sunt ipsum mortuum audientes, sed postquam compertum est eum vivere, illi qui Lipizig se receperant Exercitum quadringentorum armatorum Congregantes Duobus annis Marchionem cum suis vehementer molestant, diversis

diversis autem placitis infra illos Duos Annos habitis, tandem præmissis Juramentis, Fideiussionibus & aliis cautionibus, Marchio ab adversariis suis receptus est, nec aliter, nam Civitatem Ottoni vel Archi-Episcopo Magdeburgensi tradere disponebant, promissa igitur omni indemnitatem Lipizik Marchioni reddita est Anno MCCXVIII. & quia dicti adversarii Civitatem Lipizik absque Civium voluntate & conniventia nequaquam occupare potuissent, Marchio Cives exosos ob hoc habuit, & post paululum Oportunitatem nactus, Fridericum, qui nuper in Regem Romanorum contra Ottonem electus erat, secum in Civitatem Lipizensem cum paucis introduxit, & quia Cives cum multis introducere nolebant, Marchione procurante milites paulatim nunc ad istam nunc ad illam portam intrantes Civitatem paulatim repleverunt & se caute in Hospitiis receperunt, verum quia tempore Guerræ Cives Campanam ad Convocandum se fecerant, Marchio ne per concursum multitudinis intentione sua frustraretur, tintinabulum præfatæ Campanæ clam tolli fecerat & Servari, sicque juxta conditum ac certum Signum cum tubis datum ad jussu Marchionis, quilibet militum Hospitem suum capere & Bona ipsius diripere satagebat: Civitate itaque taliter subacta Marchio fecit destrui, muros in circuitu, & ne Cives alias similia attemptarent tria Castra erexit, unum in fine Horti Fratrum Prædicatorum, aliud juxta Fratres minores, tertium ubi est hodie; milites autem qui autores hujus Guerræ fuerant jussit capi, quorum unus cujus anima maxime querebatur, armatus Dextrarium conscendit & portam clausam cum securi aperiens evasis, cujus Frater captus traditus est in manus Friderici Regis Romanorum qui postea Cruce Signatus mare transiens rebus excessit humanis.

Sic licet aliquantulum se Marchio vindicasset, alii Ministeriales sui, prioribus fortiores se ipsi iterum opposuerunt, trahentes in sui auxilium Archi-Episcopum Magdeburgensem Albertum, qui forti manu Terram Marchionis intrans ædificavit Castrum Tuch prope Leipzic ad unum parvum miliare, cujus Successor Opidum Castro adjacens muro cinxit Anno MCCXXI. Marchio vero usque ad Finem vitæ suæ à malis quæ cum apprehenderant se non potuit explicare, donec tandem æmulis suis procurantibus à quodam Medico suo qui centum Marcas argenti acceperat, veneno sibi præparato interire Anno MCCXXXIII. tunc Domina Jutta ejus Relicta cum Filio suo Henrico Dominum Terræ obtinuit, ac biennio post, consilio quorundam qui sibi favere videbantur, nupsit Popponi Comiti de Hennenberg, quo facto Lantgravius Ludovicus Frater Marchionis, quem Marchio Theodoricus adhuc vivens Filio suo parvulo Tutorem designaverat, cum Exercitu Marchiam Missnensem intravit, sicque Comes Poppo compulsiis est cedere & Marchionissæ cum ipso Exulare, quæ recedens Filium suum parvulum secum duxit: & quia Nubendo Comiti, à dotalitio exclusa videbatur, satis caute licet cum præjudicio Filii egit; nam Filium tradidit in manus Ducis Austriæ accipiens pro Castris & proprietatibus dotalitii XII. millia marcarum, quas Dux idem Filiz suæ Constantiæ assignaverat pro dote, & eam puero Henrico Marchioni desponsavit;

Henricus Marchio Filius Theodorici scribitur Princeps illustris, zelator justitiæ, & Monasteriorum omnium Benefactor, nam Novam-Cellam Cisterciensis Ordinis adinstar Veteris Cellæ propriis sumptibus fundavit. Hic tantam Benevolentiam apud Fridericum Imperatorem habuerat, ut etiam Filiam ipsius Alberto Filio sua Turingiæ Lantgravio in Matrimonium sociaret: genuit autem Henricus ex uxore sua Constantia Philippi Austriæ Ducis Filia, Duos Filios Magnificos Principes scilicet Albertum Turingiæ Lantgravium, & Theodoricum, post mortem vero Constantiæ duxit aliam uxorem Elisabeth, de qua genuit Fridericum Marchionem de Dreseden: Theodorico Filio dederat Marchiam Landisberg & Comitatum Groitz, qui accepit uxorem Helenam Filiam Marchionis Brandenburgensis de qua genuit Fridericum Marchionem Missnensem de Landisberg nomine Tuto, qui mortuus fuit sine liberis & in Wissenfels Sepultus.

Hic Theodoricus dictus Pinguis Marchio de Landisberg & Missnensis, una cum Fratre suo Alberto Turingiæ Lantgravio & Friderico de Dreseden etiam eorum Fratre, graves habuerunt Guerras cum Duce Brunsvicensi & Comite de Anhalt; nam gravi cum potentia & manu forti Intraverunt Terram Missene, quam Imperator Fridericus cum Filia sua Margareta nuper ipsi Alberto Turingiæ Lantgravio donaverat, omnia in eam devastantes,

tes, donec praefati Fratres Exercitum Copiosum congregantes, Inimicos suos sunt insecti, quos fugaverunt & Ducem Brunswicensem & Comitem de Anhalt una cum multis aliis captivaverunt. Fuit & Captivatus vicissim Theodoricus ab illis de Anhalt, sed dolose, & omnino contra honorem: nam Syfridus Comes de Anhalt, & Bernhardus Frater suus cum Exercitu, & Capitulo Magdeburgensi, Ecclesia tunc vacante, circumvalabant quoddam Castrum Reyne, quod tunc videntes se expugnare non posse & adversarios plurimum timentes, Theodoricum Marchionem Filium Henrici Marchionis adhuc Viventis in Auxilium sui evocabant, qui collecto Exercitu eis in Auxilium cum Friderico Patruo suo, Filio Alberti Turingiae Lantgravii, rogatus advenit: quadam nocte dum Marchio in Papilione sua securus cum suis quiesceret, ipsi Saxones Syfridus & Bernhardus de Anhalt ipsum cum Patruo suo Friderico captivarunt contra honorem & justitiam; Marchio ductus in Castrum Werbin, Fridericus vero in Castrum Luppene, e quo dum ruptis vinculis evasisset validum congregavit Exercitum & omnem Regionem illorum de Anhalt exspoliavit & devastavit: tandem etiam Theodoricus se redemit cum omnibus suis, & post redemptionem obsedit Castrum Werbin illudque cepit & funditus destruxit: insequenti Anno Castrum Tuche, quod Archi Episcopus Magdeburgensis construxerat prope Lipezik funditus etiam destruxit, prout hodie ruinæ cernuntur ibidem. Iste Theodoricus Duo fundaverat Monasteria Ordinis S. Clare, unum in Wilsenfeld, aliud in Susselitz, mortuusque est ante Patrem suum Henricum Anno MCCLXXIX. Sepultusque fuit in Susselitz, reliquit autem Theodoricus Duas Filias quas Wilsenfeld Monachas fecerat, & unicum Filium Fridericum Nomine Tuto qui duxit uxorem Helenam Filiam Ducis Bavariae & mortuus est sine Liberis, Sepultus in Wilsenfeld, ut supra dictum est: post hæc Henricus Pater Theodorici Princeps Illustris mortuus fuit & in Cella apud Patres suos Sepultus.

Albertus Turingiae Lantgravius, Filius Henrici Illustris accepit uxorem, ut supra dictum fuit, Margaretam Filiam Friderici II. Imperatoris cum qua habuit Castrum Aldinborg & Terram Plisnensem, de qua etiam genuit tres Filios Fridericum, Tytzmannum, & Henricum Lantgravium; post mortem ergo Friderici Marchionis Missnensis & de Landisberg, jure hæreditario Marchiae Lusatie, Missnensis & de Landisberg cum tota Terra Orientali pervenerunt ad Albertum Lantgravium: contigit autem quod idem Albertus Lantgravius quandam Concubinam adamaret dictam pulchram Cunigundam de Ysenberg, sic quod Legitimam suam uxorem Margaretam Filiam Imperatoris exosam habuit, quæ timens se despici Francofordiam se contulit, & ibidem vitam in Castitate & Religiositate finivit, & sicut Albertus uxorem suam exosam habuit, sic & Filios suos modis omnibus exheredare studuit.

Henricus ejus Filius, Frater Friderici Marchionis dictus fuit Henricus *ane lant* id est sine Terra, accepit uxorem Hedwigem Filiam Erici Ducis Silesiae, & mortuus fuit sine Liberis, in Cella veteri apud Patres suos Sepultus. Tirtzmannus alter Filius Duxit uxorem Juttam Filiam Bertoldi Comitis de Henneberg, obiitque pariter sine Hæredibus & apud Prædicatores in Lipizik fuit Sepultus. Is in Ecclesia S. Thomæ ibidem, in Vigilia Nativitatis Christi fertur innocentem & ex improvise occisus.

Fridericus Marchio Missnensis Turingiae Lantgravius Filius Alberti Nati - Major primo accepit in uxorem Agnetam Filiam Ducis Carinthiae genuitque ex ea Filium Fridericum qui in juventute mortuus fuit: post mortem primæ uxoris Duxit aliam uxorem Elysaßeth Filiam Comitis de Marnson cum qua Terram de Marnlaw & Civitatem Novam cum vicinis terris acquisivit, prout hoc constat ex relatibus plurimorum hoc recordantium, fuit hæc Elysaßeth honesta valde & Devota, ac elegantis staturæ, quam Deus ante Finem vitæ suæ, ut Beatam Elysaßeth olim paupertatis palea probaverat, sic illam cœcitate flagellavit: hic Marchio Fridericus, prout supra dictum est, data tota Terra Missnensi & Orientali pro redemptione suorum militum, adeo pauper factus fuit ut tribus Equis contentus agnatorum Hospitio & Solatio frueretur; Tandem omnipotens Deus Fidelissimum suum Principem contra inimicos suos sublimavit: nam Rex Adolphus de Nassaw Commisit Terram Missnensem & Orientalem Patruo suo & abiit in partes Reni: videns autem Fridericus Marchio quod Rex nihil sibi de hoc suo Patrimonio restitueret, cum tamen plurima sibi promississet, associatis sibi sociis nocte quadam Castrum firmis-

Nuemburgenses, Præpositi. Chronicon Missnense. 85

munus Rochelitz cepit, dein quadam die dum Comes de Nassow, de Dobolin Mossatz equitare cum suis veller, Marchio Fridericus cum Fratre suo Tyzmanno Marchione Lusatiae, positis Latenter insidiis eum cum XX. militaribus captivaverunt, & in Castro Rochelitz detinuerunt; cogentes illum restituere Castrum Lichtenwald, & Civitates Debelin, Giran, & Bornis, quibus rehabitis Comitem nihilominus in vinculis detinuerunt, eventum rei expectantes.

Interea Rex Adolfus de Nassow interfectus est, & in ejus Locum Electus Albertus Dux Austriæ, ad quem Fridericus Marchio accedens, ille sibi omnia restituere promissit, sed tandem promissum non tenuit, & Marchiam Missnensem Patruo suo Beneficio Imperiali concessit: audiens autem in vinculis Comes de Nassow, Adolfum Regem interfectum, clam in partes suas an fugit, quo facto Civitates Lipitzik, Fryberg, & tota Terra Missnensis & Orientalis ad Fridericum Marchionem rediit, quam etiam mox contra Albertum Regem defendit, & sibi vindicavit.

Post hæc mortuo Patre suo Alberto Turingiæ Landgravio in Civitate Erfordienfi, & in Monasterio B. Virginis Sepulto, mortuo similiter Fratre suo Tyzmanno, apud prædicatores in Lipitzik Sepulto, ut supra scriptum est, Fridericus Illustris Princeps omnia solus potenter obtinuit & æmulos suos prosequi cœpit, notanter Erfordienfes quia Pater ipsius Albertus, multa Jura, Jurisdictiones & Telonia contra Filiorum suorum voluntatem ipsis donaverat seu obligaverat, quæ cum Fridericus ab eisdem repeteret, nec obtinere posset, in eos arma movit: quapropter Erfordienfes de pecunia sua confissi Comitum de Orlamunde & Wymar Hermannum, sibi in auxilium conduxerunt, qua de causa Landgravius Castrum suum optimum Orlamundecum aliis obsedit, cepit, & Turingiæ adjunxit usque in hodiernum diem, dein Erfordienfes etiam obsedit & Terras eorum devastando eosdem in tantum compulit, ut omnia & universa, quæ Albertus Pater ipsius injuste in Odium Filiorum eis dederat vel vendiderat, restituerent pro Decem millibus marcarum argenti.

Sopita discordia cum Erfordiensibus cœpit Fridericus pro Marchia Lusatiae cum Waldemaro Marchione Brandenburgensi contendere, & plurima placita desuper habere, sed Waldemarus de potentia sua confusus, & maxime quia post obitum Tyzmanni Lusatiam jam occupaverat, Friderico fortissime restitit, sic quod Guerra exorta est maxima: quadam igitur nocte Særellites Waldemari per murum Civitatis Hain trans albam intrantes clandestinè, Vigiles & Cives Captivarunt, quod ubi Friderico renuntiatum est, statim Equum suum insiliens accurrit cum suis: verum accidit prohi dolor! quod Inclytus Princeps in manus Inimicorum incidit; sicque Captivus ad Waldemarum abductus fuit, tandem ut se redimeret, præter XXX. millia marcarum argenti, coactus fuit renuntiare pro se & suis Hæredibus omni Juri & actioni sibi competenti in Marchia Lusatiae, & in Castris Landisberg Chirspurg & Nuemborg quæ Pater suus dicto Waldemaro obligaverat, præterea Compulsus fuit tradere in pignus patruo Waldemari Castrum Missnense & Civitatem Frybergensem; ac insuper dilectam unicam Filiam suam promittere in Matrimonium Comiti de Anhalt, de quo plus doluit quam de omnibus aliis persolvendis: positus Libertate Patruum Waldemari persequi cœpit, eumque de tota Terra Missnensi potenter effugavit: Tandem Senio & Labore fractus unico Filio suo Friderico ex secunda uxore Elisabetha suscepto, Mechtildam Filiam Ludowici Imperatoris in Matrimonium sociavit, cui Gubernacula & Principatum Turingiæ, Missniæ & Orientalis Regionis cum Terra Plissenfi committens, obdormivit in Domino; in Isenaco apud S. Katharinam, ut dicitur, Sepulto.

Fridericus præcedentis Friderici Filius Turingiæ Landgravius, ex Mechtilde conjugis genuit quinque Filios quorum primus mortuus fuit in pueritia, secundus Filius Fridericus, Pater Principum nostrum Friderici & Wilhelmi, natus fuit Anno Domini CCCCXXXII. in die Burchardi Confessoris; Tertius Balthasar natus fuit Anno Domini CCCCXXXVI. in die Thomæ Apostoli; Quartus Filius Ludovicus, Natus Anno CCCCXL in Craustino Mathiæ Apostoli; Quintus Wilhelmus, Natus fuit Anno CCCCXLIII. in Vigilia S. Thomæ Apostoli: præterea Duas habuit Filias, una

86 Jo. Tylich Monast. S. Mauritii Ord. Can. Reg. Extra Muros

fuit Abbatisſa in Suſſelitz, altera nupſit inclyto Principi Burggravio Norimbergenſi de qua genuit Burggravios hodiernos.

Hic Fridericus Inclytus Princeps, alienata per Albertum Turingiæ Lantgravium Avum ſuum, quæ Pater ejus nondum recuperaverat, ſtrenue cœpit revendicare, atque pacis Zelator prudentiſſimus, potentia ſua omnibus vicinis ſuis fuit formidabilis, nam Caſtrum Eccardiſperg & Raptores ex eo ejecit, Caſtra Heſeler, Wilriſtete & Raſſinberg funditus deſtruxit, Caſtrum etiam Dorinborg cum Caſtello vicino adjacenti ſuper Fluvium Salam magnis Laboribus & Sumptibus expugnavit & cepit quod & Filiis & Nepotibus ſuis hodierna die reliquit: Caſtrum etiam firmiſſimum Friborg cum Opido expugnavit, atque raptores inde ejecit, quod tunc Epiſcopus Merſeburgenſis cum aliis Caſtris in pignore ab Eccleſia Magdeburgenſi detinebat: Cauſam vero Expugnationis dicti Caſtri Friborg alias Nuemborg ab his qui hoc viderant & præſentes in obſidione fuerant, certa Relatione Audivi ſæpius ita eveniſſe. Contigit mercatores Polonos & Slefitas cum magnis Mercimonijs, & multo Theſauro tranſire per Terram Miſniſenſem Orientalem, quousque pervenerunt in Civitatem Nuemborgenſem ubi tunc pernoda-bant, quod cum illis in Caſtro Friborg, ut puto, Advocato qui fuit unus Miniſterialis de Hoyme vel de Schraphilo, & erat cognatus Epiſcopi Merſeburgenſis innotuiſſet, de mane Congregatis raptoribus, dictis mercatoribus trans Salam Fluvium prope Grangium Portenſis Monafterii dictum Gerneſtete inſidias ponunt, ipſos deprædantur & captivant, occiſo uno prothonotario Regis Polonorum, qui circa Currus equitabat, unde Crux Lapidea cum Inſcriptione, in Signum Interfectionis ibidem hodie cernitur.

Verum Princeps Fridericus Lantgravius ex eo quo dicta Rapina facta fuit in Territorio & Dominio ſuo, & præſertim in ſuo ſalvo conductu, prædam una cum Captivis ſibi extradi poſtulavit, alias ſe Caſtrum expugnaturum Comminatus eſt, quod cum renuiſſent, de Juvamine Archi-Ep. Magdeburgenſis plurimum conſiſi, Inclytus Princeps juſto judicio dictos Caſtrenſes diffidavit, Exercituque valido collecto, Caſtrum obſedit, cepit, Expugnavit, & uſque in hodiernum diem pro ſe & ſuis Hæredibus obtinuit. Inſuper manu valida una cum Archi-Epiſcopo Moguntino Civitatem Salza obſedit, & gravi incendio moleſtavit in vindictam illorum Rybaldorum qui nudatis Poſterioribus etiam per murum pudibunda ſua ſibi & ſuis oſtenderant ſicque communiter dictam Civitatem Salza & Caſtrum una cum Archi-Epiſcopo Moguntino uſque ad Finem vitæ ſuæ obtinuit: tandem Filius ſuus Balthaſar Turingiæ Landgravius cum Archi-Epiſcopo & Capitulo Moguntino hodierno concambium fecit, ſicque totum Dominium Civitatis & Caſtri Salza ad Principes hodiernos devenit, multa alia Inſignia Facta Glorioſus & Inclytus Princeps fecit quæ ſunt Nota: Volens autem Magnificare Locum Sepulturæ ſuæ & ſuorum progenitorum in Veteri-Cella, Capellam in honorem B. Andreæ Apoſtoli pulchram & Ornatam funditus de novo erexit, ubi ipſe cum uxore ſua Cachtilda in Domino quieſcit, obiit hæc Anno CCCCXLVI. ille vero Anno CCCCXLVIII. in nocte S. Eliſabeth.

Fridericus itaque, Filius Senior prædicti Friderici Lantgravii, Pater Principum noſtrorum accepit uxorem Katharinam prudentiſſimam & Honeſtiſſimam Dominam, Filiam Comitis de Hënninberg, cum qua Civitatem & Caſtrum Cuborg in Franconia acquiſivit pro ſe & ſuis Hæredibus, de qua genuit tres Filios Fridericum & Wilhelmum Principes hodiernos, & Georgium eorum Fratrem jam mortuum. Hic ſiquidem Inclytus Princeps formoſus Corpore, & omni virtute plenus, Gubernacula tanquam Senior in pace, Tranquillitate & rerum Opulencia virtuoſiſſime Regebat, Fratres ſecum indiviſe in una Curia cum uxoribus eorum uſque ad finem vitæ ſuæ tenuit, & hoc Signum maximæ ipſius prudentiæ & diſcretionis fuit cum juxta communem ſtatum hodie uxores Fratrum diſiſionem inter eosdem cauſantur.

Hic Inclytus Princeps adeo amabilis Imperatori Karolo IV. Bohemiæ Regi fuit, ut Filiam ſuam parvulam Friderico ejus Filio adhuc impuberi deſponſaverit, pena appoſita pecuniaria ſi hujusmodi diſpoſitioni contravenirent, datis deſuper ab Imperatore & Friderico Marchione Litteris Sigillatis & certis Civitatibus pro pignore in dictis Litteris expreſſis hinc inde: quarum Litterarum tenores ex poſt in Conſilio Friderici Marchio,

Marchionis moderni, Ego Johannes Tylich Decretorum Doctor minimus, Præpositus Canonorum Regularium Monasterii S. Mauritii extra Muros Nuembergenes & in studio Lipsiensi Lector Ordinarius audiui Anno MCCCCXIII. sed mortuo Karolo Imperatore Anno MCCCCLXXVIII. & post etiam mortuo Friderico Marchione Patre Friderici præsentis, Wenceslaus Romanorum & Bohemiæ Rex, Sigismundus Hungariæ Rex & Johannes Dux Poloniæ Fratres & Filii Imperatoris Karoli defuncti, Sororem suam Filio Friderici Marchionis desponsatam, Regi Angliæ in Matrimonium dederunt, promissiones & Litteras Imperatoris temere violando, quæ postmodum fuerunt Causa Ruinarum, depredationum & multorum malorum iater Regem Bohemiæ & Marchionem Missnensem, ut in sequentibus patebit.

Fuit Fridericus Senior Vir proceræ & Elegantis Formæ, pulcher facie, flavo & crispo Crine, oculis claris, affectu mitis, inter Aulicos benignus, in Consilio providus, Inimicis suis & Terræ Raptoribus Severus, pacem ubique sectando quantum in eo fuit immò quid dicam? ipse fuit tanquam Secundus Sebastianus, universa morum honestate Clarus. Præterea cum jam præfatus Marchio Fratribus suis Balthasari, Ludovico, & Wilhelmo diu uti Senior & Tutor præfuisset, volens eorundem utilitatibus providere, Consilio inito, placuit exiis Ludovicum jam Halberstadensem Episcopum ad summum Sacerdotii gradum scilicet in Moguntinensis Ecclesiæ Archi-Episcopum promovere, pro quare missis Legatis & Nuntiis ad sedem Apostolicam, Titulum Moguntinensis Ecclesiæ pro eodem Fratre suo Ludovico obtinuit: sed Capitulum Moguntinensis Ecclesiæ, se huic provisioni Opponens, Electum ab eisdem in sede Moguntina per vim & de facto contra ius & provisionem Romani pontificis obtinebant; quapropter Erfordienfes, qui ad Moguntinensem Ecclesiam pertinere dinoscuntur, potentiam Marchionum & diversa damna experti sunt; nam præfati Marchiones Exercitum Copiosum congregantes Civitatem Erfordiensem obsederunt Anno Domini MCCCCLXXV. in mense Augusto, in qua quidem obsidione Imperator Karolus IV. una cum Filio suo Wenceslao & Imperatrice una cum aliis multis Principibus & Comitibus affuit, & ut ab his audiri qui intererant; Exercitus erat ad XL. millia virorum Expeditorum, sed res transivit inacta, ita quod Imperator Negotium ob Spiritum compositionis intercepit, & ex post præfatus Ludovicus ad Ecclesiam Magdeburgensem fuit postulatus, in qua paucis annis superfuit nam in Calvis oppido miserabiliter & inopinate interemptus & compressus est: cuius rei exitus sic evenit ut à pluribus tunc præsentibus audiui.

Facta Choreia de nocte in Prætorio, Archi-Episcopus Ludovicus Chorizans lætus una cum Fratre suo Wilhelmo, & aliis multis Comitibus & Militibus, Ministri cum Candelis magnis inferius expectabant, quibus inebriatis & dissolute viventibus, inconsiderate Scintilla ardens de Candelis ad congestam stuppam & stipulos sub gradibus jacentes casu cecidit, & huiusmodi congesta incendit, unde mox tanta flamma succrevit & erupit, ut Domus Inferior ab his qui superius erant omnino videretur incensa: omnibus igitur ad gradus concurrentibus Archi-Episcopus quasi omnium primus existens, casu cecidit, & à super veniente multitudine oppressus statim ibidem expiravit. Facta sunt hæc in Carnis privio feria III. Anno Domini MCCCCLXXVII. Fridericus vero Magnus Princeps pedum dolore diu fatigatus, tandem in Aldinborg Castro Anno Domini MCCCCLXXIX. moritur & in Cella in Capella S. Andreæ apud Patrem suum Fridericum Fundatorem dictæ Capellæ sepelitur.

Balthasar Frater secundus Domini Friderici Marchionis accepit uxorem Elisabetham Filiam Burggravii Norimbergenfis qui postea in divisione obtinuit pro se Turingiam; hic Nobilis & Magnus Princeps semper pacem ubicumque poterat sectabatur. semper Lætus & Hilaris Choreis Virginum ac mulierum honestarum colloquiis multum delectabatur, multa Castra Turingiæ suæ adjecit, ut sunt Civitas Eschwe, Opidum funtra, Castrum & totus Comitatus Keuernberg postmortem Comitum hujus Nominis quorum ultimus in Mari ad Terram Sanctam transiens diem suum clausit extremum, Item Castrum Scharffenberg prope Yfenach manu armata cepit ab illis militibus qui dicuntur de Locha. Hic Princeps unicum Filium Fridericum Nomine reliquit, qui die hodierna Turingiam possidet, ut infra dicitur: mortua Elisabetha conjugæ Anno MCCCC. & in Reinhardis-Born Sepulta, præfatus Balthasar aliam sibi accepit uxorem,

rem, videlicet viduam & relictam Generosi & Incliti Principis Friderici Ducis Brunswicensis nuper in via reversionis ab Electione Regis Romanorum Ruperti in Francfordia facta, quæ tuit & est soror Ducis Rudolphi Saxoniz de qua multam suscepit prolem, sed paucis annis post diem clausit extremum in Castro Wartberg Anno MCCCCIII. in Reinhartsborn apud uxorem Sepultus.

Wilhelmus Illustrissimus Princeps, Frater Junior Friderici & Balthasaris accepit uxorem Dominam Nobilissimam Elisabeth Filiam Marchionis Moraviz, qui erat Frater Imperatoris Karoli IV. Imp. Soror Procopii & Jodoci Marchionum Moraviz & Brandenburgensis, cujus potentiam, Industriam, divitias, Magnificentias plus oculis nostris perpeximus quam stilo posteris relinuemus. Hic siquidem Illustris Princeps post mortem Fratris Senioris Friderici, de quo supra dixi, divisionem cum Fratre Balthasare & patruis suis facta, quia terras suas in tres partes diviserant, pars Turingiz quæ incipit à Sala Fluvio, sorte venit Balthasari, Terra & Marchia Missnensis sorte venit Wilhelmo, quæ incepit tunc à Castro Nuwenhofe prope Lupitz & terminabatur usque Königsburge seu ultra Civitatem Haynis trans Albiam, habens in parte sua Castrum Deliz cum pertinentiis, Opidum Heynschin, Dybin, Torgow, Oßatz, Haynis, Missin, Dreseden, Fryberg (eo salvo quod Fodina argenti & moneta esset omnium Marchionum) habet & Castrum munitissimum Schellmberg, Tharand, Civitatem Kempniz, Zwickow, Liffenig, Mittweyde, Rocheliz, Dobelin; Sed & post Dominium suum per multa Castra adauxit, nam Castrum & Comitatum Donyn multis Expensis & Laboribus expugnavit, illud enim amplius quam biennio Obsedit; cujus Obsidionis Causa hæc fuit, nam Comes de Donyn Curus mercatorum de Polonia in Territorio Domini Wilhelmi Spoliarant in suo Conductu, eo tunc absente, quia fuit in Electione Regis Romanorum Ruperti, de quo supra dixi, Domina autem Elyzabeth ejus uxor postulans restitui rapta, ipsi contradixerunt, quare Marchio eosdem exterminare, & oppugnare Castrum Donyn fuit compulsus, caprum est autem Castrum Anno MCCCCIII. maxime suffragantibus Wilhelmo & Friderico patruis suis, & tunc quidam Lipsiensis socius dictus Druckschuch primus fuit, qui Castrum Donyn ingressus fuit, deinde aliud Castrum firmissimum Königstein in quod Principalis de Donyn tanquam in præsidium Tutissimum cum uxore & Liberis confugerat, obsedit, sed victualibus definentibus, coacti sunt Castrum in deditionem Marchioni tradere.

Post hæc Castrum firmissimum Resinborg in Finibus Bohemiz maxima pecuniarum summa emit à Nobilibus de Resinborg & suo Dominio adjecit; post hæc Civitatem Pirna cum Castro expugnavit & obtinuit, Castrum & Comitatum de Yleborg cum pertinentiis emit à Comitibus de Yleborg item Castrum Colditz à Baronibus de Colditz emit cum pertinentiis, Castrum & Civitatem Molberg circa Albiam obtinuit & Dominio suo adjecit, dein plura alia Castra vetustate consumpta aut diruta funditus reedificavit præsertim Castrum Missnense, Castrum Dreseden, Castrum Zwickow; multa alia præclare facta hic inscribi possent nam Anno MCCCXCVIII. Erfordiam obsedit, & per XIII. dies Terram & Villas circum devastando continuavit, tandem pax inter eum & Erfordienfes reformata fuit in hunc modum, quod hi Domino Wilhelmo Marchioni suis expensis & sumptibus Centum armatos cum Lanceis dare deberent per Loca secum ubi placeret, quod & fecerunt, nam Rege Wencislao Bohemiz à Romano Imperio per Bonifacium Papam IX. & per Principes Alamanniz propter suam Vesaniam & inutilitatem deposito, iterum pro Nova Electione vocati sunt Francofordiam Principes Alamanniz, inter quos & Wilhelmus Marchio exstitit, & sic pro Itinere & sua Magnificentia Centum Lanceatos ab Erfordiensibus versus Francofordiam habuit, in qua Electus fuit Rupertus Dux Bavariz & Comes Palatinus Reni de Heydylberga homo justus, pacificus, & morum honestate famosus, Anno MCCCC. infra dies ascensionis Domini: habebat præfatus Rupertus Rex, in uxorem Filiam Burggravii Norimbergenfis quæ erat Filia sororis Marchionis Wilhelmi & suorum Fratrum, ideo propter affinitatem se contederavit cum novo Rege & condixit secum intrare Bohemiam, ad Expugnandum Wenceslaum.

ANNO MCCCCXII. in Principio Quadragesimæ mortuus fuit præfatus Wilhelmus Marchio, & in Ecclesia Müssnensi circa summum Altare, juxta uxorem suam Sepultus traditus est, & quia ex eo uxores Legitimæ prolem non habuerant, totum suum Dominium ad Fridericum & Wilhelmum Filios Fratris sui Senioris Friderici & ad Fridericum Juniores, nunc Turingiæ Landgravium similiter Filium Fratris sui Balthasar, devolutum fuit.

Fridericus Senior & primogenitus Filius Friderici, Anno MCCCCII. in Carnis privio duxit in uxorem Nobilissimam Dominam nostram Katherinam Filiam Henrici Ducis Brunswicensis & Luneburgensis Fratris Friderici occisi de quo supra. Hic quidem Fridericus Marchio Müssnensis & Turingiæ Landgravius post mortem Fratris sui Georgii qui in Juventute absque uxore & Liberis mortuus fuit Anno MCCCCI. & in Monasterio Portenti Sepuleus, Feria quarta post Lucie, ubi tunc præfatus in Exequiis sui, ubi & interfuit Balthasar & Wilhelmus Patruus & Domini Fridericus & Wilhelmus Marchiones Fratres ipsius cum multis Comitibus & Baronibus: Tandem post mortem Balthasar & Wilhelmus Marchionum, placuit Domino Friderico & Wilhelmo Fratribus se cum suis Curtiis dividere, Terra vero nihilominus indivisa, sicque Fridericus obtinuit Terram Müssnensem una cum Civitate Lipsick, Terram vero Plissnensem & Orientalem Marchio Wilhelmus obtinuit, Patruus vero eorum Fridericus obtinuit Turingiam.

ANNO DOMINI MCCCCIX. circa Festum Petri & Pauli Bulla confirmationis studii Generalis, solempni processione introducta fuit in Civitate Lipsiensi, & Fridericus Princeps II. prebendas & Canonicatus in Ecclesia Müssnensi II. in Ecclesia Merseburgensi & II. in Ecclesiis Nuemburgensi & Cizensi, pro Doctores & Magistris ejusdem studii à sede Apostolica Impetravit: Notandum est autem quod ambo Fratres Germani Fridericus & Wilhelmus jam Anno CCCXCIII. in Festo B. Catharinæ in maximis Frigoribus expugnaverunt Castrum Luchtemberg, quoderat Henrici militis de Wizilebin, & hodie pignore tenent & possident una cum pertinentiis Opido Rode & Opido Cal. post hoc Anno MCCCCXVII. expugnaverunt Castrum Balgnistete prope Friborg & funditus destruxerunt prout hodie ruinæ cernuntur; post hoc Anno sequenti graves habuerunt Lites cum Episcopo Herbipolensi Gerardo de Swartzborg, qui qualis fuit Principum illorum potentia expertus fuit, cum suo & Capituli sui Damno. Item Anno MCCCCXC. emerunt Principes prædicti Opidum Salevelt à Comitibus de Swartzborg pro magna summa pecuniarum. Item eodem tempore emerunt à Ducibus Stetinensium Castrum Konigsberg in Franconia; post hæc emerunt Castra & Castella Smöllin, Roneberg, Werdacum pertinentiis ab Episcopo & Capitulo Nuenbergensi de cujus Feudo erant.

Post divisionem autem cum Fratre factam Dominus Fridericus emit medietatem Castri Müssin à Patruo suo Friderico Turingiæ Lantgravio, ad quem medietas Castri hujus pertinebat ex divisione Principatus Domini Wilhelmi Senioris eorum patruus, & illam emit pro XVII. milibus Florenorum. Item eodem tempore redemit Castra & Opida videlicet Ofsatz, Dobelin, Lissenick, & Yleborg uxori Domini Wilhelmi in dotem assignata quando transivit ad secundas Nuptias cum Comite de Henninberg, pro summa XII. millium Florenorum. Item sciendum quod post confirmationem studii Lipzientis DEUS Optimus ex alto Misericorditer præfatum Fridericum Misericorditer respiciens, eidem Donum Proles & Filiorum gratiose concessit, nam postquam habuit uxorem suam Dominam Catharinam per X. Annos, Tandem Anno Domini MCCCCXII. in Octava assumptionis B. Virginis, natus fuit sibi Filius Fridericus Nomine, de cujus Nativitate gaudium magnum fuit, Baptizatus est in Lipsick ubi & Natus exstitit, & cum de sacro fonte leuabant Gerhardus Episcopus Nuemburgensis, Nicolaus Episcopus Merseburgensis, & Comes de Bicheling post hæc addidit DEUS alterum Filium videlicet Dominum Sigismundum, qui natus fuit Anno Domini MCCCCXVII. in die Julianæ Virginis in mense Februarii. Post hæc Anno Domini MCCCCXX. ipso die Bonifacii Episcopi & Sociorum ejus, qui tunc erat in Vigilia Corporis Christi, Nata fuit Domina Anna Filia ipsius. Item sciendum est quod Anno Domini

mini MCCCCXIII. fuit indictum Concilium generale in Civitate Constantiæ, quo congregato, omnes Reges & Principes Archi-Episcopi, Episcopi, totius Christi-
nitatis ex omni parte mundi aut eorum Nuntii Speciales adfuerunt, adfuit & Illu-
strissimus Princeps noster Marchio Fridericus cum tam Sollemni apparatu, quod si-
bi similis in divitiis, potentia, Honoribus nunquam aliquis Principum intervenit,
ejus Introitus Constantiam fuit FERIA tertia paschæ Anno MCCCCXVII. hoc Ordine:
primo antecedeabant Senatores cum Falconibus & Accipitris: post hæc Clenodia
Principis in Caballo Torneatico tecto panno Optimo, deinde Juvenes Scutiferi &
in medio Comitatus Princeps solus, quem sequebantur XVIII. Comites, Vassalli
sui Barones & Nobiles ad Numerum Quadringenti, armis pulcherrimis, magnisque
Baltheis argenteis cum campanellis, & ibant Ordinate bini & bini nullo extraneo
intermedio: commoratus fuit ibidem Fridericus Marchio per VI. Septimanas ac dein
ad suos Sanus & incolumis reversus est.



XII.

ANONYMI SERIES CHRONOLOGICA EPISCOPORUM VIRDUNENSIVM.

Primorum Virdunensium Episcoporum Res Gestæ Injuria Temporum Scripto-
rumque penuria obscuræ remanserunt, quapropter à S. Sanctino Nos illorum
Seriem Ordinur.

I. S. SANCTINUS. Teste Martirologio Romano ad diem X. Kal. Octob. primus Mel-
densium Episcopus à B. Dionisio Areopagita consecratus est; cum Vsuardi Martirologi-
um à Molano restitutum ad diem V. Idus Octobris etiam Virdunensium Episcopum ap-
pellat, cui sententiæ suffragatur Bertharius, qui ante Annos DCC. Virdunensis Histo-
riæ Epitomen Scripsit: Quo autem tempore cœperit Virduni sedere idem Sanctinus non
una est omnium sententia, eam amplectimur, quæ id accidisse Anno Christi CXX. Sa-
tis manifestè probat. perstitit autem apud suos Virdunenses Sanctus Episcopus donec in-
crebrescente propter Præfectorum Violentiam Persecutionis procella (quartam Severus
lib. II. sub Hadriano Numerat) Meldam revifere coactus est, quapropter Ordinatis prius
Virduni presbiteris aliquot, quibus Novellam plantationem commendans, Maurum
designavit muneris sui Pontificii Successorem. Obiit autem Vir Sanctus, postquam
Carceres, Famem, Nuditatem & alia id genus multa pro Fide perpessus fuerat, Anno
Christi CXXVII. Sedis suæ Virdunensis Octavo;

Ejus Sacrata Ossa Virduni asservata esse Fidem faciunt quotquot viderunt S. Vitoni
Sacrarium, opemque quotquot Cœlestem sunt Experti, ad S. Pontificis Invocationem
Sacrique Loculi Venerationem: Quoniam vero tempore quouè modo facta sit harum
Reliquiarum Meldis Virdunum Translatio, haud ita facile est definire; Appendix enim
Bertharii Rem regit Silentio, & apud Laurentium Leodiensem nihil reperire est: cum
vero Codices Vitonini & Paulini asserant prædixit quosdam Mercatores Virdunenses
easdem coëmisse ab ædituo Meldensi, & tribus aliis in id simul coëuntibus Clericis
(quorum Fidei commissæ fuerant cum Archivo Ecclesiæ, optima quæquæ & prætiolissi-
ma Divorum Monumenta) eo tempore quo Annonæ Caritas Galliam universam, Ger-
maniam etiam, & angliam communi involvebat Exitio; jam autem juxta Sigeberti
Chronicon dira ipsa Fames grassari cœperit Anno Christi CXLIII. increvit Anno se-
quenti juxta Hermannum Contractum, nec penitus resedit ante Annum CL. ut obser-
vavit Belforest. III. annal. cap. 17. dicendum est B. Sanctini Ossa Meldis Virdunum trans-
lata

lata fuisse Anno MXLVI. aut circiter, idque ante conflagrationem Urbis Viridunensis à Godofrido Barbaro III. Lotharingæ Duce, quæ contigit initio Pontificatus Theodorici circa Finem Anni MXLVIII. Teste Laurentio Leodiensi aut certe Anno MXLVII. juxta Sigiberti Chronicon, aliàs quinam, obsecro, Mercatores Viriduni post eam urbis Cladem reperiri potuissent, tot Opibus abundantes? ut tam præciosas Merces compararent, si nulli erant (ut est apud Laurent. Leodiensem) qui Mariano Templo reſtaurando teruncium Ramentumve plumbeum impertirent: contigit autem hæc Translatio, Anno ad Finem suum vergente, scilicet V. idus Octobris, qui dies B. Sanctino Natalis, annua Festivitate Viridunensibus memorabilis recurrit; Sæpius enim usu venit dies Sanctorum Natalitios peragi in Ecclesia DEI, non ipso dormitionis die sed translationis eorum; ut in S. Johanne Chrysostomo fieri videmus; hunc Obdormivisse ipso die Exaltationis S. Crucis scilicet XIV. Septemb. scribunt Cassiodorus, Nicephorus & alii, immò Martyrologium Romanum, ejus tamen diem Natalem XXVII. Januarii, quo Corpus ejus Cumanis Constantinopolim translatus est, solemnî Ritu celebrari comperimus.

Erectum aliquando Meldis Cœnobium exiſtebat in honorem S. Sanctini, in quo ejus Sacratissimum Corpus depositum primitus servabatur, quod dein post incurſionem Normannorum, translatus fuit in Ædem primariam S. Stephani ibidem, ac dein Viridunum, ut supra ostendimus. Cœterum insignis est, in actis Sanctini, fuscitatio S. Antonini facta in Itinere Romano, in cujus Facti Fidem ac memoriam Fama constans est superesse adhuc hodie Altare erectum sub Invocatione S. Antonini in Pago qui *Pons Sanctini* idcirco nuncupatur in agro Bononiensi, haud procul Mutina.

II. S. MAURUS Anachoreta in Cryptis & Saltibus ob persecutionem Latitans, cum aliquot jam menses Orba pastore suo Langueret Viridunensis Ecclesia, juxta B. Sanctini Mandatum, requiritur, & in vacantem sedem collocatur: Hic alterum Oratorium divo Johanni Baptista sacrauit, ubi nunc Ecclesia surgit quæ ab ejus Nomine S. Mauri Abbatia nuncupatur, de qua pluribus postea, nam primam Aram Viriduni Sanctinus DEO Erexit eo Loci, ubi S. Vironi Cœnobium in præsentiarum cernitur, præfuit autem Ecclesiæ Viridunensi ad Finem usque Anni CL. nam obiisse VI. idus Novembris asserunt Martyrologium Romanum, & illud Ufuardi, licet Viridunensibus Natalis ejus dies IV. idus ejusdem mensis Festivus sit, quoniam eo die Sancti Præfulis Corpus Divinitus Offensum cœpit publicis Honoribus coli & venerari: voluit autem humari Beatus Præsul in Oratorio Divi Johannis à se erecto, quod Normannorum Incurſione Solo æquatum Hæro adſcitus in Episcopatum Anno DCCCXLVII. sedis suæ Viridunensis Anno X. erexit, fecitque Splendidius, quin etiam ob pium, quo in Sanctum Maurum ferebatur Amoris & Devotionis affectum, eandem divo Johanni Sacram ædem, mutato Titulo in Beati Mauri honorem consecravit; eam Centum & amplius post Annos Haymo Viridunensis Item Episcopus, Munificentia Henrici II. Imp. adjutus, celebri Sanctimonialium sub S. Benedicti Regula, Cœnobio Inſignivit, statque in hunc diem.

Vacat sedes Viridunensis Annos III. & menses aliquot.

III. S. SALVINUS verbum DEI annunciare cœpit Viridunensibus, eo tempore, quo Antoninus Pius Imperator motus clade Romana, & Portentis, quæ in toto Imperio Romano visa fuerant, Furorem Sævientium Gentilium in Christianos sedare compulſus est. Hæc autem Anno XIV. Antonini Pii, Christi verò CLIV. facta fuisse memorant Justinus, in fine Orat. ad Antonin. & Eusebium lib. IV. historiæ. cap. XII. statuendus ergo adventus Salvini in urbem Anno CLIV. Posteaquam vero ipse concionibus, piisque de Christo colloquiis rudem adhuc populum, multumque paventem confirmasset, tandem Anno CLV. invitatus à Fidelibus ad Pontificiam Cathedram pertrahitur; Antecessoris sui vestigiis inſiſtens plurimis fidem Christianam amplexantibus, exteſſit è vivis Anno Christi CLXXX. in Oratorio Divi Johannis cum S. Mauro tumulatus, Emerſit in tantam Sanctitatis Famam, ut partus abortivi ante Sancta illius ossa expositi, mulieresque prægnantes vitam & Sanitatem recipiant, ejus Cineres à S. Agerico Divina inspiratione inventi, multis miraculo fuere. Sed de his in Agerico.

IV. S. ARATOR Vir admodum gravis, Eloquent, ac impense Græcis & Latinis Litteris eruditus, post Præceptoris sui Apollonii Senatoris Romani mortem, Galliam petiit, Evangelicamque veritatem multos docuit, veniensque Virdunum communibus omnium votis Pontifex creatur, Sic M. S. S. codices D. Bruni. Eusebius autem in Chronico Apollonium Senatorem, lecto Senatui insigni volumine, quod de Christi Fide composuerat, Capite ob Christi Fidem mulctatum esse prodit Octavo Anno Commodi Imperatoris. Christi CLXXXX. Non potuit ergo Virdunisedisse S. Arator An. CLXXXIX. ut asserit Wasseburgus, sed tantum Anno CLXXXXI. In Pontificio Munere plures molestias pro Christi nomine perpeffus, Miraculis clarus decubuit Anno CCXXII. humatus cum SS. Mauro & Salvino in Oratorio D. Johannis Baptistæ, ac cum iisdem S. Agérico Demonstratus, Signa Felicitatis suæ edidit non obscura.

Abhoc Pontifice ad Sanctum Pulchronium nullum tabellæ Virdunenses agnoscunt intermedium Præsulem, neque Bertharius ipse: unde sedem Virdunensem plusquam CC. Annos vacasse oportuit, ob continuas fere Ecclesiæ persecutiones & bellicos tumultus. Non caruit interim viris piis Ecclesia ipsa, qui clam Fideles docerent, monitisque salutaribus foverent.

V. S. PULCHRONIUS, qui & POLYCHRONIUS, Natione Belga, claris parentibus ortus, in ipsa Pueritiâ orbatus utroque Parente, complurium possessionum Hæres Scriptus est, Tullique apud S. Lupum educatus; Eajam tum erat morum moderatione, & vitæ Sanctitate conspicuus, ut ad eum à malo vexati spiritu adducti, confestim sanarentur, & ad solum ejus conspectum liberarentur; Hæc Vitonini Codices & Bertharius cap. II.

In eadem Palæstra tum cum Polychronio nostro exercebantur S. Severus Treverensis, & S. Albinus Catalaunensis. Sic namque acta S. Lupi apud Sur. tom. IV. die XXIX. Julii: Multos habuit vir Beatissimus (Lupus) præclarâ virtute discipulos, insigni Miraculorum gloria Illustres. In S. Polychronio Virdunensis Ecclesiæ Episcopo gratia curationum præstulit: ita ut religatis post tergum manibus, Dæmonibus imperaret, priusque sensum reciperent obfessi, quam corporum suorum collisionem. S. Severum Treverensis Ecclesiæ ordinatum Episcopum primæ Germaniæ gentibus prædicantem non ambigimus inter Apostolos suum habere consortium: Sanctum quoque Albinum Catalaunensem Antistitem diuturnæ Sanctitatis prærogativa eminentem non debemus taciti quittere, quoniam ille crebro permultis in locis dæmones ab hominibus profigârit. Eadem habet Baron. tom. VI. annal. pag. 246. Tullo autem digressus Pulchronius anno Redemptionis nostræ CCCXXVII. Treas B. Lupum secutus, venit, ibique annum & menses aliquot moratus, donec adversus Pelagianam perfidiam primæ Gallorum Sacerdotum Britannicæ Protectionis tempus appetiisset, quod Anno II. Pontificatus Lupi contigisse Acta ejusdem testantur, Id est Christi CCCXXIX. juxta Prosperi Chronicon & Baron. tom. V. pag. 519. qua in Expeditione propinquos suos Germanum Altfidorum & Lupum Trecafium comiratus, tunc primum se murum pro Domo DEI exhibuit, vitam actusque suos omnes ad horum SS. Patrum normam conformans, sopito Pelagianorum incendio, cum B. Lupo Treas revertit, in dies Sanctæ præbens Eruditionis & novæ Probitatis argumenta.

Commoti autem finitimi populi fama Miraculorum S. Lupi, & discipulorum ejus virtutibus Longius sese pudentibus certatim ad eum ventitabant, Pastorem sibi eorum aliquem postulantes, sic Treverenses Severum, Catalaunenses Albinum, & Pulchronium Virdunenses sunt consecuti. Quia vero II. muneris Pontificii anno Romam profectum Pulchronium, indeque ab summo Pontifice Chalcedonem reversum ad Generalem Synodum tabulæ Vitoninæ produunt, actaque ipsius apud Wasseb. Imo ut hodie in Mariano templo Virdunensi Ex spurio Alabastrite Tabella Virginis opere sculptorio cælata, ut in hujus rei fidem columnata magna cum civium Devotione vifitur; Aliunde constat assertionem Baronii tom. VI. annal. concilium æcumenense Chalcedoniz Anno Christi CCCCLI. fuisse celebratum. Dicendum ergo Virdunensibus præesse cepisse Pulchronium Anno Christi CCCCL.

Damnatis in Concilio Chalcedonenſi erroribus Eutychetis, Dioſcori, & Alexandri, ſedem ſuam repetit Pulchronius, Epiſcopalemque Cathedram, quæ in æde ſuburbana Petri & Pauli erat, Virdunum tranſtulit, Divæque Mariæ Virgini templum erexit, Paternisque donis dotavit, Miniſtris ibidem Canonicis conſtitutis. Optimis legibus & inſtitutis Virdunenſem Eccleſiam adminiſtravit ad annum Chriſti CCCCLXX. in omni Sanctitate. Mortuus eſt XIII. Kalendas Martii, quo die celebratur & alterius Pulchronii Martyris natalis dies Ex Romano Martyrologio Bed. Uſuardo, in æde Sacra BB. Petri & Pauli tumulatur, & Sanctorum Catalogo aſcriptus An. Chriſti DCCCLVI. ab Hartone Epiſcopo unâ cum S. Poſſeſſore in arca argento elaborata reponitur.

Hæc autem mortem Pulchronii ſunt ſecuta Miracula; Nobilis quædam Fœmina continuo morbo in dies tabeſcens, inde etiam ſterilis, & infœcunda, voto nuncupato, per interceſſionem S. Pulchronii & morbo liberata eſt, & numeroſa Prole donata. Item Juvenis Lumine caſſius (cujus Lævus exoculatus caſu fuerat oculus, dexter vero laborabat Ophthalmia maximè) ad S. Pulchronii Corpus deducitur, Oculuſ ſiniſter ſedi propriæ reſtituitur, altero item curatus morbo, Juvenis Lævus ad ſua remeat. Eodem penè tempore Energumenus quidam Feretrum S. Pulchronii deoſculari coactus, exemplo liberatur. En habemus alterum hic Helyſæum, qui vivens mortuos ſuſcitatur, cuius Corpus poſt mortem mortuos adhuc ſuſcitatur. Polychronius in vivis, Dæmonibus imperat, Idemque mortuus Dæmonibus imperat: ad hæc Anus arida manu, brachioque contracto, mortem tamquam miſeriæ ſuæ Finem expectabat, ad contactum S. Corporis repente extenſi nervi, manus ſucci plena, planèque ſana videntibus omnibus, Factumque admirantibus comparuit; non ſemel inundantes imbres compreſſi ſunt ad S. Pulchronii Corporis in ſolemni Supplicatione delationem. Hæc, quos alias citavi, vitionius, Agericianique M. S. S. Codices habent.

VI. S. POSSESSOR eo ipſo anno quo mortuus eſt Pulchronius Tiarâ Pontificiâ decoratus Cleri totiusque populi conſenſu. Hic namque patria Virdunenſis aliquando Matrimonii legibus devinctus fuerat, quibus morte uxoris expeditus; Studioſus virtutum Pulchronii cœpit eſſe imitator, à quo & in Clerum eſt Cooptatus: Propriis ipſe Bonis Eccleſiam Virdunenſem maximè auxit; Doctrina & Sanctitate Clarus munus obivit Pontificium ad annum CCCCLXXXVIII. extremam præcognoscens Deo revelante aliquot ante menſes obitus horam ſui, quod de S. Pontio in actu S. Cypriani habetur, Clericos ad ſe ſuos convocat, brevi futuram deſignationem Tabernaculi ſui prædicit, omnes ad patientiam, ad Fidem ſemper ſervandam hortatur, dumque de Deo loqueretur in ipſo Sermonis Opere Animam ſuo reddidit Salvatori III. non Decemb. Sic Uiton; Agericianæque tabulæ, Paulinus & ipſe Chronologus. Sepultus eſt in SS. Petri & Pauli cum Polychronio & CCCC. ferè poſt annis Hattonis tempore, ut diximus, in thecâ egregia reſpoſitus, oſſium incorruptione ſuorum, atque virtutum mirabili operatione beatitatem ſuam patefecit.

VII. S. FIRMINUS Tullo oriundus atque ex familia nobili procreatus, Pulchronio Sanguinis propinquitate conjunctus, vir Doctrina & morum integritate Spectabilis, à populo Virdunenſi poſtulat, Suadente S. Cyrillo Trevirenſi (qui S. Severo Suffectus fuerat) Eccleſiam Virdunenſem Regendam ſuſcepit, quo tempore Syagrium Romanorum Ducem Sueſſione debellavit Clodovæus. Ita M. S. Codex. Contigit autem iſtud Sigeberto teſte in Chron. Anno Chriſti CCCCLXXXIX. Quare non multos menſes vacante ſedem Virdunenſem poſt mortem Poſſeſſoris evidentem inde habemus. Firminus in Epiſcopali munere majorum ſuorum veſtigiiſ inſtitit, Prophetiæ Dono Sanctiſque operibus clarus, tandem, dum civitas ipſa Virdunenſis armis Clodovæi Regis victoria Alemanniâ Elati velut Sagena circumvallata, Dum pulſu Tympanorum oppidum circum Sonaret, Dum multis ubique pavor, & plurima mortis imago, ſuis benè precatus, omnibusque brevi futuræ Regis converſionis denunciatione recreatis, Spiritum Deo reddidit, in æde Apoſtolorum Petri & Pauli funeratus III. non Decemb. Bertharius cap. IV. hiftoriar. Quo die natalitiuſ dies Firmini, ut & Poſſeſſoris in Eccleſiâ Virdunenſi celebratur: Aſtipulatur hiſ Codex M. S. D. Bruni. Obiit S. Firminus Anno II. Pontificatus. Nam Sigebertus in Chronico & Belforeſt cap. 8. L. I. Annaliuſ Scribunt victos

à Clodovæo Alemannos Anno Christi CCCCLXXXIX. statimque Idolorum Cultum Regem abiecit.

Corpus S. Firmini postea circa Annum Christi DCCCCLIII. piæ cuidam fæminæ Eugenæ Divinitus ostensum (Annam alteram crederem Evangelicam, quæ non recedebat de templo) atque à Berengario tum Virdunensi Episcopo in Loculo quodam perhonesto reconditum, capit omnibus esse venerationi, ob innumera tunc præsertim patrata per ejus intercessionem Prodigia. Bertharius testis est, oculatus opinor (nam ad Berengarii tempora superfuit) horum omnium cap. XXIII. historiæ. Notæ Brunanæ confirmant, nec refragatur Wasseburg.

Jam Berengarius Anno Christi DCCCCLII. juxta Paulini Chronolog. & M. S. Codicem Viton. Vita minus honesta Vitoninorum Clericorum Sæcularium nimis offensus, ædem in Apostolorum Petri & Pauli honorem aliquando erectam, Cœnobiticis Clericis sub Benedicti vexillo militantibus, exturbatis aliis, dederat possidendam, Præficiens eis in Abbatem & Spiritualem Patrem religiosissimum virum juxtaque prudentem Humbertum, in Aprina Tullenfi religiosa Domo piæ Sanctæque antea educatum: Erant & Flaviniaci (pagus est diœcesis Tullenfis) vulgò Flavignii, non ita remotus ab Aula Nancetana) Cœnobitæ alii, eandem, quam vitonini, vitæ normam Servantes, Humberti, Successorumque Abbatum Vitoninorum curæ crediti, & ad hunc diem Flaviniacensem Prioratûm semper Vitoninæ Virdunensis Domûm Membrem fuisse in confesso est apud omnes: ut ergo ædem Flaviniacensem bonus Pater Humbertus redderet Illustriorem, circumstantesque populos ad pietatem excitaret magis; Eo Sancti Firmini Corpus transferri Berengarium Præfulem suum exoravit: Hæc citati Paulò ante Authores scribunt; Duo vèro in eâ translatione facta sunt, plane stupenda & admirabilia saltem præcipua, quæ nullo possum prætermittere modo.

Diu multumque conquiescentem totius hujus Negocii descriptam notatamque seriem, pervenit tandem in manus meas per antiquus Codex Vitoninus, characteribus vetustissimis exaratus, totum Iter relegens Translationis, & Singulatim in quoquo loco miracula patrata referens, Quo percurso, sum oppidò exhilaratus. Non enim potui non mirari Divinam Bonitatem, quæ gloriosa semper est in Sanctis suis. Anonymus quidem author sed quem facile prodit ipse Character & loquendi modus nempe virum VII. ab Humberto nostro Cœnobii Vitonini Abbatem Richardum; Eodem enim plano stylo, & Lima familiaria ejusdem Sancti Viri Scripta sunt efformata: Neque certe multo post ipse vitam ibidem professus est, monasticam, si Sigeberti Chron. MXXVII. Berthar. cap. XXVIII. & XXX. historiæ & Paulini Chronolog. consulimus. Totum III. libris complectitur historicis; primo quidem ipsam S. Firmini Flaviniacum transportati descriptionem; Duobus cæteris mira ibidem ad ejus invocationem Domino operante facta, Compendio usus scribam præcipua, & majori commendatione digna, Clarebit posthac (det Deus) magis ac magis hujus historiæ narratione Pontificis Firmini virtus & Sanctitas, quæ pene Virdunensibus est hodie incognita, & obscura, Rem totam viris Eruditis ac piis patefeci, qui non parvo perfusi gaudio vulgari ipsam & in lucem edi summis precibus contendunt; Nihil equidem (ut liberè dicam, quod sentio) tam simile magnorum illorum Divorum Babylæ, Chrysostomi, Nicolai Myrensis, imò & Apostolorum historiis translationibusque me legisse audisse memini unquam. Neque quisquis æquus fuerit Rerum æstimator, secus, opinor, sentiet. ad rem ipsam venio.

Anno Christi DCCCCLIII. Berengarii Pontificatus XIV. Ipso Sancto Pentecostes die peractis ritè, maximo cum apparatu, Advocato Clero, Populo frequenti, ab Antistite Berengario Tiarâ Pontificia redimito in Sacra Vitoni æde Divinis Misteriis, ipso etiam tum præseunte Brunone Archi-Episcopo Colonienfi & Archi-Duce Lotharingiæ (reverebatur tum forte Victor proturbato Regnerio Montensi) astantibus religiosissimis Duobus Cœnobiarchis Aynaldo sive Amaldo Gorzienfi, & Humberto Vitonino memorato, Sacrum B. Firmini Virdunensis Episcopi Corpus in elaboratâ arcâ collocatum, pretiosissimoque velo coopertum, piorum humeris Clericorum imponitur, solemnique pompâ per urbis celebriores plateas exportatur, festo cultu innumera comitante populi turba, Divinos hymnos Clero concinente. Disceat hæc Lector Eloquiorum Divinorum

rum veritatem Nimis honorificati sunt amici tui Deus. Non animis modo sed prope oculis observatur, gloriosus gloriosi Martyris Flaviani Patriarchæ Constantinopolitani Triumphus, quando Sacre ejus Reliquiæ è loco exilii in regiam urbem Constantinopolitanam Solempni pompa transportatæ Marciano Imperatore & Pulcheria Augusta impetrantibus.

Eodem proceditur Ordine ad proximum usque urbi pagum Deuam villam (qui latine sciunt, Deviam dicunt, Lotharingice Dieue) II. aut III. distat ab Urbe Lapide pagus iste: ibi prima statio, Pars Cleri, ad perfolvendum officium urbem repetit, Dum vero Novi Vectores, Sacram Capfam suis humeris imponere moluntur, mirum dictu, ita Stetit immobilis, ut nulla hominum arte potuerit levare, donec monitis Piæ Matronæ (Eugenia, opinor, hæcerat, cui supra divinitus ostensum S. Firmini Corpus docuimus) abactus & exturbatus fuisset, cominuni Sanctoque cœtu Nebulo quidam, (vectorum novorum è numero erat) qui vitio meretricio Sordidatus audebat Sacrum Loculum attingere: Viden, ut dona iniquorum non probeat Altissimus, nec respiciat in oblationes iniquorum, Nec novum illud, Sacra Firmini Corpora deterre conantibus minimè, resistente numine, concessum fuisse, Ipso nimirum Sacro Corpore instar filicis loco inhærescente, & immobile permanente; Nam aliquando persimile plane contigisse in S. Chrysostomi è Comanis Ponticis (Comanæ in Ponto mortuus & Sepultus fuerat) Constantinopolim translatione; Cosmas vestiarius erat de eadem translatione & Nicephorus lib. XIV. cap. XLIII. litteris mandârunt, nec facto sæpe periculo moveri potuisse, quousque Theodosius Imperator datis ad eum litteris indulgentiam remissionemque peccatorum parentum nomine petisset.

Ejecto ergo Nebulone, nullo negotio Devoti aliquot viri Sacrum Corpusefferunt, Diffundente se autem Prodigii fama in vicinos pagos accurrit populi multitudo, magnâque ex parte S. Firmino in tota translatione se Comitem adjungit. Venitur Boolejam (Bozet passim dicunt) ubi pernoctare Clerum turbamque Comitem oportuit: Hic dum propola quidam dolose cauponatur, piæque turbæ efusatum potum divendit, Ecce tibi ad Sacri pignoris adventum dissolutis Vas Circulis totum spectante populo Liquorem effundit, & intus Latentem fallaciam detegit; Ea ipsa nocte è vicinia ad Sacra Firmini ossa mulier diutino, eoque gravissimo vexata morbo defertur, Seminecem dixisses, quam nulla medicorum pharmaca fomentave juvare poterant: Solo Loculi Sancti tactu, extemplo quasi è gravi somno excitata surgit, ac propulsato Morbo sanitatem restitutam sentit, nervos, artus, membraque planè omnia consolidata & confirmata miratur. Quid plura? peractis Deo præpotenti, beatoque Firmino Gratiis, pedes, & gaudio triumphans Domum revertit obstupesciente multitudine universâ, & magno pietatis sensu Dominum benedicente.

Inde Sacrum Corpus Cingente turba Panniacum, *Pargnos* vulgò, defertur, Eoque adductus puer septennis Aurium linguæque usu ab ipso ortu carens, inter Sacros hymnos & orationes populi, erumpit in has voces; Firmine Pater, adjuva me; Eo ex tempore & expedite loqui, & facile audire loquentes ad extremum vitæ diem potuit: Similia multa apud S. Aug. cap. VIII. lib. XXII.

Hinc Trundusas, *Tronde* vulgò, petente Cœtu universo cum Sancto Corpore Monialem quandam multis jam ab annis excæcatam, ubi Sacram arcam Firmini cum profusione Lachrymarum supplex fuisset venerata, obstupescunt omnes illico grati luminis & insperatæ visionis munere fuisse donatam.

Postea Fagum, vulgò *Foux* pervenitur, villa est Dicecesis Tullensis, forte nocte intempestâ male consultus, nescio quis, Fagensis Ecclesiæ thesaurum depeculatus fuerat, ad Sacri Corporis adventum Sacrilagus homo tali horrore corripitur, ut nullo consistere posset loco, itaque patrati Sceleris conscius, conscientia stimulante, sistit se coram Sacro Feretro, & ibi tanquam coram iudice pro Tribunali palam se ipsum inculcat, veniam petit, ablataque restituit.

Tullum deinde turbis appellentibus cum Sancto Corpore, statim S. Gerardus tum Tullenfis Episcopus (quem Leo IX. Anno MLII. ex Sigeb. in album Sanctorum retulit) aggregato Clero una cum frequenti populo, quanto maximo potuit cum apparatu obviam procedens, in Basilicam S. Apri deducit: Totâ nocte Psalmi divinique hymni à Fidelibus ad S. Pontificis ossa decantati, illucescente autem aurora, puella quædam tenaci difficilique afflictata morbo, indolescere cœperat ab ipsis cunis, fusâ ad Deum oratione ad S. Firmini invocationem confestim, spectante plebe universâ, incolumis & Sana visa est: Exin pius Tullensium Pastor Sacris de more solemniter perfolutis eadem, quâ præcedenti die exceperat, pompa abeuntes, captumque peragentes iter comitatur: Fideles, venerandi Firmini Corpus deferentes, è tota vicinitate innumera propemodum ætatis Sexusque omnis turba ad alterum Servi DEI accurrente triumphum: hic quis non videat expressam Divi Ignatii Constantinopoli (quo Roma) Antiochiam translationem, aut, si malumus, Reductionem: quis Gestientes Lætitiâ Christianos in celebri B. Babylæ transportatione è Daphnitico Luco in urbem Alexandrinam non hoc diò adumbratos expressos ve dicat?

Cœnobitz Tullenses, præsertim vero è Religiosa Domo S. Apri sese in hac transmigratione exhibuere Sacri Corporis Gerulos ad Mosellæ Amnis trajectionem, ibi ab alia occurrante undequaque populi turbâ Honorificentissimè Surseptum Sacrum Pignus, Confidentèque Tullensi Clero in fluminis Ripa cum magnâ populi turbâ novi Vectores Sacri Corporis transmeationem Amnis aggressi per eam partem qua vadossissimus putabatur, à consequente multitudine rapiuntur ad ignota alvei loca; ipsi ergo deviantes, ac Toto cum Comitatu aquarum mole pœnese obrui sentientes, exclamare ad Dominum, Suffragium Beati Firmini implorare cum Lachrymis incipiunt, anxiusque Tullensis Antistes cum suis omnibus in Fluminis ora intuentibus pro Salute turbæ, prope pereuntis edit eam orationem: Sancte DEI Firmine! Pretiose Confessor succurre citius, ne pereant ferentes Te Aquis fluentibus. Excipit Pia turba Episcopi sui orationem, ingeminans sæpe Sancte Dei Firmine! Sancte DEI Firmine! exorta forte tum fuerat procella. Sed exaudita orationem populi præsens liberatio ostendit: nam statim sedata tempestate litus adversum universi tenuerunt. Hoc tam insigni miraculo permoti plurimi Flaviniacum usque S. Corporis Comites se adiungunt. Episcopus Tullensis cum Clero & reliquâ multitudine ad propria remeat DEO laudes daturus.

Hoc celebre factum scripsit etiam oculatus testis (nomen subicitur, ipse forsan Humbertus Abbas vel Religiosus alter, qui toti negotio præesse poterat, in M. S. Cod. Viton.) Et vehentes Corpus S. Nicolai Barum, Nautæ similia pericula experti, ejusdem intercessionibus liberantur, ut scribit Johannes Archi-Diaconus cap. X. histor. transl. apud Sur. tomo III. die IX. Maij. Taceo excitatam tempestatem in translatione S. Chrysostomi in ipso fere portu Byzantino apud Niceph. & alios supra.

Interim in ædem D. Martinæ evectam, in supercilio montis sitam, (pagus ipsæ hodie vulgari Dialecto *Domp-Martin* dicitur) Corpus D. Firmini portatur; jam Basilica ipsa circum fluentium hominum triduum expectantium Catervas redundabat, Quamobrem pro Foribus ac in ipso Vestibulo templi Sacrum pignus locare necessarium fuit, quo turbæ adventantis Devotioni fieret satis: Inter multa ibi patrata Divina opera, Celebre fuit illud: Claudicabat utraque tibia quadriennis puer, mox ut parentum ope Sacrum loculum est deosculatus, non recte incedere modo, verum & exsilire, currereque cœpit, non secus ac mendicus ille curatus à B. Petro ad speciosam portam templi. act. III.

Postea pervenitur ad amœna quædam prata circa Chalinadiam *Chalignii* villa est S. Stephani Metensis ad littus Mosellæ, ibi fessî S. Corporis bajuli ob vehementem æstum (erat nam maxime sudum) conquiescunt posito onere: At ubi progrediendum fuit, iterum eæ recurrunt difficultates, quas in Devia villa primum occurrisse diximus immobile secundò Corpus invenitur, quasi Rupes ingens tenacius & altius monti inhærens; Quidam id prætenderet, vehemens stupor omnium animos occupabat, hic omnes discutere conscientiam, sibi quisque timere, sollicitum denique quemlibet maxime inspicere licebat, Novorum operum Famâ exciti plurimi Tullo recens forte advenerant, inter quos verus & legitimus Agri Dominus (idem pænè in S. Augustini è Sardinia Ticinum

num translatione sub luitprando apud Possidon. in ejus vita) Is ergo Religione commotus novâ, scribit Agri hæredem perpetuum S. Firminum, dat juris stipulatorem, & continuo Corpus quasi pennis fultum summa cum facilitate deportatur â piis religiosisque Fratribus, (nam Virduno nonnulli è Vironina familiâ Sacrum Corpus sunt semper Comitati ad Cœnobium Flaviniacense) hymnos Sacrosque Psalms concinnente cæterâ turbâ. Hæc inter, Loculi seu Arculæ tabulæ Sacra ossa continentes, moveri loco, atque inter se collidi cæperunt, ita ut dissociationem, solutionemque minari, duas ferme horas integras, putarentur: Rei novitate omnes attoniti, orationes fundere, erumpere in lachrymas, veniam peccatorumque remissionem petere, Exomologesim vitamque meliorem spondere incipiunt: cessat tandem tremor & tabularum commotio. At circa meridiem solis ardore sitim excitante vehementem in tota multitudine, & maximè in Sacræ arcæ bajulis, â prædivite quodam vinum deprecantur (huic adhuc vini utres XL. in hypogeoerant) negat avarus homo vini se quidquam habere, nec vanus Augur, nam dum sub cœnâ vinum petit, nullum esse prorsus in utribus animadvertit, & dum effusum putat, nullum vestigium agnoscit, furit in domesticos miser, votis interim suorum non defuit DEUS, Dum è vicinitate multi panem, vinum, & cætera id genus sibi accurarent.

Eodem tempore pia Matrona depago Rammorem (Goduijdis ei nomen erat) adcurrit festina piis Fratribus & Religiosis viris S. Corporis vectoribus vinum panemque libera manu profert: forte patentem dolii fistulam nimium festinans bona mulier reliquerat, agnoscitque clavem fistulæ in manu, dum viris vinum fundit, quare effusum reliquum vinum, doliumque inane futurum rata, recurrit Domum ocyus extra guttum dolio suppositum nihil effluxisse, sed eo pleno fletisse mirata, DEI virtutem in S. Firmino vicinis enunciat, & secundo cum populosâ manu ad Sacrum Corpus convolat: His & similibus postea prodigiis Saxeum Cor Locupletis & avari hominis supra Memorati (Hilterus appellabatur,) frangitur tandem, & antea vitæ noxas salubri poenitentia eluens, avidam tenacitatem in non ingratam liberalitatem convertit, quam testatus est, quando sequenti die ad S. Corpus veniens genuflexo Errati veniam cum Lachrymis petit, oblatisque S. Firmino Donis maximis, vitæ melioris institutionem vovit, & in Religiosâ Domo Flaviniacensi piè Sanctæque vixit. Pergebat turba cum S. Corpore, pagumque appetebat, qui Masnili Teutberti, nominatur, Duobus tum miliaribus â Cœnobio Flaviniacensi distantem mosella interjecto: Ecce totum opidum, Lusdam *Ludre* Lotharingi vocant, Pastore ipso cum Clericis Divinas Laudes præcinente, cum muneribus obviam procedit, In itinere plurimis impedit malè feriat, nescio quis Ganeo, quo Se tantus Populus reciperet, contatur: quibus ad S. Firmini Corpus excipendum agentibus, mox vesano Spiritu agitated homo furorem concipit, plurimamque in S. Pontificem Firminum evomere pergit convitia; donec â turba digressus in Rivulum pagum medium aspergentem prolaberetur, aquisque suffocatus miseram etiam animam evomeret, alia habemus exempla sexcenta similia, eorum qui contumeliosi fuerunt in Sanctos apud Bredembac. Lib. III. col. Sacr. &c.

Pervenit tandem Flaviniacum Corpus S. Firmini, in ædem Sancto Hilario Sacram, maximo cum apparatu & frequentis Populi gratulatione, deportatur, ac in majoris Aræ cornu altero (quomodo adhuc hodie B. Claudii Corpus visitur) collocatum, peregrinis innumeris eò confluentibus cæpit esse venerationi. Nam eâ ipsâ primâ nocte quâ Sacra Theca cum Sacro Corpore in templum Flaviniacense illata est, Claudorum, ari-dorum, cæcorum, aliorumque ægrorum multitudo solo attractu Sacræ arcæ curatur: Neque vero tunc solum mirabilis in Sancto Firmino fuit Deus, sed postea sæpe. Vix enim quiescebat in novo Flaviniacensi templo S. Pastor, dum Tulli misera quædam mulier Sacro die, furtivo operi dedita â humani generis hoste invaditur, incubus erat dæmon, percrebrescente famâ miraculorum S. Firmini, Cathenis B. Apri (quibus victi aliquando tres Energumeni curati fuerant & liberati) constricta, Flaviniacum vi pertrahitur; ibi furore, peregrino, barbaroque idiomate multa loqui incipit Dæmon, mulierem, astantesque omnes unguibus, calcibusque impetere, tandem indicuntur piis monaihis preces, applicantur S. Firmini Sacra Ossa, mox abscedit hostis muliere semimortua relicta: Post aliquam temporis interapedinem secundo applicantur Reliquiæ, continuantur preces, & læta surgit mulier DEI bonitatem Sanctique Firmini virtutem prædi-

prædicans singularem. Sed jam cætera narratione superledebo, ne Longior sim quam oportet: Agitur quotannis in Ecclesiâ Vird. translationis hujusce anniversaria commemoratio IV. non Majus. Supplementum Bertharii cap. XXIII. eandem attestatur translationem: at satis.

VIII. S. VITONINUS seu VIDENUS (Vitionem furius nominat tom. VI. & VII. die Novemb. IX.) à Clodovæo Francorum Rege, qui Virdunum suæ nunc potestatis fecerat, Episcopus Virdunensibus datus est Anno Christi D. evasit in tantum virum, ut leprosos vivens sanarit, post obitum cæcos illuminarit, diem clausit Anno DXXXVIII. V. id. Novemb. quo die in Indicibus Ecclesiasticis Virdunensibus annotata reperitur anniversaria ejus memoria. Eiusdem postea facta est translatio, Corpusque in argenteo loculo solemni cum apparatu reconditum Anno MCXLVII. Eugenio III. summo Pontifice, Alberone II. Episcopo Virdunensi, & Conone Abbate S. Vitoni presentibus. Sic M. SS. Codices omnes, Pontifici ipso divina celebrante.

Proximè deinde sequenti ætate ob cœli inclementiam & copiosissimos imbres, impendere cervicibus Virdunensium Fames gravissima videbatur, Sacrum S. Vitoni Corpus magna populi Freqventia, per vicinos agros, solemni in Supplicatione delatum ad villam, quam Charniacam dicunt vulgò *Charnei*, Duobus àb urbe sejunctam miliaribus, mox quiescentibus ventis nubibusque fugatis mirum in modum diu tenebricosum serenatur cœlum, messisque sequuta horna-gemina, Hinc emanavit ea consuetudo, ut adhuc quotannis Feriâ II. Pentecostes eadem pæne pompa pro frugibus Terræ renovetur quasi eadem supplicatio, in qua simul aliorum Divorum Sacra Pignora deferuntur.

Vacat sedes Pontificia Menses aliquot.

IX. DESIDERATUS Vir nobilis, Natione Germanus, Patria Thuringus, in litteris benè versatus, post uxoris mortem Ordinis Ecclesiastici desiderio teneri cœpit; Quarecum Principum Taurinorum Præceptor aliquando fuisset, à Theodeberto Theodorici Regis Austrasie Filio, postulanteque Clero, Episcopus est constitutus Anno Christi DXXX. undecimo sedis, suæ Anno Prodigia per universam Galliam multa contingere de quibus Sigebert. Anno DXLI. afflicti que Virdunenses Anno sequenti DXLII. Pûstulis avestis: Adiens Theobertum Desideratus, àb ipso Quingentos Nummos aureos in Populi subsidium accipit. Jam tum præclarè factis celebris erat in agro Virdunensi B. Agricis, ut Sigibert. etiam observat in chron. DXLVIII. Cujus industria plurimum utebatur Desideratus noster. Annis tandem ut laboribus tractus obiit Anno DLIV. primusque in Deiparæ templo sepelitur. Hæc Berthar. Paul. chronol. vixisse putat ad DLV. sed tabulæ Viton. & M. S. Brun. secus habent.

X. AGERICUS Electus à Clero & Civibus, præesse cœpit Virdunensibus Anno DLV. Dum S. Medardi templum extrueret, Sanctorum Mauri, Salvini, & Aratoris, Opitulante Numine, Corpora invenit: Pernoctabat fortè in oratione bonus Pater, repente nescio quomodo Lychnus extinguitur, quo utebatur tum in Oratione horarum; Exhorruit primum, Mox ubi sese collegisset, ecce Novo cum splendore & Lumine multitudinem Beatorum Spirituum, Psalms & Spiritualia Cantica Psallentium Cellam ingredientem miratur, Præceteris elucebant Tres Sancti Præsules Maurus, Salvinus, & Arator, Corpora quidem sua vicino in loco (demonstrabant ipsi) àb Annis jam multis in Hominum oblivione posita jacere, Evotamen sese frui sempiterno, cœlestique gaudio attestantes. Hæc inventio Sanctorum Corporum III. id. Nov. facta est, in qua multa edita sunt miracula, quorum aliqua refert Wasseburg in S. Aratore. Anno denique DCII. die Dominico, quo in Ecclesia Memoria B. Catharinæ Martyris annua recurrebat, suis adscitis Clericis, Divina peragit, dum omnes ad pietatem hortatur, futuramque Corporis sui depositionem Sabatho sequenti Prophetico Spiritu prædicit, veritatem probavit eventus, audita que in ejus obitu supernorum Spirituum concinentium voces, suavissimoque cantu Deum laudantium; Omnibus item videntibus B. viri anima quasi Nivea columba evolare visa est, Cœlesti harmoniâ circum sonante. Obiit Cal. Decembris. Anni DCII.

XI. CARATMERUS in Regia Childeberti Regis Austrasie diu versatus, Libellorum Supplicum Magister, Regio Decreto factus est Episcopus, Anno DCIII. condemnato Bucionaldo abbate ob superbiam & ambitionem: desit esse in humanis VIII. sui muneris Anno Christi DCX.

XII. HERMENFREDUS In agro Argentoratensi, Celebri quondam ex Regum habitatione loco, & illustri Familiâ Natus, à Theoberto Rege Virdunensis designatur Episcopus Anno DCX. Nam antea cum Pacis tum Belli tempore in armis cum Theoderico hujus Austrasie Regis Fratre fuerat versatus: Ex milite factus Religiosus apud Luxouienfes, S. Columbanî discipulus è Religiosa demum familiâ evedus ad Cathedram Virdunensem Id apud Regem postulantibus consanguineis. Obiit Anno DCXXI.

XIII. S. PAULUS S. Germani Parisiensis Nepos invitatus donatus est Pontificiâ Tiarâ, Clotarii Regis opera Natione Heduus, Patriâ Augustodunensis primò vitam Eremiticam professus: Deinde apud Theologienfes Cœnobiticam, Postremò tractus ad Magistratum Ecclesiasticum Anno Christi DCXXI. omnium virtutum ornamentis præstabilis. Obiit VI. id Febr. DCL. Sepultus in S. Saturnini, nunc S. Pauli templo. Oleum è Sepulchro ejus manasse ad multos Annos norat Bertharii supplementum.

Incidit in manus meas perantiquus codex M. S. Viton. in quo plurima ad S. Pauli reliquias reperi facta miracula, & præcipue vim in Dæmones mirabilem ostendentia, Unum his attexam, quia vitis religiosus, nostrisque Novitiis non erit ingratum: sub Folcrado abbate (de quo in Theodorico, Wasseb.) Et Goduino priore Novitius quidam (res gesta in Cœnobii D. Pauli Virdun. circa Annum MCXLVI. cum ibi Præmonstratensium Disciplina vigeret) fluctuans invocatione cum sæpius in Errata non ferenda laberetur, à Magistro sæpenumero monitus, in pèssum itet magis, Castigatus inolescere amplius; tandem minatur se abcessurum deinceps, id quod Jure Jurando etiam confirmat. Audit hæc superior & immorigerum adolescentem dimittit: non multò post cum apud suos cupiditatibus habenas laxaret, à Dæmone corripitur, nec ante curatur, quam manibus pedibusque revinctis ad S. Pauli Limina, unde cum jurejurando excefferat, reduceretur, & coram Sancti Feretro adjuratus, explosus, exturbatusque esset Caco-dæmon; Filium infelicem Parentes, concepto voto, in servum perpetuum tradunt eidem S. Pauli Monasterio, ubi prius Monachus esse meruerat.

XIV. GISLOALDUS. Apud Cellam Theologiensem Monachus, S. Paulo in Cathedra successus est Anno DCL. Canonicos in eadem S. Saturnini Instituit Anno DCLIX. pontificatus sui Anno Decimo. Desit esse in Humanis Anno DCLXV.

XV. GEREBERTUS. Theologienfis Monasterii Abbas, Virdunensem Rexit Ecclesiam sub Childerico. Morte solvitur eodem, quo Ebroinus, Anno DCLXXXVIII.

XVI. ARMONIUS. ex Abbate Theologienfi transfertur ad sedem Virdunensem de Mandato Pippini Heristalii Anno DCLXXXVIII. Obiitque exeunte Anno DCC.

XVII. AGREBERTUS, prioris ex Fratre Nepos, creatur Virdunensium Pontifex Anno Christi DCCI. moritur Anno DCCVIII.

XVIII. BERTALAMUS, Monachus Theologienfis, Grimoaldi Filii Pippini Favore assumptus est in Episcopum Virdunensem Anno DCCVIII. Stanneum, Cassam-Petram, Tyllium, ac Fromesum Oppidum suæ acquisivit Ecclesie; delecto sibi successore Abbone, cessit è vivis Anno Christi DCCXV.

XIX. ABBO. Theologienfis Item Monachus, Bertalamii quondam Præceptor, jam Annis gravis decessit Muneris sui Anno secundo.

XX. PEPO. Caroli Martelli Præceptor Anno DCCXVII. Pontificio Munere donatus est ab eodem Martello, quem & armis & auro juvit adversus Rabothum seu Ratholdum Frisæ Ducem. Obiit Præfulatus sui Anno VI. Christi vero DCCXXII.

XXI. VOLCHISUS. Quondam Filiorum Caroli Martelli Præceptor, Virdunensem Cathedram ascendit Anno DCCXXII. Pippinum ejusdem Martelli jussu, ad Luitprandum Longobardorum Regem tendentem Comitatus est; Redux Virdunum, morbo diuturno extinctus est Anno sedis suæ septimo.

XXII. AGRONIUS. Invito Anselino Virdunensium pro-Rege, à Clero postulatur Episcopus Anno Christi DCCXXIX. multa propter sibi denegatam Decimarum solutionem sustinuit Incommoda, ac tandem obiit Promotionis suæ Anno tertio.

Vacat sedes Virdunensis Integro Triennio.

XXIII. S. MAGDALVEUS. de Cognatione Caroli Martelli, ab eodem Thiara Pontificia donatur Anno DCCXXXV. Natus erat Virduni, ac Pippini Heristalii pro Plestrude partes secutus est adversus Martellum cui mox reconciliatus est. Abbatis S. Amantii in Rhodania, Moderniacum & Puliniacum in Aquitania, quæ jugum Episcoporum Virdunensium excusserant, parere docuit; Cœnobitas & Religiosos Viros frequentius visitabat, semper præ oculis habens Gesta Prædecessorum suorum. Peregrinationem Hierosolymitanam agressus, in ea à Basilio Patriarcha perbenignè exceptus muneribusque maximis ornatus est; Reversus ad sedem suam, Templum Divæ Magdalene Sacrauit, exiguum quidem, sed postea sub Haymone Splendidiore sumptu restauratum; in eo Moniales collocaverat quibus morte præventus, de dote sufficienti providere non potuit, unde tandem deserta remansit hæc Ecclesia donec Hermenfredus eam Restituit: Moritur Sanctus Magdalveus Anno Christi DCCLXII. ejusque Corpus incorruptum repertum fuit Annis post ejus obitum quadraginta.

Vacat sedes Virdunensis ad Annum usque DCCLXXIII. quo Tempore Vir pius, juxtaque morum Integritate commendabilis AMALBERTUS viduam Pastore administravit Ecclesiam: Eum Bertharius alique veteres Chronologi non Episcopum sed Corepiscopum nuncupant; Obit Anno Christi DCCLXXI.

XXIV. PETRUS. Natione Italus, Desiderio Longobardorum Regi à Consiliis; eum post expugnatam Papiam ac devictum Desiderium Carolus Magnus sedi Virdunensi præfecit Anno DCCLXXIII. Multæ tunc, quemadmodum sede vacante, Calamitates invaserunt Ecclesiam & Civitatem Virdunensem, de quibus nimium contristatus Petrus, diem clausit extremum Anno DCCXCV. postquam sedisset Annos Vigiñti & unum.

XXV. AUSTRANNUS. Musicæ scientissimus à Sancto Pontifice Adriano I. in Gallias Cantus Ecclesiastici Restaurator missus (ut etiam innuit Sigebertus in Chronico) Ecclesiæ Virdunensi à Carolo M. designatur Episcopus sub finem Anni DCCXCV. dein Anno DCCXCVII. eundem Carolum Regem Romam usque Comitatus, effecit ut Leo III. Pontifex Mox Magdalveum, suum in sede Virdunensi prædecessorem inter Sanctos referret; plurima etiam Ecclesiæ suæ Bona à Nobilibus injuste possessa recuperavit, ac tandem felici morte quievit Anno DCCC.

XXVI. HERILANDUS. à Carolo M. in Gratiam Fratris sui Zachariæ quo in diversis Legationibus usus fuerat, maxime ad Patriarcham Hierosolymitanum, donatus est Virdunensi insula. Interfuit Moguntino, aliisque per Germaniam habitis Conciliis, quibus edoctus, multa ad Cleri sui Reformationem instituit. Postremum Articulari morbo vexatus animam salvatori suo reddidit, Anno Episcopatus sui Vigesimo quarto. Christi vero DCCCXXIII.

XXVII. HILDUVINUS. Vir Clarus, ac Ludovici pii Imp. Consiliarius ab eodem Clero Virdunensi Præsulatus, sedit Annis XXIV. Multa à Lothario Imp. perpeßus mi-gravit ex hoc Sæculo Idibus Januarii Anno DCCCXLVII.

Vacat sedes Anno ferme Integro,

Episcoporum Virdunensium.

101

XXVIII. HATTO. Lothario Juniori Intimus, ex hujus Regis voluntate Pontificia Jura suscepit Anno DCCCXLVII. exeunte. Mox Bona Ecclesiæ suæ ablata omni studio revocavit: Hattonis- Castro Oppidulo initium dedit: dirutam à Normannis S. Vitoni Basilicam restaurare aggressus Monumenta S. S. Pulchronii & Possessoris aperiri jussit, & eorum Sacra pignora in Loculis decenter reposuit: similes honores exhibuit Reliquiis Sanctorum Mauri, Salvini, & Aratoris, in quarum Translatione frequens Populi concursus, & ægri sanati plurimi. Beati Johannis Baptistæ Ecclesiam solo pæne adæquaram restauravit ac in Honorem S. Mauri Episcopi Virdunensis consecravit, Altare etiam suo in Hattoniano Castro eidem S. Mauro erigeas. Demum Anno Pontificii sui muneris XXIII. ipfis Kalend. Januarii Anno DCCCLXX. vitam posuit.

XXIX. BERHARDUS. à Carolo Calvo Galliarum & Lotharingæ Rege Anno DCCCLXX. Virdunensi Ecclesiæ præficitur; docuerat is Sacras Litteras in Aede Vitonina, quam ad Finem perduxit, id quod Hatto morte præventus præstare non potuerat; constituitque in ea VIII. Canonicos quos redditibus ac Censibus copiosis dotavit. Obiit in Theoleia prid. Kal. Jan. Anno DCCCLXXIX. Pontificatus sui Anno X. hæc Bertharius Berhardi hujus discipulus.

XXX. DADO. Berhardi Nepos à Ludovico Rege Galliæ Orientalis Antistes Virdunensium Designatus est mense Majjo Anni DCCCLXXX. sub ejus Regimine Boso Virdunum Civitatem Igne devastavit Anno DCCCCVI. quapropter pius Præsul, ne per hoc forsitan Memoria prædecessorum suorum etiam periret, Berthario Sacerdoti & Secretario suo injunxit ut Historiam Virdunensem contexeret, dum ipse interim Ecclesiæ Marianæ Instaurationem molitur; sed jam Senio gravis morte præpeditur Anno DCCCCXX. postquam Ecclesiam suam Rexisset Annis Quadraginta.

XXXI. BARNOINUS. Dadonis Consanguineus Cathedram Virdunensem ascendit Anno DCCCCXX. moritur Anno DCCCCXXXIX.

XXXII. BERENGARIUS. Natione Saxo, Ottoni Cæsari Charus, à quo & Episcopatu Virdunensi donatus est. Hic in primam Virdunensem Ecclesiam in honorem S. S. Petri & Pauli constructam, nunc Divo Vitoni Sacram, Ordinis Sancti Benedicti Monachos introduxit, abactis exinde Clericis, primumque eis Abbatem Humbertum consecravit Anno DCCCCLII. dein Anno sequenti Translationem Corporis S. Firmini ritu solemniter peregit, ut supra ostendimus; Obiit optimus Præsul Anno DCCCCLIX. pridie idus Augusti, ac in Templo D. Vitoni Sepultus est.

XXXIII. WILGFRIDUS. Bertholdi Bavarie Ducis consanguineus, in defuncti Berengarii Locum successus est. Hic Templum Sancto Saturnino Sacrum restauravit, ac S. Pauli Episcopi Corpus in eodem reconditum elevans, in argenteo Feretro honorificentissime collocavit; majus etiam Altare in hujus S. Confessoris, Sanctique Pauli Apostoli Honorem consecravit, & Coenobitas Ord. S. Benedicti eidem Ecclesiæ præfecit, quos, quemadmodum illos de S. Vitone, Prædiis, annuoque proventu Copioso Locupletavit, Anno DCCCCLXXXIII. postmodum Sigiberti Comitis Carceres expertus, mox Liber dimissus est: comes vero in expiationem patrati Facinoris, Laminam & coronam auream obtulit, quæ una cum summo Templo deinde conflagravit. Obiit Wilgtridus Anno DCCCCLXXXVI. prid. Kal. Septemb. Sepultus in Templo S. Pauli juxta aram, quam in dextro Latere vivus erexerat.

Vacat sedes Virdunensis mensibus aliquot, nam, qui in eadem successurus fuerat **HUGO**, ubi ærarium exhaustum intellexit, oblatæ Dignitati ultro renunciavit, nec in Episcopum consecratus est.

XXXIV. ALBERO I. Theoderici Mosellani ex Nobilissima Beatrice Filius, à Clero & Populo unanimiter postulatus Anno DCCCCLXXXVII. Cathedram Virdunensem haud diu tenuit, quandoquidem eodem Anno ad proximam Metensem promotus est.

XXXV.

XXXV. ALBERO II. Godefridi Senioris Comitis Arduennæ Filius, Pontificum munus suscepit æger admodum; hinc recuperandæ sanitatis gratia in Italiam delatus, ibidem diem clausit extremum XIV. Kal. Maij. Anno DCCCCXC.

XXXVI. HAYMO Nazione Germanus, Henrici Bavariz Ducis Interventu, ab Ottone III. Imp. Vacanti Ecclesiæ Virdunensi præficitur. Restauratam ab Hartone Episcopo Aedem Sancti Mauri exornat, insignique adauget Monasterio in quo Sandimoniales Ord. S. Benedicti collocavit, Redditibusque sufficientibus providit circa Annum MX. quo Tempore Dudo vir pius, Virdunensis Ecclesiæ Canonicus ac Montis Falconis Præpositus Novam erexit Ecclesiâ in Honorem S. Crucis, Canonicosque XII. in eadem Liberalissime instituit: eodem plane Zelo Ductus Hermanfredus Archidiaconus Anno MXXXIII. Basilicam Divæ Magdalenz Sacram, juxta quam olim Magdalveus Episcopus Cœnobium Sandimonialium instituere aggressus fuerat, Restauravit, in eaque, B. Richardi Abbatis Vitonini Consilio adjutus, Magnificum XXIII. Canonicorum Collegium fundavit. Obiit Haymo die Kalend. May Anno MXXXVIII. postquam Ecclesiâ suam Laudabiliter Rexisset Annis fere XXXVI.

XXXVII. RAIMPERTUS. Omnium votis & applausu Haymoni datus est Successor, qui præter erectam à se Collegiatam S. Magdalenz Ecclesiâ, de qua mox egimus, Celiâ S. Agærici Abbatiz Titulo insignivit, in eaque Ordinis S. Benedicti Monachos collocavit sub directione Balderici Viri præstantis, quem etiam in primum Loci Abbatem ordinavit. Iter Hierosolymitanum ingressus, vix Inferiorem Pannoniam attingerat, cum gravi morbo decumbens ad Cœlestem Hierusalem profectus est, III. Kal. Maij Anno MXLI.

XXXVIII. RICHARDUS. I. Hiltradi Comitis Filius, ad Preces Cleri ac populi Virdunensis, Vicinorumque Principum Favore, ad vacantes Insulas promotus est à Conrado II. Imp. Vir miræ Eloquentiæ & Sanctitatis, utpote qui Fridericum ultimum Virdunensium Comitum induxit, ut relicto Sæculo Monasticam vitam in Cœnobio S. Vitoniam plexaretur, quo factò, ipse Comitatum Virdunensem Ecclesiæ suæ in perpetuum uniri, ac privilegio Cæsareo confirmari obtinuit. Obiit plenus Meritorum Anno MXLVII. VII. Idus Novembris.

XXXIX. THEODORICUS. Gozelovis Comitis Filius, ac Basileensis Ecclesiæ Canonicus, quem Henricus III. Imp. in gratiam Patris sui qui sub ipso in Italia strenue militaverat, Episcopum Virdunensem constituit. Gravis ei intervenit dissensio cum Godefrido III. Barbatò, Lotharingæ Duce, occasioneque præbuit diri illius Incendii quo Civitas conflagravit Anno MXLIX. profectus postea Hierosolymam Theodoricus mox ubi ex itinere rediit, tot tamque varia Bella cum vicinis suis inivit ut virum potius militarem quam Ecclesiasticum diceret: Anno Regiminis sui XXXVI. eo quod partes Henrici IV. Cæsaris sectaretur à Gregorio VII. Pontifice, anathemate percutitur; quomobrem Rudolfus Abbas Vitoninus unâ cum suis, dum Theodorico communicare recusant, exulare cogitur: verumtamen, interveniente eodem Abbate, Theodoricus à Legatis Apostolicis postmodum Excommunicationis vinculo solutus, piè obit Anno MXC. die IV. Kal. Maij.

XL. RICHERUS. Decani Metensis, ab Henrico IV. Imp. ea Lege Theodorico in Sede Virdunensi datus est Successor, ut partes suas adversus Pontificem tueretur, Fideique suæ obides, sub Corporis Bonorumque omnium amissione, constitueret tres Fratres suos Albertum, Bezelinum, & Johannem, qui tunc in Regia versabantur Aula: quapropter Richerus factus est Schismaticus cum Capitulo, & urbe tota: cum autem Trevirorum Archi-Episcopus una cum suis compvincialibus Metensi & Tullensi, Apostolicæ Sedi constanter adhererent, Richerus absque consecratione & pontificalium administratione, tanquam truncus inutilis remansit donec Anno MXCVI. poenitens ab Urbano II. Pontifice per Legatos suos Lugduni absolutus est, ac ipso Sabbato Sancto paschali insequentis Ordinatus Episcopus: Relapsus dein in pristinam seditionem, hæsit in Excommunicatione per Triennium à qua resipiscens meruit absolui sub Paschali II. per Hugonem Lugdunensem

nensem Archi-Episcopum. Demum Treviros proficiscens ibidem vitæ finem invenit VI. Idus Martii MCVII.

XLII. RICHARDUS II. Comitis Grandipratenfis Filius, ex Archidiacono Virdunensi creatus Episcopus Iram Paschalis II. summi Pontificis incurrit, quod Henrico V. Schismatico adhereret. Astevolum & Mosacum Ecclesiæ suæ Oppida Guillelmo Luciburgico oppignoravit. Dein Hierosolymam, ac demum Romam profectus, cum frustra tentasset suam hæcenus sententiam ratam haberi, in gravem animi moerorem incidit, ex quo paulo post obiit in Monte Cassino Anno MCXIII.

Vacat sedes Annis III. mensibus VI.

XLIII. HENRICUS I. Guinotonienfis in Anglia Archidiaconus, Casareo Jussu cæpit Virdunum Pontificia Jura administrare Anno Christi MCXVII. mox anno sequenti Excommunicationis vinculo irretitur à Guidone Viennensi Legato Apostolico: verum consilio Laurentii Abbatis Vitonini Romam proficiscitur, & Mediolani absolvitur à Joanne Cremonensi Cardinale, Vices S. Pontificis agente; tum in auguratur Episcopus; quam ob rem irritatus Cæsar, Virdunum redeunt, Portas occludi mandat, hinc Civitas Obsidione cinctâ ac expugnata fuit: Tandem aliis supervenientibus adversitatibus fractus, Consilio Divi Bernardi usus, Pontificiam dignitatem ultro abdicavit.

XLIV. URSTO. seu URSTINUS. Abbas ad S. Dionisium Remis, à Clero Electus in Episcopum Virdunensem Anno Christi MCXXIX. auctoritate Legati Apostolici tunc Cataluniæ agentis: Vir parum Industrius, & ad Vitam solitariam agendam, potius quam Ecclesiam Regendam, aptior: Raynaldum Barri Comitem sic exhorruit, ut maluerit in Concilio Leodiensi coram Pontifice & Lothario Imperatore Insulas ponere, quam ejus assiduis Insultibus diutius vexari.

XLV. ALBERO. III. Arnulfi Comitis de Chinii Filius, Archidiaconus Virdunensis, sufficitur in Locum Urstonis Anno MCXXXI. is Ecclesiam suam prudenter Rexit; Raynaldi Barri Comitis Arrogantiam fregit, dein Anno MCXXXVI. dissolutionem Monachorum Ccenobii divi Pauli ultra non ferens, auctoritate Apostolica munitus eos ejecit, introduxitque in eorum Locum Viros pios ac Religiosos, de Familia S. Norberti, qui tunc florebant maxime, eisque præfecit Roggerium Abbatem: in tantum autem hæc Novella Plantatio exculta est, excrevitque, ut jam Anno MCXLVIII. iisdem Redditibus & Bonis trecentos aleret Religiosos, quando ea antea vix viginti Malis Monachis sufficiebant. Plurimorum aliorum Monasteriorum in sua diocesi Reformator & Restaurator existit Albero, Chaladense inter alia, inchoatum à Roberto Monacho Vitoniano, in quod se Henricus I. Episcopus post abdicatam dignitatem receperat, absolvit, consecravitque in honorem S. Sulpitii, ac in illud Cisterciensis Ordinis Monachos introduxit. Demum Anno MCLV. Albero & ipse Pedum posuit, Monachicamque Vitam Episcopali præferens, in Monasterio Divi Pauli reliquum vitæ pie ac Sanctè traduxit. Obiit IV. Non. Novemb. Anno MCLVIII.

XLVI. ALBERTUS I. ex Nobili Familia de Marcei ad vacantem Virdunensem Ecclesiam promotus à Friderico I. Imp. ejus partes fortiter secutus est adversus Pontificem Hadrianum IV. postmodum pœnitentiâ ductus Monasterium Clarcuallense, relicto Episcopio, ingredi statuit: verum in ipso Itineris sui exordio, pertransiens ante Sacram S. Vitoniædem, Currus quo vehebatur, dissiluit in partes, quo casu attonitus Præsul, simile quid olim Divo Marco Evangelistæ accidisse recordatur, quando à S. Petro Alexandriam missus, iter expletum ex ruptura Calcei sui intellexit: Intravitque Albertus Ccenobium S. Vitoni, Habitum ab Abbate Canone Instantè postulat, obtinet, ac paulo post ex hac mortali ad Meliorem vitam transit XVII. Kal. Maij Anno MCLXII.

Succedit durante Schismate RICHARDUS cognomento CRISSA, quo ante inaugurationem mortuo circa Annum MCLXXI. alium in Ecclesiam Virdunensem Intrudit idem Fridericus Imperator, ARNOLDUM Nimirum, Alberti Comitis de Chinii Filium, qui dum adversarios suos bello adoritur, sa-

gitta percussus interiit anno MCLXXX. huic mox subrogatur de Mandato Caesaris HENRICUS de CASTRIS Canonicus Leodiensis, cujus Regimen ut aliorum nex felix nec diuturnum fuit quandoquidem post annos aliquot, in publico Patrum confessu Remis habito, publice exautoratus fuit anno MCLXXXVI.

XLVII. ALBERTUS II. ex Illustri Comitum de Chinii Familia ortum trahens, à Clero Virdunensi, absens, & dum Loca Sancta per Armeniam invisit, eligitur in Episcopum: Verum turbatam intus & Foris Diocesim nactus, ipse pro Communi salute omnium Victimam occubuit, dum enim quodam die Clerum, Nobilitatem, & Populum ad ineunda mutuo inter se amica pacis fœdera Vehementer ad hortaretur, à Sicario a tergo adorsus Halta transfigitur anno MCCVIII.

XLVIII. ROBERTUS. è Comitum Grandi-Pratensium stirpe procreatus, Virdunensis Ecclesie Primicerius, Licet communi suffragio in prædefuncti Locum & dignitatem evectus fuisset, Cives nihilominus, & ex Clero primores aliquot sibi sensit inimicos, quapropter Romam ire compulsus, cum in fœcto Negotio Virdunum redit, moritur in Itinere anno MCCXVII.

XLIX. JOHANNES I. ab ASPERO-MONTE, Electus in Episcopum Virdunensem, dispensante super ætatem Pontifice: hic piis Operibus maxime Intentus, Monasterium quod hodie S. Nicolai in prato dicitur, à Fundamentis erexit pro Canonicis Regularibus S. Augustini, quos amplissimis Redditibus providit: exacto demum Sacri Muneris sui septennio, à Virdunensibus ad Metenses translatus est; anno MCCXXIII. hic est qui anno MCCXXI. Fratres tam ex Famula S. Dominici quam ex illa S. Francisci in Urbem Virdunensem admisit, eisque congrua Domicilia ædificari curavit.

L. RADULPHUS. Cantor Laudunensis, Vir mitis, Cathedram Virdunensem ascendit ex sola summi Pontificis autoritate, non petito etiam Cleri Consensu, cujus mores in multis reformavit, & in Cives suos omne Imperium, omnemque Jurisdictionem à Cesare impetravit. Obiit anno Domini MCCXLV.

LI. GUIDO I. de TRIAGNEL. ab Innocentio IV. summo Pontifice in Concilio Lugdunensi in Locum Radulphi suffectus est: verum dum pergit Virdunum, Febrigravissima corripitur, ex qua mox eodem anno Obiit in Hattonis-Castro.

LII. GUIDO II. de MELLOTO, ab eodem Innocentio IV. Pontifice subrogatus est Guidoni defuncto; quapropter Sedis Apostolicæ Zelator maximus, dum Cives sui, in Fridericiano Schismate novam defectionem moliantur, ipse Clerum omnem egredi jubet, & Civitatem interdicto suppositam, valida cingit obsidione, eoque in brevi rediit, ut Rebelles non nisi exsolutis decem mille pondo auri, pacem & veniam impetrarent: Transiit Guido ab Ecclesia sua Virdunensi ad Altiſſiodorensē mense Februario anni MCCXLVII.

LIII. JOHANNES II. de AQUIS, de vacante Virdunensi Ecclesia provifus per summum Pontificem, non alio Facto Memorabilis reperitur, quam quod anno muneris sui tertio divi Pauli Basilicam Magnifico Opere à Fundamentis inchoavit, moritur anno MCCLIII.

LIV. JACOBUS I. Trecensis, Filius Cerdonis, Divo Thomæ Aquinati maxime familiaris, hinc ad Virdunenses Infulas promotus fuit ab Innocentio IV. Pontifice, à quo etiam mox Hierosolymitani Patriarchatus Honorem promeruit, adscriptus dein in Album purpuratorum Patrum, ad supremam dignitatem Pontificiam ascendit post Obiitum Alexandri IV. anno MCCLXI. dictusque est Urbanus IV.

LV. ROBERTUS II. Mediolonenſis, datus fuerat Jacobo in sede Virdunensi Successor, anno MCCLIV. Oves sibi concreditas Rexit in pace, in qua & obiit anno MCCLXXI.

LVI. ULRICUS. Sarnensis, jam grandævus Roberto sufficitur. hic nulla re notus obdormivit in Domino Anno MCCLXXIII.

Vacat sedes per Triennium.

LVII. GERARDUS de GRANSON, ex Primicerio Virdunensi Creatus Episcopus, quo munere unico tantum anno functus est; excessit è vivis Anno MCCLXXVII. Sepultus in Castillionensi Monasterio, quod Bonis suis plurimum Locupletaverat.

LVIII. HENRICUS II. de GRANSON. præcedentis Frater Germanus, uterque ex veteri Gente Comitum de Chyni Ortum trahens; hic Episcopali Insula Donatus Anno MCCLXXXIII. Omnem Curam ac Operam in restaurando & perficiendo Castillionensi Monasterio, quod olim ex prædecessoribus suis Albero II. per Radulphum Abbatem Claufrensem inchoaverat, posuit, in eoque post Obitum Sepulturam suam juxta Fratrem suum, invenit Anno MCCLXXXVI.

Vacat sedes integro Quadriennio.

LIX. JACOBUS II. Revignæus, ob summam Doctrinam & pietatem à summo Pontifice Virdunensi Ecclesiæ præficitur Anno MCCXC. in tuendis sedis Apostolicæ Juri- bus & Prærogativis attentissimus, Civium suorum Odium & inimicitias incurrit, à quibus falsò delatus, dum Romam tendit, ut Innocentiam suam probaret, Lethali morbo corripitur Florentiæ, ubi & animam exhalavit Anno MCCXCVI.

LX. JOHANNES III. Richecuriensis, datus mox Jacobo Successor, Munus Pontificium feliciter administravit: Obiit Anno MCCCII.

LXI. THOMAS. de BELLO-MONTE ex Barrensi Comitum Sanguine progenitus, Ecclesiæ Virdunensis Primicerius, à Bonifacio VIII. Pontifice ad Episcopalem sedem provehitur, in qua annos paucos transegit. Obiit Anno MCCCIV. die IX. Kal. Julii.

LXII. NICOLAUS I. de NOVA-VILLA ex Canonico Virdunensis Ecclesiæ factus Episcopus; Inconsultam aliquando cum dissidentibus secum Civibus compositionem inuit, dum Imperium & Jurisdictionem Temporalem, quam Prædecessores sui multo Labore hæcenus manutenuerant, à se abdicavit: Novas dein ei molestias suscitavit Clerus, quibus nimium diuexatus Pontificium Munus transtulit in Henricum qui sequitur, Anno MCCCXII. cæterum dum Anno MCCCXVII. Ordo Militum Templi fuerat suppressus, Nicolaus Ædem illorum, quam Virduni possidebant, Eremitis S. Augustini incolendam dedit, proventus vero sæc amplios Monasterio Castillionensi donavit.

LXIII. HENRICUS III. de ASPERO-MONTE. Mox ubi in Episcopum inauguratus fuit, distractam ex Prædecessoris sui Pusillanimitate Jurisdictionem fortiter recuperavit, Suorumque Impetum repressit: ex Æde parochiali S. Mauri juxta Hattonis - Castrum Collegiatam efformavit, Canonicisque de Præbenda sufficienti providit. Obiit pius Præsul die Non Januarii Anno MCCCXLIX. de Ecclesia Virdunensi optime meritis, quam Annis XXXVII. feliciter gubernaverat.

Successit hoc ipso Anno MCCCXLIX. à Clero Electus HENRICUS de GERMINEO, quem improbavit Pontifex, adeoque in numero Episcoporum Virdunensium non recensendus.

LXIV. OTHO. Piçtaviensis, à Clemente VI. Pontifice Virdunensibus Præsul datus, nec Cleri, nec Populi mores probavit, quam ob rem mox Pedum & Insulas ultro posuit, sibi que surrogari passus est Hugonem, qui sequitur.

LXV. HUGO de BARRO Magnis ac Claris Natalibus ortus, initio sui Pontificatus, blandis Civium suorum hallucinationibus circumventus, Potestatem creandi Magistratum Civilem, iis ultro nec indulsit, verum Re postmodum attentius considerata, Factum ex autoritate Caroli IV. Imp. annullavit, à quo & novum desuper diploma obtinuit: Peregrinationem Terræ Sanctæ suscipiens, moritur in Monte Sinai Anno Domini MCCCCLXI.

LXVI. JOHANNES IV. Domo Borbonius, Viridunensem Sedem occupavit annis Novem. Obiit Anno Christi MCCCCLXX.

Vacat sedes Anno fere Integro.

LXVII. JOHANNES V. à Fano S. Desiderii dictus, Vacantem Viridunensem Episcopatum à Gregorio XI. summo Pontifice obtinuit; adversa plurima perpeffus, obiit Anno MCCCCLXXV.

LXVIII. GUIDO III. Rojâ diocesis Ambianensis Oppido ortus succedit Johanni in Cathedra Episcopali, nec fuit illo felicior. desuit esse in vivis Anno MCCCCLXXXVIII.

LXIX. LEOBALDUS de CUSANTIA Monachus Luxoviensis, ob Insignem præsertim Juris Canonici peritiam, ad Viridunenses Insulas promotus est. Magna illi & assidua Contentio fuit cum Civibus, quam ut fortius supprimeret in Caroli VII. Gallorum Regis Clientelam se suamque Ecclesiam tradidit Anno MCCCXC. moritur die VI. idus Maij Anno MCCCCIII.

LXX. JOHANNES VI. de SARRA-PONTE Joannis Cormarsii & Venisii Domini Filius, magnas, ob exortum in Ecclesia DEI Schisma, pertulit molestias, tandem Episcopatus sui cum Ludovico Barrensi Cardinale permutatione inita, ad Catalaunensem, quem ille tenebat, transiit Anno MCCCCXIX.

LXXI. LUDOVICUS I. è Ducibus Barrensis ortus, Cardinalis Portuensis, Catalaunensem suum Episcopatum cum Viridunensi permutavit approbante & confirmante Factum Martino V. summo Pontifice. Interfuerat jam Anno MCCCCVIII. Pyfanæ Synodo ut cum aliis Patribus subortum inter Benedictum mIII. & Gregorium mII. de ambiendo Pontificatu Schisma de medio tolleret, ubi familiarissime usus est Johanne Gersono Cancellario Parisiensi, ac Petro Alliaco postmodum Cardinale. Anno deinde MCCCCXV. Constantiam se contulerat ad Generale & Occumenicum Concilium, quod illi in omnibus suis Ecclesiasticis Functionibus & Ministeriis pro Regula Constanti fuit, Fratribus Ordinis S. Francisci sub finem Vitæ suæ, Ecclesiam cœnobiumque condidit in Varenna Oppido suo, tunc Viridunensis, nunc vero Remensis diocesis, Loco, etiam S. Gangulphi Martyrio celebri. Obiit Optimus Præsul Im. Kal. Julii Anno MCCCCXXX.

LXXII. LUDOVICUS II. Domo Haracuria progenitus, Inauguratur Episcopus Viridunensis mense Augusto Anni MCCCCXXX. verum arrogantes suorum Canonico- rum Mores cum tollerare non posset, Guillelmum Abbatem Thierensem (cui vacans per obitum Hentici à Villa, Tullenis Episcopatus obtrigerat) induxit ut hæc sede sibi relicta ad suam Viridunensem transiret, id quod etiam de consensu summi Pontificis ad effectum perductum est cum summa nihilominus utriusque displicentia, sic ut Neuter sua Sede contentus, nova permutatione inter se inita, ad priorem suam quisque reversus sit, obiit Ludovicus Anno MCCCCLVI.

LXXIII. GUILLELMUS I. ex Abbate Thierenfis Monasterii Ord. S. Bened. Creatus primum Episcopus Tullenis Anno MCCCCXXXVIII. dein ex permutatione cum Ludovico de Harcuria Episcopus Viridunensis, quam sedem cum rexiſſet

rexisset Annos Duodecim & menses aliquot, iterum permutavit cum prædicto Ludovico Anno MCCCCXLIX. & ad sibi primitus destinatum Ovile rediit cuius Saluti in omnibus, prospexit, & apud Fridericum III. Imperatorem tantum promeruit, ut antiquatum Comitis Virdunensis Titulum, qua prærogativa Prædecessores sui olim fruebantur, sibi suisque successoribus in perpetuum saluum firmumque obtinuerit. Tandem urgente Philippo Burgundiæ Duce ad Tornacensem Episcopatum transiit, Anno MCCCCCLX. cumque simul cum divite S. Bertini Abbatia in Urbe Gandauensi gubernavit feliciter, in qua & Sepulturæ Locum invenit, Anno MCCCCCLXXII.

LXXIV. GUILLELMUS II. Domo Haracuria, Ludovici II. superioris ex Fratre Nepos à Calixto III. Ecclesiæ Virdunensi præficitur Anno MCCCCLVII. III. idus Augusti post dicti Ludovici Obitum. Vir fuit fere semper in Aulis Principum degens Insignisque artis politicæ Magister, Duci Lotharingæ à Consiliis: primus Vimboii Castrum ædificavit quarto ab urbe Lapide: Dum aliquando Occultè partibus Caroli Burgundiæ Ducis adversus Ludovicum m. Galliarum Regem favere resque ejus Secretò promovere deprehensus fuisset, ejusdem Regis jussu in Carceres detruditur, in iisque per Annos m. detentus est: Interim Res Ecclesiæ Virdunensis in deteriora prolabantur, donec Anno MCCCCCLXXIII. Rumor de Guillelmi morte percerebuit, quo ad Sanctam Sedem perlato, obtinuit Clerus sibi in Episcopum dari JOANNEM de LENONCURIA, sed idem Rumor mox falsus deprehensus effecit ut ad Instantes Cleri Virdunensis preces Joannes saltem Pro-Episcopi apud eos munere fungeretur. Tandem Anno MCCCCCLXXXII. missus in Gallias Legatus Apostolicus Joannes Tit. S. Petri ad Vincula Cardinalis Libertatem Guillelmi his conditionibus à Rege impetravit, scilicet, ut Lotharingiam nunquam amplius ingrederetur, & Episcopatum Virdunensem in gratiam Nicolai Archi. Episcopi Atheniensis (qui tunc forte in comitatu Cardinalis erat) Resignaret accepto in vicem Episcopatu Vintimiliano in Ditione Genuensi sito: Verum mortuo Ludovico Rege, Guillelmus abjecto omni timore Virdunensem Cathedralam reperit, & diocesanos olim suos tot tantisque malis exagitat, ut Nicolaus Præsul pacis & publicæ tranquillitatis amantissimus, maluerit nova iterum permutatione facta cum Guillelmo, ad sedem suam Vintimiliensem redire, quam tantæ Miseriæ diutius esse Spectator. Obiit Guillelmus senio gravis Anno MD. die m. Kal. Martii.

LXXV. NICOLAUS II. de Nicolinis, Italus, Episcopus Vintimiliæ ac simul nominatus Archi. Episcopus Atheniensis, Vir pius, qui postquam Episcopatum suum permutasset cum Virdunensi, ut supra ostendimus, ob Pacis ac Boni publici amorem, hoc Virdunensi dimisso, Vintimiliam reversus est, reservata sibi annua pensione CCC. aureorum in quam se Guillelmus obligaverat, probante Pontifice.

LXXXVI. VARICUS. à Domp-Martino, Abbas Gorziensis, Opera Nicolai II. prædecessoris sui, mortuo Guillelmo Haracuriæ Sedem vacantem obtinuit VIII. Kal. Martii Anni MD. autoritate Alexandri VI. Pont. max cum esset inaugurationis suæ parum cupidus, Gerardum Ceraucurium in Cor. Episcopum accepit (erat is Abbas Vitoninus homo plus æquo Liberalis) tandem Varicus nulla re Clarus, Obiit Nonis Quintilibus Anni MDVIII. cum sedisset Annos VIII. menses III. dies mIII.

LXXVII. LUDOVICUS Renati scilicet Regis ac Lotharingæ Ducis ex Philippa Adolphi Geltriæ Ducis Filia; cum esset adhuc annorum Im. designatur Virdunensis Episcopus à Julio II. summo Pontifice hac interposita conditione ut Cardinali Urbino quotannis penderet Censum Mille aureorum: datus est insuper Ludovico in Cor. Episcopum Nicolaus Gobertyus Canonicus Ecclesiæ Cathedralis. Demum Anno MDmII. Ludovicus deposito Clericali habitu fit Comes Vademon-tanus, & Episcopatum suum Johanni Cardinali, Germano suo, dimittit.

LXXVIII. JOHANNES VII. Frater præcedentis, Anno ætatis suæ IV. designatur Episcopus Metensis, dein Anno MDmVII. transit ad Tullenensem Ecclesiam Creaturque Cardinalis anno mox sequenti a Leone m. Pontifice: Demum Virdunensis Episcopus

108 Anonymi Series Chronologica Episcoporum &c.

inauguratur Anno MDXXIII. cedente in ejus Gratiam Fratre suo Ludovico, ut mox vidimus; Interfuit Electioni Pauli III. Papæ Anno MDXXXIV. denique Episcopatum Virdunensem Resignat Patrueli suo, qui sequitur.

LXXIX. NICOLAUS III. Antonii Ducis Lotharingæ Filius, Abbas Gorziensis, ex Libera Cessione Joannis VII. Virdunensem Cathedram obtinet; verum extincto Anno MDXLV. Francilco Lotharingæ Duce, ad totius Provinciæ Regimen assumitur, Tutor curatorque Caroli hodie Regnantis quare ad statum Sæcularem transiens, Comes Vademontanus audiri maluit, reposito Episcopatu Virdunensi in manus Joannis VII. à quo illum acceperat.

§§§§§ §§§§§ §§§§§ §§§§§ §§§§§ §§§§§ §§§§§ §§§§§ §§§§§ §§§§§ §§§§§ §§§§§

XIII.

DIPLOMATA ET EPISTOLÆ VARIÆ.

I.

Ottonis III. Imp. Præceptum, quo Ecclesiæ Herbipolenſi Curtem Saltz cum appenditiis donat.

Ex Apogra-
pho.
An. 1000.

IN Nomine Sanctæ & Individuæ Trinitatis. OTTO Tertius Romanorum Imperator Augustus, omnium Sanctæ Dei Ecclesiæ Fidelium nostrorumque tam præsens quam futura comperiat multitudo: qualiter nos Domino HERIBERTO Venerabili Archiepiscopo postulante, BERNHARDO que Duce Egregio precibus obnixis Supplicante, ob Remedium animæ Genitoris nostri, nostræque Matris THEOPHANÆ Imperatricis Augustæ, nec non propter Ineffabilem Dilectionem & Obsequium Domini HEINRICI Venerandi Pontificis, Sanctissimæ Dignissimæ que Sedi Wirceburgensi, in qua idem Venerandus Antistes Venerabiliter præesse dinoscitur, ad Honorem Mediatoris Dei & Hominum Salvatoris Mundi dedicatæ, in Venerationem præciosissimorum Martirum Kiliani, Colonati, atque Totnani constructæ, dedimus, Largitifumus & firmissima Traditione Donavimus Castellum & nostri Juris Curtem Saltz dictam, & omnia quæ ad eam pertinent: tantummodo Prædiolum excipimus quod Gotzoni antea Donavimus, sicut in Carta sua Legitur, atque memoratum castellum curtemque modo habitam & Villas ac Silvas immo quendam Pagum Saltzgovve dictum cum omnibus pertinentiis, utensilibus, possessionibus servis seu ancillis, Litonibus, Tributariis, Familiis, Ecclesiis, Oppidis, Arbustis, Lucis, Areis, Ædificiis, utriusque Sexus mancipiis Agris, Pratis, Campis, Pascuis, Silvis, Venationibus, Bannis, Aquis, aquarumque decursibus, Molendinis, piscationibus tam quæ sitis quam inquirendis ceterisque omnibus, quæ adhuc dici aut Inveniri possunt, pro utilitate Sanctæ Wirceburgensis Ecclesiæ in proprium firmissime tradidimus & de nostro Jure in Jus & Dominium Egregii Martiris Christi Kiliani omnino transfudimus & alienavimus; tali scilicet Ordine, ut idem prædictus Heinrichus Pontifex omnesque sui antecessores in perpetuum eandem Proprietatem totam in omnibus securiter possideant, teneant, & quicquid eis libuerit ad utilitatem suæ Ecclesiæ faciant, nostra, omniumque nostrorum successorum & omnium Mortalium objectione usque Finem Sæculi & Diem Judicii Longe remota, & ut hæc Traditio firmior omnibus sit temporibus hanc paginam manu nostra corroboravimus, & Sigillari Precepimus.

Signum Domini OTTONIS Cæsaris Inviſtissimi.

HERIBERTUS Cancellarius Vice WILICISI Archi-Episcopi Recognovit.

Dat. Idus Maij. Anno Domin. Incarnationis Millesimo. Indiæ. XIII. Anno Tertii OTTONIS Regnantis XVI. Imp. IIII. Actum AQUISGRANI feliciter Amen.

II.

Præceptum Henrici II. Imp. quo Commutationem quorundam Bonorum inter Henricum Herbipolensem, & Eberhardum Bambergensem Episcopos initam confirmat.

HENRICUS Divina favente Clementia Romanorum Imperator Augustus, Omnium ^{Ex authent.} Fidelium nostrorum præsentium ac futurorum volumus Universitati pateat, quod ^{rico.} HENRICUS Wirceburgensis, & EBERHARDUS Babenbergensis Ecclesiæ Episcopi, no-An, 1017. stram adeuntes Clementiam rogaverunt ut unum concambium quod considerato Ecclesiæ suarum commodo ex communi suorum Clericorum atque Fidelium Laicorum consensu inter se fecerunt, nostræ notitiæ manifestum nostrique Imperialis Præcepti auctoritate esset roboratum; quo circa considerantes eorum justam petitionem votisque annuentes, prædictum Concambium qualiter inter eos firmatum esset exponere iussimus; & inprimis retulit Episcopus Wirceburgensis contulisse se Ecclesiæ Babenbergensi per manum Legitimi Advocati Abbatiam Erlangun, & Forcheim, & Eggolvesheim, & Kirsebah, & quatuor Piscatores in Camerin, cum eorum Terris oranibusque appenditiis ad præfatas Villas pertinentibus, cum agris, Campis, Arcis, mancipiis, pratis, pascuis, Silvis, Venationibus, aquis aquarumque decursibus, piscationibus, Molendinis, cultis & incultis, viis & inviis, exitibus & redivisibus, quesitis & inquirendis atque earundem Villarum decimationes præter hæc & Decimationes illarum villarum quæ nunc ad Holesfelt pertinent, & olim pertinere visæ sunt in Pago Ratingowe, in Comitatu Adalberti Comitis: Eberhardus vero Babenbergensis Ecclesiæ Præsul, Professus est perpetuam Traditionem se fecisse Wirceburgensi Ecclesiæ per manum Publici Advocati, de Tunigeshof in Pago Badenigowe in Comitatu Gumberti Comitis, & Triesenfelt in Pago Walschthin in Comitatu Gerungi Comitis, & de mancipiis utriusque Sexus ad eadem Loca pertinentibus, agris quoque & Campis, arcis pratis, pascuis, silvis, venationibus, aquis, aquarumque decursibus, piscationibus, molendinis cultis & incultis viis & inviis exitibus & redivisibus quesitis & inquirendis; proinde audita & considerata utrorumque Præsulum in alterutrum Legitima traditione, & quia prædictum Concambium ratum & rationale esse ex utraque parte nostræ discretionis apparet, per hanc nostri Imperialis Præcepti Paginam, utrique Ecclesiæ quod mutua traditione collatum est confirmamus & Corroboramus in perpetuum habere & tenere & ad Jus & proprietatem tam istos quam Successores eorum Præsules suæ Ecclesiæ rata & inconvulsa stabiliter possidere, ea videlicet ratione ut tam prædicti Præsules quamque Successores eorum Libertatem habeant potestatem de omnibus quæ Superius comprehensa sunt ad usum & utilitatem suarum Ecclesiarum Ordinandi, Commutandi, & quidquid eorum decreverit voluntas faciendi omnium hominum Regni nostri contradictione remota, & ut hæc nostræ auctoritatis Pagina omni Tempore stabilis & inconvulsa permaneat, eam manu propria roborantes Sigilli nostri Impressione iussimus Insigniri.

Signum Domini HENRICI Invictissimi Imperatoris Augusti.

CUNCTATIUS Cancellarius auctoritate ERCHANBALDI Archi-Episcopi & Archi-Cancellarii Recognovi.

Anno Dominicæ Incarnationis MXVII. Indiæ. XII. Anno verò Regni Domini HENRICI Imperatoris Augusti XIII. Imperii verò IIII.

Actum VII. Kal. Novembris ALTENSTETIN feliciter Amen.

III.

Conradi II. Imp. Præceptum quo simul cum Henrico Filio Rege, universas possessiones & Bona Ecclesiæ Bambergensis confirmat.

Ex Authentico. An. 1034. **I**N Nomine Sanctæ & Individuæ Trinitatis. CUONRADUS Divina favente Clementia Romanorum Imperator Augustus. & HEINRICUS Tertius Rex Filius ejus; in Examine cuncta DEI conspicientis æquale meritum credimus fore dantis & corroborantis: Credimus etiam ad Imperialem nostram Majestatem pertinere Totius Regni Curas statumque Imperii præcipueque omnium Sanctarum DEI Ecclesiarum Commoda considerare & omnia eisdem adversantia sub omni festinatione abolere ne vel gravi incommoditate vilescent, vel qualibet nostra Culpa, orta occasione à pristino Cultu & Religione recedant, quatenus dum hæc pro amore pariterque timore DEI fideliter peragimus, illorum qui hæc DEO pio affectu contulerunt Meritis & Gloria communicemus: proinde omnibus in Christo Fidelibus, scilicet tam futuris quam præsentibus Notum esse volumus qualiter ob hanc spem, per Interventum dilectissimæ nostræ Imperatricis GYSELÆ, pro amore etiam dilecti Fidelisque nostri EBERHARDI, primi Sanctæ DEI Babenbergensis Ecclesiæ Episcopi, eundem Locum à Divo Imperatore HEINRICO secundo, Antecessore nostro, pro sua suorumque anima in Episcopatum, Divina Inspirante Clementia, perfectæ Fidei, Spei, Charitatisque Devotione in honorem Principis Apostolorum Petri & Sancti Georgii Martiris sublimatum, Consensu Fidelium nostrorum sancimus & omnium contradictione remota Imperialis nostræ Majestatis autoritate corroboramus: Omnes etiam res mobiles & immobiles ejusdem Sanctæ DEI Ecclesiæ, quas ipse Divus Imperator pro ardore Cœlestis patriæ ibidem larga manu contulit ea ratione confirmamus, ut Fidelis noster Eberhardus ejusdem Loci primus Episcopus, ejusque in perpetuum Successores Secura eas tranquillitate possideant & Liberam potestatem habeant Res & proprietates ejusdem Ecclesiæ cum Consensu Cleri & populi ordinare, componere, commutare, & augmentare: Nostra quoque autoritate Sancimus ut in Abbatiis, Monasteriis, Comitatus, Foris, Mercatis, Monetis, Naulis, Theloncis, Castellis, Villis, vicis, areis, Servis, ancillis, Tributariis, Decimis, Forestibus, silvis, venationibus, piscationibus, molis, molendinis, aquis, aquarumque decursibus Campis, pratis, pascuis, Terris, cultis & incultis, Libris, auro, argento, Gemmis, Vasis, ornamentis, vel ali- quibus utensilibus, in Cultum & Religionem DEI ibidem collatis & in omnibus Terminis Rebusque ejusdem Ecclesiæ, ac quicquid ad præsens illuc pertinet vel ex his amplificari potest, nulla sit Infestatio Tyrannorum, nulla potestas ibi per violentiam irruat, nullus ibi Comes aut Judex Legem facere præsumat nisi quem per concessionem nostram vel successorum nostrorum Regum scilicet & Imperatorum Episcopus ejusdem Loci deliberet, sit ille Episcopatus Liber, & ab omni extranea & iniqua securus potestate quatenus ibidem DEO Famulantes, & primi Constructoris Memoriam digne celebrare nosque Fautores & Corroboratores possint & velint DEO precibus suis commendare, & ut hæc nostræ autoritatis Traditio firma & inconvulsa permaneat, hoc Privilegium inde conscriptum manu propria corroborantes Bullæ nostræ impressione jussimus Insigniri.

Datum XI. Kal. Maji Anno Dominicæ Incarnationis MXXXIII. Indiæ II. Domino CONRADO Regnante Anno X. Imperante verò VIII. Actum RATISPOŒ felicitèr.

IV.

Præceptum Henrici IV. Regis' quo ejusdem Bambergenſis Eccleſiæ Bona, Jura & Immunitates pariter corroborat.

IN Nomine Sanctæ & Individuæ Trinitatis. HENRICUS Divina favente Clementia Rex. ^{Ex Authentico. An. 1058.}
 Si ea quæ à Prædeceſſorum noſtrorum, ſive Regum, ſive Imperatorum, Locis Divino Cultui conſecratis Sacra & Veneranda Religione collata ſunt devote ac benigne confirmamus, nos quoque à DEO Patre certam Remunerationem in futuro accipere Speramus, unde notum eſſe volumus tam futuris quam præſentibus qualiter nos ob Interventum dilectiſſimæ Matris noſtræ AGNETIS Imperatricis Auguſtæ, & pro amore dilecti ac Fidelis noſtri GUNTHERI Sanctæ DEI Babenbergensis Eccleſiæ Episcopii eundem Locum à Divo Imperatore HENRICO ſecundo, pro ſua ſuorumque anima in Episcopatum Divina inſpirante Clementia perfectæ Fidei, Spei, Charitatisque Devotione in honorem Principis Apoſtolorum Petri & S. Georgii Martyris ſublimatum, conſenſu Fide- lium noſtrorum Sancimus & omnium contradic- tione remota, Regalis noſtræ Ma- jeſtatis authoritate corroboramus, omnes etiam res mobiles & immobiles ejusdem Sanctæ DEI Eccleſiæ quas ipſe Divus Imperator pro ardore Cœleſtis Patriæ ibidem larga manu contulerat, vel quocunque modo juſte ac legaliter prænomi- nato Episcopio aggregatæ ſint ea ratione confirmamus, ut Fidelis noſter Guntherus ejusdem Loci Episcopus, ejusque Succellores, Secura eas tranquillitate in perpetuum poſſideant & proprietates ejusdem Eccleſiæ cum Conſenſu Cleri & Populi ordinare, componere, commutare & aug- mentare Liberam poteſtatem habeat: Noſtra quoque authoritate Sancimus ut in Abba- tiis, Monasteriis, Præpoſituris, Eccleſiis, Comitatibus, Mercatis, Monetis, Theloneis: Ca- ſtellis, villis, Arcis, Decimis, Campis, pratis, Rebusque ejusdem Eccleſiæ, ac quidquid ad præſens illuc pertinet vel adhuc amplificari poterit, nulla ſit infeſtatio ſive Regum ſive Imperatorum, nullaque poteſtas ibi per Violentiam irruat, nullus ibi Comes aut Judex Legem facere præſumat, niſi quem per con- ceſſionem noſtram vel ſucceſſorum noſtro- rum Regum ſcilicet & Imperatorum Episcopus ejusdem Loci deliberet, ſit ille Episco- patus Liber, & ab omni extranea & iniqua ſecurus poteſtate, quatenus ibidem Domi- no famulantes & primi Conſtruſtoris Memoriam digne celebrare noſque Fautores & Corroboratores poſſint & velint Deo precibus ſuis commendare; & ut hæc noſtra au- thoritatis confirmatio firma & inconvulſa permaneat hoc Privilegium inde conſcriptum manu propria corroborantes Sigilli noſtri impreſſione Juſſimus Inſigniri.

Data VII. Kalend. Octob. Anno Dominicæ Incarnationis MLVIII. Indiæ. XI. An- no autem Ordinationis Domini HENRICI Quarti Regis V. Regni verò II. Actum TREBE- NII in DEI Nomine feliciter.

V.

*Charta Ruthardi Archi-Episcopi Moguntini, qua uni-
verſas Poſſeſſiones & Bona Monaſterii S. Petri Erfordiæ in Singularem
ſuam proteſtationem recipit.*

IN Nomine Sanctæ & Individuæ Trinitatis. Notum ſit omnibus Chriſti Fidelibus ram ^{Ex Charta modernis quam poſt futuris, quod Ego RUTHARDUS Moguntinæ Sedis Archi-Episcopus Ratum eſſe Cenſeo quidquid Religioſis Inſtitutis meorum Prædeceſſorum Sancitum S. Petri. An. 1104.}
 eſt, & quod per Negligentiam, aut per antiquitatem aut per oblivionem depravatum eſt Reſtauro, & Inſtituo Liberaliter & Devote, juxta Conſilium Virorum Catholico- rum quorum Conſilio & Conſtantia firmatur Abbatia S. Petri in Erpeſfurt, in meam proteſtationem aſſumo, & omnes Zelum DEI habentes qui eidem Monaſterio & Ab-
 E c 2 batæ

batæ se conjunxerint permansuros: Ego quoque Majorum meorum Consilio consentiens Litterarum & Sigilli mei Confirmatione & sub vinculo anathematis decerno ut ipse Locus, & omnia quæ habet in prædiis, in mancipiis, pascuis, filvis, arcis, & in omnibus possessionibus modo habitis seu habendis & hic subscriptis, in Erpesfurt, in Alch, Giltersleyben, Tutilstete, Wegesferren, Mulhusen, Diffentale, Frankenrode, Asscharra, Gothenstete, Udenstete, Tuseleyben, Kirsperleyben, Urpeche, Tuteleyben, Aroldeshufen, Summeringen, Hackkensteten, Linderbeche, Gallenhufen, Dachhebeche, Toronua, Bezzingen, Mongestella, seu adhuc justè adipiscendis, à nullo Lædatur, à nullo malitiose gravetur, sit Liber ab omni Sæculari exactione, ab Advocatorum seu aliarum Laicarum personarum prægravatione, in Eligendo defensore Liberam in Deo habeant potestatem, ita sane quem ipse Abbas decreverit acceptandum: si quis autem contra nostram auctoritatem Locum prædictum inquietaverit cum Diabolo nunquam Salvandus æterno deputetur Incendio, quod Nos ratum & Inconvulsam permanere volentes, Chartam hanc Sigilli nostri impressione confirmamus.

Hujus rei Testes sunt Embricho Præpositus, Otto Præpositus, Heinticus Moguntinæ Sedis Archidiaconus, Conradus Comes, LUDWIGUS Comes, & ejus Filius ERWINUS Comes & ejus Filius GOZMARUS Comes. Biligrim de Driforte, Embricho, Vulferich, Remboto, Ditmar, Saxo.

Acta sunt hæc Anno Incarnationis Dominicæ MCIII. Indiæ. XIII.

VI.

Charta Embriconis Episcopi Herbipolensis, qua Clerum & Populum suum invitat ad Restaurationem Ecclesiæ Cathedralis, quod Opus Euzelino celebri Architecto committitur.

Ex Authentico.

An. 1133.

IN Nomine Sanctæ & Individuæ Trinitatis. Ego EMBRICHUS quocumque ipsius Nutu Ecclesiæ Wirceburgensis Episcopus, omnibus credentibus in Christum tam futuris quam præsentibus & specialiter Carissimis Filiis nostris Wirceburgensium Clero & Populo æternam precordialiter salutem opto. Cum Majoris Ecclesiæ nostræ Tectum propter annosam vetustatem jam penitus dilapsum esset, & jam casum Ruinamque minitaretur, sollicitè cogitavimus quomodo & hoc malum declinare & totum Monasterium in melius reformare possemus, & quia bonis semper studiis Deus præsto est, acclamantibus omnibus Civibus nostris assignatus est nobis Vir Bonus, qui & præclari operis Pontem nobis fecit, EUZELINUS Laycus, cui Nos in repandam & ornandam Ecclesiæ nostræ curam & Magisterium dedimus, pulchro satis & felici Ordine, ut qui Pontem viam ad Monasterium fecerat ipse quoque per instauratum Monasterium ad Regale conscenderet, hoc est ad Celeste Palacium, si quis igitur cum Propheta Decorem Domus DEI diligit, ut Prophetæ mercedem accipiat, minutum quod à vidua oblatum & à Domino Laudatum est, prudenter attendat, & ita quisque de sua Facultate Libenter ad hoc opus offerat ut in Domo DEI decoram mansionem pro sua oblatione recipiat: ut autem prædictus Vir Bonus Euzelinus Libentius hujus Operis curam gereret, Capellam, quam ipse in suburbio nostro Bleihchaha construxerat, Liberam nostra auctoritate fecimus, & à Parrochia ad quam pertinebat ita consilio Fratrum absolvimus, ut Populus qui circa eandem Ecclesiā habitat, proprium inibi Sacerdotem, & tam Baptismum quam Sepulturam in perpetuum habeat, sed & ipse Sacerdos nummos qui missales vocantur, ita annuatim colligat, ut duplam eorum partem Fratribus Majoris Ecclesiæ in Cena Domini offerat, & tertiam partem sibiipse retineat, nullum Respectum ad quemcumque habeat nisi ut à Decano Majoris Ecclesiæ primitus investiat, & de manu Episcopi Donum Altaris accipiat, & cum cæteris presbiteris Archidiacono nostræ Civitatis obediat: Omnem igitur vicum qui inter Flumen Moganum & illam stratam interjacet, quæ à muro Civitatis ducit ad Molendinum Abbatis de S. Stephano, illum inquam vicum, omnesque ejus habitatores in posterum eidem Ecclesiæ adterinavimus, nichilominus Præfati Euzelini petitionibus annuentes ut nullus in eadem Ecclesia Sacerdos sit, nisi ille qui Populo ejusdem Ecclesiæ per se

per se ipsam præesse velit, nullusque alius nisi de cognatione ejusdem Euzelini presbiter in perpetuum ibi constituatur, nisi forte qui dignus sit in illa cognatione inveniri non possit, & quod hoc omne salubri consilio & ex Caritate fecimus præsentem Cartam ita Sigillo nostro & Banno firmavimus ut illum Caritatis æternitas nesciat qui eam violare aut temere immutare præsumat. Hujus rei Testes sunt. Otto Præpositus. Babo Decanus. Hertuvicus; Gebehardus. Sigefridus. Bruno. Cunradus. Burchardus. Berengerus. Wicgnandus. Emicho. Laici, Godeboldus Comes Rubertus & Filius ejus Gerwicus.

Facta autem sunt hæc Anno ab Incar. Domini MCXXXIII. Indiæ. VII. Regnante Glorioso Romanorum Rege LOTHARIO hujus Nominis II. Anno Regni ejus IX.

VII.

Friderici I. Regis præceptum solemne confirmatorium Arnoldo II. Archi-Episcopo Coloniensi concessum, pro recuperandis Prædiis ad Mensam Archi-Episcopalem Spectantibus, perperam in Feudum concessis.

IN Nomine Sanctæ & Individuæ Trinitatis. FRIDERICUS Divina favente Clementia Ex Authen-
Romanorum Rex Augustus; Quoniam Ordinatione Excellentissimæ Majestatis in An. 1153:
Culmine Imperii constituti Summam Rerum Regendam suscepimus, dignum Duximus Singulis personis, & cunctis Ecclesiis in nostro Imperio sitis sua Jura inviolabiliter conservare, & Ecclesias DEI tam Opibus quam Dignitatibus Locupletare: Eo nimirum Æquitatis, & nostræ Præceptionis Favore Coloniensi Ecclesiæ Clementer providentes, Possessiones quæ quorundam Archi-Episcoporum Negligentia à Mensa seu Eleemossyna Episcopali alienata fuere, sicut in Conspectu Patris nostri Serenissimi Romanorum Regis CONRADI III. Charissimo nostro ac prudentissimo Nostri Ævi Principe ARNOLDO II. Coloniensi Archi-Episcopo ab innumeris Principibus & tota Curia Coloniæ judicatum est, decrevimus auctoritate nostræ Majestatis confirmare, & rei gestæ seriem præsentis pagina certissime annotare: Coloniensis siquidem Ecclesia Opibus & Dignitatibus olim florentissima, nunc quorundam Negligentia Archi-Episcoporum & præcipue FRIDERICI, qui ob quosdam Bellorum Tumultus Gratiam Imperatoris Majestatis offendit, & in eadem Bellorum Tempestate, Bona de Mensa & Eleemossyna Episcopali in beneficiavit, graviter attrita est & conquassata, & quia Coloniensi Sede vacante, Divina favente Gratia Electus est ibidem in Archi-Episcopum Arnoldus Major in Colonia Præpositus, & Domini CONRADI III. Romanorum Regis Cancellarius; Vir utique præclarus Genere, Expertissimus prudentia, Spectabilis honestate; hic cum à Clero & Populo uniformiter ac Regulariter in Archi-Episcopum electus ad Pontificalem Dignitatem traheretur, & à Gloriosissimo Domino CONRADO III. Romanorum Rege Investituram Episcopatus, sub Obtentu Regiæ Gratia, Ecclesiâ humiliter & cum Lacrymarum Devotione ad pedes ejus prostratâ, sæpius juberetur, modis omnibus renisus est constantissime prætendens Episcopatum usque adeo distractum & Laceratum esse ut suas pro eo Divitias, suam Pacem pro tanta inquietudine nullatenus velit commutare, humiliter etiam proponens se ad Pontificale Onus omnino esse insufficientem: Verum Serenissimus Augustus Dominus CONRADUS III. Romanorum Rex, prædicti Electi personam toti Regno & Sanctæ Ecclesiæ Catholicæ salutiferam agnoscens, motus etiam Lacrymosis Precibus Devotissimi Cleri & Populi, eidem Electo alienationum Restaurationem & Lapsum reparationem Clementer obtulit & firmiter promisit: post hæc vero in eadem Urbe Memoratus Dominus CONRADUS III. Romanorum Rex in celebri Curia à multis & præcipuis Regni Principibus judicium requisivit super Bonis à Mensa seu Eleemossyna Coloniensi Archi-Episcopi alienatis, & iidem Principes & tota Regia Curia Judicium dedit, quod quotidiana servitia ad Episcopalem Mensam pertinentia nequaquam in beneficiari vel invadiari Jure possint eo quod Regno & Ecclesiæ debeantur: quod si quis fecerit, successoris suo nullum faciat Beneficii præjudicium, vel apud eum ratum Jure
F f Bene.

Beneficii teneatur; ex hoc sano judicio piissimus Romanorum Rex Conradus præfatus Arnoldo, tunc Colonienſi Electo, in omnibus Bonis quæ ab Episcopatu alienata fuerant, Regia autoritate pacem indixit: primo vero Noſtri Principatus Anno in Burgo Tremonia à Multis Principibus in noſtro Conſpectu antefato Arnoldo Venerabili Colonienſi Archi-Epiſcopo judicatum eſt, quatenus omnia Bona quæ Fredericus quondam Colonienſis Archi-Epiſcopus in eo Bellorum tumultu, quo Gratiam Imperatoriæ Maieſtatis offendit, inbeneficiavit, ad poteſtatem Archi-Epiſcopi redire debere, nec tales Donationes, quæ contra Pacem Regni Factæ dignoſcuntur, aliquam vim Juris habere; Secundo vero Noſtri Principatus anno, in Feſto Pentecoſtes in Urbe Wormatia Curiam Solemnem celebrantes Rogati ſumus per præfatum Arnoldum Venerabilem Colonienſem Archi-Epiſcopum Teſtimonium Veritatis Audire; unde Judicio Curiae idem Arnoldus Colonienſis Archi-Epiſcopus Legitimo Teſtimonio Nobilium Virorum videlicet Comitum de Arnisbergh & Marcuardi de Grumbach in noſtro Conſpectu & Principum præſentia comprobavit, præfatum Judicium ſe coram Domino Conrado Romanorum Rege Tertio Coloniae accepiſſe, ſcilicet, ut nulli Episcoporum Licitum ſit Bona ad Menſam pertinentia inbeneficiare vel invadiare, quod ſi quis fecerit, ſucceſſori ſuo nullum faciat Beneficii præjudicium, nec apud eum Ratum Jure Beneficii ſive Pignoriſteneatur: Inde Illuſtris Dux Bavariae Henricus Patruus noſter à nobis commonitus judicavit, Colonienſem Archi-Epiſcopum ita Legitime jam dictum produxiſſe Teſtimonium, ut Jure noſtrâ ſit illi auctoritate confirmandum, conſequenter Judicium approbantibus multis Principibus, quorum Nomina in Teſtimonium hujus Pagina ſubternotata ſunt.

Ut Igitur ea quæ ad noſtram Cognitionem perveniunt, & judicialis ſententiæ Finem accipiunt perpetuo Robore illibata & inconvulſa permaneant, præſentem Paginam omni Eo valituram conſcribi, & noſtræ imaginis Caractere Signari juſſimus, firmiſſe ſtatuentes ut Judicium quod coram gloriſſimo Conrado Romanorum Rege Patruo noſtro, Coloniae, ſicut præſcriptum eſt, de Poſſeſſionibus Colonienſis Episcopatus à Principibus prolatum & in noſtra poſtmodum præſentia præfato modo apud Wormatiam Legitimo Teſtimonio comprobaturum eſt, judicium quoque quod de Bonis Colonienſis Archi-Epiſcopatus per Fredericum quendam Archi-Epiſcopum alienatis in noſtro Conſpectu apud Tremoniam, ſicut præſcripſimus, eſt promulgatum, nullus Hominum audeat temerare, & omnia Bona quæ præfatus Arnoldus Venerabilis Colonienſis Archi-Epiſcopus his fretus Judiciis recollegit, ſcilicet Thelonium Urbis Coloniae & multa Episcopalia Servitia, Nemo ab ipſius uſu & poteſtate, ſuorumque Succeſſorum avelle-re præſumat: Nihilominus etiam Sanximus & in perpetuum confirmamus quatenus quæſcunque Poſſeſſiones idem Colonienſis Archi-Epiſcopus, data Pecunia, Eccleſiae conquiſivit vel requiſivit, ipſe, ſuique Succeſſores perpetua pace poſſideant, videlicet Udenkirchen, cum Miniſterialibus cum Servis & Ancillis, & omnibus appenditiis ſuis, in Wiſſalia Curiam nomine Homede, Curiam quoque Aneruſt, Prumeam, Segerode, Wermunte, Wynuſen, Bona quoque quæ habent Miniſteriales in Geversdorp, confirmamus eidem Arnoldo Archi-Epiſcopo, quicquid auxiliante Divino Favo- re Eccleſiae ſuae de cætero acquirere vel colligere Jure poterit, quod ſi qua Secularis vel Eccleſiaſtica perſona hanc noſtram violaverit Sanctionem, Regiae Maieſtatis Offendam ſe noverit incurriſſe, quousque à ſua præſumptione manum retrahat & pro Mandati Regii transgreſſione XX. Libras Auri in Camera noſtra perſolvat.

Hujus rei Teſtes ſunt CONRADUS Wormatiensis, GUNTHERUS Spirensis, BURCKARDUS Argentinensis, CUNRADUS Auguſtenſis Episcopum. Waltherus Majoris Eccleſiae in Colonia Præpoſitus, Albertus Decanus, Depoldus Xantenſis Præpoſitus, Nicolaus Abbas de Sigeberg, Arnoldus Præpoſitus S. Andreae, Udalricus de Suſatz Præpoſitus, Henricus Dux Bavariae, Henricus Dux Saxoniae & multi Principes. De Familia S. Petri Hermannus Advocatus; Henricus de Wolmundestein, Henricus de Alphein Adolphus Dapifer, Randolphus Pincerna, Rapoto de Udenkirchen, Almericus de Wormisdorp & alii multi.

Diplomata & Epistolæ Variæ.

115

Signum Domini FRIDERICI Romanorum Regis Inviſſimi.

Ego ARNOLDUS Cancellarius Recognovi.

Datum in Urbe WORMATIA XVIII. Kal. Julii Anno Dominicæ Incarnationis MCLIII. Indiſt. I. Regnante Glorioso Rege FRIDERICO, Anno Regni sui III. in Christo Feliciter, Amen.

VIII.

Ejusdem Regis Diploma alterum, quo Walthero Præposito Coloniensi, suisque Successoribus, Advocatiam Villæ Worunch confirmat.

IN Nomine Sanctæ & Individuæ Trinitatis. FRIDERICUS Divina favente Clementia Ex authent. Romanorum Rex, quoniam humanus animus ex Infirmitate sociati sibi Corporis ag-rico. gravatus & nunc ignorantia nunc oblivionis induitur Tenebris, Necessaria nobis Inventu An. 1155; sunt suffragia scripturarum, quibus & adferimus Ignora, & quæ nota sunt Memoriz commendamus: Igitur inter cætera quæ perpetua Digna sunt Recordatione & in memoriam habita, Paci consulunt & conferunt utilitatem, Modernis notum facere & futuris notificandum scripto commendare Dignum Duximus; qualiter ARNOLDUS II. Coloniensis Ecclesiæ Archi-Episcopus Venerabilis ante Ordinationem suam, dum adhuc Colonia in Majori Ecclesiâ Præposituræ fungereur Officio Advocatiam de Villa Worunch quæ ab omni Hærede Libera post decessum Comitis Juliaccensis GERHARDI Junioris, in manu tenebatur pia memoriz ARNOLDI Coloniensis Archi-Episcopi I. datis Centum Marcis argentii acquisivit, eamque talirecepit Conditione, ut nullus de cætero super eandem Villam vel haberetur vel constitueretur Advocatus nisi ipse, vel qui ei in Præpositura Ordine succederet Ecclesiastico; aperuerat enim supradictus Arnoldus tunc Præpositus oculum Pietatis super afflictos & ad extremam Paupertatem redactos supranominatæ Villæ inhabitatores, quos Advocatorum frequens Oppressio ad miserabilem & nefandam incurverat Egrestatem; hanc Advocatiam de manu Arnoldi I. Coloniensis Archi-Episcopi, ab Arnolde ejusdem Ecclesiæ tunc Præposito licenter & Legitime Libello tam donationis quam Confirmationis acceptam, à Patruo & Prædecessore nostro Glorioso Romanorum CUNRADO III. ei confirmatam Banno Regio, vera certa que Relatione cognovimus: Ea propter dum secundo Solii nostri Anno, Diebus Pentecostes in Urbe Wormatia Famosam celebraremus Curiam, Arnoldum II. Coloniensis Ecclesiæ Archi-Episcopum Venerabilem ad Nos venientem digna debita que Familiaritate suscepimus, & tam juxta petitionem suam justam, quam juxta Prædecessoris nostri Gloriosi Romanorum Regis scripta, & Arnoldi I. Prædecessoris sui, præsentis Attestationis nostræ Pagina Advocatiam de Villa Worunch, salva per omnia potestate & justitia Coloniensis Archi Episcopi, ad cuius Auxilium Subditis suis semper erit recurrendum, Præposito Majoris Ecclesiæ in Colonia WALTHERO suisque in eadem Præpositura Successoribus confirmamus, & per præsentem paginam corroboravimus, quam & imaginis nostræ Characterè Signati jussimus, firmiter & sub Offensa Regiæ Majestatis interdicentes ne quis adversus Præceptum nostrum ausu temerario in Advocatiam sæpius nominatæ Villæ manum mittere præsumat, vel aliquam Injuriam Majoris Ecclesiæ in Colonia Præposito facere de ea audeat, quod si quis Rebellis & contumax hanc nostræ Præceptionis confirmationem servare contempserit Regiæ Majestatis Offensam se noscat incurrisse donec resipiscens à sua præsumptione desistat, & pro Mandati nostri obstinata transgressione XX. Libras auri Gazis Regiis accumulet; ad hujus rei Manifestam certitudinem Posteris relinquendam & omnem auferendam Dubietatem de Principibus Regni nostri, quorum ad celebrandam Curiam non parva confluerat multitudo, quosdam jussimus subscribi sub quorum præsentia & Testimonio præfens pagina efficacem in perpetuum recipiat auctoritatem.

ARNOLDUS Coloniensis Archi-Episcopus, CONRADUS Wormatiensis Episcopus, Henricus Dux Bavariz, Bertholdus Dux de Zeringen, Hermannus Comes Palatinus

Ff 2

de

de Rheno, Henricus de Lemburg Henricus Comes de Namurco, Ludovicus Comes de Loz, Hermannus de Cuick, Godefridus Comes de Arnispurg, Theodoricus Comes de Hollandia, & alii multi Nobiles & Ignobiles honesti Testimonii Viri.

Signum Domini FRIDERICI Romanorum Regis Inviſtissimi.

Datum est in Urbe WORMATIA XVIII. Kal. Julii Anno Domini Incarnationis MCLIII. Indiſt. I. Regnante Glorioso Rege FRIDERICO, Anno Regni sui II. in Christo Feliciter, Amen.

IX.

Ejusdem Imp. Diploma Tertium, quo anteriorum Regum ac Imperatorum Privilegia Ecclesiæ Heribipolensi concessa confirmat, aliaque superaddit.

Ex authen-
tico. An. 1168. **I**N Nomine Sanctæ & Individuæ Trinitatis, FRIDERICUS Divina Clementia favente Romanorum Imperator & semper Augustus; Imperialem Celsitudinem decet Predecessorum suorum pia Facta non solum inviolabiliter conservare, sed etiam Censuræ suæ autoritate alacriter & solenniter confirmata perhenni Commendare. Maioræ, ne quod à Divis Imperatoribus ad Laudem Dei Necessitatibus Ecclesiarum, & Salutis Provinciarum Clementer Indultum, & irrefragabiliter Institutum est, decursu Temporum vel qualibet Rerum varietate posteris hoc fiat dubium vel incertum: in Examine namque cuncta DEI conspicientis equale Meritum credimus dantis & data corroborantis; unde nos ipsi Votis delectamur vetustatis incremento & sequi vetera Instituta Libenter amplectimur, quia Locus subreptionibus non relinquitur quociens rationabiliter constituta servantur: Noverit itaque DEI & Imperii nostri Fidelium tam præsens ætas quam successura Posteritas qualiter in Generali Curia Wirzeburg Celebrata, ubi inter Discordes Principes Saxonie, Deo cooperante, plenam Reconciliationem perfecimus, HEROLDUS ejusdem Civitatis Venerabilis Episcopus cum omni Ecclesiæ Conventu, & Spectabili Liberos & Ministerialium Multitudine, nostram suppliciter imploravit Clemenciam, ut omnem Jurisdictionem quam Antecessores sui, & Ecclesiæ, & Ducatus Wirzeburgensis à Carolo Magno & omnibus successoribus suis usque ad præsens tempus iusta & quiete possessione sine diminutione tenuerunt & possiderunt, sibi & Ecclesiæ & Ducatui, Imperiali auctoritate & Privilegii nostri munitione confirmare dignaremur: Quia verò rationabiles petitiones Supplicum Libenter amplectimur, qui etiam non Rogari iusta cogitare debemus, definitas res ab antiquis Imperatoribus, quas tamen constat rationabiliter esse decretas & ab Ecclesiæ & Ducatu Wirzeburgensi Longissimis possessionibus, ut & memoriam Hominum excedant irrefragabiliter habitas & usitatas, nulla volumus deinceps ambiguitate titubare, quia debet firmum semper existere quod antiquitate & diuturna possessione commendatur; nec priora quassare valeamus ubi nihil est quod corrigere debeamus: Inde est quod prefato Heroldo Venerabili Episcopo suisque successoribus in perpetuum pro Fidei suæ & obsequiorum præclaris meritis, & interventu Sacri Collegii predictæ Ecclesiæ, cujus Devotio Pectoris nostri penetralibus inhæret, ac Liberos & Ministerialium indefessa Supplicatione devicti, damus & concedimus & præsentis Privilegii munimine confirmamus omnem Jurisdictionem seu plenam potestatem faciendi iustitiam per totum Episcopatum & Ducatum Wirzeburgensem, per omnes Comecias in eodem Episcopatu vel Ducatu sitas, de Rapinis & Incendiis, de allodiis & Beneficiis, de Hominibus & de Vindicta Sanguinis, statuentes Imperiali auctoritate & Lege perpetuo valitura decernentes, ne aliqua Ecclesiastica Secularis ve persona, aliqua temeritatis presumptione contra Instituta antiquorum Principum contra diuturnam & iustam possessionem Wirzeburgensis Ecclesiæ & nostra intemeranda Decreta veniens per totum Wirzeburgensem Episcopatum & Ducatum & Comecias, infra Terminos Episcopatus & Ducatus sitas judicariam potestatem de prediis aut de incendiis, allodiis, seu Beneficiis sive Hominibus deinceps exerceat nisi solus Wirzeburgensis Episcopus ut Dux, vel cui ipse commiserit, hoc excepto quod Comites de Liberis Hominibus qui

qui vulgo *Bargildi* vocantur, in Comitibus habitantibus statutam iustitiam recipere debent; Imperiali quoque Præcepto inhibemus ne aliquis in prefato Episcopatu & Ducatu vel in Comeciis in eis sitis, aliquas Centurias faciat vel Centgravios constituat nisi concessione Episcopi Ducis Wirceburgensis.

Præterea quia de Castro Bramberg Quies Pacis totius Provinciæ sæpe turbabatur, & multorum malorum occasiones contra prefatam Ecclesiam exortæ sunt, pro Pace Ecclesiæ & salute Animæ nostræ, ipsum Castrum destruximus, & montem Ecclesiæ Wirzeburgensi Jure proprietatis tradidimus, ne de cetero Castrum vel aliqua Municio in eodem monte fiat firmiter inhibentes: aliud quoque Castrum Franckenberg dictum, quod adjacenti Abbaciæ Amerbach destructionem minabatur, & per subreptionem Inimicorum Ecclesiæ Wirzeburgensis poterat inferre periculum, similiter destruximus, & montem nullo tempore reedificandum Ecclesiæ Recognovimus: firigitur hac nostra Pragmatica Sanctione supradictorum omnium omni Evo stabilis & firma constitutio, & Nemo ullo unquam tempore ea infringere vel cassare presumat: Quicumque autem contra eam venire presumpserit, Imperatoriæ Majestatis Reus severissimæ animadversionis penas exolvat, & mille Libras Auri purissimi componat Cameræ nostræ, & alteram medietatem Wirzeburgensi Episcopo & Ecclesiæ, quod ut verius credatur & ab omnibus diligentius observetur, presentem inde Paginam conscribi & signo nostri Caractere firmari & aurea Bulla nostra Insigniri precepimus, adhibitis idoneis Testibus quorum Nomina hæc sunt.

Christianus Moguntinæ Sedis Archi-Episcopus; Udo Cicensis Episcopus. Gerungus Misienfis Episcopus. Hugo Fardensis Episcopus. Rudolfus Leodienfis Episcopus. Albericus Laudensis Episcopus. Turricus Placentinus Episcopus. Reimundus Hipponensis Episcopus. Burchardus Fuldenfis Abbas. Cuno Ratisponensis Episcopus. Hildebaldus Hersfeldensis Abbas. Nicolaus Sigebergensis Abbas. Engelhardus Abbas Sancti Burkhardi. Heinrichus Abbas Sancti Stephani. Richolfus Majoris Ecclesiæ Præpositus, Persius Decanus, Reinhardus Præpositus Novi Monasterii. Wernerus Præpositus Sancti Johannis. Gotefridus Cantor. Johannes Scholasticus. Albertus Custos. Weizelo Portenarius. Heinrichus Præpositus de Onoldespach; Bertholdus Præpositus & Archidiaconus Conradus Cellarius. Henricus de Hesseberg, Henricus de Beierbach, Henricus Curie Protonotarius. Athelous Goslariensis Ecclesiæ Præpositus, Theodoricus Præpositus de Werda Sancti Swiberti. Arnoldus Præpositus Sancti Andreæ in Colonia; Burchardus Præpositus Sancti Petri in Moguntia.

Cunradus Palatinus Comes Rheni. Otto Marchio Missinenfis Theodoricus Marchio Frater ejus, Heinrichus Comes de Witin Frater eorum. Otto & Fredericus Palatini Comites de Wittelinespach. Bercholfus Marchio de Uhoburg; Comes Bertholfus de Andesle. Comes Rudolfus de Pfullendorf. Comes Ludovicus de Loen. Comes Rapoto de Auerberg & Fridericus Filius ejus. Boppo Wirceburgensis Burggravius. Marquardus de Grumpach & Filius ejus Albertus & Otto. Burchardus Magdeburgensis Burggravius. Udalticus Filius Ducis Bohemiæ Albertus Filius Ducis Poloniæ. Albertus Comes de Dillingen. Comes Otto de Kirberg. Comes Manegoldus de Veringen. Comes Berchtolfus de Brepa. Comes Gerhardus de Bertheim, & Frater ejus Hermannus. Comes Boppo de Wertheim. Conradus de Bockesberg. Fridericus de Billriet. Boppo de Lichtemberg & Frater ejus Gotebaldus. Henricus & Boppo de Trimperg. Comes Hermannus de Wolveswar. Waltherus & Crafft de Lobenhuse. Manegoldus de Thundorff. Albertus de Hiltenberg. Conradus de Scheinfelt. Conradus de Nuenburg. Heinrichus Marescalcus. Bertholfus Camerarius. Cuno Camerarius de Minzenberg. Waltherus Dapifer. Cunradus Kobbo Pincerna, & Frater ejus Ludwicus & Berengerus Hugo de Werda. Thiemo de Solditze. Botho de Wirtzburg. Iringus Pincerna. Ingelhardus Dapifer Bilungus vicedominus; Billungus & Heinrichus Sculteti. Gotefridus & Engilbertus de Foro. Richolfus de Riedt. Heroldus Camerarius. Bilungus Vice-Comes & alii quamplures.

Signum Domini FRIDERICI Romanorum Imperatoris. Inviçtißimi.

Ego HENRICUS Cancellarius vice CHRISTIANI Moguntini Archi-Episcopi & Archi-Cancellarii Recognovi.

Dat. WIRZBURG. VI. Idus Julii. Indiēt. I. Anno Dominicæ Incarnat. MCLXVIII. Regnante Domino FRIDERICO Romanorum Imperatore Gloriosissimo. Anno Regni ejus XVI. Imperii vero XIII. actum in Christo Feliciter Amen Amen Amen.

X.

Ejusdem Imp. Diploma Quartum, quo Capitulum Majoris Ecclesiæ Herbipolensis hortatur, ut Reinhardo Electo suo media pro suscipienda Expeditione Italica amminisset.

Ex Auto-
graphio.
An. 1173. **F**REDERICUS DEI Gratia Romanorum Imperator & semper Augustus. Venerabili Conventui Wirceburgensis Ecclesiæ & Toti Familiæ Gratiam suam & omne Bonum. Neceffitatis Articulus Fidem amicorum examinat, & Universos Imperii Fideles & amicos ad Auxilium suum vocat & invitat. Satis evidenter ad universitatis vestræ pervenit Noticiam quod in transacta nuper Expeditione Proditores Nostros Longobardos adeo Rebelles & contumaces invenimus, ut pravis & iniquis Marchinationibus suis Gloriam Nominis nostri, & Excellentiam Romani Imperii penitus destruere & ad Nichilum reducere fraudulenter attemptarent; Oportuit itaque consuetis eorum perjuriis & Ingeniis fallacibus non solum Sagaci consilio, sed & armis & Viribus totius Imperii festinanter obviari, ne Pestis Perfidie quæ totam Italiam Veneno suo polluerat, Greciam quoque vel Siciliam in partem suam alliceret, & ad Coronæ nostræ detrimentum, utranque vel alteram falsis suggestionibus invitaret; his & aliis similibus causis cogentibus Carissimum nostrum R.* Wirceburgensem Electum, de cujus Fide ac Dilectione certa nobis erat Fiducia, ad succurrendum Imperio & nostræ Majestati confidenter vocamus sicut & alios Principes, qui Nomen & Honorem nostrum diligunt, & Imperio Servire tenentur; Eapropter Universitatem vestram attente commonitam & exoratum esse volumus, mandantes, & districte precipientes, ut jam dicto Dilecto nostro ad Expeditionem nostram venire volenti, tam fructuosum Consilium & Auxilium exhibere studeatis, quod ei sit honestum & utile, per quod etiam Gratiā nostram vobis multipliciter augeatis: Specialiter autem & præcipue rogamus & petimus & sine omni hesitatione & dilatione concedatis ei Pignora Ecclesiæ, quorum precio pecuniam CCCL. Marcarum ad Instantem Expeditionis Necessitatem possit mutuare: quidquid enim de Rebus Episcopatus pro Pignore Ecclesiæ sibi credito vobis Nomine Pignoris obligaverit, confidenter recipiatis, pro certo scientes quod nullum amittendi periculum vos oportet timere quin per ipsum vel si ipse forte prius, quod absit, decesserit, per ejus successorem sine dubio redimantur, cujus rei sic exequendæ securitatem per Nos & Filium nostrum H. Henricum. Regem vobis præstamus, & per presentem Cartam confirmamus.

* Reinhardum.

XI.

Lucii III. Pont. Max. Epistola Encyclica ad universos Germaniæ Presules, qua Christianum I. Archi-Ep. Moguntinum pie deservendum, Precibus eorum commendat.

Ex Cod.

M.S. S. Michaelis
Bambergæ.
An. 1183.

LUCIUS Episcopus Servus Servorum DEI, Venerabilibus Fratribus Archi-Episcopis, Episcopis, & dilectis Filiis Abbatibus, Conventibus, aliisque Prælati Ecclesiæ TEUTONICÆ Salutem & Apostolicam Benedictionem:

Ad Vestram Volumus Notitiam pervenire, quod Bonæ Memoriz CHRISTIANUS Moguntinus Archi-Episcopus vir valde providus & Magnus, cum Karissimo in Christo Filio nostro FRIDERICO Illustri Romanorum Imperatori & semper Augusto, Longo tempore Magnifice servivisset; & contra Officii sui debitum excessisset in Multis: Cum Romanorum Perfidiâ qui Patrimonium Ecclesiæ hostiliter devastantes Tusculanum nequiter obsidebant, aliter comprimere non possemus, eundem Archi-Episcopum ad Obsequium Ecclesiæ convocavimus; ipse vero factus Obediens usque ad Mortem, ut sicut antea exhibuerat Membra sua Iniquitati ad Iniquitatem, ita se & suos exhiberet ad Serviendum justitiæ in Sanctificationem Vitæ, Aëris intemperiem parvi pendens, ad Succurrendum Ecclesiæ fluctuanti cum ingenti Exercitus multitudine properavit, factumque est, volente Domino, quod Romani bis ad solius Nominis ejus Terrorem fugierunt: Illo autem Tusculanum ingressō, muros Civitatis jam pridem collapsos pro magna parte per Illius Auxilium, antequam decederet, fecimus reparari: Tandem Dominus Misertus ipsius ut salubriter Impleret in eo quod legitur: ubi te invenero ibi te Judicabo, Febris eum Egrotudine flagellavit, juxta quod scriptum est: quem diligit Dominus corripit: Flagellat autem omnem Filium quem recipit; unde idem Archi-Episcopus in vera Confessione & multa Contritione Cordis, Servizio Beati Petri & Romanæ Ecclesiæ totus Intendens, assumpta Cruce & Resignatis Dignitatibus Universis, *VIII. Kalendis Septembris*. Diem clausit Extremum; Quia autem multum tenebatur de illius salute esse solliciti, qui pro Servizio Universalis Ecclesiæ Mori non recusavit, & ex Fine ejus Magnam possumus de Remedio Fiduciam obtinere, monemus Universitatem vestram, Hortamur in Domino, & Mandamus quatenus eundem Archi-Episcopum, Memoriam ejus in vestris Orationibus facientes, vestris apud Dominum Intercessionibus adjuvetis & in omnibus Conventualibus Ecclesiis Tricenarium pro eo & Anniversarium faciatis, ut Maculas quæ illi de Terrenis contagiis adhæserunt, Divina Clementia Indulgeat & absterget, & vos de Opere pietatis indeficiens mereamini à Domino Præmium obtinere.

Dat. SIGNÆ IIII. Non Septemb.

XII.

Charta Conradi I. Archi-Ep. Moguntini, qua Diethmaro Abbati, Monasterii S. Petri Erford. suisque successoribus, ex Auctoritate S. Sedis, Usus Insule concedit.

IN Nomine Sanctæ & Individuæ Trinitatis. CONRADUS DEI Gratia Sabinensis Epif-Ex-Chartar. copus, Moguntinæ Sedis Archi-Episcopus in perpetuum. Eam nostræ sollicitudinis S. Petri. Erford. curam summo peroptamus affectu fore vigilantissimam, ut Ecclesiarum, quibus præfistord. demus, per nos creâta utilitas & Honor ampliatur, ut in posterum ex certis Rerum in An. 1193. diciis, quibus ipsas decoravimus, merito gaudere valeant: qua de causa Omnibus qui hanc perpexerint Paginam notum fieri volumus, quod postquam ex tali DEI Ordinatione à nostri Exilii jactura, ad nostri Archi-Episcopatus & ad nostræ Legationis plenitudinem, qua fungimur specialiter à Sede Romana Nobis concessa, fuisset reverfi, Ecclesiam S. Petri in Erphordia in bono & optato invenimus statu: unde ad commune Fratrum accedentes Capitulum, ipsorum, quemadmodum fieri solet, Devotissime recepimus Fraternitatem & cotidianum munus orationum: hujus itaque intuitu rationis, merito aciem nostræ considerationis ad hoc tenebamur extendere, & conscientiam consulere qualiter Nos prædictam Ecclesiam aliqua, qua ante caruit, prærogativa in Nominis nostri memoriam feceremus Gloriarî: unde prædicti Cœnobii Abbati videlicet DIETMARO, Viro probatæ Famæ & opinionis, quem meritis suis exigentibus Singulari Paternitatis affectu tenebamur amplecti, ex auctoritate Domini Apostolici, cujus Legatione fungimur, Indulsumus, ut in præcipuis sollempnitatibus, in Divinis Officiis, & Domini Imperatoris, & Episcoporum, & aliarum magnarum personarum receptionibus insulatus procedat, idem omnibus ejus successoribus perpetualiter ipsis inconyul-

sum permanfurum sub anathematis interpositione confirmamus. Dignum itaque duximus hoc Factum nostrum Rationabile scripto commendare, & supradictæ Ecclesiæ concessum à nobis tale Privilegium Sigilli nostri impressione confirmare.

Hujus rei Testes sunt. Burchardus Præpositus S. Petri in Moguntia. Bernhardus Abbas de Cella Domnæ Paulinæ. Conradus Abbas de Oldisleibin. Witekind Abbas de Valle S. Georgii. Mauricius Abbas Scotorum. Berewigus Præpositus S. Severi in Erfordia. Radolfus Præpositus S. Petri in Goslaria. Lutherus Decanus S. Mariæ in Erfordia. Jonathas Scolasticus. Cristanus Cantor & Sacrista cum omnibus reliquis Canonice ejusdem Ecclesiæ. Capellani Curia, Arlinianus Decanus S. Mariæ in Moguntia, Cunemannus, Marcuardus. Notarii Curia, Ludolphus, Hermannus, Hazechinus. Præterea Comes LAMBERTUS Advocatus ejusdem Ecclesiæ, cum Fratre suo ERNESTO Comite. Dithericus Comes de Bercha, Ludevicus Comes de Lare, cum aliis pluribus Liberis. Ministeriales Bertholdus Vice-Dominus in Erphordia, cum Fratribus suis, Ditherico Pincerna, & Ditherico Camerario, & tertio Dietherico; Helwigus Marscalcus de Rustebere, Striger Dapifer cum reliquis Officiatis Curia: Beringer de Meldingen cum Fratre suo Ludevico. Diethericus de Blanckenberg cum Fratribus suis Gunthero, & Sigeboldo. Wernherus de Porta. Hermannus, Henricus Scultetus. Henricus Subadvocatus, Saxo, Wernherus, Hartungus cum aliis pluribus.

Acta sunt hæc Anno Dominicæ Incarnationis MCLXXXIII. Indiæ. XI. Domno CELESTINO Apostolicæ Ecclesiæ Præsidente. HENRICO Sexto Gloriosissimo Romanorum Imperatore Imperium Gubernante, & Anno nostræ Electionis in Archi-Episcopatum Sanctæ Moguntinensis Ecclesiæ XXVIII.

XIII.

Notitia pro Transactione super Decimatione quadam inter Monasterium S. Petri Erfordie, & Ecclesiam Collegiatam S. Petri in Durlon, inita.

IN Nomine Sanctæ & Individuæ Trinitatis. FOLCWINUS Dei Gratia S. Petri in Durlon Præpositus. Notum esse volumus tam præsentibus quam futuris Fidelibus, quod Cella S. Martini villæ Falkana contigua, dudum Ecclesiæ S. Petri Durlonensi Decimalis erat, quam Decimationem BELGIVUS Abbas & Fratres Monasterii Apostolorum Petri & Pauli Erfordiens. quoniam ipsorum Patrocinii interest, Libertati, eximere cupientes, Præposito BURCHARDO prædecessore nostro & totius Durlonensis Capituli Fratribus VI. Libras argenti & II. Mansos penes jam dictam villam sitos pro annuo Canone Talentum solvantes pro Redemptione subscriptæ Decimæ exhibuerunt: quod concambium cum plerique acceptarent, quidam eorum idem retractare studuerunt, qui à Præposito redarguti conticuerunt: Succedente autem tempore prætaxato Præposito B. de medio facto, Fratres qui prius ipsius & aliorum Ordinationi reclamaverant, faventibus sibi Concanonicis Querimoniam super sæpè dicta Decima proposuerunt: Quorum accusationi præmemorata Ecclesiæ Abbas & Fratres ratione concambii resistentes tandem ad tale propositum unâ conveniunt ut arbitris idem Negocium committeretur decidendum qui decreverunt ut Abbas & Fratres pro Bono Pacis & Concordiæ, & pro omni gravamine posterum devitando VIII. Libras argenti, Ecclesiæ nostræ Durlonensi ad præscriptum prærium exhiberent; Quod factum quia tunc temporis Scripturæ Testimonio est prætermisum, nos petitioni Henrici Abbatis & Fratrum satisfacere volentes, hanc paginam subscripti Negotii Testimoniale nequid in posterum dissensionis Oriatur, Sigilli nostri & Ecclesiæ Impressione Roboravimus. Testes hujus rei sunt Confratres Ecclesiæ nostræ Rudolfus Decanus, Guntherus Archipresbiter, Titericus de Fritslar, Laici LAMBERTUS Comes in Glichen, Tithericus vicedominus in Apolde. Fridericus de Driyuorthe, Bern-

Berengerus & Rudolfus Fratres de Cruceborck, Wernherus de Durlon Ludovicus de Inferiori Durlon & alii plures.

Acta sunt hæc. Anno Incarnationis Domini MCCXXIII. Indiæ. X.

XIV.

Notitia Conradi Præpositi S. Mariæ Erphord. pro amabili compositione inita inter Abbatem S. Petri ibidem, & Incolas Slavos Villæ Ermstete.

CONRADUS DEI Gratia Præpositus S. Mariæ in Erford. universis volumus esse declaratum, quod super causa diu coram nobis ventilata ex parte Venerabilis Domini HERN-
RICI Abbatis, & Capituli S. Petri in Erfordia ex una, & Rusticos Slavos in Ermstete ex
parte altera pro quadam Decima jam dictæ Ecclesiæ talis transactio coram nobis est habita:
Rustici Slavi prænominatæ villæ consignaverunt dimidium maldrum Annonæ Erford.
mensuræ Singulis Annis prædicto Abbati persolvendum ab illis personis quæ vulgariter in
eadem villa *Alderman* appellantur: Insuper si Slavi, vel Foro vel quacumque commuta-
tione sibi contraxerint aliquos mansos Teutonicorum ejusdem villæ, eandem Decimam
sine contradictione persolvent quam Teutonicus inde persolvit: si verò Teutonicus à Sla-
vo sive emptione vel qualicumque modo mansum commutaverit, eandem Decimam de-
bitam prædicto Cœnobio exinde sicut & de reliquis mansis suis exsolvet: Mensura etiam
Decimalis à prædicto Abbate ibidem instituta perpetuo permanebit, quarum XVI. com-
plebunt maldrum Erfortensem.

Ex eodem
Chartario.
An. 1227.

Acta sunt hæc Anno Incarnationis Dominicæ. MCCXXVII.

XV.

Notitia pro Donatione Ottonis Comitiss de Bottenloben, facta in Favorem Ecclesiæ Herbipolensis.

HISUNT Homines Militaris Conditionis, quos OTTO Comes de BOTTENLOBEN & Ex authen-
uxor sua ADELHEYDIS conjuncta Manu dederunt Ecclesiæ Herbipolensi proprietatis circa.
Jure perpetuo possidendos; Hartman & Pueri sui, & duæ sorores ejusdem cum pueris
suis, Ludovicus, Albertus, Conradus, Theodoricus Fratres, tres sorores eorundem,
Volmundis uxor Trumphonis, Mechildis uxor Hermannii Stunchonis, Mechildis uxor
Gerlaci, quæ omnes dicuntur ab Habechsberg: Thegeno Dapifer, & uxor ejus, & Pu-
eri, præter uxorem Waltmanni, Hermannus Rubelzage, Wortwinus Fratres ejusdem.
Henricus Momolin. Wolframus de Ostheim Pincerna. Kunigundis de Westheim.
Uxor Seifridi de Werna & Pueri sui. Albertus de Bercha, & medietas puerorum;
Carl & Friderich Fratres & duæ sorores ejusdem Alberti de Bercha. Pueri Alheidis de
Strouue, & Pueri Alliganta de Strouue. Pueri & uxor Herolti de Northeim. Uxor
Gotschalci de Northeim. Uxor Gotifridi de Lengsfeld. Thegano de Sundheim, &
uxor, & tres Fratres ejusdem. Uxor Theodorici de Katzach. Uxor Bertholdi de
Nuthelingen. Uxor Ulrichi de Sundheim. Uxor Friderici de Rannungen. Uxor Hen-
rici de Boseuins. Mater Seifridi de Eschenbach, Otto, Henricus, Seifridus de Eschen-
bach. Mater Lamperti & Fratrum ejus. Gepa de Dypach. Bertoldus de Buchelberg,
& Pueri. Berno de Ertal & uxor. Albertus de Obersfeld. Albertus de Hemelin & uxor.
Uxor Helmeboldi de Steingerwald. Pueri Helmeboldi de Gerbrechts-Winiden. Witi-
go de Nuenhoven. Hartman de Stetahen & soror. Uxor Wolframi de Ebenhausen.
Rilindis de Eschenbach. Rizza de Hohheim & pueri eorum. Hi omnes Masculi &
H h Fœminæ

Fœminæ sunt ad Servitium Herbipolensis Ecclesiæ in Marefcalchi Officio Deputati.

Eri sunt Testes, qui viderunt & audierunt: Arnoldus Decanus. Henricus Custos. Fridericus Cantor. Adelbertus Cellarius. Fridericus Archidiaconus. Conradus de Ketttersheim, Magister Waltherus de Thannenberga Canonici Herbipolenses. Hermannus Magister Domus Teutonicorum S. Mariæ in Hierusalem. Frater Bertholdus de Thannenrode & alii plures Religiosi ejusdem Ordinis.

Laici. Rupertus Comes de Castelle. Manegoldus de Wiltberg. Adelpertus de Franckenstein. Henricus Marefcalchus de Jura. Henricus de Brosfeldesheim. Theodoricus de Hohenberg Guntherus de Brende. Heroldus de Bastheim. Wolkerus Dapifer. Engelhardus de Osterburg. Albertus de Hebersfeld. Otto de Malkortz. Ludovicus & Hartmannus de Habechberg.

XVI.

Litteræ Mutuæ Societatis suffragiorum inter Monasterium S. Petri Erford & Collegium Ursulanum Coloniae, cum transmissiōe S. S. Reliquiarum.

Ex autographo circa. An. 1240.

ELISABETH Magistra Sanctorum Machabæorum cum universo Collegio sororum suarum & ELYSABETH Inclusa in Ecclesia S. Marcelli in Colonia H. Abbati & Conventui Apostolorum Petri & Pauli in Erfordia Devotas Orationes in Domino. De Beneficio Nobis Collato de Communionem Fraternalitatis vestræ Maximas agimus Gratias; Noventis ergo, quod Reliquias Sanctarum Virginum Veracissimas quæ à Beato CLEMATIO in Ecclesia nostra, & Ecclesiis Sanctarum Virginum Colonienfium Tumulatae sunt, per nos plurimæ repertæ sunt, de his per maximam partem per Nuntium Vestrum CUNRADUM vobis transmissimus, scilicet Beati Hilarii Militis, Crisanciæ, Justinae, Christi-næ, & aliarum Sanctarum Undenarum * Virginum: Petimus igitur ut condignam Venerationem Sanctis Virginitibus, sicut decet, Devotissimè exhibeatis, scientes per hoc æternam Mercedem vos adepturos.

Deest forf. 147. * Millium.

XVII.

Charta Henrici Episcopi Bambergensis, qua Vacantia sibi Prædia ex morte Othonis Ducis Meraniæ ultimi, in perpetuum Mense Episcopali attribuit.

Ex authent. An. 1248. IN Nomine Domini, Amen. HENRICUS Dei Gratia Babenbergensis Episcopus, Universis Christi Fidelibus in perpetuum; Non solum à Deo Meritum, sed etiam Favorem Hominum credimus promereri, si circa Ecclesiam nobis commissam nostra piè fertur intentio & ipsius Providemus Commoditatibus & Augmentis: hinc est quod nos illius intuitu, qui de nihilo nos erexit & inter Principes collocavit, & de diversis Periculis misericorditer liberavit; Petitionibus quoque dilectorum Fidelium Nostrorum Universorum Ministerialium qui Nobis Fideles & Devoti plurimum exstiterunt favorabiliter inclinati, Comitatum & Judicium Provinciale in Diocesi nostra, tertiam partem Nemoris Houtsmo, Castra Giech, Nieften, Lihtenfels, cum pertinentiis eorundem, quæ Nobis de Morte Ducis Meraniæ vacare ceperunt, Beato Petro, Beato Georgio, Beato Heinricho, Beatæ Kunegundi contulimus & tradidimus pleno Jure, ita ut ad Deanarium & Mensam Episcopi Spectent: de Cetero nec ab Ecclesia Babenbergensi ullo modo vel Ingenio valeant alienari: Statuentes quod Nullus successorum nostrorum prædicta Castra & Bona infeodare, vel alienare præsumat, & sub Vinculo Anathematis injungentes

gentes ne aliquis de Capitulo vel Ministerialibus in hoc consensum præbeat & Favorem, quod qui præsumperit Indignationem omnipotentis DEI & prædictorum Sanctorum se noverit incursum, & cum Dathan & Abyron, quos Terra viuos absorbit, recipiat portionem: ad hujus itaque Donationis & Traditionis nostræ Memoriam præfens Scriptum fieri, & Sigillo nostro iussimus communiti.

Hujus rei Testes sunt Henricus Præpositus veteris Capellæ Ratisponensis, Henricus Comes de Ortenberg, Henricus Plebanus de Atterfex, Fridericus de Wolsperg, Otto de Porta, Eberhardus de Griven, Dietmarus & Wigandus de S. Stephano, Hartlibus de Winzer, Sifridus de Griven, Marquardus de Lapide & alii quam plures.

Acta apud WOLSPERG Anno Domini MCCXLVIII. mense Februarii. Indict. *I. VI. VII. * Pontificatus nostri Anno IV.

XVIII.

*Margaretæ Abbatisse in Bergka Litteræ Obligatoriæ
erga Monasterium S. Petri Erfordia.*

NOs MARGARETA Abbatisa, totusque Conventus Sanctimonialium in Bergka, re-Ex Charta
nōre præsentium Lucide protestamur, quod à Venerabili Domino HEINRICO Ab-rio S. Petri
bate Monasterii S. Petri in Erfordia, Legitimo interveniente contractu, acceptavimus Erford.
in Commendam seu Arendam Cellam seu Cappellam S. Georgii, quæ nominatur ad Mo-An. 1248.
nachos sitam prope Rode in Finibus Castri Tondorff, cum omnibus sibi adhærentibus,
de quibus prænominato Abbati exsolvere tenebamur III. Markas usualis argenti in Festo
S. Martini Singulis Annis; Nos vero pro exemptione & Loco dictarum III. Marcarum an-
nuæ pensionis præfato Domino Abbati tradidimus ac plene perfolvimus XXX. Marcas,
ita quod stante hujusmodi arenda seu Commenda, dicta Bona Libera & absque ulla pen-
sione possidebimus, insuper protestamur atque Bona Fide pro nobis nostrisque successo-
ribus per præfentes promittimus, quod præfatam Cellam seu Capellam ad Monachos pro-
videre ac sollicitè procurare ebdomatim in missis aliisque requisitis pro Divino cultu ne-
cessaria, ipsamque Cellam, nec non alia habitacula cum tectis integra & competenti
statu servare velimus.

Dat. Anno Domini MCCXLVIII.

XIX.

*Henrici Episcopi Bambergensis dispositio circa Advocata-
tiam Monasterii Tharisiensis.*

NOs HEINRICUS Dei Gratia Babenbergensis Episcopus per præfens Scriptum Notum Ex authent.
Facimus Univerfis quod cum Advocatia Tharisiensis esset WOLFRAMO de ZABEL-An. 1250.
STEIN obligata pro Centum Marcis argenti & triginta Libris Babenbergensis monetæ, nos
attendentes quod dictus Wolframus dictam Ecclesiam indebitis exactionibus & extor-
sionibus adgravabat, Nos de Consilio Fidelium nostrorum dedimus autoritatē Domino
Episcopo Herbipolensi dictam Advocatiam redimendi, ita quod quodcumque ipsam
pecuniam dare poterimus, supradictam Advocatiam Nobis restituere tenetur: Præterea
placet nobis, ut dictus Episcopus redimat Bona nostra T. de RAUHENECK pro L. Libris
Babenbergensis Monetæ obligata ad eandem pertinentia Advocatiam, in cuius rei Testi-
monium præfens scriptum fieri & Sigillo nostro iussimus communiti.

Datum BABENBERG Anno Domini MCCL. Indict. VIII. Mense Martio, pontifica-
tus nostri Anno X.

XX.

*Charta Alberti Turingiæ Landgravii, qua declarat
sibi in Universis Prædiis & Homnibus ad Monasterium S. Petri Erford.
Spectantibus, nihil Juris competere.*

Ex authent.
An. 1277. **N**E ea quæ aguntur in tempore simul labantur cum Lapſu temporis, caute proviſum eſt ut Contractus qui ſunt mutuo Scriptorum Teſtimoniô perhennentur: hinc eſt quod nos ALBERTUS Thuringiæ Landgravius Saxonizque Comes Palatinus, ad univerſorum quibus præſens ſcriptum fuerit exhibitum volumus noticiam pervenire, publicè nichilominus proteſtantes, quod in univerſis Bonis, nec non Homnibus eadem Bona colentibus, & etiam in judicio ipſa Bona & Homines prædictos reſpiciente, Bonis videlicet ſitis in Dachebeche tam in villa quam in Campis, quæ, inquam, Bona, Homines, & judicium Sæpèdicta ad Monasterium Montis S. Petri Spectant & Spectaverunt, ſunt & fuerunt hæcenus, nihil Juris unquam nobis competebat, neque competit, aut competere debet, ad Evidentiam autem hujus noſtræ Recognitionis pleniorẽ præſentem paginam ſuper hoc conſcriptam noſtri Sigilli munimine Duximus roborandam.

Datum Anno Domini MCCLXXVII. VII. Kal. April. præſentibus Honorabilibus viris, Hermanno diſto Stranz de Tulleſtete, Hermanno & Hermanno Fratribus de Vanre, Joanne de Herversleibin, Strenuis militibus, & aliis pluribus Fide dignis.

XXI.

*Charta Henrici Episcopi Merseburgensis, qua Donati-
onem Bonorum quorundam factam in favorem Recluforii juxta
Mersburg, ratam habet.*

Ex autho-
grapho.
An. 1317. **I**N Nomine Domini Amen. Nos HENRICUS Dei Gratia Mersburgenſis Eccleſiæ Episcopus Recognoscimus & univerſis notum facimus per præſentes quod cum GERWICUS de PUSTEN manens Doberthowe, cum HENRICO, JOHANNE & OTTONE, Fratruclibus ſuis, & aliis Filiis, & Heredibus Fratrum ſuorum, Fundum qui vulgo dicitur Clusgarthe cum Monte adjacente à Fluvio Sala uſque ad uiam quæ dicitur Hondorp cum aliis ad ipſum Fundum pertinentibus à nobis & Eccleſia noſtra in Feudo habuerunt, & illa ad manus noſtras Libere reſignaverunt: Nos propter Deum & pro Remedio Animarum ipſorum jam dicta Bona Jure proprietatis Dedimus Recluforio ſito prope Monasterium S. Petri extra muros Mersburgenſes perpetuo poſſidenda, ſic quod nec Incluſus ibidem, nec quiſquam alius ipſa alienare à Recluforio valeat quo quomodo nec ſibi injuriõ ſe uſurpare: porro ſi Incluſum ex morte, vel alia neceſſitate abeſſe contingeret, Episcopus qui pro tempore fuerit uni perſonæ Zelum DEI habenti committet, qui de prædictis Bonis Locum Reclufionis in edificiis & in aliis neceſſariis reformabit, quousque eidem Loco provideatur de Incluſo; ut autem præmiſſa firma & inviolata permaneant omni Ævo, Sigillum noſtrum præſentibus in Teſtimonium Duximus appendendum.

Teſtes hujus rei ſunt Inſcripti Dominus Fridericus plebanus de Grimmis, Magiſter Henricus Medicus, Magiſter Henricus de Orſchetz perpetui Vicarii Dictæ Eccleſiæ noſtræ, & Conradus Notarius noſter cum aliis pluribus Fide dignis.

Datum & actum MERSEBURG Anno Domini MCCCXVII. In die S. Albani.

XXII.

Charta Donationis Ulrici Cathedralis Ecclesiæ Nuenbergensis Decani, confirmata à Geuehardo Merseburgensi Episcopo.

IN Nomine Domini Amen. Karitas operit multitudinem peccatorum. Date & da-Ex auto-
bitur vobis. Date Elemosinam, & omnia munda erunt. His admonitionibus grapho.
Evangelicis nos **ULRICUS** Dei Gratia Decanus Nuenbergensis, & Canonicus Ecclesiæ An. 1332.
Merseburgensis, Informati, Duas Decimas sitas in Campis villarum Infra-scriptarum,
videlicet Tzerntzin, Cripowe, Slavendorph, quarum unam emimus ab honestis Fa-
mulis Henrico, Johanne, & Alberto Fratribus dictis de Lochow; residuam vero à Theo-
dorico Dicto Hertkefe eo modo comparavimus quod de ipsa intra Ecclesiam Mersbur-
gensem Ordinare & disponere possimus quicquid Deo & Sanctis ejus Laudabilis, &
animæ nostræ salubrius possumus cogitare: de quibus Decimis de Consilio & voluntate
Honorabilis Viri **ENGELBERTI** Decani Dictæ Ecclesiæ Merseburgensis taliter decrevimus
ordinandum: Tredecim Vicariis in Ecclesia Merseburgensi, videlicet Vicarius Regina,
Vicarius Capituli, Vicarius S. Andreæ, S. Bartholomæi, S. Elisabeth. S. Konegundis,
S. Stephani; S. Katharinæ, S. Blasii, S. S. Virginum. S. S. Regum, S. Jacobi. Sub-
custos & Inclusus prope Merseburg easdem Decimas ad usum & utilitatem ipsorum habe-
bunt, personam idoneam inter ipsos eligentes quæ ipsas debito tempore Colligat & con-
ferret, administrationem quoque faciet Vicariis prædictis & Includo in hunc modum:
omni Septimana, quamdiu emolumentum ipsarum Decimarum durabit, pistari faciet
Duosmodios cum dimidio Merseburgensis mensuræ, de quibus procurabit fieri Centum
panes, de quibus Septem panes sibi & Singulis præscriptis personis omni Sabbatho ero-
gabit, dictique Vicarii pro hujusmodi Consolatione Deo & Sanctis ejus ad Infra-scripta
servitia perpetuè tenebuntur: Omnes per Circulum anni ad Altare prope Ostium ad-
versus Curiam Episcopalem constructum & dedicatum in Honorem Dei & Salvatoris no-
stri, B. Dorotheæ, ac omnium Sanctorum, unam missam cum nota, omni die per
Ordinem Sollemniter celebrabunt in quibus missis nostri ac Progenitorum nostrorum
Memoriam facient, & pro nostris Peccaminibus ignoscendis Deum suppliciter flagitent
& exorent: adicimus insuper quod prædicti tredecim Vicarii omni die cum ad dictum
Altare Celebrare debent, missam non incipient nisi postquam Vicarius B. Mariæ in me-
dio Monasterii offertorium firmaverit, deinde quidem incipere poterunt quando ipsis
videbitur expedire. Ne igitur hæc nostra ordinatio in posterum aliquo modo infringi
& Cassari valeat, presentem Litteram nostris Sigillis, videlicet Domini Engilberti De-
cani prædicti & nostro fecimus communiri.

Et Nos **GEVEHARDUS** Dei Gratia Merseburgensis Ecclesiæ Episcopus Ordinationem
hujusmodi rite factam Laudamus & approbamus, & in DEI Nomine sub Sigilli nostri
munimine confirmamus perpetuo duraturam.

Nos quoque Dei Gratia **GUCELINUS** Præpositus Totumque Merseburgensis Ecclesiæ
Capitulum, ad exprimendum nostrum consensum omnibus & Singulis in præmissa Or-
dinatione contentis benivolum accessisse, Sigilla nostra presentibus duximus
apponenda.

Actum & Datum **MERSEBURG** Anno Domini **MCCCXXXII.** in die B. Mauriti &
Sociorum.

XXIII.

Ludovici IV. Imp. Epistola, qua Balduino Archi-Episcopo Trevirensi rationem reddit cur precibus ejus non annuerit, eumque hortatur, ut Alberto Constantiensi Electo adversus summi Pontificis Decretum saveat.

Ex Cod.

M.S. Fuld.

An. 1334.

* JOANNIS.

LUDEWICUS Dei Gratia Romanorum Imperator semper Augustus Venerabili BALDUINO Archi-Episcopo Trevirensi, Principi suo Karissimo Gratiam suam & omne Bonum sicuti super promotione I. * Decani Moguntini nobis scripsisti, scire debes, quod priusquam tue ad nos venirent Littere, Honorabilis Vir ALBERTUS Natus Nobilis Viri RUDOLFI Comitis de HOHINBERG in Episcopum Constantiensem fuit Electus, & ad hoc, ILLE de AVINIONA cuidam nominato de KENZINGEN cui & antea de Episcopatu Augustano providerat, de Episcopatu providit prædicto, unde cum presenti Nominato, de Aviniona promotus, resistere nos oporteat, & hoc melius per dictum Albertum propter Parentum suorum Potentiam quam per quemlibet alium mediante nostri adjutorio possit fieri, ejus Promotioni insistere inducimur totis Viribus ac Virtute, & si Factum aliter se habuisset, revera tuis petitionibus acquiescivissemus modum in omnem; & sicut alias effectuose requisivimus, ita & iterum Instanti Instantia requirimus ne cuiquam alteri nisi quem Tibi presentabimus Confirmationis suffragium, quod & Singulariter tibi confidimus, impendas modo quovis.

Dat. INGOLSTAD Regni nostri Anno XX. Imperii vero VII.

XXIV.

Margaretæ Ludovici IV. Imp. Conjugis Litteræ intercessoria.

Ex eodem

M.S. Cod.

MMARGARETA Dei Gratia Romanorum Imperatrix semper Augusta, Magnifico Viro & potenti Comiti, suo Devoto Dilecto salutem cum plenitudine omnis Boni. Dilectio tua grave non reputet, si tibi pro aliqua Persona nobis Devota sub Spe Specialis Confidentie relaxanda porrigimus preces nostras, in quibus quia desideramus Liberaliter exaudiri, Te requirimus intimo cum affectu, quatinus nostro Speciali intuitu & amore RUCKLINUM Servitorem CONRADI Militis de GERA Fidelis nostri Dilecti, tuum ad presens Captivum, à Captivitate solutum ac Liberum dimittere digneris, ob hoc utique Tibi & Tuis volumus ad gratas vicissitudines rependendas teneri.

XXV.

Henrici II. Hassiæ Landgravii Epistola ad Benedictum XII. Pont. Max. qua suam, suorumque omnium constantem semper erga S. Sedem Apostolicam, Fidem ac Devotionem celebrat, eique Comitem de Ziegenhain consanguineum suum impense commendat.

Ex eodem

circa An.

1338.

*HENRICUS.

SANCTISSIMO in Christo Patri, ac Benignissimo Domino suo, Domino BENEDICTO Sacro Sanctæ Romanæ ac Universalis Ecclesiæ summo Pontifici ejus Humilis & Devotus Filius H. * Devotissima Pedum Oscula Beatorum. Imense Pietatis Vestre Clementia ad cunctos quidem ut Filios Paternæ Caritatis aspiciens, ad Illos tamen frequentius quos

quos eorum approbatu Devotio apud ipsam reddit Laudabiles, nec non in loco Obedientie continuos reperit & Constantes; hinc est alme Pater & Domine quod mei Progenitores, & Tota mea communiter Parentela, in tantum hætenus Sedi Apostolice exhibuerunt se ferviles, ut ab eadem Sede & à summis Pontificibus ipsam olim Regentibus, vestris Predecessoribus, amplioris Zeli Favoribus continue sunt amplexi: Patent hec siquidem in Sancta ELYSABETHA proavia mea, que & per ejus Sanctitatem, & parentum meorum Devotionem per GREGORIUM Papam Nonum Sanctorum Cathalogo est ascripta; Patent hec etiam in Magdeburgensis Ecclesie * Archi-Episcopo Germano * OTTONI meo, ac Monasteriensis Ecclesie * Episcopo Patruo meo, Pontificibus hodie Viventi * LUDOWICO, quorum Capita precedentibus Parentum meorum & meis Devotis Obedientia & obsequiis, per Sedem Apostolicam Diademate sunt Ornata: cum itaque perdilectum meum consanguineum Nobilem virum natum JOHANNIS Comitis de CYGENHAIN, C. . . Amitæ mee Filium, & JOHANNEM Natum JOHANNIS RYTESSEL Militis, Magistrum ejus, quem sub Confidentia Vestra & Sedis Apostolice propter Scientie Margaritam ad Generale studium Duximus promovendum, ad pedes Vestre Sanctitatis Duxerimus Principaliter destinandos ut mea Secreta plurima & statum presentis Temporis in Alemannia, & ea etiam que scribere non expediunt Sanctitati Vestre, sapienter valeant enarrare, ipsos amore mei, vestri si placet humillimi Servitoris videre curetis, & audire dignemini benigniter in premissis, ac firmam Fidem in omnibus quæ ex Ore meo retulerint adhibere, ipsos que in suis Supplicationibus pro ipsis & eorum Familia vestre Beatitudini porrigendis, taliter dignemini dimittere gratiose, ut cum cunctis Comitibus & Baronibus totius mei Principatus obinde valeam gloriari: Me, Pater Sanctissime, & Terram meam & totam Fortiam mee parvitatæ Sanctitati vestre subiicio & humiliter Recomendo, nam in vestro & Romane Ecclesie Servizio ubicumque, quandocumque & contra quoscumque volo ubilibet perpetuo inveniri: Ceterum si de quibusvis Versus Alemanniam indigeritis Servitoribus & Nuntiis, secure predictis potestis committere hec que placent: Nam in vestro & Romane Ecclesie Servizio Res & Corpora exponere non reformidant & in vestris Jussionibus & mandatis debent vivere atque Mori. Vestram Sanctitatem conservet Dei Filius sue Sancte Ecclesie feliciter per Tempora Longiora.

XXVI.

*Charta Donationis Burchardi Sturnfeder ad Altare
B. Virginis in Nidenawwe.*

IN Nomine Domini Amen. Notum sit omnibus Hominibus, quod Ego BURCKARDUS STURNFEDER, & ENGELDRUDIS uxor mea Legitima legavimus & Ordinavimus cum consensu & voluntate omnium Civium in Nydenawe, omnia optima indumenta ad Altare B. Virginis Mariæ ibidem, cedentia de illis Hominibus qui moriuntur ibidem, qui non habent proprios Sanctos: qui vero habent proprios Sanctos, videlicet qui Spectant ad B. Virg. Mariam in Amorbach, vel ad S. Petrum Wimpinæ, vel ad S. Julianam Mosebach, seu alibi, illi dant. I. Solidum Hallenf. pro optimo indumento, qui recipietur ad prædictum Altare B. Mariæ Virginis in Nydenawe.

Ex Cod.

M. S.

Wimpin.

An. 1345.

Datum Anno Domini MCCCXLV. die VI. Kal. Junii.

XXVII.

Caroli Bohemiæ Regis Præceptum seu confirmatio Generalis omnium Bonorum & Privilegiorum Ecclesie Pragensis aliarumque circumjacentium.

KAROLUS divina Favente Clementia Bohemiæ Rex &c. ad Humani Redemptionem Generis Æterni Regis Filius ab alto Cælorum ad Imā descendens, ut sententiam perpetuam

Ex Cod.

M. S. Fuld.

An. 1347.

perpetuæ dampnationis eriperet incarnari de Virgine voluit gloriosa, & exinnata pietate suæ Compatiens Creaturæ, quam cæteris fecerat digniorem, Crucis subire Tormentum & Mortis amaritudinem non expavit, post suam itaque Resurrectionem à Mortuis per Mundum instituit Ecclesias Universas, quibus ob Remedium Scismatis præfecit Virum super quem ædificavit Ecclesiam, & ipsum Petrum à Petra nominavit dans ei in Traditionem Claves Regni Cælorum & in signum Dilectionis specialissimæ singulari Privilegio potestatem ut quodcumque Ligaret vel solveret super Terram Ligatum haberetur in Cælis vel solutum, cujus etiam Directioni præfatas commisit Ecclesias effusione Sanguinis sui prætiosissimi perpetua donatas Libertate, ad quarum confirmationem debent Regnorum Rectores & Terrarum Principes Univerſi Studioſius anhelare, ipsi enim à Deo Gladii potestas in Terris est collata ad Laudem Bonorum & correctionem perverſorum juxta exigentiam meritorum: Nam etſi cujuslibet Hominis Chriſtiani ſit, finalis diem judicis formidare, illum tamen potentes præcipue timere debent, cum plus exigatur ab eo cui multum committitur, & tanti gradus altitudinem ſequi ſoleant caſus ingentes.

Sane inter hujusmodi noſtrarum Conſiderationum Curas quibus altiffimo Creatori noſtro de cujus miſericordia vitam & omnes dignitates noſtras ſeu Honores, quibus temporaliter fungimur, poſſidemus & æterna ſperamus poſſidere quantum ipſius permittit Gratia, Lætantes proponimus, ſæpius mente revolvimus, & Devotione debita cogitamus qualiter in primis noſtræ promotionis Exordiis qualiter Fidei ac Divinæ Legis, Magiſtram Sacro Sanctam Romanam Eccleſiam, quam Sacro Cultu, mundo Corde pariter & Corpore, Dignis in Domino Serviitiis honoremus, deinde Cæteras in noſtro præcipue Dominio Conſtitutas, congruis Favoribus tanquam Princeps Catholicus attollamus: Sane ad Honorem Dei omnipotentis, cujus Spiritu totum Corpus regitur Eccleſiæ; Beatorum Martyrum Viti, Sigismundi, Wenceslai & Adalberti, in quorum Honorem Sancta Pragenſis Eccleſia Archi-Epiſcopali Kathedra Decorata & Fundata diſcoſcitur, de cujus etiam Corpore Suſcepturi ſumus, Deo propitio, noſtri Capitis Diadema, & plenam Regiæ Dignitatis adepturi Poſteſtatem, nec non Honorabilem Wiſſegradenſem Eccleſiam Capellam noſtram Specialem, nullo medio in Spiritualibus Eccleſiæ Romanæ ſubjectam, ad Honorem S. Petri Apoſtolorum Principis à noſtris pia Devotione Progenitoribus Inſtitutam & Nobilibus munitam Privilegiis, Eccleſiam Sanctiſſimæ Virginis Mariæ Matris Domini noſtri JESU Chriſti, per quam poſt Deum totus vivit orbis Terrarum, in monte Syon feliciter inſtitutam, inſuper Strahovenſe Monafterium in vicinis Campis feliciter conſtructum & dotatum ac omnes alias Eccleſias Regni noſtri Bohemiæ tam Sæculares quam Religioſas quocumque Nomine cenſeantur perpetua & irrefragabili gaudere volumus Libertate, ita videlicet quod ab Angariis & Proangariis Univerſis immunes & ab omnibus exactionibus & vexationibus ſint Liberæ ut illa ad quæ ſunt Divinitus inſtitutæ, quietius peragere valeant, & ut ipſarum Orationibus, quibus pro Nobis jugiter interpellatur apud Deum, Mundi Curſus pacifice noſtris actibus dirigatur, & earum Meritis in æterni Regis Palatio nobis deſiderata Manſio præparetur, omnia eis Privilegia à noſtris antecęſſoribus pia Conſideratione Conceſſa ſive ſint realia ſive perſonalia, dummodo appareant in prima forma & autenticiſ Sigillis Sigillata, non Vitiata, non Cancellata, nec in aliqua ſui parte abolita, Rata habemus & firma, & ea auctoritate Regia præſentis ſcripti confirmamus Patrocinio, Nolentes illa tractu Temporis à Malevolis aliquibus auſu temerario violari, in cujus rei Teſtimonium præſentes Litteras de communi conſilio Baronum Noſtrorum Univerſis Venerabilibus Eccleſiis ſeu quibuslibet aliis piis Locis concedimus pro Memoria præfatorum ſempiterna, Sigillorum Noſtrorum Munimine roboratas, ad Majorem vero Fidem & evidentiorẽ Cautelam hujus noſtræ Donationis ſeu Confirmationis Seriem per Dominum & Patrem noſtrum Sanctiſſimum Petri Succęſſorem & JESU Chriſti in Terris Vicarium confirmari volumus & Rogamus. Actum PRAGA præſentibus &c.

XXVIII.

*Ejusdem Regis Præceptum alterum in Gratiâ Præ-
latorum & Nobilium tam Regni sui Bohemiæ, quam Mar-
chionatus Moraviæ.*

KAROLUS Divina favente Clementia Bohemiæ Rex &c. Universis Regni Bohemiæ & Ex eodem Marchionatus nostri Moraviæ, quibus nosse fuerit oportuum. Ad Fastigia Cod. M.S. Sceptrigeri Diadematis Divina Disponente Clementia sublimati, ad hoc efficacibus Vo-An. 1347. tis Intendimus ut nostro Regiminis tempore, nostræ Ditioni subiectis Libertas optata proveniat, vitentur pericula, & à malignorum protecti incurfibus quiete Sedeant, Sedendo conquiescant, & in temporalium Reque maneat opulenta, quod tunc salubrius fieri credimus si jus suum tribuatur cuilibet & ultra debitum nemo arctetur, hoc sane attendentes, omnes Regni nostri Bohemiæ, & Moraviæ Principes Ecclesiasticos & Sæculares, Barones & Prælatos, Clericos Universos nostræ Ditioni subiectos pio Favoris ausu favorabiliter amplectentes, eisdem Duximus promittendum quod omnia Jura & Consuetudines quæ & quas à nostris habuerunt & habere dinoscuntur prædecessoribus Rata habere volumus & tenere, & eadem inconvulsa conservare, nec non omnia eorum similia quæ à nostris habent prædecessoribus volumus nostris confirmare Sigillis: Præterea ut nostri subiecti uberiores nostræ pietatis sentiant benevolentiam, promittimus quod nullam steuram vel Exactionem, nisi nos Uxorem ducere contingeret, seu in Liberorum Filiorum nostrorum & Filiarum copulatione conjugali, ab eis aliquatenus exigemus.

Cæterum ut nostri Regni Regnicolas ad voluntaria provocemus obsequia, pollicemur eisdem quod nunquam alicui alteri quam Moravo in Moravia, & Bohemo in Bohemia, aliquod officium committemus, insuper communi voto parentum, Bona sua devolvi ad posteros, Clementer assentientes, volumus quod Liberis, Filiis & Filiabus usque ad quartam Generationem existentibus, alicujus subditi nostri Bona, ad nos tamquam Vacantia, nisi propter Crimen confiscanda fuerint, devolvantur, seu nostro Erario applicentur: porro ut suis utilitatibus nostri subditi quietius intendant & commodius conquiescant, hanc eis Gratiâ Duximus concedere specialem quod ultra metas Regni nostri Bohemiæ Nobiles Regni nostri Bohemiæ & Marchionatus Moraviæ pro subjugatione alicujus Terræ alienæ eos invitos nullatenus Compellemus &c.

XXIX.

*Caroli IV. Imp. Epistola ad Ernestum Archi-Episcopum
Pragensem, qua illi nuntiat se S. Viti Martyris Caput & Corpus,
à Papiensibus accepisse in Donum.*

KAROLUS Quartus &c. Venerabili ARNESTO Archi-Episcopo nec non Honorabili-Ex eodem bus Viris &c. Oriens ex alto Splendor Lucis æternæ, qui nescit occasum, sicut Cod. M.S. præcis temporibus Boemorum Gentem à Gentilium erutam erroribus, Novellam tunc An. 1355. Sanctæ Matris Ecclesiæ plantationem, inter ipsa mox Conversionis suæ primordia Candore mirabili illustravit, ita etiam his temporibus, quibus auctore Domino, in Paradiso Ecclesiæ secus decursus aquarum fluentium plantata, fecunda Fructuum spiritualium ubertate fulcitur, suis etiam non desinit fulgoribus adornare ac variis Gratiarum Dotibus Insignire; tunc enim gloriosi Boemiæ Principes, de quo alto Sanguine nos constat traxisse originem, pro Christi Nomine gloriosa subiere certamina, & pia Colla Jugulanda submittentes atrociter trucidati, Cœleste Rosetum meruerunt sertis præsigniti Roseis introire, nunc vero per nostræ Regalis Vigilantiæ obsequium varia Sanctorum Corpora, Va-
Kk riasque

riasque Reliquias Longe lateque per Orbem Collectas felix meruit Bohemia possidere, Felix nimirum Bohemia quæ talibus ac tantis, divina Clementia, Muneribus se præditam gloriatur, Felix utique in cuius Aula Regali Magnificam Sedem sibi elegit Excellens Imperium Orbis Terræ, ad cuius nos apicem, Licet inmeriti, Cælesti Providentia sublimati sumus:

Hæc dum meditatur, & dum etiam pro humana Conditione Oculis Corporis nostri sopor illabatur, vigilar Cor nostrum assidue in his per quæ Status Magnificus & exaltatio Venerandæ Matris nostræ Sanctæ Pragensis Ecclesiæ producatur quam Venerabiles Patroni & Progenitores nostri dilecti, consperione Rosci sui Sanguinis consecrarunt, quæque Ecclesiarum omnium Regni nostri Bohemiæ Domina esse dinoscitur & Magistra: Sane dum Nuper ad suscipiendam Coronam Ferream, qua nostri Prædecessores divi Romanorum Reges, inter Triumphales Imperii Sacri Coronas in secunda sui Coronatione sunt soliti Coronari, Mediolanum applicuissimus & Corona eadem fuisse solempniter Insigniti, inter ipsa Coronationis nostræ solempnia Latenter audivimus, qualiter in Civitatis Papiensis Monasterio S. Marini Ord. S. Benedicti in Majori Altari Inclitus quondam ARISTULPHUS Longobardorum Rex ab annis Octingentis circiter, Caput & Corpus Beatissimi VITI Martyris Patroni nostri eximii maxima Devotione & honorificentia collocavit; harum igitur Reliquiarum desiderio ferventer accensi continuo Venerabiles Papiensem, Pergamentensem, & EGYDIUM Vicentinum Episcopos & honorabiles Præpositos Bohusensem, & JOHANNEM Luthomirsensem, ad dictam Papiensem Civitatem nostra providit Serenitas dirigendos pro parte nostræ Celsitudinis Caput & Corpus prædictum instantissime petitorios, Quibus ad arduam precum nostrarum & desiderii ardentis Instantiam, in multorum Nobilium Prælatorum; Civiumque præsentia, prædicto Altari reverenter aperto, Abbas S. Marini, nec non Nobiles & Cives præfata Civitatis Papiensis, licet inviti & earundem avidi, nostris tamen votis & precibus satisfacere cupientes, & adventum Regium sibi desideratissimum in ea parte Singulariter honorantes, ipsas Reliquias quas ex nimia vetustate pro Majori parte redactas reperiunt in pulverem, eisdem nostris Nuntiis non sine Lacrymarum profluvio presenterunt, per eos nostræ Celsitudini præsentandas, quas præciosissimum Civitatis & Ecclesiæ Papiensis Theaurum communis eorum assensu proclamabat, prout super omnibus Instrumentum publicum est confectum, & Episcopi Papiensis, nec non Abbatis S. Marini & Communitatis Papiæ Sigillis, ad præmissorum omnium Clariorem evidentiam & perpetuæ rei Memoriam signatum quod processu Temporis unâ cum Capite & Corpore ipsius S. Viti per Speciales Nuntios ad prædictam Pragensem Ecclesiam in ejusdem Gloriosi Martyris Titulo & honore constructam, favente Deo, transmittemus, aut in nostro felici Adventu, Deo auspice, nobiscum faciemus afferri, sperantes per divinæ dispensationis providentiam accidisset Regiminis nostri Temporibus Caput & Corpus dicti Gloriosi Martyris ad Ecclesiam suo Nomine antiquis fabricatam Temporibus, offerretur cuius Meritis Gloriosus Felix Bohemia temporali prosperitate lætetur, ut ejus Devoti post præsentis Caducæ Lucis Occasum, in Regione Lucis perpetuæ gaudiis mereantur perfrui sempiternis; Volumus autem totum tenorem præmissum per singulas Collegiatis Conventuales & Parochiales Ecclesias Urbis nostræ Pragensis & suburbiorum ejus, Clero & Populo solempniter publicari &c.

XXX.

Ejusdem Imperatoris Epistola altera ad Joannem VI. Paleologum Imp. Constantinopolitanum, qua eum de solemnī Coronatione sua Romæ peracto certiores facit, eique adversus Inimicos suos opem pollicetur.

Ex eodem
Cod. M. S.
An. 1355.

KAROLUS Quartus &c. Serenissimo Principi Domino JOHANNI PALIOLOGO Imperatori Constantinopolis, Consanguineo & Amico nostro Karissimo salutem & Sincera Dilectionis continuum Incrementum. Serenissime & Consanguine Karissime. habet hoc proprium Imperialis Excellentie magnitudo & ad hoc præcipue Generosæ sublimi-

blimitatis Effectus dirigitur ut illis bonorum successuum gratas prosperitates aperiat, illis felicius Eventuum jocunditates insinuet quos vel amoris præcipui flagranti quadam dilectione complectitur, aut in Fide Sincera Constantes reperit, seu ad Imperialis Honoris Fastus eximios diligentius inclinari: Vobis igitur, cui nostra salus parit Latitiam, cui omnia nostra Commoda cedunt in gaudium, innotescat qualiter auctore Domino à quo omnis Principatus & Honor dependet, in Sanctissimo die Paschæ Resurrectionis Dominicæ de Manibus ad hoc Vice summi Pontificis Legitime deputati in Basilica Principis Apostolorum in Urbe, ubi pridem divi Romani Imperatores prædecessores nostri Imperialia Diademata receperunt, præsentibus Principibus ibidem, Comitibus, Baronibus, & Nobilium multitudine Copiosa unâ cum Serenissima ANNA Romanorum Imperatrice semper Augusta & Bohemiæ Regina Consorte nostra Carissima Imperiales Infulas & Coronas cum solemnitatibus & Ceremoniis, in, & circa hujusmodi Laudabiliter observari consuevit, rite suscepimus pro DEI omnipotentis Gloria, nec non tranquilla pace & Sperata salute subiecti nobis Populi Christiani; tum & Divina Nobis suffragante Clementia reductis ad obedientiam nostram Italiæ, Galliæ, & Germaniæ partibus & aliis Terris quæ Sacro subsunt Imperio, quibus Sedatis adversitatum turbinibus absoluta potentia Dominamur, una cum antedicta nostra Consorte, Corporis incolumitate potimur, & grata prosperitate feliciter habundamus.

Cæterum ex Legationibus Vestris in præsentia Majestatis nostræ tam sollicitè quam prudenter expositis, Imperialis Celsitudo recepit natam illam & crudelem Tyrannidem ac detestatæ pravitatis versutias, quibus perfidus ille KANTECHUSANUS cui claræ memoriæ Genitor noster, puerilis ætatis vestræ compendia, Imperia, & ea quæ Domini vestri Claritatem censebantur aspicere, tamquam Viro bene conscio, sub fida præsumptione commisit, sic suæ Fidei & Honoris est Oblitus ut vos & Imperium Vestrum, & subditos vobis Fideles provocet in Errorem, & ubi, juxta Paternæ Commissionis seriem, Honoribus & Communitatibus vestris sperabatur intendere, Aspide truculentior, non solum negligentis Dispensationis scelere volebat redargui verum assumpto sibi Regni & Nobilitatis vestræ Titulo, se passus est in vestri præjudicium & Ignominia suæ detestationem Imperialis Diadematis Fastibus Coronari; Quod quantum Autori Veritatis & Fidei Domino nostro JESU Christo displicuerit, aut quantum hujus abominationis fœtore in suæ Divinitatis Conspectu Traditor ille sorduerit, Exitus ipse probavit, dum tarditatem suæ Vindictæ Ille Deus omnipotens Supplicii gravitate pensavit, & male malum perdidit, qui inter iniquos computari promeruit, & Innocentiæ Vestræ Conditione prævisa Vos ad Imperii solum rite reduxit Judex ille Magnus, ante cujus metuendum Tribunal potestates singule contremiscunt; Illi igitur una vobiscum & pro vobis Consanguineæ Carissimæ grates exsolvimus, illi ad Reverentiam exultantis Patriæ, illi ad Votorum exequenda sollempnia vos propensius obligari conspiciamus, qui ex altò Cælorum prospiciens justæ animadversionis sententia & damnat Impium, & Innocentem de manibus iniquæ Potentia Liberavit, nec super hujusmodi Casu nostris aut humanis quibuscumque credimus Opus fore Consilii ubi Magnificus ille Consultor, cujus Virtute roborantur Consilia, Bonitate salus Consiliorum invenitur, Consiliatrice Gratia gratum pridem Consilium in effabilis suæ Benignitatis Munere Dignatus est Misericorditer erogare:

De Illustri Nichilominus Rege Russiæ, de Turcis Sanctæ & Vivificæ Crucis Hostibus, quibus Katechusanus ille, atroci suæ perditionis malitia, iniquitatis Vinculo Colligatus, Aurum & Vires præbuit Vestros dissipandi Fideles, vestrumque Imperium demolendi, ac de aliis quæ post Seriem præmissorum Excellentia vestræ Legatio denotabat, quæque propter viarum pericula, Litteris aperire non decuit Nuntios vestros distinde & sufficienter Informatos remittimus, quibus Fidem adhibeat vestra Serenitas, & in Effectum meditetur perducere & grato Fine concludere quæ dicuntur: Desiderantes attente, ac Dilectionem vestram affectuose rogantes quatinus Majestati nostræ Vias & modos quibus eadem Negotia disponere & aggredi decreverit vestra Provisio, & eventus alios successusque jocundos, quam citius poteritis, insinuare curetis, ut intentione vestra comperta ad subveniendum Indigentis vestris oportunius valeamus Intendere sicut proposuit nostra Serenitas & prout à prædictis vestris Nuntiis plenius audietis &c.

XXXI.

Ejusdem Imperatoris Præceptum, quo Rudolfo Saxonie Duci Dignitatem Electoralem, Ducatui Saxonie adnexam, una cum omnibus Juribus ac privilegiis hæreditariò confirmat.

Exeod.
Cod. M. S.
An. 1356. **K**AROLUS Quartus &c. Etsi sollicitudo Dignitatis Cæsareæ in qua nos Conditor Orbis Omnipotens ex sola Dignationis suæ Benignitate Dignatus est Collocare incessanter nos urgeat & frequenter admoneat jugiter esse sollicitos & voluntarios subire Labores, quemadmodum à nostris & Imperii Romani Fidelibus generaliter Univerfis incommoda submoveamus & scandala, & pacis eis & quietis compendia Ministremus, ferventiori tamen affectu in illis Exercendis Cor nostrum accenditur, quæ Sacri Decus Imperii & Inclytos Principes ipsius Imperii Electores quadam specialitate concernit, ubi tanto nos ardentius decet intendere quanto nobis constat evidentius in eorum præcellentia, Sacri Romani Imperii Magnificentiam altioribus Titulis & Honoribus decorari.

Sanè quia certo certius sumus edocti, ac à Principibus, Comitibus, Baronibus, Proceribus, cæterisque Romani Imperii Fidelibus Experientiam & Testimonia Luce recepimus Clariora qualiter Illustris Dux Saxonie tanquam Princeps Elector Imperii, cum consensu, voluntate & Voto Unanimi aliorum coelectorum Principum piæ Recordationis Serenissimum quondam Prædecessorem nostrum rite & rationabiliter elegit, & postea avum nostrum in Romanorum Regem, qui post Electionem eandem in Romanorum Imperatorem existitit solempniter coronatus, Manifestum insuper & Longe lateque dinoscitur divulgatum, nec potest in Dubium revocari quomodo etiam idem avunculus noster R. hoc felici nostro tempore nos in Regem Romanorum elegit, sicut etiam post eandem suam & aliorum Principum Coelectorum suorum Electionem, in Imperatorem Romanorum sumus feliciter, auspice Deo, promoti & solempniter coronati prout omnia præmissa clarissimo Fide Dignorum Multorum Testimonio fulciuntur: hinc est quod dicti avunculi nostri Dilecti tam Claro, tam Manifesto tamque Notorio Jure, multa deliberatione pensato & diligenter inspecto, quod idem retroactis Temporibus habuit & possedit & ex Successione & Hæreditate paterna in Electione Regis Romanorum in Imperatorem promovendi, possidere dinoscitur & habere, sano Principum, Comitum, Baronum, & procerum nostrorum accedente Consilio, futuris cupientes quantum possumus obviare periculis, & materiam succidere Dubiorum, ut inde Jus & Dignitas hujusmodi sibi ac suis Hæredibus & Successoribus Illæsa perpetuo incommutabiliter conservetur & permaneat illibata: Declaramus imò decernimus & Edicto Imperiali præsentis perpetuis valituro Temporibus Sancimus ex certa nostra scientia de plenitudine Imperatoris potestatis, quod antedictus avunculus noster R. & nemo alius tamquam Saxonie Dux & Sacri Imperii Archimariscallus, verus & Legitimus Princeps Elector existat seu existitit, sibi que competat sicut & competit Vox, Jus, & potestas Eligendi in Electione Regis Romanorum in Imperatorem promovendi & post obitum ejus, Filio suo primogenito, & illo non existente, primogeniti ejusdem primogenito, vox, & Jus dictum competat eligendi: Si vero ipsius primogenitum absque Hæredibus Masculinis Legitimis mori contingeret ex tunc vox, & Jus seu potestas Electionis hujusmodi ad Seniore Fratre per veram paternalem Lineam descendente & deinde ad illius primogenitum devolvatur, & talis successio in voce, Jure, & potestate præmissis, in Ducibus Saxonie perpetuis Temporibus observetur: Præterea ne super Jure Electionis hujusmodi in Ducatu seu Principatu Saxonie ullo unquam tempore Dubium aliquod oriatur vel scandalum suscitetur, autoritate Imperiali de præfata nihilominus potestatis plenitudine Declarationem Decretum & Sanctionem nostras prædictas approbamus Ratificamus, & ex certa nostra scientia in omnibus & Singulis Articulis & Sententiis confirmamus, suppletentes insuper de prædicta Imperiali Majestatis plenitudine ex certa nostra scientia omnem defectum verborum aut solempnitatum obmissionem, seu aliud quo-

quovismodo nunc aut in futuram perpetuis Temporibus inveniretur admissum, quibus omnibus & Singulis quo ad omnia puncta superius tacta esse volumus totaliter derogatum & autoritate præfata omnimode derogamus: Nulli ergo &c.

XXXII.

Ejusdem Imperatoris Præceptum alterum, quo Theodorico Mindenſi Episcopo, ob Singularia sua in Coronam Bohemiæ Merita, Universos Regni Bohemici Redditus ac proventus obligat.

KAROLUS Quartus &c. Notum facimus &c. quod cum Venerabilis THEODORICUS ^{Ex eodem} Mindenſis Episcopus Princeps & Consiliarius noster Dilectus, ex affectu Sinceræ ^{Cod. M. S.} Fidei & virtuosis desideriis quibus in obsequio nostro Solerti Cura continuasse dinoscitur, ^{circa An.} & ex amore Sincero quo ipse Regni & Coronæ Bohemiæ statum atque Honorem profec- ^{1356,} quitur, multas munitiones, prædia, possessiones, utilitates & Fructus ejusdem Regni pecunia sua redemerit ab his qui talia multis temporibus non absque notabili jactura Regni & Coronæ Bohemiæ pignori tenuerunt, Dignum ducit Imperialis nostra Serenitas, quod tantæ & tam virtuosæ intentionis puritas, Dignis sibi obvietur Favoribus, idèoque animo deliberato, non per Errorem aut improvide, sed matura Principum & Procerum nostrorum accedente Consilio, sibi omnes Fructus, Redditus, & proventus dicti Regni Boemiæ, nominatim Devolutiones Bonorum quovismodo, usus Fructus Montanorum Auri vel argenti, ferri, stanni seu cujuscumque alterius speciei, emolumentorum etiam de Judicio provenientium nec non silvatum quibus etiam nominibus tales utilitates, Fructus, & commoda consueverunt vocari, & generaliter omnes proventus utilitates, Censūs, & obventiones Civitatum, Villarum, Locorum, seu Villicationum quocumque censeantur vocabulo, nomine veri & iusti pignoris de certa nostra scientia presentibus obligamus, decernentes quod præfatus Theodoricus Mindenſis Episcopus omnia supradicta & eorum quodlibet tenere uti frui & possidere debet, donec Proventibus, Redditibus, Censibus, Fructibus & obventibus prædictis computatis in sortem & in summam Capitalis pecuniæ, rationis Legitimæ Calculo defalcatis ipse omnem suam jam impensam aut in posterum inpendendam pecuniam sustulerit, habuerit & perceperit integraliter & ad plenum, promittentes pro nobis, Hæredibus & successoribus nostris Bohemiæ Regibus Fide Sincera dictum Episcopum in obligatione prædicta & omnibus ab ea dependentibus, non impedire, gravare, seu dampnificare, neque impediri, gravari seu dampnificari permittere intoto seu in aliqua ejus parte, sed potius ipsum in his manutene- re, tueri & defendere, non obstantibus quibuscumque Litteris assignationibus seu pignorationibus dandis seu faciendis in contrarium &c.

XXXIII.

Ejusdem Imp. Epistola Encyclica, qua ob Natum sibi Filium Wenceslaum Regem, subditos suos Universos ad Hilaritatem & Latitiam provocat.

EXultent jam Celebris Jocunditate Latitiæ Cunctorum Corda Fidelium, Exultent ^{Ex eodem} jam omnes Regiæ Subditi Ditioni & pro nostri Regis emolumento fiat populis ^{so-Cod. M. S.} Iempnitas generalis: Gaudeat Bohemia se tanti Eventus Auspiciis Clarificatam Felici- ^{An. 1361.} bus, & Magnis Exultationum Tripudiis annexæ sibi Provinciæ jocundentur: Latentur, inquam, Universaliter Singuli, & Singulariter universi, simul in unum Dives & Pauper gaudeant, & festivis applausibus cum minoribus Jubilent Seniores, quia Ecce de Radice Stirpis ingenuæ palmes processit generosus, & Majestas Regia in pignus fructificavit eximium, optatam Divinitus produxit sobolem, & Hæredita-

rium protulit Successorem; Natus est nobis Puer, super quem Coetus Fidelium, qui ab olim quasi anxius rebus incertis fluctuans titubabat, verens forsitan alti detrimenta Sanguinis, atque Sceptri inclyti dampna timens, poterit nunc respirare, & in vitam redire communis valebit alacritas, quam exuberantis desiderii affectibus laceffitam proluxa expectatio de Rege tenero ferè coegerat exspirare. Natus est nobis Puer, ad cuius omen Natalitii Gloriosum, velut ad ortum Surgentis Auroræ, dies nobis emicuit generosa, quia de nutantibus Cordibus subditorum discussa Dubietas, cujuslibet caligine & Spei fluctuantis Nubilo relegatis, ad omnes pristinae Vigor Felicitatis rediit, & Serena Devotionis Sinceritas remeavit; Natus denique est nobis Puer, in quo Regnum Bohemiæ velut in Turri fortitudinis stabilitum, æmulorum insolentiam non timebit, quia certis jam patet indiciis quod Divini Numinis gratia gratis applaudit successibus & Magnifico Principi Boemorum Fatorum favet Series & Fortuna fortiter famulantur, maxime dum ex sui stipite Generis Excellentis plures Ramusculi pullulabunt, Emergent Virgulæ, succrescent Hæredes, egredientur Egregii Principes, nescimen Iusti corruiat & Deo dicata profapia Eclipsim aliquatinus patiatur.

XXXIV.

Ejusdem Imperatoris Præceptum quo Civitatem Tetzin cum attinentiis, à Prædecessoribus suis Bohemiæ Regibus, Nobili Warthenbergicæ Genti olim donatam, rursus confirmat.

Ex eodem
Cod. M.S.

KAROLUS Quartus &c. Notum Facimus &c. quod pridem Celebris & recolendæ Memorix Illustris WENCESLAUS olim Bohemiæ Rex Avunculus noster, Civitatem Tetzin cum omnibus pertinentiis suis Bonæ Memorix Nobilibus JOHANNI & WANTONI de WARTHENBERG Occasione Fidelium Obsequiorum, quæ recepit ab eis, generosi Favoris officio, voluntarie benigneque erogavit, ac demum eadem Civitas cum suis pertinentiis ut præmittitur Hæreditariæ & Justæ perpetuitatis Titulo ad Nobiles BEVESSUM de WARTHENBERG, JOANNEM GASTO suum patrum & ejus Fratres de WARTHENBERG similiter nominatos ordinariæ & ex justitia fuerit Legitime Devoluta, atque Claræ Memorix Illustris JOHANNES olim Bohemiæ Rex Genitor noster Carissimus, & Nos similiter eo tempore quo illud auctoritate Regia Bohemiæ facere poteramus, Donationem eandem velut acceptam & gratam nobis, confirmandam Duximus sicut hæc omnia nota & cognita nobis sunt: Talibus certis Informationibus & Manifesta Notitia, ut nullum inde in Cordenostro poterit aut possit Dubium generari, & quia Jus præfatorum Nobilium Beveßii, & Johannis de Warthenberg, privilegia & Litteræ, quæ & quas à Nobis & præfatis Genitoribus nostris desuper obtinuisse noscuntur, permissione Divina & Sinistræ sortis eventibus una cum Castro Tetzin per Ignis Voraginem sint consumptæ, ita ut de suis Juribus prætextu Privilegiorum & Litterarum hujusmodi non valeant, amplius edocere, tamen nostræ Intentionis existit, ac intueri volumus & Benigno favore frequenter advertere, Constantia, sollicita, & Fidelia semper obsequia quibus præfati Nobiles, nostri Fideles, nobis & progenitoribus nostris hætenus placuerunt, Fideliter, & in futurum placere & obsequi tenebuntur Fidelius, & ob hoc indemnitati eorum generosius providere: Quapropter Animo deliberato, Sano Principum Baronum & procerum nostrorum accedente Consilio, auctoritate Regia Boemiæ ac de certa nostra scientia dicimus & declaramus, quod præfata Civitas Tetzin cum omnibus suis pertinentiis, pro sui medietate præfati Beveßii & suorum Hæredum, & pro alia medietate præfatorum Joannis Gast, Fratrum ejus & suorum Hæredum vera proprietas existit & esse debet sub omnibus Conditionibus sicut ipsi hætenus eandem Civitatem cum suis pertinentiis tenuisse noscuntur, & sicut in ejus pacifica & Hæreditaria possessione fuerunt hætenus & sunt, etiam tempore sint subsequenti, & ne præfatis Fidelibus nostris privilegiorum & Litterarum talium Odiosa perditio aliquod præjudicium generet, nos eandem Civitatem Tetzin cum omnibus suis utilitatibus, Judiciis, Redditibus Divitiis & omnibus pertinentiis suis, præfatis Fidelibus nostris Beveßio de Warthen-

thenberg, Johanni Gaste & suis Fratribus, de Warthenberg similiter nominatis & Legitimis eorum Hæredibus auctoritate Regia Boemiæ, in Hæreditariam Proprietatem de novo damus, confirmamus, & Largimur, decernentes quod hæc præfens nostræ denominationis & Largitionis innovatio proinde Robur firmitatis obtineat ac si Privilegia & Litteræ quæ & quas à nobis & dictis nostris progenitoribus obtinuisse noscuntur in Formis & Figuris propriis ad hoc subsisterent & integraliter haberentur &c. Nulli ergo omnino Hominum liceat nostræ declarationis, donationis, innovationis, Collationis Largitionis & Decreti paginam infringere vel ei quovis ausu temerario contraire sub poena Indignationis nostræ gravissimæ, nec non Centum Marcarum Auri purissimi, quas ab eo qui contrafecerit & totiens quotiens contrafactum fuerit irremissibiliter exigere volumus, & earum Medietatem Aerarii sive Fisci nostri Regalis Boemiæ, Residuam vero partem supranominatorum de Warthenberg & eorum Hæredum usibus applicari &c.

XXXV.

Ejusdem Imp. Præceptum alterum, quo Monetas in Delphinatibus & Sabaudia Ditionibus, non aliter quam sub Forma & Modo præscriptis, cudi vetat.

KAROLUS Quartus &c. Universis nostris Sacri Romani Imperii Fidelibus præsentibus ^{Ereodem} & futuris ad quos præfentes pervenerint Gratiā suā & omne Bonum. ^{Cod. M. S.} Et si ^{An. 1363.} Cunctos Principes decet circa Bonum, Quietem, & utilitatem publicam ferventi studio vigilare, cum publica utilitas præferri debeat privatæ, Jure Divino & Humano dictante, & naturali etiam Ratione, Nos utique qui ad Apicem Cæsareæ Majestatis vocati sumus circa ea tenemur & debemus studiosius inniti, quæ subditorum nostrorum commodum respiciunt & profectum: Sane cum nuper in partibus Imperii nostri videlicet in Provinciis, Delphinatu & Sabaudia Comitatu, quæ ad Nos & ejusdem Sacri Imperii directo & immediato Dominio pertinere & subesse noscuntur, pro Reformatione quorundam Negotiorum nostri Sacri Imperii præfentialiter agebamus, Auribus nostris frequens querela insonuit quod nonnulli temerarii præsumptores, prætextu quorundam prætenforum Privilegiorum ab olim eisdem per nonnullos Imperatores & Reges Romanorum prædecessores nostros, ut asserunt, concessorum ut ipsis liceat infra Sacri Romani Imperii Limites monetas facere, cudere, & fabricare, iisdem Privilegiis abutuntur & abusi fuerunt retro actis temporibus, infra ipsius Imperii Fines & ambitum plures monetas Auri & Argenti ac Metalli, minoris Ligæ & valoris ac deterioris quam deberent & esse consuevissent, sub certis Nominibus, Characteribus & Figuris, inconsulte & subdole fieri & Fabricari fecerunt, quibus non erat nec fuit potestas vel Licentia talia faciendi, & dictis monetis eorum, vi & potentia intermixta uti fecerunt nihilominus contrahentes, ex quibus nostra & Imperii vilipenditur auctoritas, & publica utilitas non modicum pati censetur, ac nostri & Sacri Romani Imperii Subditi variis concussionibus & Bonorum contractionibus dampna irrecuperabilia, prout visibiliter præsumimus, sustulerunt hucusque, & Majora sustinerent in futurum nisi super hoc per nostræ Majestatis Celsitudinem provideatur de Remedio oportuno: Volentes itaque circa præmissa prout nobis & Sacro Romano Imperio congruit, præsertim ob nostri & Sacri Romani Imperii Subditorum utilitatem, & perfectam salutem uberius providere, habita deliberatione super prædictis ac infra scriptis, cum Sanctissimo in Christo Patre ac Domino, Domino URBANO Divina Providentia Papa V. ac aliorum Principum & procerum nostrorum, & ipsorum communicato Consilio Ordinavimus & disposuimus & tenore præsentium Ordinamus, volumus, & disponimus de cætero monetas nostras infra Sacrum Romanum Imperium sub modis, Ligis, Formis, Remediis & Conditionibus infra scriptis cudi & fieri ut sequitur in hunc modum.

Inprimis quod fiat una Moneta Aurea quæ appelletur Regalis, quæ sit tanti ponderis quod ex una Marca parva Auri fiant LXIII. Floreni Imperiales & sint Ligæ XXIII. Karatorum minus quarta parte unius Karatæ, uno Floreno Imperiali pro XIII. grossis computato, & Magister Monetæ capiat tertiam partem unius Floreni ex Dictis Imperialibus pro diminutione Auri, Magisterio, Custodia Instrumentis & omnibus oportunis.

Item volumus & Ordinamus quod Dicta Moneta Aurea quæ appellabitur ut supra, Figuram & Formam habeat Infra-scriptas; videlicet quod habeat ab una parte Imaginem Imperatoris in qua sit vestitus Ornamentis Imperialibus, & in Capite Imperiali Diademate Ornatus & Sedeat super unâ Kathedra, in manu dextra tenens Sceptrum Imperiale, in sinistra vero manu pœmum Imperialem, à parte vero dextra Caput ipsius imaginis Imperatoris habeat unam parvam Aquilam & erit Scriptum in circumferentiis dictæ partis. KAROLUS QUARTUS DIVINA FAVENTE CLEM. in alia vero parte Dictus Imperialis Aureus habebit unam Crucem foliatam intra unum Conpassum & in circumferentiis dictæ partis habebit unam parvam Crucem, & prope erit Scriptum: IMP. ROM. BOEM. & ARELATENSIS REX.

Item fiat una alia Moneta Aurea quæ valebit XII. grossis & expendetur pro toridem, & erit Ligæ, Formæ & Figuræ cum Litteris & Signis ut Supradictum est, excepto quod in præsentī Moneta Aurea non erit alia Aquila parva prope Caput Imaginis Imperatoris prout in Supradicta, & fiant ex una Marca levi & Puri Auri LXVIII. Floreni Imperiales cum quarta parte alterius Floreni Imperialis, & Magister Monetæ recipiet pro Magisterio, Operariis Dictarum Monetarum, Custodia & aliis Neceffariis, quatuor grossos cum dimidio.

Item fiat alia Moneta argentea, quæ similiter appelletur Imperialis, quæ erit de Liga XII. denariorum Boni & Puri argenti & ponderis Marcarum Civitatis Avinionis VIII. solidorum IX. denariorum & III. quartarum alterius denarii, & fiant de una Marca Puri argenti VIII. Libræ & XIII. solidi Avenionenses computato uno Dictorum Denariorum pro XVIII. denariis.

Ut autem prædicta omnia per nostræ Majestatis auctoritatem, ut prætangitur, statuta & Ordinata in statu permaneant, fiant, & utilius exequantur, nos de Fidelitate & inviolata probitate Dilecti, Fidelis, & Consiliarii nostri Nobilis RUDOLPHI de L. Militis & Gubernatoris Delphinatus Fidem indubiam obtinentes, Dictum Rudolphum Executorem, gardeatorem & promotorem nostrum, omnium Prædictorum Constituimus creamus & Ordinamus præsentium per Tenorem, dantes & concedentes auctoritate nostræ Majestatis dicto Rudolfo plenariam & Liberam Facultatem & auctoritatem Dictas Monetas in modo & Forma prædictis per se vel per alium seu alios ab eo auctoritate nostra deputandos cudi & fieri faciendi ubi sibi videbitur expedire, Billanos & Metalla prædictis Monetis providendi & ad ipsas portari faciendi, probationes & assagia de Dictis Monetis & qualibet ipsarum semel & pluries & quando & quoties Neceffarium fuerit faciendi, preconizationes & Edicta pro præmissis exequendis fieri faciendi, nec non præcepta & Ordinationes quaslibet poenas & multas per se vel per alium, ut supra, nostræ Majestatis Nomine imponendi & imponi mandandi & ad omnia alia & similia Exequendi quæ ex ea neceffaria fuerint & oportuna, & quæ nostræ Celsitudini incumbere facienda, etiam si Mandatum exigere Speciale, decernentes hoc Imperiali Edicto ut ad Receptionem & usum hujusmodi Monetarum Imperialium omnes & Singuli Romano subiecti Imperio teneantur, quocirca Mandamus tenore præsentium univèrsis & Singulis Principibus tam Ecclesiasticis quam Sæcularibus, Ducibus, Comitibus, Baronibus, Militibus, Communitatibus, Civitatibus, oppidorum, Villarum Rectoribus Gubernatoribus, Balivis, seu ipsorum Loca tenentibus & quibuscumque nostris & Sacri Romani Imperii Subjectis quatinus dictam nostram Monetam recipiant & recipi faciant & Dicto Militi & Consiliario nostro ac deputandis ab eodem in præmissis & circa præmissa existentibus pareant, Obédiant, sub pœna Centum Marcarum Auri &c.

XXXVI.

*Ejusdem Imp. Tractatus Pacis ac simul Fœderis cum
Ludovico Hungariæ Rege & Austriæ Ducibus initus.*

KAROLUS Quartus Divina favente Clementia Romanorum Imperator semper Augu-
 stus, & Nos JOHANNES Marchio Moraviæ, pro nobis & Hæredibus nostris Filiis Ex eodem
Cod. M. S.
An. 1364.
 & Filiabus, parte ab una & Nos LUDWIGUS Ungariæ Rex; LUDOLPHUS, ALBERTUS &
 LEWPOLDUS Austriæ, Stiriz, & Carinthiæ Duces pro nobis, & Hæredibus nostris, Fi-
 liis & Filiabus, occasione Colligationis inter nos initæ parte ab alia Notum facimus &c.
 Nos utrobique bona deliberatione Principum Nostrorum Ecclesiasticorum & Sæculari-
 um, Nobilium & Fidelium nostrorum jurati nostri Consilii accedente Consilio, ac de
 certa nostra scientia, Illustri etiam Principis Dominiæ KATHARINÆ Austriæ Ducissæ,
 nostri qui supra Cæsaris Filiz, RUDOLPHI Ducis Austriæ consortis Legitimæ interveni-
 ente Tractatu, & per manus ejusdem, super Pronuntiatione per Illustres Principes &
 Dominos KAZIMIRUM Poloniæ Regem, & BOLKONEM Ducem Swidenizensem in causis
 nostris facta, inter nos utrobique, pro nobis, nec non omnibus amicis adjutoribus &
 Servitoribus nostris super omnibus discordiis, displicentiis, contrarietatibus quæ inter
 nos Facto, Verbo, aut Ostentu Subortæ noseuntur ex quibuscumque rationibus vel
 Causis usque ad hodiernum diem talem Unionem Concordiam & amicabilem ac benignam
 compositionem inivimus & consummavimus, ut omnes dissensiones, omnesque
 actiones, Impetitiones aut repetitiones quas quælibet partium versus aliam super Terris,
 Hominibus, quavis Ratione vel Causa usque in præsens tempus habuit seu habere po-
 tuit quovismodo, omnino cessent ac penitus sint extinctæ, & ad Majorem Securitatem,
 perpetuam & Integram firmitatem ejusdem pacis & amicitiz alterutrum promissimus
 Bona Fide sub verbis Principatum, Dignitatum questrarum & Juravimus ad Sancta
 tractis Sacro Sanctis Evangelii & Ligno Sanctæ Crucis, quod nulla partium versus ali-
 am Guerram movere debet, neque pro Terris, neque Hominibus, Principatibus,
 Dominiis, Libertatibus, Juribus, Dignitatibus & Honoribus in quorum seu quorum
 possessiones sunt partes prædictæ, seu quæ adipisci poterunt ubicumque sita noscantur
 quibuscumque Censeantur Nominibus, contendere debeat, neque alicui vo-
 lenti alteri partium quovismodo gravamen, Errorem, aut constrictionem inducere,
 quovismodo Consilium, Auxilium, aut favorem bona Fide, dolo malo quolibet pro-
 cul moto, & pro firma, patenti & perpetua Notitia prædictorum, Nos qui supra Karo-
 lus Romanorum Imperator, Ludwicus Ungariæ Rex, Johannes Marchio Moraviæ,
 Rudolphus, Albertus & Lupoldus Duces Austriæ, Sigilla nostra præsentibus Litteris
 Duximus appendenda.

Dat. BRUNÆ Anno Regnorum nostrorum XVIII. Imperii vero IX. &c.

XXXVII.

*Ejusdem Imp. Charta absolutionis super Excessi-
bus quibusdam à Ludovico Marchione Mon-
tisferrati commissis.*

KAROLUS Quartus &c. Consanguinee Karissimæ. Novit Imperialis nostra Sereni-
 tas & clarissimis Documentis Manifeste considerat, Principatum & Marchioniam Ex eodem
Cod. M. S.
An. 1369.
 tuum Montisferrati in medio Nationis pravæ consistere, & undique tibi circa Anno
 per Vicinos Emulos Bella intentari in Tui & Tuorum nota Scandala, nisi di-
 spendiis hujusmodi, & incumbenibus Ruinis tua decrevisset prudentia oportu-

Mm

nis

nis & sapientibus Remediis obviare, & quod ob hoc, non tua sponte sed necessitate premente, inevitabili quadam indigentia, quam plurimas Gabellas, pedagia, tallias, Impositiones, Exactiones, & collectas imposueris, & aliquas extorſiones, oppreſſiones, vexationes, violentias & coerciones reales vel personales feceris tam in Marchionatu quam Principatu tuo Montisferrati, in Civitate Aſtensi, Comitatu & districtu ipsius, & alia quædam inusitata adversus forte justitiam, consuetudines Laudabiles, ac Bonos mores Institueris, pro quibus, quantumcumque urgente necessitate processerint, Tu, tanquam Fidelis Princeps ac Subditus, ab Imperiali metuis Celsitudine reprehendi.

Nos attendentes Tuæ Circumspectionis Industriam, quæ ad Executionem talium nullo modo deliberasset procedere, nisi illud, sicut præmittitur, inevitabilis exegisset necessitas, tuis compatiens incommotis, & volentes profectibus in Domino felicibus providere, animo deliberato, sano Principum, Comitum, Baronum, ac Procerum Sacri Romani Imperii Fidelium nostrorum accedente Consilio, de certa nostra scientia, & Imperialis plenitudine potestatis, Tibi Hæredibus & Successoribus tuis Marchionibus Montisferrati nec non Officiatis Vice-Officiatis, Fautoribus & adiutoribus tuis qui dictis rebus omnibus petendis, exigendis, recolligendis & ad usus tuos applicandis consenserunt hactenus, & quorum adiutorio, promotione, aut Præsidio usus es qualibet ratione toto jam transacto tempore, omnes poenas quas abinde & omnia acta perpetrata seu commissa in prædictis omnibus seu quolibet præmissorum, jure, Facto, seu consuetudine realiter seu personaliter poteratis seu potuissent incurrere, etiam si hæc Nomine & specificè deberent exprimi, pro Nobis, Romanis Imperatoribus seu Regibus Successoribus nostris, & pro Sacro Rom. Imperio relaxamus, remittimus & de Imperiali Benignitatis Gratia, Virtute præsentium indulgemus: Nulli ergo &c.

XXXVIII.

*Ejusdem Imperatoris Edictum, quo Barnabovem
Mediolanensis Civitatis Vicarium, Officio & Dignitate exuit.*

Ex eodem
Cod. M. S.
circa Anno
1369.

KAROLUS &c. Univerſis &c. dudum propter parentes immanes & Enormes offensas quibus BARNABOS Sacro Sanctam Romanam Ecclesiam multipliciter Exequi & offendere non expavit, & quia sedulo per Nuntios & Litteras nostras admonitus ut Ecclesiæ Romanæ super illatis condignam Satisfactionem impenderet, & à Sede Apostolica veniam super tot Excessibus impetraret, ipse Barnabos nostra Monita Surda Aure transibat atque mandata, cumque super his per Speciales Nuntios suos & Litteras, Fide media, pro parte sua in Majestatem nostram se compromissurum solide promississet, tandem dum res ipsa jam concludi deberet, repente mutato Consilio compromissum hujusmodi in confusionem & contemptum Majestatis ejusdem simpliciter & expresse renuit consummare, id circo animo deliberato, Sano etiam Principum, Baronum, & Procerum nostrorum accedente Consilio dictum Barnabovem de certa scientia & plenitudine potestatis Cæsareæ, observatis in hoc Ceremoniis quantum Imperialis justitiæ requirebat à Vicariatus, sive Vicariatuum nostrorum Officiis tam in Civitate Mediolanensi, quam alibi in Italiæ partibus destituimus, ipsumque omnibus Juribus, Privilegiis, Gratiis, Libertatibus, & omnibus quibus idem nostra seu Prædecessorum nostrorum Romanorum Imperatorum sive Regum Divæ Recordationis Concessione gaudebat vel gaudere potuerit dignum duximus prævia ratione privandum, & etiam spoliandum: Novissime siquidem his Diebus Sanctissimus in Christo Pater & Dominus Noster Dominus URBANUS summus Pontifex per Litteras & solemnes Nuntios Nobis insinuare Curavit qualiter idem Barnabos non solum non penitet vel Curat Satisfacere de promissis, verum etiam de die in diem in deteriora prorumpens adversus Sanctam Ecclesiam pejora prioribus patrare in contemptum Clavium Ecclesiæ non veretur, propter quod idem Dominus noster Papa, tanta ipsius Barnabovis excreſcente malitia & exigente

exigente iustitia, adimens sibi omnem Potestatem Autoritatem & Baylam, eundem Barnabovem omnesque Fautores, adhærentes, Auxiliatores, complices, & defensores ipsius, vel Hæreticos condemnavit, Monens nos cum Instantia & requirens, ut & Nos contra ipsum, in Favorem Sanctæ Matris Ecclesiæ oportunitis viis & Remediis assurgamus: Nos itaque Fidem Catholicam totis visceribus amplectentes ipsum Barnabovem talem qualem ipsum Sancta reputat Ecclesia, reputantes, Universis Principibus & Fidelibus nostris carissimis sicuti pridem Fidelitati vestræ, Censura Imperiali mandavimus, sic & nunc vestræ Fidelitati, sub obtentu Imperialis nostræ Gratæ, Duximus iungendum & sub pœna perditionis Jurium, Honorum, Privilegorum, Gratiarum, & Libertatum quæ & quos hæcenus à nobis & divis Prædecessoribus nostris Romanis Imperatoribus sive Regibus, & à Sacro obtinuistis Imperio, quibus omnibus vos & quemlibet vestrum qui subscriptis nostris mandatis non parueritis sive paruerint cum effectu infra XV. dies à publicatione præsentium, Imperiali Auctoritate in his scriptis de certa nostra scientia privamus, volentes quatinus ex nunc in antea nullus vestrum subdites vel subditi cuiuscumque status Dignitatis vel conditionis existant, velexistat, ad stipendium vel auxilium dicti Barnabovis, aut alicujus sui Fautoris, adhærentis, vel complices transire sinatis, & in nullo penitus Communicantes vel faventes eidem ac subditos vestros ab ipsius participatione prohibeatis, attentissime prohibentes quod neque vos ipsi Barnabæ vel suis Fautoribus præstetis, neque vestri præstent Consilium, Auxilium, & favorem per vos, per se, vel per alios quocumque Colore, directe vel indirecte publice vel occulte, quin imò si qui ex vobis in suo vel suorum Fautorum stipendio, vel servitio, sint ad præsens, ab ipsius Fautoribus, stipendio, servitio, vel auxilio discedatis, & vestros ab inde cum effectu discedere faciatis, omnes Nihilominus tam vestros quam alios, si qui de novo in via pertinaciæ in Auxilium ipsius Barnabæ & sibi quovis modo faventium in hac parte se dampnabiliter transferre præsumpserit, in processu suo & transitu sub pœnis subscriptis tota Fide totaque potentia studeatis Impedire, Nos enim Universaliter Singulos & Singulariter Universos, qui contra tenorem præsentium sæpedito Barnabovi, suisque in hac parte complices, defensoribus, adhærentibus, Fautoribus vel amicis adversus Sacro Sanctam Romanam Ecclesiam Fidelesque & Fautores ac Devotos & adhærentes ipsius Auxilium, Consilium & Favorem præstiterint per se, per alium, vel alios directe vel indirecte publice vel occulte, nisi intra Quindenam à publicatione præsentium ab ipsorum stipendio, servitio & auxilio adhæsiōe & defensione recesserint vel recesseritis cum Effectu auctoritate Imperiali de plenitudine potestatis Cæsareæ omnibus & Singulis Dignitatibus, Honoribus, Vicariatibus, Officiis, administrationibus, Juribus, Libertatibus, Gratiis & indultis quibus à Nobis vel supradictis nostris Prædecessoribus sub quacumque Verborum & Litterarum sint Forma muniti, velut Indignos ex nunc Cæsarea auctoritate privamus & decernimus esse privatos, quos etiam Imperiali Banno & Proscriptioni subiicimus, Bonaque ipsorum & cujuslibet ipsorum omnia publicamus, proscribimus, & Ediçto Imperiali forbannimus, Liberam universis nostris Fidelibus concedendo Licentiam ipsos in personis, Fundis & Rebus suis omnibus invadendi & velut Hostes Sanctæ DEI Ecclesiæ & Sacri Rebelles Imperii persequendi, Capiendi, & alias impune in eos tanquam Tales juxta Sacrorum Canonum & Sacrarum Legum Imperialium Instituta anmadversiones debitas Exercendi, volentes . . . ut perpetuis Temporibus affuturis inhabiles esse & Indignos Honoribus & eis careant omnino.

XXXIX.

Ejusdem Imp. Litteræ ad Barnabovem Directæ.

KAROLUS &c. Scripsimus Tibi qualiter processus nostros formavimus, quos in No ^{Excedens} tam Tui Dedecoris per omnes Civitates Alamanniæ & alias Regiones subjectas ^{Cod. M. S.} Imperio mandamus publicari, & sub Imperiali Majestatis nostræ Sigillo Valvis Palatiorum in Singulis Universitatibus Alamanniæ affigi notorie, ut in pœna sit tibi tua Temeritas qua Imperialia mandata contemnere & à promissis tuis recedere præsumpsisti, & ut talis tua præsumptio pateat multorum notitiæ & vexatione continua in temeripso

cognoscas quam Decenter sit superiorum mandato parendum & quibus debeat Imperialis auctoritas Honoribus revereri, ad alia etiam nihilominus dum tua Temeritas illud exegerit, suadente iustitia procedemus.

XL.

*Ejusdem Imperatoris ad Urbanum V. Pont. max.
Epistola, qua huic potestatem concedit intro mittendi se in Bona Univerſa
Rebellium Barnabovis & Galeacii Fratrum, eaque inter alios Titulo
Vicariatus distribuendi, ad Tempus.*

Ex eodem **S**anctissimo in Christo Patri ac Domino U. dum Summam Tyrannidem & pestiferos
Cod. M. S. Conatus quibus BARNABOS & GALEAS Fratres qui se Mediolani pro Impe-
An. 1369. riali nostra Majestate gerunt Vicarios, nec non colligati, plures Fautores, se-
quaces, & adhærentes ipsorum Sacro Sanctam Romanam Ecclesiam offendunt & of-
fenderunt hæcenus, sollicita Cogitatione revolvimus, dumque oppressiones innum-
meras quibus Orphani, viduæ, pupilli & Cæteri Fideles Sacri Imperii præsertim Italiæ
affliguntur, continuo piæ considerationis officio nostræ Mentis Oculis intuemur, pro-
fecto Sanctæ Matris Ecclesiæ, cujus Majestati nostræ Coelitus est attributa Defensio, &
pauperum Calamitatibus adeo vehementer compatimur, ut nostra Serenitas cum do-
lentibus doleat, & ingemiscantibus ingemiscat, neque aliunde salubrius aut efficacius
Remedium nostra Celsitudo proficere perpendit quo celerius tanta Tyrannis ad tantum
elevata superbiam contundi valeat, quam si prudentibus Consiliis iniqua ejus potentia
minuatur, propter quod deliberatio nostra providit quod Terræ Sacri Imperii quas ante-
dicti nostri Rebelles in partibus Italiæ detinent & occupant, & aliæ possessiones eorum
distribuantur inter plures, qui ad amorem Sanctæ Matris Ecclesiæ, & ad Imperium,
acceptis Beneficiis fortius ardeant: Quapropter animo deliberato, Sano Principum,
Comitum, Baronum & procerum Sacri Imperii Fidelium nostrorum accedente Consi-
lio de Imperiali potestatis plenitudine, ac de certa nostra scientia ad Honorem omnipo-
tentis DEI, Sacro Sanctæ Romanæ Ecclesiæ & Christiani Imperii, ut inimicorum Com-
munium retundatur superbia & Tranquillitas Fidelium procureretur Beatitudini Vestræ
Apostolicæ Largimur, donamus, & concedimus auctoritatem potestatem & facultatem
plenissimam, Universis possessionibus & quibuscumque aliis rebus supradictorum B. &
G. Colligatorum, complicitum, Fautorum, Sequacium, & adhærentium suorum seu
alterius eorum, quas aut Imperialis Vicariatus Nomine seu aliis quibuscumque titulis
tenent aut sibi vendicant juxta vestræ Circumspectionis Clementiam prout rationis suf-
fragio vestra Beatitudo melius & utilius viderit expedire, auctoritate nostra Imperiali &
sub nostro Nomine vos intro mittendi, & easdem pluribus aliis hominibus ad X. dumtaxat
annorum spatia, Vicariatus titulo dandi, donandi, concedendi ipsosque de hujus-
modi Vicariatus investendi, & ab eis Fidelitatis Juramentum recipiendi ad instar ejus
Vicariatus quem Illustri AMADÆO Comiti Sabaudia, Principi Sacri Imperii, & con-
sanguineo nostro Dilecto pro Reverentia vestræ Sanctitatis concessimus, seu alias sub
modo & forma, prout se poterit, meliore: Collationes vero, Donationes, investitu-
ras & Institutiones hujusmodi, & quævis ab eis dependentias seu eisdem connexa sub
omnibus suis tenoribus, sententiis, punctis & clausulis, prout Beatitudo vestra talia,
modo præscripto ad X. videlicet annorum spatia modificanda seu specificanda duxerit,
proinde Robur firmiter obtinere volumus quemadmodum in persona propria talia fecis-
semus; non obstante quod prædicta seu aliqua prædictorum dicerentur Fisco vel Juri
contraria & etiam non obstantibus quibuscumque Legibus, constitutionibus, consue-
tudinibus, Juribus & statutis Imperialibus publicis vel privatis in contrarium facienti-
bus, quibus omnibus & Singulis in quantum præsentibus obviare possent, aut in toto
vel in aliqua sui parte adversari viderentur, ac si talia specificè in suis Capitulis & punctis
hic forent inscripta & nominatim expressa, de certa nostra scientia & plenitudine pote-
statis Cæsareæ specialiter derogamus suppletentes omnem defectum &c.

XLI.

*Formula Juramenti eidem Imp. Carolo IV. præstandi,
præscripta Florentinis.*

Jurabunt quod ab hac die in antea Populus & Commune Civitatis FLORENTIÆ Fideles ^{Ex eodem} & Obedientes erunt eidem Domino KAROLO Imperatori contra omnem Homi ^{Cod. M. S.} nem, & quod Consilium vel Auxilium non dabunt vel consentient adversus Statum, Vi-An. 1369. ram & Personam aut salutem & honorem sui & Sacri Imperii: proditoribus & Rebellibus suis, ac ipsius Imperii, non consentient, imo Majestatem suam, in talibus ubi scient, fideliter præmunient & defendent, & sibi pro viribus assistent, & omnia alia Singula erga Sacram Coronam suam generaliter attendent, & efficaciter observabunt quæ Fideles Sacri Imperii suo Vero Domino Romanorum Imperatori, secundum Sacras Leges & laudabiles constitutiones Jurare & præstare tenentur, & quæ per Antecessores eorum Divis Romanis Imperatoribus Prædecessoribus ipsius Invictissimi Imperatoris Jurare suat soliti & præstare, taliter Concludentes: Sic eos Deus adjuvet & Sancta DEI Evangelia.

XLII.

Juramentum Solemne Luccanorum, eidem Imperatori præstitum.

Nos Antiani, Populus, & Commune Civitatis LUCCANÆ Animo deliberato, non ^{Ex eodem} per Errorem, aut improvide, sed Sano præcedente Consilio Nobis ad hoc una ^{Cod. M. S.} cum Senioribus nostris pluries in Consilio congregatis, Serenissimo ac Invictissimo Prin-An. 1369. cipi ac Domino Domino KAROLO, vero, Ordinario, Naturali & Legitimo Domino nostro, de Maximæ suæ Benignitatis affectuosa Clementia cum omni Humilitate & Reverentia gratiarum actiones agentes pro eo, quod Deliberatione benigna Nos à servitute Babilonica Tyrannidis Liberaverit, Eidem Domino Ordinario Imperatori promittimus & juramus pro Nobis, Hæredibus & Successoribus nostris in perpetuum quod ammodo in antea eidem Clementissimo, Vero, Ordinario, Naturali & Legitimo Domino nostro, & eo non existente, Romanis Imperatoribus & Regibus Successoribus suis tamquam veris Naturalibus Legitimis & Ordinariis Dominis nostris Obediemus & parebimus perpetuo tempore absque renitentia in Singulis eorum beneplacitis & mandatis, & ad eos, nec non Sacrum Romanum Imperium immediatum Respectum habebimus, nullius alterius obtemperando nutibus seu nuandato, quodque tamquam Fideles subditi eorumdem Dominorum Nostrorum profectum statum Honorem & Vitam custodiemus fideliter, damna ipsorum & incommoda avertemus pro Viribus, & tamquam subditi Fideles ut præmittitur, eis assistemus omni nostra potentia adversus omnes & Singulos qui ad Detrimenta status Honorum, Vitæ seu profectus eorum aliquid tentabunt; & specialiter Juramus & promittimus quod eis de Gabellis introitus, proventus, & aliis quibuscumque Juribus eorum ad plenum rendemus & solvemus, & hujusmodi subjectioni Obedientiam & Fidelitatem Juramus & promittimus hoc Juramento Corporali quod ad Sacra Corporaliter præstitimus, tactis Evangeliiis, sicut Nos Omnipotens Deus adjuvet, Evangelia Sacro-Sancta &c.

XLIII.

Ejusdem Imperatoris Præceptum, quo Lucanis tanquam peculiari & fidelissimo S. R. Imperii Populo, Jus cudende Moneta concedit.

Ex eodem **K**AROLUS Quartus &c. quamvis de Universorum Sacri Rom. Imperii statu Fidelium
 Cod. M. S. An. 1369. cura Nos Dignitatis assumptæ & sollicitudo cotidiana fatiger; de Antianis, Comuni, & Populo Civitatis nostræ LUCANÆ Nihilominus Major Nobis semper inesse debebit solertia ut eo diligentius ejusdem Civitatis nostræ, & Inhabitorum ipsius salutem prosequamur & Commoda, quo Fidem ipsorum & Magnæ Virtutis constantiam, Experimentia docente cognovimus inter ceteros subditos Majestati nostræ Fideles evidentioribus operum indiciiis claruisse; Nos igitur in animum mentis nostræ revolventes præfati Communis & Populi nostri Lucani hanc comprobatam Constantiam & Notabilia suæ probitatis Merita, de Circumspectionis eorum Industria præsumentes, animo deliberato, Sano Principum, Comitum, Baronum & Procerum nostrorum accedente Consilio, de certa nostra scientia & plenitudine Imperatoris potestatis Honorabilibus & prudentibus Antianis, Comuni, & Populo Civitatis nostræ Luccanæ Prædicto, Hæredibus & Successoribus eorum in perpetuum, Tanquam peculiari & Fidelissimo Populo Sacri Romani Imperii, Damus, Largimur & Concedimus auctoritatem, facultatem & potestatem plenissimam Monetas Auri, Argenti & cujushbet alterius metalli pro honore, utilitate, & Bono statu Civitatis ejusdem cudendi, Fabricandi, Faciendi, Monetandi & juxta deliberationem eorum, eo, quod delegerint, signo signandi, cum omnibus privilegiis, Juribus, Libertatibus, Honoribus & Gratiis quibus alii quicumque, cujuscumque status aut conditionis existant consimilem habendo Gratiam, usi sunt hactenus; decernentes etiam hoc Imperiali Edicto perpetuo valituro, quod eadem Moneta Auri, Argenti, seu alterius metalli ut præmittitur, ab omnibus universaliter & ubicumque Locorum recipi & acceptari debeat, difficultate, Impedimento & contradictione quibuslibet procul motis: Inhibemus etiam auctoritate Imperiali ne quis Principum, Comitum, Baronum, Procerum seu quavis Universitas, aut Communitas cujuscumque Eminentie status, Dignitatis vel gradus existant, in fabricandis, disponendis, & cudendis monetis eorum, signo quod Luccana nostra Civitas Imprimendum duxerit, uti præsumant, nam in eum casum ubi contra fieret, illorum monetas quæ tali signo Lucensi repertæ fuerint, falsas, adulterinas, illegales & injustas fore decernimus de plenitudine Cæsareæ Potestatis non obstantibus quibuscumque Legibus, privilegiis, Gratiis, & Indultis editis & factis in contrarium per quemcumque, quibus omnibus si & in quantum præsentibus in toto aut in aliqua sui parte adversari censentur, auctoritate Cæsareâ ac de certa nostra scientia derogamus; Supplentes omnem defectum si quis in præmissis dubia interpretatione verborum aut sententiarum, solemnitatis omisâ, vel alio quocumque modo repertus fuerit, de certa nostra scientia & de plenitudine nostræ Imperialis potestatis: Nulli ergo hominum Liceat hanc nostræ Donationis, Largitionis, Concessionis, Decreti, statuti, Inhibitionis, derogationis, defectum suppletionis, & poenarum adjectionis paginam Infringere seu ei quovis ausu temerario contraire sub poena perditionis & amissionis omnium Privilegorum, Jurium, Libertatum, & gratiarum quæ & quas à Nobis & Sacro Imperio, seu Romanis Imperatoribus & Regibus Prædecessoribus nostris sub quibuscumque, tenoribus, sententiis, punctis, clausulis obtinuisse noscuntur quæ & quas in casu ubi contravenerit, seu quis temeritate contravenire præsumperit annullamus, cassamus, irritamus & pro nullis, irritis, ipso Jure haberi volumus & teneri, & sub poena Mille marcarum Auri purissimi, quas præter poenas expressas superius ab eo qui contrafecerit, totiens quotiens contrafactum fuerit, irrevocabiliter exigi volumus &c.

XLIV.

Ejusdem Imperatoris Præceptum alterum, quo Albertum Bavarie Ducem, in Verum ac Legitimum Hannonie, Hollandie, Zelandie &c. Comitatum Dominum hereditarie instituit.

IN Nomine Sanctæ & Individuæ Trinitatis Feliciter Amen. KAROLUS Quartus Divi-Exeodem
na favente Clementia Romanorum Imperator semper Augustus & Bohemiæ Rex ad Cod. M. S.
perpetuam rei Memoriam. Illustri ALBERTO Duci Bavarie Comiti Palatinus Reni, circa An.
Gubernatori Hannonie, Hollandie, Zelandie, ac Dominatus Frisie Generali, Prin.¹³⁷¹,
cipi & Socero suo Carissimo Gratiâ suam & omne Bonum. Illustris Princeps & Socer
Carissimè, oblata nuper Majestati nostræ Cæsareæ pro parte tui Supplicatio; certa tua desi-
deria Nobis expressit cujus Tenor de verbo ad verbum sequitur in hunc modum.

Imperatorie Majestati Supplicat & exponit suus Devotissimus Filius Dux ALBERTUS Bavarie, Dei Gratia Comes Palatinus Reni, Gubernator Comitatum Hannonie, Hollandie, Zelandie, ac Dominatus Frisie Generalis, quod attenta gravi Infirmitate Ducis GUILLELMI sui Fratris prædictarum Terrarum in præsentis Comitis & Domini, quæ quidem Infirmitas tantum in eo convaluit, ut animo redderetur & redditus sit, proli dolor! alienus, propter quam causam Albertus Bavarus præfatus, tamquam ejus Frater Legitimus & Hæres Successor Inmediatus, ad dictorum Comitatum & Dominiorum Gubernacula specialiter per ipsas Provincias concorditer est assumptus, Considerato etiam quod omnium Hominum Judicio non sit spes aliqua propter diutinam acerbitatem & gravem Molestiam à XIII. Annorum spatio vel circiter immediate elapsorum contentam, quod ad statum meliorem possit aliquatinus revocari, quinimo ipsi Duci Alberto Gubernatori sic assumpto, in prædictis Comitatibus & Dominiis ab omnibus Feodalibus & Subditis dicti Fratris sui Ducis Guillelmi, cujus, ut dictum est, immediatus hæres noscitur & Successor, pluribus in causis minus juste nimium contrariatur & præjudicetur sibi, tanquam superiori Domino recusantibus & nolentibus obedire, in qua scilicet re Jura & Libertates Provinciarum miserabiliter dirimuntur & tolluntur nec ea valet ut Gubernator custodire seu ad statum revocare debitum propter ipsorum Hominum Feodaliū & Subditorum Insolentiam & Rigorem, quo circa Imperialis providentiæ Celsitudo velit per suas Litteras ipsum Ducem Albertum non tantum Gubernatorem dictorum Comitatum & Dominiorum, sed ut Dominum immediatum & verum Comitem dictorum Comitatum & Dominiorum attentius declarare & etiam confirmare, propter hæc præmissa Saisinam pacificam & possessionem Corporalem Hæreditariam prædictorum Comitatum & Dominiorum in Conspectu Principum sive Ducum Alemanniæ patentibus in Litteris notanter Inscriptorum sibi Duci Alberto plenarie & effectualiter tribuendo, ex Causis & Rationibus supradictis, quæ sunt justæ & veraces omnium Legum & Jurium Imperialium Sanctionibus approbandæ, præcipere etiam velit Magnificentiæ Vestra Hominibus Feodalibus videlicet Nobilibus, Prælatibus, Religiosis, Villis, Comitatibus & quibuscumque Dictarum Provinciarum Incolis & Subditis, quatinus eidem Duci Alberto tanquam Vero suo Domino Hæreditario & Comiti Obediant, ipsum ut Dominum & Comitem recipiant atque tractent, & sibi præstent & faciant Fidelitatis Integritatem & debitæ Juramentum.

Nosigitur Supplicatione tua præmissa & omnibus & Singulis contentis in ea diligenter Inspectis & in Examine providæ discussionis adductis pensamus & ratione cognoscimus nulla ex parte adeo Comitatus & Dominia posse collabi, quam ex eo quod Principes deficient in Exerenda potestate dum eis nulla mentis Industria suffragamus, & quia præter tuæ Supplicationis Expositum etiam aliunde fide digno Relatu informationem sufficientem accepit nostra Serenitas, qualiter naturali Ordine, prædictus Frater tuus in Supplicatione expressus superius, tam Miserabili tamque diuturno morbo Laborat ut de reductione sui ad Sanitatem pristinam à peritis Medicis, quorum interest talia juxta

Artis Medicinæ Traditiones cognoscere omnimode desperetur; nec dubium, quin ex hoc pauca vel nulla Obedientia Comitatum & Dominiorum eorundem tibi seruetur quin potius inde secutura sint Comitatum & Dominiorum Incommoda, subditorum inopia, Strages, Nece pariter & Ruinæ sicut hoc tuæ Supplicationis prædictæ Insinuatio plenissime continebat, ubi Lamentabiliter Nobis Dilectio tua conqueritur ex defectu præfato Comitatum & Dominiorum ipsorum Jura, Libertates, Fructus & Obedientiam deperire; Ideoque Nos volentes ex Imperiali Celsitudine hujusmodi incommodis, opportunis providere remediis ne lapsa pridem, ut loqueris, in altiore Ruinam dispendii amodo prolabantur, animo deliberato, ac Sano Principum, Comitum, Baronum ac Procerum Sacri Imperii Fidelium nostrorum accedente Consilio de Imperiali auctoritate plenaria, & de certa nostra scientia Te Ducem Albertum Bavariæ Principem & focerum dilectum antedictorum Comitatum Hannoniæ, Hollandiæ, Zelandiæ, ac Dominatus Frisiæ quorum hæcenus Gubernationem generalem tantummodo Nomine Fratris tui prædicti habuisse dinosceris, non tantum Gubernatorem sed omnium immediatam Successorem & Comitem dictorum Comitatum & Dominiorum creamus, facimus, Ordinamus, Instituiamus, & declaramus & Creationem, Ordinationem, Institutionem, & deliberationem hujusmodi conferimus Decernentes quod ex nunc inantea dictorum Comitum, Baronum, & procerum Sacri Imperii nostrorum Fidelium Consilio & in ipsorum præsentia Corporalem Possessionem, Saynam pacificam & Hæreditariam prædictorum Comitatum & Dominiorum tanquam immediato Domino tribuimus, dedimus, tradidimus, & assignavimus, Damus, tradimus & assignamus, Teque de antedictis Comitatibus, Dominatu, & eorum appenditiis quibuscumque censi possunt vocabulis Investimus & Hæreditarie præsentibus Investimus, præcipientes, mandantes & Injungentes expresse Universis & Singulis Nobilibus, Prælati, Religiosis & Sæcularibus, Communitatibus, Capitaneis, quibuscumque dictarum Provinciarum inhabitatoribus & subditis, quatinus Tibi Duci Alberto præfato non tantum Gubernatori, sed etiam vero, hæreditario, Naturali & Ordinario Comiti & immediato Domino in omnibus Obediant Teque non tantum Gubernatorem sed verum Comitem & immediatè Dominum eorum recipiant & tractent, Tibique præstent & faciant Fidelitatis, Omagii, Obedientiæ, & subjectionis debitæ Integrum & debitum Juramentum, impendentes tibi tanquam Fideles & subditi tui adversus Rebelles & Violentos quoslibet Auxilium, Consilium, & favorem, supplentes omnem defectum si quis in præmissis aut ratione solempnitatis obvenisset, seu dubia Interpretatione sententiarum aut verborum seu alio quovis modo reperitus fuerit, de certa nostra scientia ac de plenitudine Imperiali Potestatis, non obstantibus quibuscumque Legibus, constitutionibus, reformationibus publicis seu privatis, quibus omnibus sic & inquantum præsentibus in toto vel in aliqua sui parte adversari valerent, de nostræ potestatis plenitudine derogamus: Nulli ergo omnino Hominum liceat hanc nostræ Creationis, Factionis, Ordinationis, Institutionis, declarationis, confirmationis, Præcepti, mandati defectum Suppletionis, Legum derogationis & penarum adjectionis paginam infringere vel ei quovis ausu temerario contraire, sub pena perditionis omnium Privilegiorum, Libertatum Jurium, & indultorum quæ tales à Sacro obtinuerunt Imperio &c.

XLV.

*Ejusdem Imperatoris Præceptum Tertium, quo
Amadeum Saubaudia Comitem ab Officio Vicariatus
Imperii revocat.*

Ex eodem
Cod. M. S.
circa
An. 1373. **K**AROLUS Quartus Venerabilibus Arelatenſi & Gratianopolitano Archi-Epiſcopis & Valentinenſi Epiſcopo, ſpectabili Comiti Valentinenſi & Nobili Rudolpho Gubernatori Delphinatus, Domino de Vinagio, & Andilberto de Caſtro-Novo, & aliis ſuis & Imperii Sacri Fidelibus ad quos præſentes pervenerint Gratiā ſuā & omne Bonum: Fidelitati veſtræ ſignificat noſtra Serenitas qualiter Vicariatum quem alias Comiti

miti sabaudia commisisse dinoscimur, revocamus: per Litteras nostras patentes, sub nostro majori sigillo, quarum tenor sequitur in hæc verba.

KAROLUS &c. notum facimus &c. quod licet alias illustrem AMADEUM Comitem sabaudia, Principem & Consanguineum nostrum Carissimum in nonnullis Civitatibus, Locis, & Terris Comitatus sabaudia & aliis Locis vicinis adjacentibus ad nos & sacrum Imperium pertinentibus, confidentes nostram Operationem esse utilem & ad Reipublicæ vergere commodum & profectum, pro nostra sacra Imperiali majestate Vicarium constituerimus Generalem, sicut hoc litteræ nostræ datæ de super Lucidius protestantur: tamen Experientia rerum efficace Magistra docente, Constitutio ejusdem Vicarii Vergit cotidie in nostrum & sacri Imperii Romani ac Libertatis Ecclesiæ Magnam præjudicium & jacturam, sicut de hoc sumus documentis Legitimis informati; cum igitur hujusmodi Officium Vicariatus nobis, & Romano Imperio, ac Ecclesiis, & ipsarum ministris dampnosum existat, moti ex certis causis, rationabiliter deponentem utilitate publica, sano Comitem, Baronum & Procërum sacri Imperii Fidelium nostrorum accedentem Consilio, ex certa nostra scientia, & de Cæsareæ protestationis plenitudine, prædictum Officium vicariatus resumimus & ad nos & Imperium a Comite prædicto penitus revocamus, Litteras nostras quas desuper dedimus cujuscunque Tenoris existant in omnibus suis sententiis, punctis & clausulis, etiamsi in eis contineretur quod dictus Comes revocari non possit, annullantes & autoritate præfata Cæsareæ penitus revocantes ac mandantes seriofius Universis & singulis Principibus Ecclesiasticis & sæcularibus, Comitibus, Baronibus Vicariis, Nobilibus, Militibus, Judicibus, Consiliis & Civitatibus, Locorumque communitatibus, omnibusque & Singulis aliis nostris & Sacri Imperii Fidelibus quos dictus Vicariatus complectitur, quatinus ratione Vicariatus hujusmodi ad prædictum Comitem vel suos quos ad hoc deputaverit in futurum, nullum Respectum habeant, nec sibi tanquam Vicario Imperii Obediant aut intendant; quos etiam ab eisdem Obedientia & Fidelitate in totum Eximimus & Libertamus & absolvimus per præsentem, & si aliquid tempore præterito contra Intentionem nostram adversus præsentem nostram revocationem Jura privilegia & Libertatem Ecclesiasticam a dicto Comite vel ipsius vices gerentibus, occasione seu prætextu dicti vicariatus attemptatum, administratum seu factum fuerit, Cassamus, irritamus, vacuumus, cassum irritum & vacuum omnimode nuntiamus, nec debet ullis temporibus in futurum habere Roboris firmitatem, Universos & singulos Principes Ecclesiasticos & sæculares Comites, Baronés, Cives & Universitates Communitatum & Locorum nec non Principatus, dominia, possessiones & subditos eorum cujuscunque Gradus seu conditionis existant, ad pristinam Libertatem, Frankcisiam, & statum pristinum reducentes, non obstantibus Litteris nostris prædictis, quas a nobis idem comes sabaudia obtinet, quibus omnibus provide ac si ipsarum tenorem de verbo ad verbum hic exprimerentur de prædictæ nostræ potestatis plenitudine ex certa scientia totaliter derogamus &c. præsentium &c.

Ne igitur præfatus Comes ex ignorantia nostræ Revocationis se tueri valeat, & ne capitanei Officiales & administratores sui, Tempore ejus absentia excusari possint, quin præfata nostra revocatio transeat in effectum, Fidelitati vestræ mandamus & injungimus præsentibus seriose, quatinus vos, unus vel plures qui nostro nomine ad hoc requisiti fueritis, dictam nostram revocationem in omnibus & singulis Civitatibus, opidis & Locis, ubi expeditius fuerit, & ubi Universaliter nostra Intentio ad aures dictorum Comitum officialiumque suorum & aliorum, quorum interest, pervenire poterit, declarari cum omni diligentia publice & Litteras nostras prædictas coram omnibus Legi publice faciatis &c.

XLVI.

Ejusdem Imperatoris Præceptum Quartum, quo Ecclesie Trevirensi dudum oppignoratam Boppardie oppidum, nova Pecuniarum summa gravatum, Cunoni Archiepiscopo obligat.

Ex eodem Cod. M. S. IN Nomine Sanctæ & Individuæ Trinitatis KAROLUS Quartus &c. Universis sacri Imperii Fidelibus præsentem paginam Inspecturis Gratiâ suam & omne Bonum clara & sincera Fidelitas quam venerabilis CUNO Sanctæ Trevirensis Ecclesiæ Archiepiscopus, Princeps & Consanguineus noster Carissimus, retroactis temporibus ad nos & Romanum gessit & gerit Imperium, nec non grata, fructuosa, & sumptuosa per ipsum ejusque antecessores Nominatim digne Recordationis BALDUINUM Principem & patrum nostrum Carissimum, Majestati nostræ & sacro Imperio sæpius gravibus Laboribus, magnis sumptibus & Expensis de Bonis ejusdem Ecclesiæ exhibita & inpenisa, utique promerentur ut indemnitati ejusdem Ecclesiæ provideamus quod que ad ipsam & ejus antistites Liberalitatem nostræ Celsitudinis extendamus: Sane cum jam dudum Civitas nec non medietas Castri ac advocatia & Jurisdictio in Boppardia cum eorum Juribus & pertinentiis singulis & universis fuerint, & sint Ecclesiæ antedictæ ab Imperio Romano & ex parte ipsius & pro ipsius Imperii evidenti utilitate & vergente necessitate pro XXX. millibus Marcarum puri argenti congrui ponderis Colonienfis, in qua quidem pecuniæ seu Marcarum summa ipsum Imperium & Romanus Princeps pro tempore præfatæ Ecclesiæ efficaciter tenebantur, rite & Legitime pignore obligata: prout in prædecessorum nostrorum divorum Imperatorum & Regum Romanorum Litteris plenius continetur; nos hujusmodi Obligationem, de qua plene & bene sumus & fuimus hujusmodi Litteris informati, Ratam & Gratam habentes, eam modis quibus fuit & est contracta innovamus, Laudamus, approbamus & tenore præsentium ex certa nostra scientia & de Imperiali potestatis nostræ plenitudine confirmamus, & quia propter utilia servitia quæ quondam Archiepiscopus Balduinus & Venerabilis Cuno modernus prædecessoribus nostris Romanis Imperatoribus & Regibus & successive nobis ac sacro Romano Imperio Impenderunt Laboribus gravissimis & expensis ac etiam & ex aliis certis, evidentibus, sufficientibus & Legitimis causis quibus nos & sacrum Imperium prædicto Cunoni & Ecclesiæ suæ Trevirensi præfatæ dinoscimur obligari, nos igitur prædicti Archiepiscopi & ipsius Ecclesiæ cupientes indemnitatibus, prout digne possumus & debemus, providere, alia XX. millia marcarum puri Argenti & ponderis suprædicti, prætactis XXX. millibus marcarum argenti duximus adjungendum & adiunximus ac adjungimus per præsentem ita quod præfatus Cuno Archiepiscopus, sui successores & Ecclesia, dictum Opidum, medietatem castri, cujus etiam alia medietas ad ipsam Ecclesiam & ejus Pontifices ex aliis justis causis Hereditarie pertinent & pertinere diaoscitur, advocatiam quoque, Bona, Jura & Jurisdictiones & alia universa suprædicta cum eorum Juribus Imperialibus & Regalibus, Dominis Directis & utilibus, Hominibus, Vassallis, Homagiis, Castrensibus Fidelibus, &c. cum mero & mixto Imperio ac omni Jurisdictione alta & bassa omnibusque Fructibus Redditibus, proventibus, obventibus, precariis, Steuris, Exactionibus, Honoribus, & Beneficiis tam in personis Liberæ conditionis vel servilis, quam utriusque sexus Judæis, Monetis, Theloneis & aliis quibus cumque ibidem ad Imperium pertinentibus quocumque etiam vocabulo possent nominari, tenere debent & poterunt titulo Pignoris seu Hypothecæ pro prætaxatis summis quæ simul faciunt L. Millia Marcarum puri argenti ponderis prænominati, rite & Legitime & efficaciter obligata. Volumus etiam & arbitramur quod idem Archiepiscopus sui successores & Ecclesia Levare, recipere, & suis visibus applicare possint Theolonium in Boppardia hætenus & usque in hodiernum diem recipi consuetum de qualibet currata vini & sic proportionaliter de aliis memmermoniis seu Rebus per alveum Reni transeuntibus juxta taxationem hucusque habitam & consuetam, & quod possint illud Theolonium ibidem vel alibi super Reni alveum ubi ipsis magis placuerit recipere & levare: præterea eidem Archiepiscopo suis successoribus.

& Eccle-

& Ecclesiæ in augmentationem Feodorum suorum quæ a nobis & sacro Imperio tenere dinoscitur, concessimus omnes Fructus, Redditus & proventus, omniaque emolumenta Univerſasque utilitates de dictis pignoribus seu eorum pertinentiis quibus cumque perceptas & percipiendas easque pacifice absque aliqua defacatione habeant teneant percipiant, ut nobis & Sacro Romano Imperio valeant processu temporis uberius, fructuosius & efficacius Augmento dictorum Feodorum accedente taliter deservire; præfata etiam pignora per nos seu nostros antecessores nostros ut præmittitur obligata, non poterunt nec debebunt per nos vel nostros successores Romanos Imperatores Reges seu alios quolibet actione vel causa quacumque particulariter redimi vel divisim, vel à possessione & potestate Liberari dictæ Ecclesiæ, seu in ejus præjudicium quoquo modo eripi, auferri, vel detineri, nisi prius prædicto Archiepiscopo, successoribus suis & Ecclesiæ fuerit & sit de præfata Quinquaginta millium marcarum argenti puri ponderis superius expressati summa plenarie Integraliter & realiter satisfactum & ut hæc singula & omnia rata firma, & inconvulsa permaneant quemadmodum sunt conscripta, nos illa & illorum quodlibet in omnibus suis clausulis punctis & articulis promittimus, spondemus, volumus Laudare, approbare, tenere & observare, ipsaque & eorum quodlibet Laudamus, approbamus, Ratificamus, & ex certâ nostra scientia de Majestatis Imperialis plenitudine confirmamus, non obstantibus quibuscumque &c.

XLVII.

Charta ejusdem Imp. qua præcipit ut in Ecclesia aquis granensi Festum S. Caroli M. solemniter quotannis celebretur.

KAROLUS Quartus &c. Si Celebris & recolendæ Memoriz Divi & Magnifici prin-
cipis Sancti KAROLI, olim Romanorum Imperatoris Augusti & Franciæ Regis Ex eodem Cod. M. S.
illustris multiplices Victoriosos Triumphos, & sæva prælia quibus Zelo divini amoris accensus adeo viriliter & Magnifice Infidelium Idololatrarum Scismaticorum, & Hæreticorum depravatas cervices edomuit, digna æstimatione perpenditis; si Labores innumeros, Grandiaque Pericula quibus personam suam pro defensione Orthodoxæ Fidei semper exposuit, ea qua congruit diligentia, in mentem revocetis, si ad illas famosas structuras Cathedralium Ecclesiarum ac Monasteriorum quas, & quæ, in Locis pluribus tam Sacti Romani Imperii quam Regni Franciæ, ejus erexit devotio, Interioris Hominis perspicaces Oculos applicetis, profecto omnium dubietate remota in tam flagranti ardore corda vestra igne divino caleſcent, ut fiat in Ecclesia vestra, quam Fundavit, & fundatum dotavit Redditibus, ejus Cultus celebrior quam multis temporibus præteritis: quapropter Devoti Dilecti cum idem princeps Magnus præclaræ Vitæ suæ Primordia Clarioribus Instruxerit mediis & Charissimum finem Beatissimis studiis terminavit, ut digna provisione sedis Apostolicæ, evidenti sanctitatis Testimonio inter Beatorum meruerit Beata Collegia numerari, quatenus contemplatione Dei, & ob spem Retributionis æternæ, & ob Reventiam tanti vestri Patroni, Festivitatem ejus recurrentem tempore annis singulis velitis & debeatis ammodo cum omni Reverentia & devotione celebrare, nam præter meritum Retributionis quod ab inde proculdubio consequimini, Univerſis Regibus & principibus Mundi ex eo piæ devotionis ardor augebitur, ut debeant similiter ad Pacem, profectum, & Incrementa felicia Ecclesiarum Sactarum intendere, & Prælatos ac Membra, omnesque Conministros in divinæ dispensationis Officio propensioribus studiis reſovere pergere &c.

XLVIII.

*Ejusdem Imperatoris Charta altera, qua requirit ut
de Reliquiis S. Caroli M. particula quedam transmittantur
Carolo V. Franciæ Regi, in donum*

KAROLUS Quartus &c. Fideles, dilecti. Si Legitis studiose Annales & Historias, si gestorum veterum delectamini gratum habere Recordium, profecto ad Recordandæ memoriæ Divi ac Beati KAROLI Romanorum Imperatoris Augusti extollenda præconia iusta ratione tenemini, ut etiam super mel & favum dulcescat vestris Laudum præconiis ipsius memoria: ipse namque Mansuetudinis innatæ Beneficio a se coeptam radicatus Aquensem Rempublicam, Mansuetudinis munivit præfidiis & temporalibus extulit divitiis & Honore, ipse Romanæ Regiæ Sedis apicem Aquis Locare disposuit, ut inde Regnatium successorum sumantur Imperia ubi tanti principis deliberata provisiō sanctissima eorum posuit Fundamenta.

Cum igitur Serenissimus Princeps KAROLUS Franciæ Rex Nepos noster Karissimus ad Honorem tam Excellentis vestri Patroni & Domini, & sub ipsius Gloriosis Titulis honorabilem quandam Ecclesiam in Loco Insigni Regni sui Franciæ, Magnificis jam Structuris erexit, ipsamque Prædiis, Redditibus, & divitiis augere magno devotionis ardore continuat, Fidelitatem vestram affectuose requirimus & Hortamur quatinus contemplatione nostri qui de vestræ Fidei & Amoris Constantia crebra præsumptione confidimus, ut habito Respectu ad Flagrantis devotionis Insignia præfati Karissimi nostri Nepotis, & ut Venerabile Nomen Beati Karoli in consinibus Regnorum fametur diffusius, sibi aliquam partem Reliquiarum ejus erogare velitis, ut videlicet danda sibi particula adeo Largitatem animi vestri Testetur quod & Vestri affectus erga Majestatem nostram experiamur dulcedinem & præfatus Karissimus Nepos noster Interpositione nostri, quam facimus; ad Uberiores gratiarum actiones nobis, cognita animi qualitate, obligetur &c.

XLIX.

*Ejusdem Imperatoris Confirmatio Testamenti seu Ordinationis a Joanne Marchione Moraviæ Fratre suo in Gratiam
Filiorum factæ.*

IN Nomine Sanctæ & Individuæ Trinitatis, Feliciter Amen. KAROLUS Quartus Cod. M. S. divina favente Clementia Romanorum Imperator Augustus, & Bohemiæ Rex, ad perpetuam rei memoriam. Quamvis de Universorum statu Fidelium disponendo prospere, nostræ Serenitatis f. . . . & rei publicæ profectus optatos attente nitamur, non minus tamen specialium Bonorum Majestatem nostram perurget affectio sic, ut dum omnium habemus Recordium, in oblivionem non transeant Commoda proximorum: Sanè cum Illustribus JOHANNES Marchio Moraviæ, Princeps & Germanus noster Carissimus habitam deliberationem Matura cum Baronibus, Proceribus, Nobilibus, Vassallis, Fidelibus & subditis suis, nec non cum cæteris aliis suis Fautoribus & amicis, ut provisione sua futuris obniteretur Scandalis & Materia displicentiis & Rancoribus præcluderetur, Inter Illustres JODOCUM Marchionem Moraviæ Primogenitum, JOHANNEM, qui SOBISLAUS dicitur, Secundo genitum, & PROCOPIUM tertio Genitum Filios suos Carissimos, nostros Nepotes optandam Ordinationem decreverit in bona Mentis & Corporis sui sanitate statuere, cujus tenor per omnia sequitur in hæc Verba.

JOHANNES

JOHANNES Dei Gratia Marchio Moraviæ Notum facimus &c. quod inter alias Meditationes & Curas quibus pro bono statu nostri Principatus distrahimur, illud oculis nostræ mentis occurrit Præcipuum qualiter Authore Domino in vita nostra Illustrius Filiorum nostrorum sic ordinemus sicque disponamus Negotia, ut post obitum nostrum non relinquatur eisdem Materia disceptandi nam sicut neminem mori contingit qui non vixerit, sic arbitramur utique nullum vivere qui non sit Temporum spatio Moriturus: Ideoque animo deliberato non per errorem, aut inprovidè, sed Matura Baronum Procerum ac Nobilium Marchionatus nostri, nec non plurium amicorum, Fautorum & Fidelium nostrorum Deliberatione prævia, etiam Serenissimi ac Inviçitissimi Principis ac Domini Domini KAROLI Quarti Romanorum Imperatoris semper Augusti & Bohemiæ Regis, Illustris Domini & Fratris mei Carissimi ad supplicationem nostræ petitionis justo accedente consensu, in bona mentis & Corporis valetudine Constituti Testamur, & nomine Jure & titulo veri Testamenti & voluntatis ultimæ disponimus, ordinamus, & decernimus prædictorum filiorum nostrorum statum & Ordinem servari debere prout inferius annotamus: inprimis siquidem Illustrè principem JODOCUM primogénitum nostrum postquam nos contigerit ab hac luce migrare Hæredem nostrum Uniuersalem Instituimus, & Marchionem Moraviæ relinquimus, & dimittimus, ut Titulo, honore, statu ac dignitate Marchionis Moraviæ gaudeat ipsumque Marchionatum cum omnibus Castris Munitionibus, Fortalitiis, Civitatibus, opidis, villis, Dominiis, Vasallagiis, Vasallatibus, Baronibus, Juribus, Libertatibus, Communitatibus, Hominibus, & omnibus ac simul pertinentiis quibuscumque possint appellari Nominibus, etiam si de his Jure vel consuetudine Specialis mentio in præsentibus haberi deberet, prout nos eundem Marchionatum a dicto Domino nostro tamquam Bœmiæ Rege in Feutum insigne huc usque tenuimus, habuimus & possidemus, tenemus, habemus, & possidemus, tenere, habere, & possidere debeat perpetuis temporibus affuturis &c.

Idcirco habito respectu ad rationabile propositum præfati Fratris & Germani nostri Carissimi, præsertim cum honesta desideria digne mereantur audiri & justa petentia non sit denegandus assensus: Considerato etiam quod præfatus Frater & Germanus noster Carissimus ordinem hujusmodi, Justitia & Ratione poscentibus facere rite potuerit cum in nullo penitus Legum & Jurium Sanctionibus contradicat, præcipue tamen ipse Frater Germanus noster non inprovida Levitate, sed maturo Consilio & Juris subnixus Auxilio supradictis intendit, & nostro consensu & voluntate certissima processit in præmissis, animo deliberato, sano Principum, Baronum, & Procerum Fidelium nostrorum accedente Consilio, auctoritate Regia Bohemiæ, ac de certa nostra scientia Testamentum, ultimam dispositionem, voluntatem, decretum ac omnia quæ in Ordinatione prædicta contenta sunt in omnibus suis sententiis, punctis & clausulis de verbo ad verbum prout expressantur superius approbamus & ratificamus & Jure Testamenti & ultimæ voluntatis vel saltem Jure codicellorum seu alio Jure quo melius potuerint perpetuo valeant & robur obtineant perpetuæ firmitatis nominatim & expresse volentes quod antedicto fratri nostro Carissimo relinquatur plena Libertas prædicta omnia & singula in toto Nichilandi, declinandi, immutandi & supplendi prout sibi videbitur expedire, & si in bona mentis & Corporis Sanitate existens, non decerentus, captivatus, vi, Metu aut violentia compulsus, prædicta revocaverit aut de ipsis alio modo disposuerit in vita sua, ex tunc post obitum suum in pleno Robore mancant, sub omnibus antedictis Conditionibus de verbo ad verbum prout superius expressantur: Omnem defectum qui in promissis omnibus & singulis sententiarum aut Verborum obscuritate seu dubia Interpretatione seu alio quovis modo reperiri valebit, supplet, de certa scientia ac Regia Bœmiæ Potestate non obstantibus quibuscumque Regni & Coronæ Bœmiæ Legibus, constitutionibus, statutis & observantiis publicis privatis seu municipalibus, editis observatis ac approbatis in contrarium, etiam si de his deberet in præsentibus Jure vel consuetudine de verbo ad Verbum fieri mentio specialis, quibus omnibus & singulis sic & in quantum præsentibus nostris indultis in toto vel in aliqua sui parte derogare censentur, potestate & Autoritate præfatis per omnia derogamus; Nulli ergo Hominum liceat hanc nostræ approbationis Ratificationis, Conservationis, defectum suppletionis derogationis & Inhibitionis Paginam

infringere seu ei ausu quovis temerario contraire sub poena Centum Marcarum Auri purissimi Moravici ponderis, quas ab eo qui contrafecerit toties quoties contrafactum fuerit irremissibiliter exigi volumus & ejus qui injuriam passus fuerit profectionibus & usibus applicari &c.

L.

Sigismundi Hungariæ Regis Diploma, quo Johanni Duci Gorlizensi Fratri suo Marchiam Brandeburgensem confirmat,

Ex Cod. M. S. Ann. 1392. **S**IGISMUNDUS Dei gratia Hungariæ, Dalmatiæ, Croatia; Serviciæ, Galliciæ, Germaniæ, Bulgariæque Rex, ac Marchio Brandenburgensis, Sacri Rom. Imperii Archicamerarius, Boemiæ & Luxemburgensis Hæres omnibus Christi Fidelibus tam presentibus quam futuris presentium Notitiam habentium salutem in Salutis Largitore. Ad Universorum Notitiam tam presentium quam futurorum harum serie volumus pervenire quod nos Sinceræ Caritatis fervido Zelo & Fraternali Amoris indissolubili Nodo, quibus Illustri Principi Domino JOHANNI, duci Gorlizensi Fratri nostro Uterino insigniter uniti & annexi fore perhibemur ex intimo Nifu & deliberato animo favorabiliter inducti, ipsi Domino Johanni Fratri nostro præcario annuimus, & presentium vigore effectivè concedimus, ut idem Dominus dux Johannes Marchiam Brandenburgensem trans - Oderam olim per Excellentissimum principem dominum KAROLUM Romanorum Imperatorem Beatæ Recordationis patrem nostrum sibi dumtaxat legatam, & per ipsum hucusque possessam, totaliter aut particulariter, vendi, obligandi, nec non alienandi & cum ea & in eadem juxta suæ voluntatis Libitum disponendi, meram & omnimodam plenæ potestatis habeant Facultatem. In cujus rei memoriam evidensque Testimonium præsentis, eidem concessimus litteras nostras privilegiales Sigilli nostri munimine roboratas.

Datum per Manus Reverendissimi in Christo Patris & Domini Domini JOHANNIS Archiepiscopi Ecclesiæ Strigoniensis Locique ejusdem Comitis perpetui, & Aulae nostræ & Regalis Majestatis eximii Cancellarii Dilecti nostri & Fidelis. Anno Domini MCCCXCII. III. id Novemb. Regni nostri Anno VI.

LI.

Joannis Moguntini, & Friderici Colonienfis Archiepiscoporum Epistola Encyclica ad Universum Clerum & Ordines Regni Hungariæ super Electione Jodoci Marchionis Moraviæ, in Regem Romanorum,

Ex Cod. M. S. Mo. gunt. An. 1410. **C**UM Sincera Charitate gratam complacendi Voluntatem Reverendi Patres, Nobis les Domini Venerabilesque Amici Carissimi. Ut omnium Gestorum Materia in hac Franckfurdenſi Dyæta pro Regis Romanorum Electione disposita, brevi descriptione Notetur Vestris dilectionibus innotescat, quod congregatis Nobis duobus, una cum Reverendo patre Domino WERNHERO Archiepiscopo Trevirensi & illustri principe Domino LUDOVICO Juniore Comite Palatino Rheni & Bavarici Ducis, Sacri Imperii Electoribus: in Loco prædicto ex parte Serenissimi Principis & Domini Domini Sigismundi Regis Ungariæ Domini nostri Gratiosi & Specialiter per dilecti comparens Illustris Dominus FRIDERICUS Burggravius Nurenbergensis Consanguineus & amicus noster carissimus, nobis Sub certis credentiis Significare curavit primo bonam, piam, & Sanctam Intentionem Domini nostri Regis Supradicti, quod videlicet præ omnibus haberet in mandatis acceptandi & taliter faciendi ut non solum in Ecclesia Sancta DEI sed & in sacro Romano Imperio Bipartita

diviso.

divisio, in totius Reipublicæ salutem ad pristinam redigi possit unitatem; pro cuius assecutione dicti Domini Regis opem & operam obtulit, mente pura subjungens, quod licet Dominus Rex ad terminum & Locum præsentis & ad Electionem Romanorum Regis celebrandam vocatus non fuisset, ipse tamen tanquam verus Hæres Marchionatus Brandenburgensis, Princeps Elector, & Marchio, propriæ Fidei virtute motus qua sacro obligatur Imperio Secundum tenorem Bullæ Imperialis, quæ Aurea dicitur, ipsum Dominum Burggravium cum omnimoda sua potestate & præcuratorio sufficienti ad præmissa facienda decreverit destinare, qui petens se Nomine dicti Domini Regis ad Electionem admitti, asserens quoque coram Nobis in privato quod sub Singularis Spei Fiducia esset directus ad Nos ambos, subjunxit in fine, quod singula nostris voluntate & Consilio deberet ordinare.

Super quibus sibi Responsum fuerat Seriatim: primò etenim cum omnimoda simul & devota gratiarum actione tam justam, piam, & Sanctam Domini nostri Regis Intentionem non sufficimus nec hodierna die sufficimus collaudare, Benedicere, & prædicare offerentes Nos Burggravio supradicto quod parati semper essemus dispositis dietis in Locis convenientibus cum prorogatione præsentis, nullis in eo parcendo Laboribus & Expensis ad tam necessariam unitatem in populo Sancto Dei Operam adhibere diligentem: & Navit Deus quod ad hanc Unionem ad semper & pro semper nostræ voluntatis aspirabat Intentio, licet de his nec horam nec Locum tractandi apud Ceteros Dominos Coelectores nostros potuerimus invenire: de Jure vero Electionis per dictum Burggravium allegato, Respondimus in effectu quod de eo non scivissemus nec sciremus, imo Nos JOHANNES Archiepiscopus Moguntinus non Dominum Regem prædictum, sed Illustrissimus Principem nunc Regem Romanorum Dominum JODOCUM, tamquam Marchionem Brandenburgensem a Longis Temporibus Regia Romana auctoritate de hujusmodi Jure solemniter Investitum, & in Corporalem ipsius possessionem missum, de præsentis vocavimus, prout & pridem factum fuisse meminimus temporibus retroactis; adjecimus tamen quod discussio Negotio, si quid Juris sua Serenitas tenere debet, suæ Majestati cordialiter faveremus: subjunximus quoque quod si qui super nominatione specifica simul & clara Domini nostri Regis sibi fecissent mentionem, quod hujusmodi absque nostri Notitia, in Veritate, quæ Deus est, forent ordinata; in fine conclusimus quod in Singulis parati essemus sibi nostra communicare Consilia, & in his quæ cum Deo & bono statu Reipublicæ, suæ possemus complacere Majestati.

Et Vero, Reverendi Patres, Nobiles Domini & Venerabiles amici Carissimi, quamquam in Sincera Favorem Unionis Imperii & ea mediante, totius Ecclesiæ, semper secreta nostra fuisset Intentio, de illa Inclitissima Domo Bohemiæ aliquem in Unicum & indubitatum Regem creare Romanorum, & ob hoc Illustrissimi Principis Domini nostri Regis Bohemiæ, Illustrium ducis Saxonie & prædicti Marchionis nunc illustrissimi Regis Romanorum Scripturis ammoniti quibus occasione Stragis & obsidionis Sarracenorum in Terris Fidelium Prutenorum Legitima suæ præsentis Impedimenta protulerant, ad aliam quoque Diatam futuram, Omnibus postergatis venire, aut saltem procuratores eum mandato sufficienti promiserant, hanc præsentem Diatam in aliam affuturam, ex toto Corde, Labore quoque Serioso, Studuerimus prorogare ut omnibus nobis congregatis & gratia Spiritus Septiformis Unitis, matura simul & morosa deliberatione Omnia discidia ad pacem ordinare, quæ acceleratio præfesta Fronte præcipiti ad deteriora perducere bene posset Antedictus Dominus Burggravius Nurenbergensis absque nostris Consilio & voluntate, Imo contra suadentibus & contradicentibus expresse, una cum dictis Domino Wernhero Archiepiscopo & Domino Duce Ludewico Domini nostri Papæ inobedientibus, nec in eo Gratiam & Communionem Apostolicæ sedis habentibus XX. Die Mensis Septembris retrò Ecclesiam S. Bartholomæi præcipitanter & ex abrupto, nulla penitus debita & consueta solemnitate Servata, ad prædictam Nostri & Vestri Domini Regis Ungariæ Electionem (ut cum Reverentia loquamur, de Jure nullam, nequaquam in eo Domino nostro Regi derogando) de facto processerunt, ipsum quoque Populo ad tale Spectaculum congregato, licet paucis, in Regem prenuntiantes Romanorum, quæ

quidem Electio qualis sit & quanta, ex Eligentium paucitate simul & inhabilitate & variis aliis causis, considerare poterit prudens Homo.

Quia vero Nos consultius maturiusve procedere Satagentes vera Relatione dicimus præfatos Illustrissimos Principes & Dominos Nostros Dominum Jodocum nunc Romanorum, Dominum Wenceslaum Bohemæ Reges, & Illustræm Domium Rudolphum ducem Saxonie Principes Catholicos & ad Eligendum idoneos suos habere procuratores in via ad hunc Locum Electionis causa veniendi; Nosque consulte suaserimus dicto Burggravio diutius remanere, & Canonicam & Catholicam nostram & aliorum Electorum Principum Electionem expectare: id circo post hæc advenientibus Venerabilibus dictorum Regum & Principum Catholicorum, Gratiâ & Communionem apostolicæ sedis habentium procuratoribus & Nuntiis, Mandato sufficienti suffultis, ad Laudem & Gloriam Omnipotentis Dei, Sanctæ Genitricis Mariæ, totiusque Curie Cœlestis, nec non in Decus, Honorem, utilitatem & Commodum Sanctæ Matris Ecclesiæ Sacri Imperii, omnium Christi Fidelium & totius Reipublicæ salutem, post plures Tractatus præhabitos, hodierno Die qua Videlicet Spiritus Sanctus in Filios adoptionis se infudit, post decantationem Missæ solemnis in Choro Ecclesiæ S. Bartholomæi Secundum Ritus hactenus conservatum, ad Electionem Romanorum Regis processimus, Omnesque Nos Principes Electores per quinque Voces & Vota Nos concorditer consentientes, in unum convenientes Serenissimum & Gloriosissimum Principem & Dominum Jodocum tunc Marchionem Brandenburgensem & Moraviæ, assentientibus procuratoribus ejusdem, & procuratorio Nomine in se recipientibus Electionem eandem coram Procerum, Nobilium, Magnatum, Prælatorum & populi multitudine Copiosa in verum, unicum, & indubitatum Regem pronuntiavimus Romanorum, pro Constanti tenentes, quod hæc Electio Canonica, justa, simul & Sancta Domino nostro & Vestro Regi Ungariæ tamquam in Favorem sui Regii nominis & Sanguinis facta, placere debeat & in omnibus fore grata: Vestras quoque Dilectiones Cordialius exhortantes quatenus prædictum Dominum Regem Ungariæ Dominum nostrum & Vestrum informare velitis ut refutato Negotio quod tam indiscrete simul & præcipitanter inobedientium præsumpsit ausus, nostrumque Electum & Electionem sua Gratia habere dignetur recommissas, ipsi Electo nostro in consummatione tantæ rei, videlicet Reformationis Totius Orthodoxæ Fidei & Ecclesiæ Catholicæ, simul & Universalis status Imperii, nedum magnifice sed & Viriliter & potenter assistendo in quo quidem ipse Dominus noster Rex una vobiscum apud omnium Retributorem Gloriam nedum in terris sed & feliciter obtinebit in Excelsis.

Datum in opido FRANCKFURD prima Die Mensis Octobris ANNO MCCCCX.

JOANNES Moguntinensis }
FRIDERICUS Colonienfis. } ARCHIEPISCOPI Sas. Rom. Imperii Electores

LII.

Anonymi Refutatio Contentorum in præcedenti Epistola.

Ex eodem
Cod. M. S.
circa Ann.
1410. **V**enerabiles Domini & Amici Carissimi. Vidi quandam Copiam Unius Missivæ per Dominos Moguntinensem & Coloniensem Archiepiscopos, Dominis Consiliariis Inviçissimi Principis Domini Romanorum & Ungariæ Regis circa Materiam Gestorum in Dixta Franckfurdenfi, quæ fuit in Mense Septembri præterito, destinata, & quia contenta inibi, statum dicti Domini Regis, ejus Sanctam, justam, & omni exceptione Majorem Electionem in Regem Romanorum, futurum Cæsarem, Deo Auspice, promovendum, & Personas eundem Eligentium fugillare, fucatis quibusdam collaribus moliuntur, Licet vos & alios credam Factum, ut se habuit, fideliter enarrasse

enarrasse; tamen quia vobiscum Interfui & singula quoad Merita causæ ibidem gesta vidi & audiui, id circo in simplicitate Veritatis Amica dictæ Electionis modum & ordinem, quantum ad Rem pertinere videtur, & Ego Memorix commendavi, duxi præsentibus explicandum.

Inter medias narrationes, Jacula, quæ dicti domini Regis & Dominorum nostrorum cum eligentium in hac parte iustitiam vulnerare nitebantur, pro mei talis qualis Intellectus modulo, Legitimo tramite depulsurus, est maximopere vnum, quod cum dictus Dominus Moguntinus Principes Electores, spreto tamen contra Fas dicto Domino Rege, vero Marchione Brandenburgensi, Principe Electore, ad Festum Sancti Egidii præteritum pro Electione Romanorum Regis celebranda per diversi tenoris Litteras, (Imperialibus constitutionibus super huiusmodi editis, tam in termini constitutione quam in residuo Litterarum quæ unius certi inimitabilis tenoris esse debuerant, minime observatis, imo cautelose alteratis, substantialibusque obmissis prout patentibus ejus Litteris edocetur) ad prædictum Franckfurdense opidum convocavit, domini nostri Archiepiscopus Trevirensis & Comes Palatinus Rheni, huiusmodi Multiplicem Moguntini Negligentiam, propter quam a Jure suæ vocis, de Rigore Constitutionum prædictarum in Bulla Aurea contentarum, ceciderat, pro hac vice, Pacis intuitu pie dissimulantes non tamen renuntiantes, una cum dictis Moguntino & Colonienſi Archiepiscopis comparuerunt in loco & termino prælibatis; nec per Dominos nostros stetit quominus in Exordio Negotij Missa de sancto spiritu in Ecclesia sancti Bartholomæi celebraretur, & Juramentum solitum præstaretur, sed Dominus Moguntinus, Loci ordinarius, hoc, ut post apparuit, disposuerat prætermitti: post paucos vero dies Dominus Fridericus Burggravius Nurenbergensis pro parte dicti Domini Regis tamquam Marchionis Brandenburgensis Principis Electoris, ne adhuc Integra supervenit, petens se admitti, & publice offerens nomine dicti Domini Regis, cujus plena ad hoc erat potestate munitus, sancta iusta & plurima laude digna) uti etiam dicti Domini Moguntinus & Colonienſis Archiepiscopi Suis Litteris consententur (de his autem, quæ ipsi scribunt, eum in privato coram eis affuisse, credendum est Dominum Burggravium in his & aliis ibidem gestis legaliter habuisse; quem etiam dicti Domini nostri, nomine Domini Regis tamquam Principis Electoris, qui & alias, quidquid alii scribant, ut talis fuit ad Imperii Tractatus per quatuor tunc Electores evocatus & sic in possessione Electoris fuerat defendendus, maxime cum constaret eum fore Hæredem Marchionatus Brandenburgensis, nec aliquis oppositor compareret, aut quisquam de Jure alterius fidem faceret, ut decuit, admiserunt: nam posito quod alter quicumque Marchionatum prædictum in totum, vel in parte Magna aut modica, Jure pignoris detentaret, quoad Electionem tamen vel præsentationem faciendam dictus Dominus Rex tamquam verus Dominus & Hæres ipsius, Censetur Legitime possidere.

Sed quid alii Archiepiscopi Domino Burggravio prædicto super per eum petitis & oblati responderint, an sicut ipsi quoniam ad unionem suam aspirabat Intentio eliciat prudentia sapientis: satis tamen de eo mirandum est quod scribunt, si qui super nominatione specifica, Domini Regis sibi fecissent mentionem hoc absque eorum notitia processisse, cum nonnulli Magnates de potentioribus apud eos, de hoc fuerint, & sint coram ipsis nominatim evidenter & publice inculpati, nec per eos appareant de tanta fictione aliquatenus redarguti, imo hodie sua secretissima expediunt per eos: Quidquid autem alii scribant, Domini nostri nec horam nec Locum unquam refutaverunt unanimis Electionis, quinimo eosdem Dominos Moguntinum & Colonienſem Archiepiscopos per se & per suos pluries requisiverunt, ut Electioni operam darent, pro quo venerant, celebrandæ; & quamvis inter Mutuos Tractatus hinc inde habitos, Dicti Domini Moguntinus & Colonienſis Archiepiscopi per diversas simulationes, nunc se recedere, sarcinis Navigio deputatis, nunc vero se dictum Dominum Regem eligere velle fingentes prætenderent tandem Rem differre ac in alium terminum prorogare, non tamen visum est Dominis nostris memoratis, statutis Imperialibus & aliis Juribus in Electionis simili materia promulgatis, consonum propter quæcum-

que Impedimenta allegata Negotium prorogare, & alium terminum statuere ad provisionem Imperii quod non sine gravi Jactura diutius vacaverat, imminentem, seu quemvis Electorum, post terminum peremptorium Juris & Hominis Lapsum, absentium nec per procuratores ut commodissime potuerunt comparentium expectare, quin imo pœnas in dictis statutis comprehensas, præsentis Electores si hoc fecissent, rationabiliter incidissent, præsertim cum id quod pro Impedimento absentium allegabatur dolenda videbatur strages & Christiani Sanguinis Effusio in Prussia, potius augeret quam minueret causam accelerandæ provisioni capitis temporalis; nec est aut fuit Electorum vacantem Imperio, sic nec Cardinalium vacante Romana Ecclesia, quicquam de statutis super Electionibus hujusmodi editis immutare.

Denique omnis Dies imo quælibet Hora Diei quo vel qua major pars Electorum præsentium post lapsum terminum Juris & Hominis concordaret, & ad Electionem procedere vellet non comparentibus Electoribus per se aut per procuratores, de Jure peremptorius Terminus est censendus, adeo quod post talem Electionem publicatam à quantumcumque paucis factam, quicumque aut quanticumque comparentes, etiam si venirent die tertia, nihil agunt, sicut in Electione Papali X. dies ab obitu Papæ numerandi pro expectandis Cardinalibus absentibus sunt statuti, sic in Regali tres menses post Nuntiationem secundum formam Bullæ aureæ, faciendam omnibus Electoribus tribuuntur, quibus lapsis Electores per se aut procuratores in Loco debito comparentes, non tenentur aliquem Electorum abiensium expectare, nec ad Electionem Regis Romanorum Major pars omnium Electorum, sicut nec in Electione Papæ duæ partes omnium Cardinalium requiruntur, sed sufficit Major pars per se aut procuratores re integra, hoc est antequam præsentis eligerint, comparentium, quibus, solis vox in Electione hujusmodi pro tunc competit adhibenda, sicut solis Cardinalibus per se comparentibus competit in Papali: Imo si ex septem Electoribus Imperii soli tres per se aut per procuratores crastino Terminum Juris & hominis comparuissent, duobus ex illis concordantibus & eligentibus perfecta fuisset Electio celebrata adeo quod nec omnes nec Major pars eum post hoc de Jure eligere potuissent; unde posito quod Domini Regis supradicti vox, aliqua prætenfa ratione non deberet prout tamen de jure debuit computari; nihilominus consideratis Domini Archiepiscopi Moguntini Negligentia, & aliis per eum gestis supra & infra scriptis, pœnisque desuper constitutis, præfatus Dominus Rex a duobus Dominis nostris solis, veluta Majori parte trium notorum præsentium Electus Legitime conferetur: præceps autem vel abrupta non potest dici Electio quæ quamvis, ut præmittitur, quarta vel quinta die post terminum fieri potuisse usque ab diem Vigesimum fuit protelata.


De sollemnitate vero Missæ sancti spiritus in Ecclesia sancti Bartholomæi non adhibita, dictus Dominus Archiepiscopus Moguntinus fuit & est merito Inculpandus: nam Domini nostri, ipso & Domino Colonienfi Archiepiscopo per se ipsos & demum per Notabiles Consiliarios suos in magno Numero pluries solemmniter ac etiam fraterne & amicabilem requisitis ut Electionem præmissam inchoandam & alia oportuna cum eis procedere dignarentur, cum disposuissent Præbiteros Clericos & Cantores pro Missa hujusmodi celebranda, exacta diligentia facta, non potuerunt, nisi violentiam quam non decuit, fecissent, Ecclesiam Ingredi ullo modo, dicto Domino Moguntino Archiepiscopo prohibente & contra Canonicas sanctiones Ecclesiasticum Interdictum absque omni causa per totum Opidum Frankfurd observandum strictissime promulgante, cui tamquam Loci ordinario licet Domini nostri detulerunt in hac parte, noluerunt tamen sicut nec debuerunt Electionem obmittere faciendam, alioqui in solius Moguntini Archiepiscopi arbitrio Romani Regis Electio dependeret: nam si omnes Electores præsentis forent & sex concordarent de Electione facienda, solus ipse Ecclesiam claudendo vel Locum Interdicendo Negotium prohibito impediret, quod absit a sanæ mentis hominibus Opinari, quin potius suo tempore non impune transeat temeritas prælibata & provideatur contra similem in futurum.


Procefferunt itaque Domini nostri una cum Domino Burggravio quo supra nomine ad Cimiterium Ecclesiæ memoratæ & ibidem retro Chorum ipsius Ecclesiæ circa altare Majus in Loco, æstibus publicis satis apto spiritus sancti gratia primitus invocata, exhibito, examinato, & publice Lecto procuratorio Domini Burggravii supradicti, & præstito corporaliter per ipsos tres debito juramento, ad laudem & Gloriam summæ Trinitatis sanctissimæ Dei Matris Mariæ, Omniumque spirituum Beatorum, sanctæ Romanæ Ecclesiæ Exaltationem, Catholicæ Fidei provisionem & optimam restitutionem Imperii, pacem quoque & tranquillitatem universi, dictum Dominum nostrum tunc Ungariæ nunc & Romanorum Regem, ad hoc præ cæteris Orbis Principibus ex omni parte idoneum, in totius mundi Dominum duxerunt publice eligendum, quam quidem Electionem dictus Dominus Burggravius Nomine præfati Domini nostri Regis & De mandato ejusdem speciali, lectis desuper Litteris suæ Majestatis in Christi Nomine acceptavit fueruntque mox Magnatibus, Nobilibus, Civibus & Numero ibidem Populo congregato hujusmodi Electio ejusque acceptatio cum omnibus circa prædicta tunc gestis & tractatis exposita manifeste; quibus peractis cum Domini nostri prædicti Jam functi essent suo officio pro hac vice, provisione videlicet vacantis Imperii totaliter & indubie quantum ad Electores pertinet jam completa, non videbatur Dominis nostris aut dicto Domino Burggravio ulterius expectandum, unde ad id quod de quadam inhabilitate scribentes alii calumniantur, est taliter respondendum: quod cum præfati Domini nostri sint parati & semper fuerint de veritate Facti & justitiæ meritis in causa Romanæ Ecclesiæ informari, nec aliquæ contra eos Censuræ aut sententiæ emanarunt, & si forsan generales cujuscumque sententiæ prætenderent incidisse, licet falso, nulla tamen declaratio aut denuntiatio specifica fuit subsecuta, & ob hoc Domini nostri non sint nec fuerint ab Exercitio suorum jurium præsertim mere temporalium repellendi cum Insuper adhuc pendeat terminus infra quem, si Domini nostri ad alteram partem declinaverint, sint & fuerint ante dictam Electionem, ex tunc prout ex nunc, & ex nunc prout ex tunc, a prætensis, si quæ incidissent sententiis plenarie absoluti nec ante Lapsum illius termini dici possint quibuscumque prætensis sententiis innodati, nec sunt inhabiles, aut gratiam vel communionem Sedis Apostolicæ non habentes, neque pro talibus, quacumque prætensa occasione, scribendi tenendi aut aliquatenus reputandi: & quia non relatione Criminum sed Innocentia Reus purgatur, nec in Electione Regali, sicut nec in Papali tales Exceptiones sunt ullatenus admittendæ, ideo forsan nonnulla quæ ex adverso Domini nostri Obiicere possent hucusque propter melius obmiserunt maxime quia nec objurgationibus delectantur, nec talia Principum litteris decere reputant Inferenda.


Ex his Igitur Facti qualitate & Constitutionibus aureæ Bullæ aliisque juribus Canonicis & Civilibus, ad hanc materiam facientibus, ponderatis, satis Luculenter apparet Electionem præfati Domini Regis, ut præmittitur, Legitimam, sanctam, iustam, perfectam, & proinde habendam ac si ab omnibus sacri Imperii Electoribus fuisset unanimiter celebrata; ipsumque Dominum nostrum verum & Indubitatum Romanorum Regem fore in Cæsarem promovendum; prætensam quoque Electionem de Illustre Principe Domino Jodoco Marchione Moraviæ, viro utique Magnifico, prudente Grandævo, Industrio & Experto (cujus veneranda senectus de jure a publicis Muneribus excusatur, etiam si ab omnibus indubitatis Electoribus post primam Electionem fuisset celebrata, maxime cum Notabile fuerit Intervallum, quæ tamen a duobus Electoribus quorum unus voce caruit, ut præmittitur, & quibusdam prætensis procuratoribus satis modice conditionis Hominibus de quorum Mandato publice non constabat, & hodie dubitatur, fuit agitata, quorum etiam procuratores constituentium unus non creditur

Electo, (salvo illaeso alias ejus statu) de facto temerarie attemptatam, nullam,

Invalidam, irritam & Inanem: Quæ omnia, non ambigo, exactas circumspeditiones vestras lympidius intueri, ac ubi, coram quibus, quando, & in quantum expedire noscitis divulgare.







SPECIAL 86-B
FOLIO 19110
V.2

GETTY CENTER LIBRARY

